



6

40-f

34

6

27

H

34


6-40. 7. 34





S. ISIDORI
PELVSIOTAE
EPISTOLAE
LATINE NVNC PRIMVM
EDITAE.

Interprete Andrea Schotto.



ROMÆ, Ex Typographia Francisci Corbelletti.
MDCXXIX.

SVPERIORVM PERMISSV.

Imprimatur, si videbitur Reuerendissimo P. Mag. Sacri Pala-
tij Apostolici.

A. Episc. Bellicastren. Vicefg.

EX commissione Reuerendiss. P. Mag. Sacri Palatij Apost.
epistolas S. Isidori Pelusiotaë à R. P. Andrea Schotto
S. I. Theologo latinè conuertas diligenter legi & expendi;
quibus nihil contra Catholicæ Ecclesiæ fidem ac dogmata &
morum honestatem contineri manu mea testor: & magno
cum bono rei Christianæ easdem in publicum edi posse cen-
sco.

Lucas Holstenius manu propria.

Imprimatur.

Fr. Hyacinthus Lupus Magister, & Reuerendiss. P. F. Nicolai
Riccardij Sacri Pal. Apost. Magistri Socius, Ord. Præd.

ILLVSTRISSIMO
ET
REVERENDISSIMO
D. D.

FRANCISCO
BARBERINO
S. R. E. CARDINALI
BIBLIOTHECARIO.



Dauid Haex.

ACCIPE quale hoc muneris est,
Illustrissime Princeps, non
tantum iure tibi debitum, sed
plane tuum; fructus quippe
arborum tui soli. Egressæ fue-
rant Bibliotheca Vaticana epistolæ S. Isi-
dori Pelusiotæ: par fuit. ut reuerterentur,
sed cum aliquo peregrinationis suæ com-
pendio: exierant Græcè ut sunt ab aucto-

re conscriptæ ; alterum nunc idioma didi-
cerunt, atque etiam latinè loquuntur. Do-
ctore usæ sunt Andrea Schotto Societatis
Iesu presbytero, auunculo meo : qui lucu-
lento se laboris sui præmium accipere
arbitratus est hoc ipso quod essent tuæ ; ti-
bi se iampridem dicauerat, addixeratque.
Misit igitur eas ad me, ut doctorum viro-
rum iudicio examinatæ, limaquæ si opus
haberent expolitæ tibi offerrentur. Verum
dum accuratè expenduntur, dum prælum
instruitur, Andreas meliorem ad vitam
euocatus decessit. Supersum non tantum
hæres illius in te obseruantia, sed meo
etiam nomine obstrictus tibi, non ut unus
inter cæteros mortales (cùm quicquid ubi-
que sit hominum debeat virtuti tuæ) sed
peculiari tua in me humanitate ac benefi-
cio. Et reuera epistolæ dirigendis Chri-
stianorum moribus composita non alteri
dicari debuerunt quàm tibi, cuius mores
subditi intuentur, admirantur, & utinam
imitarentur ! Vale . . .

Errata sic Corrige .

Pag. 19. uesado. ne fando. 26. immanitati. immanitate. 29. sermones.
 ne sermones. 30. virtutē. virtute. 32. custodiēdas. custodiēdos. 45
 superuacaneis. superuacaneos. 74. Philertrio. Philetrio. 76. si. sic.
 86. *Ανεπίχαρος*. *Ανεπίγχαρος*. 94. iniuriā. incuriam. 102. chala-
 mis. thalamis. 113. itaque. itaque. 128. virtuti. virtute. 134. are-
 nis. armis. 138. facultatem. facultatum. 142. distincta. disiuncta.
 144. Alypso. Alypio. 145. at. ac. 147. noluisti. voluisti. magis impa-
 ribilia. *adde* sed & tenuissimis magis imparibilia. 192. corcere.
 coercere. 199. iniuriam. incuriā. 201. Vrano. Vranio. 202. eorū.
 earū. 221. inde. indendo). 227. hac. hæc. Eutomio. Eutonio. 228.
 hic. sic. 229. mihi pænarum. metu pœnarum. 230. illo. illi. eum.
 enim. conuiuere. conuiuere. subditi *adde* & subditi. 232. ea
 certe *adde* in ea certè. 234. proximum. proprium. 236. ipsamq;
adde in ipsamq; 237. commissorum rationem. commissorum
 reparationem. 238. peccarint. peccarunt. 240. & vt. ei vt. 244.
 dilectissime. disertissime. 247. pœnam *adde* si peccemus pœnam.
 252. incesso ipsa. incesso ipso. 256. Illiberabilis. Illiberalis. 260.
 Gemadio. Genadio. 264. culpabilis est. culpabilis erit. 275. hoc
 verè. hoc verò. 276. infamia accusare. infamiam accusare. 279.
 adepta. adiuta. nostra est iniuria. nostra est incuria. 280. necesse
 non. necesse nos. 281. lactent. lactant. 286. ex hoc loco. ea hoc
 loco. 288. vsque. iisque. 289. etiam mansueri. *adde* euincas
 etiam mansueri. obsint. obsunt. 291. illegitimos censentur. ille-
 gitimos censetur. 295. liberauit. laborauit. 309. simulatis. simu-
 letis. 311. comitaris. connitaris. 317. sumat. *adde* sumat, & se.
 319. sequens. sequeris. 322. præsint. prosint. 325. computare. iam
 putare. 332. immutet. inuitet. 342. potuerint. potuerit. 346.
 Grammaticè. Grammaticem. putat. putas. tabellas. tabulas.
 facimus. faciunt. 349. infamis. insanus. sincera. *adde* & sincera.
 ante. aut. 351. respicere. *adde* ne respicere. 352. iudicata. *adde*
 ea iudicata. 357. vnde. nudè. 361. nuper. *adde* quæ nuper. 362.
 quam quæ. ferret. feret. 368. pusillus. pupillus. 371. calores. la-
 bores. 372. relapsus. delapsus. 377. auxilio *adde* enim auxilio.
 386. improbitatem. *adde* ob improbitatem. 389. peritum. impe-
 ritum. 391. impetrandi. imperandi. 402. propositio. proportio.

411. detestandi. detestanda. 412. debacchanæ. debacchando.
415. assequi. *addē* aut assequi. obesse. *addē* hoc obesse.

In margine.

Pag. 32. Ep. 413. non ad Ep. 44. sed ad 45. spectat.

34. Heb. 11. 29. Heb. 11. 28.

90. Philip. 1. 29. refer ad paulo superius posita. 131. Exod. 28. 8. Exod.
28. 8. 166. conf. ep. 165. cont. ep. 45. 169. Gen. 19. Exod. 14. 191.
conf. ep. 127. conf. ep. 127. 201. Deuter. 52. Deut. 32. 208. Iob. 4. 4.
Iob. 2. 4. 364. conf. 440. lib. 2. ep. 437. 440. conf. ep. 2. 437. 440.

Hæc dum opus excuderetur animaduerti; siqua præterea ir-
repperint, tuo, Lector, iudicio relinquo.

INDEX RERVM.



A



ASTINENDVM à scelestà vita aut à sanctis mysterijs. Epist. 12. 562

Accusantium ora obturat qui vitam in melius commutat. 194

Adhortatio qualis esse debet. 340

Aduersa bono animo ferenda. 96. 100

Aduersitates gloriam pariunt maiorem bonis. 343

Adulari malè agentibus impium. 564

Adulatio rem Christianam affligit. 126

Adulatio fortes domat. 502

Adulterium fornicatio & omne impuritatis genus vetatur. 241

Aduentus significatur præsidis seu Episcopi. 456

Aegrotante capite totum corpus malè habet. 249

de Aequo & bono. 7

Affectibus malis vincere est vinci. 134

Afflictionibus pij obnoxij. 316

Afflictiones quomodo superandæ. 364

Age prius dehinc doce. 265

Agens malè reprehendi non vult. 524

Agricultura laudatur. 98

Ambientes dignitates Ecclesiasticas. 28

Amentia. 347

Amici non deserendi. 464

Amici quomodo parentur. 172



Amici-

Amicitia regula . 560

Amicitia fœdus sæpè silentium litterarũ diremit. 125

Amicitia vis . 143. 205

Amicitia improbi renunciat . 361

Amicitia suspecta . 536

Amoris mutui vis . 207

Anima Dei virtute munita arcis instar est inexpugnabilis . 548

Anima diuinæ essentia dicitur . 187. 191

Animi cœlestia meditantis & eius qui circa terrestria versatur discrimen . 500

Animi moderatio . 1. 328. 382. 403

Animi corporis que comparatio . 329

Animum quàm corpus excolere præstat . 461

Apostolorum successores veri . 299

Appellatio filij Dei . 28

Arrogantia fugienda . 15

Arti vni vacandum vt excellas . 380. 452

Aspectus mulierum vitandus . 65. 173. 291

Aspectus mulierum periculosus . 319

Assuescere multùm à teneris . 9. 506

Auaritiæ detestatio . 55. 67. 142. 224. 488. 512

Auaritiæ morbus beneficiæ curatur. 79. 113. 142. 181

Audacia . 385

Auro ius peruertitur . 182

Auxilio diuino potius quam humano niti decet. 259

Auxilium diuinum consequi . 26

Auxilium diuinum quomodo implorandum. 315. 327

B

BEati estis cum maledixerint vobis homines. 138

Beatitudo huius vitæ cum æterna conferri non potest . 72

Bellige-

Belligerandi & societatis bellicæ discrimen. 285. 484
 Belli ius & vindictæ. 386
 Bellum spirituale alacriter aggredi decet. 509
 Benefacere. 137
 Beneficium qui accipit libertatem vendit. 332
 Bene qui latuit bene vixit. 305
 Bona Ecclesiastica in vsu pauperū rectè dispētanda. 79
 Bonis aduersa pati laudi ducendum, malis dedecori.
 362. 363
 Boni inuidiæ obnoxij. 341. 479
 Bonorum summa. 158.
 Bonorum malorumq; dum laudantur discrimen. 449
 Bonorum temporalium amissio constanter ferenda. 566
 Breuitas vitæ vigilare iubet. 329

C

Calumnia cohibenda. 124
 à Calumnia mali cur liberi. 326
 Capientes sæpè capti. 381
 Castigatus resipiscat ne habeatur pro desperato. 150
 Caute in ratiocinando agendū ne veritas prodatur. 80
 Censura & suspectio aliena grauis. 129
 Character epistolaris. 133
 Chæрили Poetæ non mali versus de gutta lapidem
 cauante. 236
 S. Ioannis Chrysostomi laus. 32. 33
 Christus Dominus cur Iudæ non persuaferit. 20
 Christianus Athletæ exemplo incitatur. 27
 Christianorum adoptio per Christum Dominum. 197
 Cœlestia spretis caducis quærenda. 123. 310
 Cœlorum regnum inculcandum. 41. 345. 533
 Cœlorum regnū & regnū Dei quomodo differt. 345
 Glade accepta reiteranda est pugna. 167

Commercia improborum vitanda . 515
 Commendat Alethen . 457
 Commendat Harpocram . 458
 Compassio simulata . 312
 Conciones de rebus dictu dignis habendæ . 214
 Concionatoris munus . 4. 201. 265.
 Consilij acquiescendum . 257
 Consulto primum dein facto facto opus est . 171
 Continentia virtus in iuvene . 99
 Continentiæ & virginitatis discrimen . 490
 Contentum sua sorte nemo lædere potest . 70
 Constantia . 518
 Coniuuator optimus . 83
 Corporis cura qualis gerenda . 64. 461. 528
 Corpora magis quam incorporea passionibus obnoxia . 191
 Coruus avis impura . 569. sub fin.
 Cum humilibus & superbis quomodo viuendum . 251
 Cura rerum cœlestiū potior quam terrestriū . 108. 537
 Curantur aliqui citius . 556

Decipere seipsum facile . 501
 Dehortatio à vitis . 57. 92. 118. 562
 Delicta punienda blandius . 279
 Descriptio laudata . 198
 Deus facientes adiuvat . 327. 459
 Deus supra meritum suos honorat . 215. 327. 371. 459
 Deus non mutatur . 359
 Dicendi tria genera Rhetorum ex Homero . 444
 Dicendi virtutes quatuor . 145
 Dicendi genera varia . 217. 309
 Diligite inimicos . 292

Diuitiæ.

Diuitiæ . 36. 447. 450

Diuitiæ honor & prudentia humana caduca sunt. 277

Diuitiarum nulla satietas. 142. 488. 545

Docendi ratio simplex sine fastu . 263

Docentis officium. 213. 233. 263. 265. 290. 348

Doctrinæ virtus iungenda. 240

Dolor nimius stuporis & silentij causa. 391

E

Ecclēsia cur olim tantopere floruerit. 21. 126

Ecclesiæ calamitas . 272

Ecclesiæ vulnera quomodò persananda. 21. 37. 126

Ecclesiæ bona publica priuatis anteponenda . 498

Effectus res diiudicat . 354

Eleemosyna. 79. 113. 181. 210. 510

Eleemosynæ pauperibus debitæ non sunt interu-
tendæ . 183

Emendationis procrastinatio Dei iram excitat . 120

ad Emendationem vitæ exhortatoria . 260. 261

Episcopi munus graue . 6

Episcopi rationibus reddendis obnoxij . 255

Episcopis proponitur Samuelis exemplum . 300

Episcopi laus. 358 448. 466

ad Eruditionem pauci perueniunt quòd eò se perue-
nisse putent . 387

Enfebij Episcopi errata . 451. 470

Ex animo res æstimandæ . 82

Exceptio qua iudicium declinatur facit lēis conte-
stationem . 195

Exempli vis in vtramque partem . 4

Exempla bonorum non malorum imitanda. 151

Exercitatio corporis utilis . 528

Exploratio cuiusdam animi . 156. 192. 199

F

Fama & memoria bonorum perennis . 252

Fastus vitandus . 462

Fati vis, & necessitas subuertitur . 117

Ferenda omnia æquo & moderato animo . 94. 165

Fide, sed cui vide . 525

Fidei commendatio . 101

Flagellari ob peccata . 270

Fœlicitate malorū nemo offendatur . 103. ii6. 215. 230

Fortis quis verè . 76.88

Fortitudo . 385

Fraudes improborum sapiens facile deprehendit . 519

ad Frugem bonam) inuitatio . 311. 445. 476
) reuerso gratulatio . 208

G

Gentium mores cum nostris collati . 164. 441

Gloria mundana fallax . 563

Gloriæ studiosus . 337. 338

Gloriæ contemptus . 522

Gradus proborum hominum tres . 288

Grammatici certant . 245

Gratia initur bonum pro malo rependendo . 280

Gratiæ Virgines nudæ cur pingerentur . 331

Gratiæ Deo Opt. Max. pro virili agendæ . 303

Gratia non corrūpenda alieno tempore referēdo . 542

Gutta cauat lapidem . 236

H

Hæreses aut ex ambitione aut ex pertinacia nascuntur . 239

Heli punitus cum liberis . 290

Historiæ virtus . 544

Hominiis vita instabilis . 244

Homi-

Hominis pugna . 10
Hominem iniquum admoneri suadet . 474.
Homo vel homines desperatæ malitiæ . 13. 53. 77. 102.
440. 510. 534.
Homo bulla . 162. sub init.
Honorari vis honorem fuge . 504
Honus labore paratur . 533. 546
Hostilis animus mansuetudine expugnandus . 154
Humilis laudatus erubescit . 349
Humilitatis commendatio . 339. 351
Humilitati danda est opera . 127. 339

I

Ignoscendum . 22
Imitari virtute præstantes . 109
Impetrare opem Dei . 26
Imperat rectè qui bene obediuit . 225. 455
Improbi fugiendi . 236. 397
Ingenia hominum varia . 296
Ingrati accusatio . 75
Iniuria Dei vindicanda . 227
Inscitia simplex quandoque vtilior quam arrogans
scientia . 186. sub med.
Institutio liberorum . 9. 506
Interrogatio vehementiorem reddit orationem . 375
Inuidiæ malum . 256. 559
Inuidiæ boni obnoxij . 341
Invidia gloriæ comes . 294
Inuitare ad frequentes litteras . 125
Iobi loci duo aliter ab Isidoro allati . 162. 270
Ira sedanda . 180. 189
Irrideri . 499
Iudas suam in potestate habebat sententiam . 20

Iudicium humanum corruptum . 18
Iudicium quomodo rectè administretur . 204
Iudicij futuri metus . 81. 324
Iudicij seueritas pro peccatorum qualitate . 365
Iusti, recti, æqui & honesti regula . 28. sub fin.
Iustitia colenda . 149. 228
Iustitiæ est proprium scelera punire . 432
Iustè præesse . 383
Iusti in mundo sæpè affliguntur . 282
Iustus ex bono & æquo non ex affectu iudicat . 182
Iustus quis . 377

L

Laborant periculosè qui male agentes boni videri cupiunt . 304.
Laborem quies comitatur . 427
Laboris præmium apud Deum reponitur . 103. 165
Laconismus . 121. 538
Latrones exemplo sunt in iustitia fideq; seruanda . 85
Laudare moderate oportet . 336. 438. 439
Laudatio Timothei . 388
Legatio . 543
Leges vt & pœnæ formidandæ . 250. 353
Legislatores quare pœnas statuunt . 250
Libertatis loquendi & impudentiæ discrimen . 421. 453
Libido fugienda . 247
Lingua bene vtendum . 119. 453
Litterarum silentium sæpè diremit amicitiam . 125
Locus & tempus peccatum aggrauant . 492
Longanimitas diuina . 220. 307. 320. 356. 357. 526. 549
Lucri contemptus bonaque existimatio . 390
à Ludis & spectaculis dehortatio . 185. 186. 463. 517
Luxus vitandus . 293. 306. 511

M

- M** Agistratum melius collegæ quā vnus gerunt. 40
 Maior futura illorum merces qui nihil hic bonorum accepere. 78
 Maledicere nefas. 34. 405
 Mali ab Ecclesiæ communione separandi. 426
 Mali bonos oppugnant. 433
 Mali coercendi. 435
 Manus sibi adferre violentas nefas. 287
 Martyres moriendo vincunt. 5
 Martyrum persecutio illustrata. 166
 Medicus aliorum ne ipse vlceribus scateat. 196
 Mendacij turpitudine. 318
 Mens imperet corpus pareat. 384
 Mens & lingua exornanda. 520. 553
 Mercedis æternæ distributio. 366. 371
 Metus Dei & hominum. 248
 Metus imbecilles frangit. 502
 Meticulosi sibi que malè conscij. 561
 Militia non nisi pietatis & virtutis defendendæ causa suscipienda. 14
 Mithridatis contra venena alexipharmaca. 454
 Modus omnibus in rebus optimus. 528
 Modus in cibis seruandus. 148
 Modus in loquendo & scribendo. 360
 Monentis est quam optima dicendo adferre. 219
 Morbi & mortes violētæ ex nimia humorū abūdātia. 1
 Morborum summus medicus Deus. 550
 Morbus incurabilis peccatoris. 8
 Mores corrupti. 481
 Mors sanctorum non est lugenda. 28. sub princ. 396
 Mors animæ quæ & resurrectio. 179

Mortuus

Mortuos calumniari nefas . 246. 491
Multi vocati pauci electi . 89
Mundus muliebris . 25. 100

N

Natura altera est consuetudo quapropter impro-
berum fugienda commercia . 236
Nefas cogitare mala nedum facere . 244
Nemo nisi à seipso læditur . 493
Ne quid nimis . 73. 413. 528
Nihil nimis differendum . 369
Non ex quouis ligno fit Mercurius . 334
Nosce teipsum . 111

O

Oculus animi purgandus ut bonum malumque
cognoscat . 184
Oculorum custodia . 17. 46. 65. 139. 146
Oeconomii etymon . 301
Offendere Deum summa improbitas . 472
Offensas patris in liberis vlcisci indecorum . 86
Officium commonentis . 290
Officium iudicis . 228. 313
Operibus professione sua dignum quisque se osten-
dat . 28. sub fin.
Opinio hominum contemnenda . 47. 336
Opinio quomodo evertenda hominum . 330
Opus magis quam oratio mouet . 213. 233. 508
Orandum pro improbis . 2. 101. 437. 440. 482
Ordinandi non sunt mali . 147. 436
Ordinatus temere . 426. 532
Ostentatio . 49. 169
Otium fugiendum . 51

P

- P**aradoxum quid. 434
 Parcens hosti magnanimus. 277
 Parere parenti. 352
 Pars vtrique audienda. 90
 Patientia malum superandum. 193
 Pati aduersa perutile. 254. 269. 516
 Patria nobis est omnis vbiuis terra. 157
 Paupertatis studium. 36
 Pauperes non lædendi. 513
 Peccata aliena verecundè perstringenda. 421. 453. 507
 Peccata etiam parua præscindenda. 17. 389
 Peccantes quis exitus maneat. 175
 Peccantium duo genera comparantur. 74. 135. 159
 Peccatoribus pœnitentibus Deus ignoscit. 539
 Peregrinatio quare & quibus suscipienda. 114
 Perfecti estote. 335
 Perferre iniuriam. 48
 Persecutionem pati. 56
 Perseuerantia. 557
 Persuadere non semper valet orator. 10. 441. 521.
 547. 568
 Persuadere frustra. 521
 Persuadendū potius exēplis quā verbis. 213. 233. 508
 Pestis humanæ vitæ. 387
 Philosophia præstat eloquentiæ. 258.
 Philosophari quid. 541
 Philosophiæ definitio. 558
 Phryo Rhegiensibus præfectus. 6
 Pittacus priuatus degere quam imperare malens ma-
 gistratu se abdicauit. 6
 Pœna quando irroganda. 267

Pœna huius & alterius vitæ circa venialia, & mortalia
peccata. 221

Pœnas & leges statuunt legislatores vt homines à pec-
catis arceant. Vide legislatores.

Principi præmium & pœna sunt necessaria. 168

Promissa Deique cōinationes passim coniuncta. 130

Prosperitas insperata. 59

Pudor nil discere velle. 387. 467

Puerorum informatio ad virtutem. 317

Puellæ & pupillæ dicuntur Gracè confusè 46. & παρ-
θήνη 146

a Pugna spiritali numquam cessandum. 144

Pulchritudo animi corporisque aduersis non extin-
guitur. 350

Q Vi à paruis sibi cauetis & à maximis abstine-
bit. 178

Qui bene latuit bene vixit, ignotus omnibus notus
sibi. 161

Quid tum postea. Prouerbialis locutio græcorum,
procrastinationis contemptusque vitiorum. 17

Quies vera rite ex fidei præscripto viuentibus in cœ-
lesti Hierusalem præparata est. 91

Qui quæ vult dicit, quæ non vult audit. 489

Quæstionibus iuxta Dei verbum respondendum. 376

Quisque ex se alios iudicat. 530. 531

Quorundam doctrinæ vita non conuenit. 177

R

R Econciliare. 423

à Repub. dehortatur. 152

Reipub. quis optimè præsit. 372

Religio non contemnenda propter flagitiosos. 342

Reprehensiones bonorum non iniquè ferendæ. 358

Sacer-

Sacerdoti scandala vitanda . 321

Sacerdotis Aphrodisij virtute præditi excessus
non est lugendus . 28. sub init.

Sacerdotij dignitas quare prolabatur . 21. 278

Sacerdotis dignitas vera . 378

Sacerdotum violatum & læsum reges vindicant . 268

Sacerdotio non superbiendum . 297

Sacerdotum delicta grauiora . 322. 323

Sacerdotum delictis nemo se excuset . 37

Sacerdotes ordinandi qui . 379

Sacerdotij præstantia . 268. 422

Sacerdotio indigni . 356. 357. 535

Sacerdotio indignus à sacris arcendus . 569

Sancta ne canibus Match. 7. ep. 31. 132

Sanctitas in sacerdote requiritur . 12

Sapiens improborum laqueos euitat . 289

Sapiens omnem fortunæ habitum decenter fert . 71.

394. 443. 495

Sapientia humana culta verbis sensu cassa . 281

Sat citò si fat bene . 170

Scire est rem per causas cognoscere . 430

Sequenda ea quæ ad virtutem tendunt . 460

Senes ob imminens vitæ terminum resipiscant . 231

S. Scriptura sincere proferenda . 308

S. Scriptura virtutis amorem gignit . 38

S. Scripturæ oratio humilis sed mens profunda . 281

S. Scripturæ vna veritas quamuis ad sensus varios tor-
queri possit . 293

S. Scripturæ lectio improbos non facit . 295

Si rectè viuas ne cures verba malorum . 47. 153

Simonia & beneficiorum nundinatio . 276. 393

Socordia

Socordix facillima difficilia sunt, virtuti nihil ar-
duum. 243

Sodalitas bonorum grata. 469

Spectando vt agendo peccari. 139

Spes vt sacra anchora in Deo collocanda. 50. 58. 271

Spes in propria virtute firmanda. 69

Spiritualis animalis & carnalis quis. 128

Spiritualis militia quomodo instituenda. 424

Supplicium ingens & tolerantia in hac vita non con-
currunt. 43

Superiorum graue delictum. 160. 196. 230

Superbi deprimendi. 468

T

Temperantia sanctitatis mater. 237

Temporis ratio habenda. 266

Tentationum fructus. 39. 68. 226. 270

Tentationes quomodo superentur. 314

Terra mater nostra. 146

Thesaurus in cœlis parandus. 112. 113

Togæ cedant arma. 465

Trophæa quis statuatur. 167. 554

Tyrannus quis. 395

V

Vanitas rerum humanarum. 3. 152. 271

Veritas omnibus anteferenda. 97

Veritatis laudatio. 318

Veritas quanti æstimanda. 478

Veniam non meretur, qui bis impingit. 24. 567

Vices referendæ pro acceptis beneficijs. 487

Vicissitudo rerum metuenda. 431. 495

Victor quis. 370

Vincere moriendo. 5

Vindi-

Vindicanda moderatè iniuria . 232
 Vindictæ cupiditas cæca. 143
 Vini vsus . 45. 413
 Virginitas matrimonio præstat . 218. 253
 Virtutis studium præmi) spe alitur . 480
 Virtutum vitiorumque nomina à multis confundun-
 tur . 283
 Virtus cum doctrina coniungenda . 477
 Virtus latere non potest . 169
 Virtus à Vitio non obscuratur . 16
 Virtus commendatur . 11. 30. 471
 Virtus exercenda. 28. 106. 164. 186. 223. 311. 374. 445
 476. 514. 523. 527
 Virtutem pauci sectantur . 44
 Virtutem verbis qui iactant opere verò ipso non co-
 lunt vitandi. 273
 Virtus sui merces. 63. 229. 284
 Virtute calumniæ superandæ. 294. 298. 392. 473. 515
 Virtus laudatur & alget. 44. 523. 527
 Virtutis vitiorumq; comparatio. 95. 555. 565
 Virtus præmium parit peccatum pœnam. 87. 136. 286
 325. 346. 355. 366. 367. 368
 Virtus in vtraque utilis fortuna . 529
 Virtus in mediocritate consistit . 188
 Virtuti actiuæ relictis inanibus contemplationibus
 vacandum . 202
 Virtuti potius quam orationi fucata studendum. 475
 Vita oratione magis persuadet . 213. 233. 265. 444.
 508
 Vita actiua & contemplatiua . 264
 Vitæ Christianæ necessaria oratio virtus ac fides .
 162

Vitæ huius & futuræ dissimilitudo . 302

Vitia propria prius emendanda quam aliena reprehendenda . 275

Vitia animi & naturæ distinguenda . 140

Vitia animi superanda . 19. 167. 554

Vitiorum reprehensio . 122. 429

Vitia verecunde perstringenda . 453. 507

Vmbra sunt res mortalium . 106. 107. 244

Voluntas laudanda vt vires desint . 23. 333. 483

Vt cumque vixeris calumniam ferēs . 238. 326

Vtilia non semper expediunt . 66

Z

Z Osimi sociorumque improbitas . 2. 437. 440.
482

S. ISIDORI PELVSIOTAE

EPISTOLÆ.

LATINE NVNC PRIMVM

EDITÆ.



Antiocho.

Animi moderatio optima.



X*T* in corporibus, ex nimia abundantia humorum, variae existunt intemperies, ubi enim elementa suos fines, modumque excedūt; morbi, & mortes violentae subsequuntur. Idem & animis accidit. Si enim a temperanti, moderataque vite ratione in iracundiam prolabamur, aut superbiae typho inflamur, aut seruirem, abiectionemque; animum induimus: quorum illud quidem odiosos, hoc verò ridiculos nos reddit. Vitia enim inuicem pugnantia miscendo, amentiam scilicet, & assentationem, & odium acquirimus, & risus materiam alijs præbemus. At si nimiam motuum animi vehementiam refecemus, & egre-

A

gie hu-

giè humiles, & tunc excelsi erimus. Ea enim nostra philosophandi ratio, & modestiam, & magnitudinem uni, eidemq; animo inserit. Modestiam quidem, ut praponas te nemini; magnitudinem verò, ut nulli assenteris.

Hermogeni, Lampetio, & Leontio Episcopis. 2

Vide

ep. 103

445.

Pro improbis orandum.

SI ad Zosimum, & Eustathium, & Maronem, qui neque ex sese quidquam sani sapiunt, nec ex rerum experientia proficiunt, neque aliorum consilijs acquiescunt, sed in apertum prolapsi sunt interitum, de rebus necessarijs verba facere superfluum sit, vos ipsi dispicite: nihilominus æquum fuerit preces vos ad Deum pro ijs fundere; forte eos ex barathro malitiæ sic extrahetis. Dei enim id opus esse apparet.

Paulo

3

De rerum humanarum vanitate.

Cōfer

271. et

lib. 3.

251.

SI diuitiæ, & pulchritudo, ac robur, gloria item, ac potētia, omniaq; adeò pulchra vulgò habentur citò marcescunt, et fumi in morem disparent, quis tam mentis inops, ut in harum aliquo

aliquo gloriatur, seque iactet? Cùm enim is, cui omnia hæc adjunt, ipsi spoliatur, atque exuatur, interdum etiam viuus, nedum mortuus. Quomodo is, qui simul omnia non habet (neque enim cuncta uni obuenire possunt) risum mortalibus non debeat, venditans se umbris, somniis, atque obscuris visis.

Zosimo Presbytero.

4

Concionatores exemplo plus quam verbo ædificant.

P*ersuadendum auditoribus, bone vir, ipsis operibus esse regnũ Dei, eiusque desiderium audientibus ingenerandum. Persuadentur autem, si quæ regno cælorum digna sunt docentem agere obseruent. Si verò supplicio digna, ut tu soles, committens de regno philosophetur, quæ quæso, apud auditores fidem inueniat? Idem enim facit, atque si quis rei cuiusdam amore rem adamare se auscultantibus suadeat, quam in rerum natura non esse, auditores iam antè persuasissimum habent.*

Domitio Comiti.

5

Martyres moriendo vincunt.

V*inci id est, vir sapientissime, non bello cadere, sed hostes timere, ac clypeum abij-*
A 2 cere;

cere; quem verò fortia animo meditantem corpus destituit, eū inter victores adscribi iustum est: cum & eos athletas, qui in ipso certamine occumbunt, ludorum præfecti magis prædicent, quam eos, quibus nihil damni illatū. Quæ cum ita sint, cur Martyres moriendo succumbere existimas, et non potius præconio dignos censes? Huius enim pugnae finis est, non corpus seruare, quod etiam tum, cū viuere videbatur, mortificabant ipsi, sed virtutis decus integrum, illibatumque conseruare.

Palladio

6

In Episcopatum ambientes.

1. Tim.
3. & 4.
2. Tim.
2. 15.
Tit. 1. 5.

SI neque muneris Episcopalis magnitudo, neque quod ipse nihil quidquam tanto munere dignum hætenus feceris, nec Apostolica vox Episcopi virtutem delineans, neque rigidum illud Dei tribunal, quod certam, atque infallibilem sententiam feret, nec denique aliud quid, ab hac te amentia reuocat, quæ peruerso, & à ratione omni abhorrente desiderio temet agitatur, ut dignitatem illam mercaturum te speres. Saltem externi, seu pagani hominis exemplo pudore suffundaris. Ferunt enim Pittacum accepto à Mitylenæis imperio cum Phryo-

Phryonem Rhegiensibus præfectum singulari
iam certamine viciſſet, magistratu ſe abdicaf-
ſe. Id factum cum Mitylenæi recuſarent, vi
eos compulit, quod priuatus degere quam impe-
rare mallet. Si ergo is imperium proprio pe-
riculo, & ſanguine paratum ſponte depoſuit, pe-
riculum quidem ſuſcipiēs; imperium tamen ip-
ſum, & id, quidē abſolutiſſimū, liberriſimumq;
deſugiens: tu qui ne inter ſubditos quidem, ut
aiunt, numerari dignus es, cum prouinciam nō
ſui iuris, ſed mille rationibus reddendis obno-
xiam, atque omni humana dignitate ſuperio-
rem, quam nec ultro delatā ſuſcipere debebas,
precio tibi temet comparaturum ſomnief? non
modò non erubeſcis, verū etiam gloriaris?
ecquis hanc tuam ſatis accuſet audaciam?

Palladio Subdiacono.

7

De πικρῇ bono, & æquo.

Ariſt.
lib. 5.

Ethic.
Nico-
mach.

cap. 10

Hominem mitem leniori animo eſſe par-
eſt, quam illum, qui ſummo, ſtrictoq; iu-
re omnia agit: lenitate enim potius, quam iure
cum uti decet.

Alphino Subdiacono. fort. Alphio. . 8

Præstat non incidere in peccatum, aut si incidas, quam citissimè exire.

Praestat vitijis non capi:captum verò scire se captū esse,statimque velut è temulèntia quadam emergere. Qui enim captus est,neque tamen se captum esse credit, is morbo laborat incurabili.

Ammonio Scholastico . 9

De recta liberorum institutione.

*Epist.
317. et
506.*

Qui liberis suis adhuc in tenera etate primum quidem,veram de Dei excellèntia,atque prouidentia sensum,deinde virtutem,moresque probos inserunt,hi cū non modò parentum, sed & optimorum magistrorum munere fungantur, à Deo mercedem accipient. Qui verò contrā Deorum multitudinem,& vitia eos docent,quasi demonij liberos suos offerentes,debitas pœnas persoluent.

Symmacho. 10

De pugna interioris hominis.

Et si ciuilibus in bellis, victores miseres sint victis:plus enim quam illi probri susti-

*sustinent, quo plus quam illi calamitatis dam-
nique intulerint, at certè in gratiam repositi
differunt. In nobis verò bellum molestius, quàm
intestiniū inde existit, quòd unius dūtaxat cor-
poris pugna est, ut & recōciliati nō dissideant,
sed ille placere sibi videtur, qui amplius cate-
ris patrarit, cūm erubescere deberet: patranti
enim, non patienti, paratum est supplicium.*

Martiniano, & Zosimo.

II

Virtutis commendatio.

Vitium fugite, ò boni viri, solet enim in-
fatuare, ac dementes reddere sui amato-
res, virtutem potius seclēmini. Hæc enim sa-
pientes efficere potest, atque in decenti continera
officio, qui eam amplexi sunt. Quæ sæpenumē-
rò etiam ex ipsis oculis mite quid, ac placidum
tuentibus se prodit, ostenditq; quam mens in-
terior plena sit modestiæ.

Zosimo presbytero.

12

*Iubet à scelestā vita abstinere, aut à sanctis
mysterijs.*

Plerique sanè (nam omnes dicere nimis du-
rum esset) validè, atque adeò acerbè te-

mordēt, ac subsannant: atque utinam falsò. Posteaquam verò frater tuus germanus cum lachrymis, & planctu talia, ne dicam grauiora nobis narrauit, rogans enixè, ut si id fieri posset, ex barathro libidinis te extraherem, in quo malo, itidem, uti capite, iam incanuisisti. Ego igitur spreto illo præcepto, quod desperatis, & conclamatis manum admoovere vetat, ad te scripsi, ut ad te ipsum redires, & impudicitia tua dedecus, & senectutem, in quam vergis, & diuinum illud sacerdotij munus, in quod nescio qua impudentia te ingressisti, cum animo tuo perpendens; & presentia probra atque offendificula, & futurum supplicium pertimesceres, qui omnibus sceleribus coopertus in ipso etiam senii, vitæq; limine iuueniles libidines sectaris. Quomodo enim iuuenibus temperantiam persuadebis, si ne tibi quidem ad extremum usque senium persuaseris? Quin horres, vererisq; talia committere; & ad altare accedere? Quomodo immaculata tangere audes mysteria? Hortor itaque te (etsi enim doleat, veritatem tamen liberè dicam) ut vel committere huiusmodi desinas, vel a venerando Altari abstineas; nequando ignem de Cælo capiti accerseas tuo, qui improbis, & socordibus loquendi ea, quæ velunt ansam, occasionemq; præbes.

Ei.

Eidem.

13

Hominem desperatæ malitiæ, ut conclama-
tum, suo relinquit genio.

A Vdio virum sapientem in te incidisse, qui
corrumpi pecunia nequeat, virtutisque
perstudiosum, nihilque, quod ad tui correctionē
pertineret, intentatum reliquisse; remissum ta-
men abs te infecta re, neque prodesse quidquam
tibi potuisse, quod morbi tui vis maior omni
eius medendi scientia apparuisset. Decebat ta-
men te rationum, sententiarumque pulchritu-
dine illectum, & admiratione intelligentiæ
ipsius, & reuerentia prudentiæ ab improbita-
te temperare. Te verò non solùm re infecta il-
lum remisisse, verùm etiam cum iniuria pro-
fligasse intelligo. Quid igitur censes faciendum?
Si enim nemo quidquam te iuuerit, imò & ad-
hortatio contemnitur, & vulgi risus spernitur,
& plurimos abs te offendiculo ledi nihili aesti-
mas, nec Dei metus locum apud te inuenit, ri-
des etiam diuini iudicij minas, frustra lapi-
deum cor verbis obtundimus.

Aedesio

Aedessio Remp. Gerenti .

14

A militia dehortatur, quæ nec pietatis, nec virtutis defendendæ causa geritur.

Quandoquidem animo ira incenso, bellum quoque unâ incenditur, extincta autē ira bellum non statim extinguitur, nunquam te in saeva, difficiliaque bella immitas, præsertim cum pietatis, virtutisque non agitur negotium. In his etenim ad sanguinem usque pugnandū, neque hæc aut illa prodenda.

Ischyroni Scholastico .

15

Arrogantiam dissuadet .

Animi magnitudo, cum nō ad audaciam, sed ad humanitatem, benignitatemque tendit, arrogantia; ac seruilis indolis speciem omnem effugit, neque turpe decoro permisceri patitur.

Petro .

16

De Eusebij vitijs .

Confer
140. et
147.

Et, ut scribis, sub Eusebij tyrannico dominatu aliam causam nemo agnoscit, cur viros

*viros bonos perditum eat, præter ipsam virtu-
tem: sententia enim iudicium anticipat, fu-
turique iudicij recordatio ijs, qui memoriam
eius refricant, perniciem accelerat. At caue flocci
facias, neque enim permittet Dei ille oculus
omnia intuens virtutis gloriam à vitio ad ex-
tremum usque obscurari, imò faciet, quæ & se
deceant, & virtuti, ac vitio meritò debentur.*

Cyro Scholastico. 17

*Parua peccata præscindenda, ne magna eua-
dant, deque oculorum continentia.*

S Cito exiguum in specie vitium serpendo
grandius fieri: nam illud, *Quid tum po-
stea, vitia in uita fecit inolescere. Plerique enim*
nihil existimāt esse, si alienam pulchritudinem
*nimis curioso oculo adspicias: atque fornicatio-
nes hinc, familiarumque interitus enascuntur.*
Taceo enim adhuc à nobis, etiam antequā opus
*ipsum designetur, uti mæchum puniri, qui libi-
dinosè adspicit. Taceo autem quoniam tecum*
mibi res est, qui sacris litteris fidem nullam
adhibes. Demostheni autem libenti animo te
credere dicis; scito igitur bone vir, ne oratorem
*quidem ipsum, id ignorasse, sed aperta voce af-
firmare: quotidianam, inquit, segniciem ac so-*
cordiam,

*Pro-
verb.*

Ex ora.
4 inPhi
lip.

*cordiam, ut in priuata vita, sic etiam in Vrbi-
bus, non in singulis, quæ negliguntur statim ani-
maduerti, sed in summa rerum occurrere. qua-
re si illum fide dignum duxeris, saltem ab eo ti-
bi persuaderi sinas, & parua peccata reseca, ne
maiora succrescere incipiant.*

Esaia militi.

13

Ex suo quisque animo de alijs iudicat.

P*lerique mortalium ex suo ingenio etiam
de alijs iudicium ferunt, qui enim pecuniæ
habendæ cupidus est, neminẽ putat esse, qui opes
contemnat, lasciuus verò, & impudicus conti-
nentem neminem: Immanis & Crudelis nul-
lum credit humanum existere: neque auarus
misericordem aut liberalem. Contra verò tem-
perans multos sui similes esse censet, similiter-
que & opum contemptor, ac homo humanus.
Quamobrem nihil miramur, te contra omnes
iudicare, contra quem omnes iure, ut aiunt, cõ-
trariam quoque sententiam ferunt. Consenta-
neum enim est, & idem tibi vsuuenire.*

Eidem.

Eidem.

19

Insurgendum semper contra vitia animi, sæpè enim iam victus victor euasit.

Confer
167. et
554.

Multi prolapsi, ac denuò resipiscences trophaea de victis animi affectibus constituerunt: à quibus antea victos se professi erāt. Si itaque & tu sepe numero offendisti, strenuè iterum contra animi affectus surge.

Petro.

20

Orator non semper persuadet, propter liberum audientis arbitrium.

Simil.
219.
250.
442.
521.
547.
568.
569.

Ignorare mihi videris, ò bone vir, non tantum valere prudentiā dicentis aut eloquentiam admonentis, ut peccanti pudorem incutiat, quantum proba indoles eius, qui admonetur. Suasionem enim admittere, vel repudiare in eius arbitrio, atque potestate situm est, quod si non credis, uno exempla utar, cui aliud nulum opponere licebit, eoque te conuincam. Quis enim, amabò, aut diuino verbo eloquentior? Aut quis ipsa sapientia sapientior existit? qua tot tantaq; protulit, & lenia, & acria, ut Iudæ proditoris auaritiam compefceret, & nihil tamen fecit,

fecit, idque non ob suam imbecillitatem, sed quod audiens ista Iudas propter arbitrij libertatem, suam in potestate haberet sententiam. Qua de causa iusta, rataque est condemnandi ratio. Quæ cum ita se habeant, laude dignus est, qui quantum in se est, facit sedulò. Vituperationem contrà, ac reprehensionem meretur, qui bona suadenti non paret: is verò stultus est, qui in eum, qui non persuadet, eius, qui sibi persuaderi non patitur, crimen transfert, utpote diuinarum, humanarumque rerum ignarus, conuertit.

Leontio Episcopo.

21

*vide
ep. 37.
et 126*

*Quæ malorum in Ecclesia Dei fons, & origo.
Vbi veterum sacerdotum cum æui sui
elegans comparatio.*

Non pauca profectò, ut ad me scripsisti, in Ecclesiis turbæ sunt excitatæ: Vbi enim pacis nomen, ibi res bellicæ regnant. Id verò multis, grauibusq; eorum peccatis; quibus alios docendi munus incumbit, est imputandū, quæ nunc non singulatim excutiam. Vnū dumtaxat, quo spectant cætera omnia, commemorabo, rem maximi momenti, venerandam, atque illustrem, & quod Apostolorum cætus lumina-
ria

ria passim per orbem terrarum constituit, cuius neglectus nūc confusione Ecclesias repleuit, quid tandem id est, dicam liberrimè, neque enim aliter facere queo; quia tūc tēporis homines virtute præditi sacerdotio sunt admoti, nunc verò auari ac pecunia cupidi; tunc qui munus hoc ob dignitatis magnitudinem defugiebant, nunc verò, qui ultrò illi muneri ob deliciarum copiā sese obtrudunt: tunc qui voluntaria paupertate gloriabantur, nunc qui habendi cupiditate spontanea, quæstum faciūt; tunc quibus Dei iudicium ante oculos versabatur, nunc ij, qui de eo ne cogitant quidem; tunc flagra perpeti, nunc verbera infligere parati, sed quid pluribus est opus? Recidisse iam omnino Sacerdotij dignitatem ad tyrannidem, ab humilitate ad superbiam; à ieiunio ad delicias, à dispensatione denique ad dominium prolapsam apparet, non enim, ut dispensatores administrare rem volunt, sed ut domini sibi propriam vendicant. Hæc verò non in omnes dicta sunt, sed in reos ac fontes; sunt enim, sunt, inquam, qui ad Apostolicam viuunt normam, mutire tamen non audeant: licet etiam hoc solo nomine vehemēter sint improbandi, quòd improborum multitudinem veriat, quod officij ipsorum est, nempe huiusmodi corripere, id negligunt.

Danieli

Danieli Presbytero .

22

*vt &
seq. ep.*

Ignoscendum etiam non postulanti .

Etsi is, qui excusare semet apud te debebat, neque veniam à te postulet, neque ea de re sit sollicitus ; numquid & tibi excusationem hac re paratam censes, quod commissorum in te veniā illi non conceperis, tu verò etiā nō roganti, aut efflagitāti veniā hanc indulge : si quidē fieri potest eum ad te accersens : sin' id nequit, in animo tuo, illi remitte : neque eos imitari videaris, qui vindictam expetunt, sic enim, & ille ob egregium hoc vitæ tuæ institutum, pudore confusus, de semetipso vindictam sumet, quippe qui hominem sanctū offenderit .

Theodosio Episcopo .

23

*vide
ep. 483*

Vt desint vires tamen est laudanda voluntas.

In magnis vel voluisse sat est .

Succumbere ijs rebus turpe nō est, quas exequi arduum sit, ac perdifficile ; caue igitur superatos credas, qui tuis laudibus predicandis dignum adferre nequeant præconium, sed voluntate probata imbecillitati ignosce . Cū enim melius esse existimant mortales, minus

*minùs dixisse,quàm negligentia,contemptusq;
crimen sustinere,rem quamuis arduam aggre-
di audent.*

Zosimo Presbytero.

24

*Qui bis ad eundem impingit lapidem non
meretur veniam.*

*Conf.
ep. 367*

N*V*perum illud tuum delictum, speciosus
quidam prætextus excusare videbatur,
quòd fratrem defendere existimareris, hoc ve-
rò crimen nullum talem prætextum admittit,
imò & priore venia excidisti. Si enim nuper ob
iniuriam fratri tuo illatam temet vindicasti?
qua ratione quem tunc, uti asseris, propugna-
bas, lædere nunc, atque omnibus modis exagi-
tare, ipsum minimè erubescis? Manifestum er-
go hinc euadit, & illud data abs te opera com-
missum. Qui enim fratri non parcit, quomodò
is alteri parcat?

Hieracioni fortè Hieraci Diacono.

25

Quis verus mundus muliebris?

N*E*que textilis purpuræ flos, neque radi-
tes vario splendore gemmæ, auro distin-
ctæ, ornatum, mundumq; muliebrè constituunt.
Multæ enim illepide matronæ huiusmodi de-
corè captantes, inuisæ atque odiosæ coniugibus
B
euasere.

euaſere. Animi verò ornatus, qui ex virtutibus componitur, & conuietus deſiderium excitat, ac mutue beneuolentie philtrum eſt.

Polycronio.

26

Anima virtutis ſtudioſa facilius Dei opem impetrat.

V*T in urbibus ſitus commoditate, anni quoque temporum oportunitas conciliatur, ita & animorum erga virtutem ſtudium atque propenſio diuinum auxiliũ conſequitur.*

Archontio Presbytero.

27

1. Cor.
9. 25.

Si athleta laborat, quidni Chriſti miles?

S*I qui acutis mūdane laudis ſtimulis agitantur, ingentes ultro labores amplectuntur; nonne multò magis eos qui acutiſſimis cæleſtis gloriæ telis vulnerati ſunt, magna alacritate, ad laborum certamina ſeſe accingere par eſt?*

Didymo Presbytero.

28

Fratrem amici laudat, & ad quatuor capita per epiſtolam quæſita reſpondet.

A*Phrodiſio beata memoria fratri tuo, dignitate ſacerdoti, pudor in oculis habitabat, ſuada in labris ſedebat, ſapientia in lingua,*

lingua, frugalitas in ventre, cōtinentia in partibus quæ sub ventre: utque paucis dicam, omnium ferè uirtutum promus, condus fuit: ad caeleste itaque regnum præmissus, laboribus dignam accepturus mercedem, minimè quidem deplorandus est, quin potius ei gratulandum, quòd certaminis præmia iam sit consecutus. Quisquis enim excessum hunc Sanctorum virorum lugeat, is sanè dignus est, ut ab omnibus rectè sentientibus lugeatur: ut & is qui victores, & corona cobonestatos deploraret, lachrymis ipse esset dignus. Et hæc quidem hæcenus. Scias itaque solas virtutis opes in tuto collocatas esse, ubi is qui possidet nec socordia prodit, nec honorum cupidine ambituque flagrat. Extremam enim hanc audaciam esse non tu modò, sed & ego iuxta tecum censeo, eos qui nullos unquam athleticos labores exantlarunt, etiam inter victores coronatos velle haberi; qui nec tyronibus veris adscripti, magistrorum ordinem inuadere conantur, quorum locus mores, nō mores locum ornant. Precio enim dignitates sibi comparant, ut virtutibus ipsis debonestamento sint, atque de ijs dicere nituntur, quæ nunquam didicerunt, audentea præcipere, quæ ipsi nunquam ne fando quidem audierunt. Quis igitur sub huiusmodi præfectis magnum

quid atque generosum agere, aut intelligere poterit; imò quem non pudeat viris nuper, et heri adhuc in cauponis, & foro versatis aures præbere? quis aduersariorum non rideat, et histrionum, mimumq; totam rem existimet? Verum cum literis tuis rogaris, ecquid tandem factum sit opus, nihil aliud respondeo, quam virtutem esse exercendam, & quiescendum, Deiq; iudicium expectandum, & diabolicas interim artes repellendas. Nouit enim versutus ille humani generis hostis, qua assentationibus, qua imposturis atq; fraudibus homines fascinare. Potissimum cum è directo oppugnare nesciat: illo enim modo facile deprehenderetur: sed amicitie larua sepenumerò malitiæ suæ venenū tegit. Sicuti enim hominem

^{Genes.}
3.5. Deo adequaturus brutis reddidit miserabiliorē; nec presentibus modò bonis eum, commodisq; spoliauit: verum etiam mala quibus carebat ei conciliauit: puta sudores, ac labores, mortem, et interitum. Sed cum multi illius dolis irretiti suo exemplo ostēderint artes eius violentas admodum esse quibus mens sana est, et queis salus sua cordi, machinas eius omnes inuestigare, ac quoad eius fieri potest, euitare decet: maximè cum amicitie specie inescare homines studet: Tunc enim perceptu, atque expugnatu, difficilis est. Quando verò de dogmatibus etiam significasti, scito audisse

audisse me aliquādo ex viro in Euangelistarū sensu eruendo admodū sagaci, quòd verum Filij nomen astu peruerterunt, quo nomine Filium Dei, non esse Creaturam conuincitur, dixerunt enim. His qui credūt in nomine eius dedit eis potestatem Filios Dei fieri, item, quidquid petieritis in nomine meo accipietis. *Inter cetera verò, quæ multa sunt Dei nomina, maxime proprium est, Filij Dei, appellatio ostendens verum esse ac genuinum: ac Creatura sensum omnem intellectumq; excedens. Clarum itaque euadit appellantis eum Filium, datam esse gratiam: refugere contrà ab his, qui Creaturā esse audēt asserere. Sed cū de politicis quoque rebus, omnia simul discere cupiens, respondeo breuiter: gentiliū sapiētes, qui orationis maiestate, atque in magnam apud omnes laudem obtinuerunt, dum quid iustum, quid decorum, quid legitimum, quid honestum constituere voluerunt, ingēti verborum copia frustrā insumpta, atque prolaxis dialogis, labyrinthi in morē contextis, tantum abest, ut quidquā eorum, quæ dicenda erant, protulerint, ut lectores etiā magis, magisque confundant, atque cōturbent. Verbum verò illud Dei diuinissimum, cū inter nos conuersaretur, insitam hominibus rationem renouans, & suam sibi vniuscuiusq; voluntatē.*

Ioan. i.
12.
Math.
21. 32.
Marc.
11. 34.
Ioan.
14. 14.

iusti, recti, equi, & honesti regulam, limitemq;
 constituens, paucissimis idipsum verbis ape-
 ruit, dum dixit: omnia quæ vultis, vt faciant
 Math. homines vobis, & vos facite illis, deinde ne
 7. 12.
 Tob. 4. nouam, nec alibi scriptam legem contra scriptam
 15.
 Luc. 6. proferre videretur, obsignas ea, quæ dixerat, &
 31.
 Matt. 7 omnia breui hoc cōpendio se complexū ostendēs
 addit: Hæc est enim lex, & prophetæ. Habentes
 ergo in nobismetipsis omnis recti, honestiq;
 regulam, quidquid nobis ab ijs fieri volumus;
 idem quoque illis à nobis præstetur. Tum, & il-
 lud scito; quòd qui creaturarum præstantia, &
 pulchritudine, non ad pietatis argumentum
 vtuntur, verum ad offendiculum, & peccatum
 abutuntur (nam non solùm non cognouerunt
 Rom. I. Deum creatorem, sed & illis cultum diuinum
 23. impendunt:) Hi sapientes se esse rati, in igno-
 rantia pelago naufragium fecerunt; Cùm
 enim creaturæ vnum artificem prædicet: (ne-
 que enim sine architecto domus exedificatur,
 neque sine fabro nauis compingitur, neque sine
 harmonico musicum instrumentum concinna-
 tur) illi in ipsam potius opificis artem, quam
 creaturas eius artificio productas peccantes,
 creatorem ipsum quasi proscribunt. Apud huius-
 modi ergo meritò etiam ipsa ciuiliū rerum
 administrandarū ratiocorrupta est. Cùm enim
 princi-

principem uniuerſi, ex anima ſua eiecerint, quodcumque tandem iniuſtitia, atque improbitatis genus audaciter perpetrare non dubitat. Cùm verò de illuſtribus quoque & dignitate conſpicuis interroges, ſcias Dei Verbum, neminem illuſtrem dedignari, ſi ex rationis præſcripto vitam ſuam moderetur, ſi autem verbis dumtaxat philoſophetur, operibus verò profeſſione ſua indignum ſe oſtendat; huiusmodi hominem non ſine ratione ipſa quoque ratio, verbumque Dei reſcit.

Zoſimo, Maroni, & Euſtathio.

29

A luxu dehortatur.

Nimiam ac continua luxuria cùm ad amorem præter naturam præparat, tum omnem corporis ſanitatem iuxta, atque animi ingenuitatem lædit. Ab hac itaque abſtinete, nec ieiunijs, ſed moderati cibi uſui, hoc eſt, ueris delicijs aſſueſcite. Sic mala illa, de vobis apud omnes euulgata ceſſabit fama. Sin verò in libidinis abyſſum voſmetipſos præcipitatis, malè de vobis loquentibus nolite indignari: quin proprium potius luxum condemnate, non veſtro, ut ferunt, proprio ſumptu apparatuque inſtruetum, (quippe circumciditis impenſas) quam quòd aliorum menſis voſ ingeratis. Quòd

B. 4

ſi hunc

si hanc caliginis nubem dissipabitis, temperantia venustatem, quæ nunc oculos vestros subterfugit, tunc perspicietis.

Hermogeni, Theodosio, et Aeliano Episcopis. 30

A virtute tres commendat Episcopos.

N*isi excellens vestra virtus, meam coargueret orationem, & apud eos qui modò sunt; (plura enim ipsi norunt;) & apud eos qui postmodum futuri sunt; (maiora enim sunt quàm ut fidem apud eos inueniant:) ad dicendũ utiq; in arenã, et campũ vestrarũ laudũ descenderẽ.*

Palladio Diacono.

31

*Conf. Ostentationis non scientiæ causa sacris litteris incumbenti responsum denegat. Ne
ep. 142 sanctum det canibus contra
Christi præceptum.*

C*omplures sanè affirmant, te, nõ quod rectè viuas, sed quod vitia tua obtegere velis, dum simulato discendi desiderio laudem affectas, viros sapiētes sectari. Ego quidem id ipsum baud dixerim; veruntamen experimento edoctus, quòd scripturarum arcana te perscrutari simulas, non cognoscendi studio, sed ut exhibitionem aliquam apud homines tibi compares, non respõdebo tibi, diuino illi oraculo obtempe-*

*temperans, quòd præcipit, sancta non esse dan-
da canibus, nec margaritas porcis obijciendas.*

Matt. 7.
6.

Isidoro Diacono.

32

Laudat Ioannis Chrysosthomi in Pauli Epi-
stolam ad Romanos Commentarium.

IN cōmentario Epistolæ ad Romanos potissi-
mum (ò Isidore mihi cognominis,) sapiētis-
simi Ioānis sapientia, thesauri instar, recōdita
est. Sic enim existimo, nec quis quam ad gratiā
hic me loqui putet, si diuinus Paulus Attico uti
sermone voluisset, quo sui ipsius interpretem
ageret, nō aliter interpretaturum fuisse, quā
vir venerandus, quem dixi: adeò entymema-
tis, & sententijs, atque elegātia, & proprietate
orationis hæc eius interpretatio exornata est.

Eidem Isidoro.

33

Laus sancti ac disertī Doctoris, fortè
eiusdem Chrysi.

INCIDI aliquando in sanctum virum, cuius
docentis oculi maiestatem ac sapientiā præ-
seserebant. Aculeos enim plurimos infigebat di-
cendo: superciliū verò oculorum, mentem eorū,
quæ docebat exprimebat. Is quantus, quantus
est, ut ita dicam, nihil nisi utilitatem spirā-
bat, cum vel spectantibus vehementem sapien-
tiæ instillaret amorem.

Zosimo,

Zosimo, Maroni, Palladio, & Eustathio. 34

Improbos reprehendit, quod bono
maledixerint.

Cum audissem vos feras ipsas immanita-
ti superantes, & pacem omni bello peiorē
inter vos pactos, mitem ac placidū hominem,
qui sibi alijsque prodesse consueuerit, contume-
lijs proscindere non fuisse veritos, talia in eum
dicentes, qualia vosmetipsos audire aequum
erat, uberrimis sanè lachrymis vos deploraui,
quòd malos, atque improbos vos esse ignoretis,
quod ut discere tandem velitis, obsecro.

Dionysio. 35

Suadet oratori ut virtutem quam verbis
possit, re ipsa etiam exorner.

Avdio apprime te callere noua alicuius
gloriae umbram aucupari, & opinionem
nequaquam tibi conuenientem acquirere. Si igitur
opinio virtutis præclara tibi videtur; cur
non ipsi potius virtuti das operam, sed fructu
neglecto, folijs te exornas. Quamuis enim ra-
dix propter labores amara quibusdam videat-
ur, fructus tamen dulcis, & iucundus est.

Nemesio

Hortatur ad studium paupertatis. Diuitiæ ut
statua Babylonia non adoranda.

Omnium illos ditissimos censemus, & re-
gibus felicitate præferendos, qui pedibus
diuitiarum cupiditatem conculcarunt: quibus
adnumerari omni ope adnitemur, tametsi enim
plerique tyrannidem eius velut statuum Baby-
loniam adorauerint, nos tamen trium puero-
rum continentiam imitati, etiamsi tubarum,
ac tiliarum sonitus, totiusque musica artis
concentus ad cælum usque elatus aures nostras
circumsonet, & fornax paupertatis accenda-
tur, ne tympanis attendamus, nec tibijs, neque
reliquis diuitiarum phantasmatis. Sed licet in
caminum proijciendi simus, paupertatem eliga-
mus, ne illas adoremus, eritque hæc nobis philo-
sophia, hic quidem veluti ros in medium destil-
lans, omnemque libertatem nobis procreans.
Isthic verò patientia coronas pariet.

Dan. 3.
& 4.

Dan. 3.
cap. 4.

Leontio Episcopo.

37

Contra malos presbyteros, quique eorum
exemplo se excusant.

Conf.
ep. 21.

Siquidem subditorum quosdam improbitas
inuaserit, id quidem, ut verū fatear, licet
sua

sua natura graue sit, non tamen vsque adeo graue esset. Cum verò malum in deterius serpens etiam sacerdotali ordine nonnullos depascatur, idq; vti scribis (quod malorum caput, omniq; damno grauius est) defensionem excusationemque nescio, qua ratione subditis pariat. Audiant ergo, qui talia dicunt, nec malorum sacerdotum moribus, sed præceptis, vitam suam conforment. Incorruptus enim ille Iudex excusationem iniustam non recipiet, sed dicet: Quam multi fuerunt optimæ existimationis sacerdotes, quibus decuisset mentem adhibere, ac vitam, moresq; vestros emendare. Vos autem cum deprehensi, conuictiq; teneamini, quod malitiam adamaueritis, eò quod peccantium non rectè viuientium exempla tam sedulò inspexistis; & ipsi pœnas peccatis suis condignas dabunt, & vos quia virtute repudiata improbitatē estis amplexi, neque regni cœlestis desiderium, nec gebennæ timor ad præcepta mea obseruanda vos permouere potuit; idcirco æternam luetis pœnam.

Abrabamo Episcopo.

38

SS. litterarum studium, virtutis amorem gignit.

V*ehementer supinam plerorumq; negligentiam miror, quòd cum homines generosi,*

roſi, atque admirandi labores virtutis cauſa, libenti animo ſuſcipiant; illi ne ſermones quidem, quibus ad virtutis laborem excitari homines ſolent audire velint. Quis ergo credat eos ſudores pro virtute reiſſa ſubituros, cum ſermones quidem de virtute æquo ab ijs animo admitti videat? Hortare itaque iſtos de quibus ad me perſcripſeras, ut ſacræ Scripturę lectioni, ſedulò incumbant: hinc enim cognitio, & ſcientia paratur.

Isidoro Diacono.

Multiplices tentationum fructus.

39

Conf.
ep. 226

Multi qui fortes, atque generoſi videbātur, ne primum quidem impetum, & velitationem tentationum ſuſtinuerunt. Vbi ergo reiſſa apparuit eos ſola opinione, non autem re, atque factis fortitudinis exiſtimationem apud ſpectatores adeptos, demiferunt ſupercilium, atque ideo, ut exiſtimo tentari quidam permittuntur, ut ab opinione illa, quam magni, & inexpugnabiles ſibi videbantur, currentur, & ad modieſtiam reducantur. Neque enim exiguum illud animæ beneficium eſt, ut perſuaſio, & opinio illorum, qui ne experimentum quidem, ne dicam certamen ſuſtinere queant, extingatur. Qui enim
poſt

post multa trophæa vincitur, veniam fortè meretur: at qui in prima statim velitatione succumbit, is extremum imbecillitatis vel negligentiae potius specimen edit.

Tauro Praefecto.

40

Hortatur vt Reipub. onus cum pluribus bonis communicet.

ID probè noueris, ò solertiae oraculū, si amicorum optimos, homines, inquam, veritati quasi innutritos, & pecuniarum contemptores, imperij participes feceris (periculosum enim, vt plurimum est, tantam negotiorum molem uni tantum incumbere) virtutem eorum, quos tibi adsciueris, imperium in aristocratiam commutabis.

Lampetio Diacono.

41

ep. 4.

Regnum Coelorum inculcandum.

REs diuinæ homini animali stultitia videntur. Qui enim prius sibi persuaderi non patitur, esse reuera regnum aliquod coelorum, in illo amor eiusdem nullo modo excitari potest.

Alypio

Alypio Remp. administranti.

42

Pœnæ lentè sunt exigendæ.

ep. 167.

Graue est, non quòd tardius is pœnas dedit, qui te, ut scribis iniuria affecit, sed potius eum, qui citò nimis pœnas persoluit, postea iniuriam non intulisse videri, quod sæpe numero accidit. Quamobrem ne festines pœnas ab eo exigere, sed expende diligenter, an reuera iniuria te affecerit. Ex cunctatione enim nihil periculi imminet: sed si ab homine qui nulla te iniuria læsit, pœnas exigas, ex festinatione illa ingens accidere detrimentum poterit.

Dorotheo viro clar.

43

Ingens supplicium, & Tolerantia in hac vita non concurrunt, sed in futura.

IN hac quidem vita, vir optime, simul concurrere non possunt, ingens suppliciorum cruciatus, & tolerantia. Alterum enim alteri repugnat, quod natura corporis interitui obnoxia, utriusque non ferat cōcursum. Isthinc verò in altera vita, perpetuitate introducta, pulsæq; corruptione, pugna hac dissoluetur, ita ut
nec

nec tormentorum vehementia robur, viresque corporis tollat, neque corpus in nihilum redigatur.

Sereno Diacono.

44

ep. 413 Virtutem multi laudant pauci sectantur.

VT plerique mortalium sanitatem corporis maximum esse bonum existimantes, non magnopere tamen eam curant (suavia enim utilibus preferentes valetudinem ledunt:) sic & virtutem quidam laudantes, viam tamen quæ ad eam ducit, declinant.

Anatolio Diacono.

45

De bono vini modicè sumpti.

VInū si opportunè ac moderatè sumatur, quasi honore affectum lætitiæ causa existit. Si verò intempestivè largiusque hauriatur, ulciscitur iniuriam, & pœnas exigit à quibus iniuriosè fuit exceptum, risum, ignominiam, opprobriumque, atque adeò verbera ipsædem propinans.

Paulo Presbytero.

46

Oculos, ut animi fenestras custodiendas.

Non corpus modò intactum, purumque, sed & oculorum iactus (ideo enim xōs, id est

ideſt puellas, pupillas appellamus) virgines, caſtosq; decet eſſe, neque permittendū iſſis, ut impudicè atque intemperāter aliena pulchritudine paſcātur, ne ex cōſpectu aētui iſſi aſſueſcāt.

Eugenio Diacono .

47

Virtutem amanti, hominum contemnenda opinio .

Q Vandoquidem è litteris tuis ſententiam tuam diuinare oportet, ſentire mihi videor, te labores pro virtute cum voluptate ſuſtinere, & fructus eius maximos exiſtimare; paucula verò te ſcripſiſſe animaduerto, quòd infelicem te ab hominibus cenſeri doleas. Neſcis enim te, illa indignè ferre, de quibus par erat letari : ſi enim non dubitas, quin pro ſtudio, aſſeētūque erga virtutem, magnus te apud Deum fructus maneat, ecquid hominū te ſuſpicio perturbat? etiāſi huiusmodi ſuſpicionū cauſam illis dederimus. Quòd autē ita ſentiāt facillimè oſtendā. Si enim vel ſoli tibi eorum, qui virtuti dant operam id accidieſſet, ne ſic quidem vera hæc ſuſpicio foret; haberent enim impudētia umbram, qui bonos, honeſtosque oderunt; verū ſi nec primus, nec ſolus in hæc calamitates incidieſti, ſed optimus ferme quiſque, non modò apud Chriſtianos, ſed (ſi omnes comple-

C

eti fas

*Et iſas eſt, & hæc animi demiffio extinguen-
da) apud Iudaos quoque olim, & Græcos, ac
Barbaros; quid contriſtaris? Si enim illi tan-
quam generoſi Athletæ, plagis onerati, & vul-
neribus confecti, & ſanguine undique perfuſi,
& cum ipſa morte ad finem uſque luclati fue-
runt: quid tu animi abiectiõne temetipſum
lædis, & aduerſarium fortioſiorem reddis? Idem
enim facis ac ſi diceres. Cur ſpectatorum ne-
minem aduerſarius vulnerat? Sed illum dun-
taxat, qui nomen profeſſus in ſtadium prodiit?
Noli itaque triſtari, quod talia patiens, qualia
perpeſſi ſunt ij, quibus dignus non erat mun-
dus, ſed latere, quòd uti certaminum es con-
ſors, ſic & gloriæ, & præconiij quoque parti-
ceps ſis futurus.*

Heb. ii.
39.
2. Cor.
1.7.

Harpocræ Rhetori.

48

*Iniuriam maledictis vlciſci non oportet
ſapientem.*

P*Reſtat quidem contumelia affectum cum
ſilentio tolerare, ac ſapientiæ ſtudiũ reipſa
exercere. Non malè tamen à te quoque factũ,
poſtquam enim à flagitiõſis hominibus à Simo-
ne, inquam, Zoſimo, Marone, Euſtathio, &
Martiniano malè es acceptus, & nimis durum
fore*

fore existimares, illos iudicij sententia puniri; contra verò concoquere silentio abiectum nimis videretur; orationis iudicio contumeliosos istos conuenisti, qui corpore pœnam metiri solent, quæ mordere quidem reos afolet, periculo tamen non inuoluit. Melius igitur iudico scripti institutum quoad scribendum accessisti, auctorque tibi sum, ut & reliqua adiungas: hæc est, ut generoso animo ea perferas. Et linguam à maledictis liberam, puramque serues. Licet enim illi digni sint, qui hæc, & grauiora etiam audiant; attamen te ea dicere, non decet, cum sacram habeas linguam.

Eutonio Diacono.

49

Laudandi boni sine ostentatione.

Certandum quidē pro virtutis alumnis, id ipsum tamen nequaquam illis ostentandum, idque duplici de causa: primū ne illi reddantur socordes, atque supini; tūm ut ipsi assentationis notam effugiamus. Quamobrem nuper nihil ad te scripsi, cum verò aliorum consilio permotus ad me litteras dederis, quibus, & de silentio conquereris, & quæ gesta sunt accuratè scire aues. Scito quòd cum maximo verborum fluxu patronum tuū peroraret,

C 2 quippe

quippe qui è Rhetorum disciplina prodijt laudem, plausumque sibi apud omnes qui aderant conciliaſſet. Cùm enim ignorãtibz illis virtutem tuam, ſed cùm pauca quædã (omnia enim fortè non potuiſſet) de egregijs tuis dotibus dixiſſet, in tantam mutationem rem totam adduxit, vt & ille cum rubore diſcederet, auditores verò palinodiam canerent.

Eidem.

50

Spes non in terrenis, ſed cœleſtibus collocanda.

Ancho.
raſacra
Prou d
ſpe 38.

Qui in Deo fiduciam ſuam collocat, iſ maxima, pulcherrima, & ſtabili ſpe nititur: qui verò in homine confiſcit, iſ tenui, infirma, & dubia atque vt plurimũ fallaci fluctuat. Quocirca homines prudentes poſteriori hac omiſſa, priorem illam, vt ſacram anchoram amplecti decet.

Eidem.

51

Otium Diaboli puluinar fugiendum.

Valde equidem miror eos, qui omnia, quæ communis omniũ hoſtis diabolus ſuggerit, libenter perpetrant, deinde querunt vnde omnia adeò confuſa, conturbataque exiſtant. Si enim

enim extremam, & incurabilem illam socordiam excuterent, certò scio illos eadem opera huiusmodi etiam quaestiones reiecturos.

Harpocræ sophistæ.

52

De Monodia in improbos conscripta.

MOnodia illa abs te conscripta in Martinianum, Zosimum, Eustathiū, et Maronem vita quidem nondum functos, perpetuò tamen in flagitijs morientes, animasq; in corporibus, tanquam in sepulchris defossas habentes; etsi verè, et ex eorum merito sit conscripta, nequaquam illis à me transmittetur, ne bellum in te concitem. Implacabiles enim, & intricabiles feras eos esse aiunt, si adhortatio fuisset, misissem utique, sed quia nenia funebris est, idcirco non mittendam iudicaui; si verò omninò ita velis, ipse mittas, ut si bellum irreconsiliabile confletur, in alium eius causam tibi transferre non liceat.

Martiniano, Zosimo, Maroni, Eustathio.

53

Mittit Monodiam in eos conscriptam.

MOnodiā vix quidā benè doctus, summaque præditus virtute in vos conscripsit.

Est autem Monodia (nam & illud vos ignorare certò scio) simplex, & uniformis threnus, nec personarum, nec morum ullam fictionem continens. Quodque maius est, alij in eos, qui à philosophia recesserunt, funeris leßum concinūt. Hic verò vos ut improbos, ac malas pestes, quique nihil pœnitus de ipsa philosophia gustauistis deplorauit, & inducit vos omne vitiorū genus dictum, indictumue patrantes, contenditque contrā, & affirmat nullam unquam virtutis partem, ne per somnium quidem, vobis in mentem venisse. Quod verò maximum videtur, id ego non omittam, quòd quisquis in Monodiam hanc inciderit, vos ut belluas noxias, atque efferos dæmones, & communis naturæ hostes abominetur, ipsum verò auctorem reprehendat, quòd id aggressus sit argumētum, quod adsequi, et accuratè tractare nequiuert. Adeò nequitia vestra omnem orationem, & scriptionem excedere omnibus videtur: unusquisque enim prætermissum aliquod ab illo vitium vestrum reprehendens, victum illum existimat, qui flagitia vestra sermone adæquare fuerit conatus. Scelera enim vestra non venia modò, verùm etiam supplitio omni maiora credunt. Vos verò accusant, quòd nec aliorū exemplis ad imitandum incitati, neque ipsi imitato-

res

res reperturi, in tātā improbitatem sitis pro-
lapſi, quam nemo ne eloquentiſſimus quidem,
oratione adſequi valeat. Vos verò tot, tantisq;
ſcleribus perpetratis, quot nemo vel flagitio-
ſiſſimus, & ob improbitatem nobiliſſimus un-
quam commiſit, vel ſerò tandem, animum il-
lum mutate.

Heroni Diacono.

54

Virtute inimicorum calumniæ vincendæ.

Accuſationes quaſdam vita ipſa eorum,
 qui accuſantur refellere ſolet: ſepenu-
 merò enim vir bonus ſolo conſpectu, nec quid-
 quam ad ſui deſenſionem locutus, non ſolùm
 omnem accuſationem, & calumniam diſpulit,
 ſed & laudibus ornatus victor diſceſſit. Qua-
 propter ſi pœnas ab inimicis exigere cupis, vir-
 tutem exerceto: laudum enim tuarum præmia,
 quæ ab omnibus texuntur, illis omni ſuppli-
 ciorum genere grauiora ſunt, atque acerbiora.

Agathodæmoni Grammatico.

55

Auaritiæ deteſtatio.

Siquidem nonnulli ex hiſce, quos diſcipline
 tuæ imperio regis, furoris rabieique ple-
 ni, in-

Conf.
ep. 67.

ni, insolens quid, atque effrene attentarint: horum tu freno, & duris ora lupatis compesce, ne in præceps ferantur. Si verò pecuniarum amore flagrare sentias quotidie illis occine: ecquis nouus hic, & absurdus auaritiæ furor est? Cui quidquid suppeditaueris id materiæ, ac fomitibus instar habendi ardorem magis, magisque accendit. Semper enim accipiens nunquam expletur, sed veluti hydra quedam multorum capitum mille faucibus cibum in ventrem inexplebilem demittens, tanto auidius eum appetit, quasi nihil adhuc acceperit. Ecquis igitur cordatus huiusmodi monstrum amauerit? quod & in hac vita inexplebili auiditate amatorem suum torquet, & in futura in ignem inextinguibilem præcipitabit.

Dometio.

56

Matth. 5
20.

Beati qui persecutionem patiuntur.

Beatum eū vulgò existimant, non qui nihil omninò molestiarum illarum expertus est, quibus mortalium vita est obnoxia (id enim fieri non potest) sed qui quam minimis urgetur malis. Ob molem enim calamitatum, quibus plerique mortalium obruuntur, beatum pronuntiant, qui paucissimis premitur. Nos
verò

verò (Christiani) hominem multa quidem per-
 pessus, forti tamen animo tolerantem, longè
 feliciorē ducimus eo, qui pauca pertulerit.
 Nam ex certaminum numero, coronæ quoque
 texuntur, & præmia laboribus respondent.

Zosimo presbytero.

57

A vitijis dehortatur ac nequitia.

Probrum, piaculum, ac scelus, & quò non
 conuictorum; è triuio, ò miser Zosime, non
 nulli te vocantes, passim traducunt; quorum
 neque tempus, nec affectus obturare os queat,
 testantibus omnibus, qui audiūt, pauca illos ex
 multis, & honesta pro turpibus de te affirma-
 re. Quare vide, quomodò silentium illis impo-
 nas. Impones autem, si ab insatiabili tua ve-
 cordia cessaueris.

Epiphanio Diacono.

58

Spes vitæ anchora.

conf.
 ep. 50.

Spes illa in inuictam Dei omnia gubernan-
 tis dexteram, non solum de futuris volu-
 ptatem parit, sed & præsentis labores suble-
 uat: facile enim quis certaminum labores su-
 stinet, ubi coronarum spe erigitur. Si itaque
 illa

271.

illa & in hac vita certat, ac pugnāt, isthic vero coronis nos exornat, atque exhilarat, & cōspicuos apud angelos, hominesque reddit, complectamur eam, & vernaculam, familiaremque nobis semper habeamus.

Theoni Presbytero.

59

Asperius nihil est humili, cū surgit in altum.

Non vsque adeò id animum tuum stupore, & admiratione percellat, si Iosimus seruili, ut ais, genere ortus, superba ostentatione se iacet, nihilque moderati sapiat. Insuperata enim prosperitas, insipientes ad proteruiam conuertere solet.

Hieraci Diacono.

60

Amat victoria curam.

Valde nosmetipsos decipimus, falsaque utimur ratiocinatione, si nihil eorum agentes, quæ vincere conantibus agenda sunt superiores nos fore speramus ijs, qui omnia agunt, quæ victuros agere decet. Idē enim est, & dormientes, stertentesque, vigilantes, ac satagentes vincere, & ignauos, atque socordes eos,

eos, qui nihil intentatum relinquunt, superare.

Marciano Presbytero.

61

Demonstrationis vis in argumentando.

E*A quæ multa probatione, & longa indigent inquisitione, non affirmatione nuda, sed demonstratione declarantur. Opus enim probatione est, & ambitu, seu circumductione, atque demonstratione, ut perspicua possint declaratione illustrari. Si quis verò rem nudè affirmans se demonstratione usum existimat, is extra doctorum contubernium eliminatur.*

Ioanni Diacono.

62

Adulatio magis quam contumelia cauenda.

T*Amet si magistri ac parētes ab adulatione, ut summopere noxia & pestifera abstinētes, metum incutiant; illi quidem auditoribus, hi verò liberis; & nos si sanè sapimus, assentatores magis auersari decet, quàm qui opprobrio, contumelijsque nos facessunt. Maius enim incautis adfert detrimentum huiusmodi laudatio, quàm contumelia, & difficilius illud vitium, quàm hoc expugnatur.*

Ἀρετὴ ὕψατος . Caret inscriptione .

63

Virtus sui merces .

Sola virtus possessorem suum exornare sufficit. Nullus autem eorum qui in dignitate sunt constituti ex semetipso honorem habet, sed a subditis suis illum accipit; at virtutis studiosus in seipso proprium decus possidet, quòd eripi nequaquam potest .

Hieraci Diacono .

64

Victus, cultusque corporis qualis .

Qui tantum comedit, quantum fami sedanda satis est, atque ita vestitur, ut corpus honestè tegatur, is corpus pulchrum, vehiculum animæ adornat, & naucero gubernaculum omninò tractabile, & militi cōgrua arma; & musico lyrā concinnam adaptat. Qui enim delicijs corpus saginat, ac vestibus nimium exornat, lasciuire idipsum facit, & peruersis, cupiditatibus accedit, & nimium emollit, bonamq; corporis habitudinem ledit, nimiaque illud molliæ eneruat, & ad oppugnandum animum excitat. Quamobrem viroque impostè abstineto .

Eidem.

Eidem.

65

Vitandus aspectus mulierum, vt peccandi
 anſa. In illud. Matth. 5. 28. Qui
 viderit mulierem, &c.

Conf.
 139.

Non temere, ò bone vir, ſolus ille & uni-
 cus cordium noſtrorum cõditor, præcepit;
 ne quis libidinoſè mulierem aſpiceret, ſed ab
 ipſa libidinum perpetratiõne hominẽ auertat.
 Quandoquidem longè facilius eſt, formoſam
 mulierem non adſpicere, quàm adſpectu eiùs
 vulnerato iaculum eximere; vulnuſque per-
 ſanare. Idcirco idipſum præcepit, conſlictus
 enim principio leuioreſ ſunt, imò verò ne con-
 ſlictu quidem opus eſt. Si quiſ hoſti portas non
 aperuerit, & prima belli ſemina in animum
 admiferit. Si igitur abſque ullo conſlictu tro-
 phæum ſtatuerè liceat, quid ſupervacaneis ti-
 bimetiſſi faceſſis labores? Neque enim tantum
 laboris requiritur, ne adſpicias, quãto opus eſt,
 ne adſpiciendo vincaris: imò priuſ illud, ne la-
 bor quidem eſt, ſed poſt adſpectum magna exi-
 ſtit difficultas. Cùm igitur maximum ſit lu-
 crum, & labor exiguiſſimus, cur temetiſſum in in-
 ſuperabile deſideriorum pelagus conijciſ? non
 enim minori tantum negotio, ſed & puri-
 tate

tate maiore superat ille , qui non adspicit .
 Sicuti enim aspiciens fœminam plurimo cum
 labore , nec sine aliqua macula euadet , si modò
 tandem euadat : ita qui non videt , ab ipsa
 quoque cupiditate purus permanet .

Ophelio Grammatico .

66

Non ea semper vtilia , quæ nobis videntur ,
 sed quæ Deo .

Non continuò , quæ prodesse nobis viden-
 tur , eadem expediunt . Multi enim
 cum vicerint multos , victis quidem nihil
 intulerunt damni , sed sibiipsis pessimè consu-
 luerunt . Quamobrem & ille à veritate aber-
 rasse mihi videtur , qui dixit : Felix , cui co-
 gitanti telum , quò cupit , cadit : ita enim , si
 saperet , dixisse oportebat : Felix , cui cogitanti
 telum , quò expedit , cadit : Multi enim qui
 in re ampla & splendida fuere , inde in dete-
 riora mala sese precipitarunt . Ob priora enim
 magno spiritu elati , maiori cum audacia po-
 steriora sunt aggressi . Contra multi felici re-
 rum successu destituti , suo magno cum com-
 modo fuere edocti , ne difficiliora negotia ag-
 grederentur . Quocirca cum ad diuinam id
 pertineat prouidentiam , & nouisse , & dare
 ea ,

ea, quæ conducunt, ab illa ea postulemus; & quidquid dederit boni consulamus, etiamsi aduersa esse videantur.

Heroni Presbytero.

67

Auaritiæ detestatio.

Conf.

ep. 55

V *T*is, qui continua laborat siti, etiamsi fluminibus, fontibusque adponatur, nullam percipit delectationem: cum sitim restringere non possit, sic etiam is, qui plura semper appetit, tametsi thesauros habeat infinitos, voluptatem numquam sentiet, eò quòd satiari nesciat. Qui verò quantum opus appetens, illis se finibus continet, numquam capietur hoc incurabili morbo, sed animi delectatione, gaudioque semper perfruetur, nec ab alijs affectibus expugnari poterit, quibus is, qui habendi amore laborat, capitur. Non enim multa possidere, sed indigere paucis, tutos, securosque præstat. Ille enim etsi nulla afficiatur iniuria, maximo tamen semper in metu est, utpote iniuria excipiendæ expositus. Hic verò in primis iniuriam pati non potest, quinimò si passus videatur, melius adhuc, quàm alij eandem non passi affectus erit, & magno gaudio exultabit, quia & rectè factorum præmium expectat.

Eu-

Eutonio Diacono .

68

De bono tentationis .

Conf.
ep. 39.
226.

Dan.
3.
ep. 36.
128.

NE mireris neque anigma esse existimes, quòd alias prædixi. Tentationes sapenu-
merò graues, ac sædas perturbationes sedare,
& libertatem animo reducere. Quemadmodū
enim tres illos pueros, ignis non solum non atti-
git, sed & ad vincula eorum dissoluenda sub-
seruijt, eum efficacia suum terminum præstitu-
tum habens, ut ferrum absumeret: sic & tenta-
tiones ignauiam excutiendo, & ad vigilan-
tiam adigendo, quamplurimos à peccatorum
vinculis expediunt.

Eidem .

69

Conf.
ep. 50.
58.

Non in alieno casu, sed in propria virtute
spes firmanda .

DVbia quidem & fallax ea spes est, quæ
ex alieno infortunio, non ex propria vir-
tute pendet: huiusmodi enim spes facilè eua-
nescet. At si quis ex semetipso, securitatis ha-
beat pignora, decipi non poterit, & hostium in-
sidias superabit.

Eidem.

Eidem.

70

Sua contentum forte nemo ledere
potest.

Non id studeas, ut nemo quisquam tibi
noceat, sed ut ne possit quidem nocere,
etiamsi maxime velit. Id vero non aliunde
obtingit, quam ut necessarijs contentus sis, nec
amplius quid appetas. Qui enim pluribus in-
hiat, is omnibus, & hominibus, & animi pas-
sionibus præda exposita est.

Isidoro Presbytero.

71

Homo sapiens, & cordatus omnem fortunæ
habitum gerit decenter, quod lobi
exemplo probatur.

Viri præstantissimi pura, & sancta
mente rerum omnium naturam quoad
eius fieri potest contemplati, moderatè omnes
eârû vicissitudines ferunt. Ut enim egregij
Tragædi, quamcûque personam cum admira-
tione, & plausu sustinent; ita etiam cordati
homines, velut Athletæ in hac vitæ arena
constituti, prout quidque sese dederit, ita decen-
ter semet accommodant. Considera mihi celebrè

D

illum

illum Iob, qui in diuitijs laudabilis, in inopia magnus inclaruit, qui cùm in illis fuisset admirationi, in hac multò magis existit admirandus. In diuitijs enim indecorè, in paupertate verò decenter, viui potest. At homines mente destituti, cùm malorum radicem inuestigare non possint, hos, qui nullo, aut exiguo admodum dolore affliguntur, infelicibus adnumerant. Cùm enim propriam animi mollitiem accusare deberent, res ipsas damnant.

Gennadio.

72

Huius vitæ beatitudinem cum æterna conferri non posse. Oculus non vidit, &c.

1. Cor. 2. 9. Isai. 64. 4. Non sunt condignæ passionibus, &c. Rom. 8. 18.

2. Cor. 4. 17.

Etsi id quòd dicturus sum prouectiores te auditores desideret, dicam nihilominus: licet omnem simul omnium post homines natos beatitudinem sermone quis complectatur, & in unum exaggeret, ne millesimam quidem partem futurorum bonorum adæquare reperiet, sed præsentia hæc etiam minimo illorum, multò magis dignitate cedere, quàm umbra & somnium rebus verè existentibus. Imò potius,

ut

ut aptiori utar comparatione, quantum corpori anima præstat, tantum & illa hisce antecellunt.

Heroni Scholastico.

73

In Illud cuiusdam septem sapientum. Ne quid nimis. Quod Platonis loco confirmatur de Repub. lib. 8.

V*Nus è septem Græciæ sapientibus monuit: ne quid nimis. Plato verò Philosophorum princeps dixit: nimium quid agere, magnam reuera solere in contrarium commutationem adferre, & in annis, temporibus, & in plantis, & in humanis corporibus, nec minùs in Rebuspublicis. Virius sequendam potiùs sententiam censes. Sapientumne precipui, an Principis philosophorum? V trique enim fidem temet adhibere par est: Ille enim admonuit, hic verò etiam causam protulit, cur admonitioni huic credendum.*

*Teret.
In An
dr.*

Lampetio Diacono.

74

Melior est ille peccans, quì scit se peccare, eo qui, cùm peccat peccatum ignorans, illo ut rectè facto delectatur.

*Conf.
ep. 159*

I*S, qui alicubi peccans agnoscit se peccare, multò mihi melior videtur eo, qui peccat, vec*

D 2 *tamen*

Rom. 1.
32.

tamen se peccare agnoscit. Ille enim recte, hic verò corruptum de rebus iudicium habet: ille ad pœnitentiam perducetur, hic sine dolore peccatorum extinguetur: Ille erubescet dum peccat; hic verò ne erubescet quidem; cùm se peccare nesciat? Hinc & ille, qui naturæ rerū omnium accuratus explorator, dixit. Non solum hæc faciunt, sed etiā consentiunt facientibus. Rectè definiens, grauius esse laudare, quàm facere. Ille, itaque ad respiscendum exhortandus, in hoc verò sensus, & cognitio peccati excitandus est. Nisi enim peccatum quis cognoscat, peccare non desinet.

Dìogeni Diacono.

75

ἀχάριστος, ingratiq̃ue accusat animi.

Non leuiter tibi succenseo, quòd emortua penitus sit apud te gratia, quam immortalẽ te seruaturum tũm, cùm beneficium peteres promittebas. Scito itaque ubi denuò in discrimen incideris, nullum te reperturum adiutorem. Necessum enim est adiutoribus eos destitui, qui beneficij memoriam nullam seruant.

Ascle-

Asclepio Sopbista.

Quis verè fortis?

ILlum ego, verè fortem prædico, quem nec rerum aduersarum difficultas, nec hostium insidia superant. Cùm enim plerique mortalium istiusmodi capi, & inescari soleant; is me Iudice fortis est, qui nec ijs quæ voluntatem, consiliumque humanum superât, superari faciliè deprehenditur, sed & generoso animo perfert, & insidias in materiam gloriæ conuertit, nec ad seruales adulationes, mollitiemque prolabitur, sed mentem hostium insidijs excelsiorè seruat. Cùm enim in secundis rebus molles etiam, & effeminati homines facilius prudentia utâtur, aduersæ autem bonos probent, eum qui & secundas res modesto, & aduersas inuictò animo sustinet, fortissimum esse pronuntio.

Martiniano, Zosimo, & Maroni.

Hortatur ut à vitijs desistant, quæ tanta erāt, ut nec viui, videntesq; verbis ea exprimere possent, nec posterì credituri essent.

Conf.

ep. 53.

ad

cosid.

SI ne peritissimi quidē, ut ferunt, dicendique arte exercitati vestras tragedias pro

meritò traducendas suscipere audeant. (Veren-
tur enim, ne apud eos, qui nunc viuunt repre-
bensionem incurrant, & apud posteros fidem
non inueniant. Illos enim plura scire aiunt,
quam ipsi de vobis enunciare queant; posteros
verò minora vos flagitia cōmisisse, quàm quæ
narrantur existimatu-ros.) Quenam incur-
bilis amentia tanto furore vos percitat, ut ea
patretis scelera, quæ & nunc disertissimos in-
fantia arguant, & apud posteros fidem non in-
ueniant? Non enim faciliè adduci poterunt, ut
credant ea ab hominibus crimina admissa, quæ
nec demones exitiales committere audeant.
Nam qui nunc viuunt oculis suis scelera pa-
trata cernentes, minus esse dicent vestris tra-
gedijs, quidquid dictū fuerit; posteri verò ubi
audierint, maiora sceleribus dicta illorum
existimabūt. Illi res ipsas narratione adæqua-
ri potuisse negabunt; posteri autem exaggerata,
& dicendo in maius elata facinora suspicabū-
tur. Illi quidem Oratores rerum enormitate
victos; posteri verò superasse oratione res ipsas
iudicabunt. Illi inquam, eos argumentum non
assecutos; hi verò plus æquo res auxisse dicent.
Quare cū omnia quæ dici possunt, cum exe-
crandis vestris vitijs comparata, exigua sint,
committere talia desinite, quæ & presentium
oratorum

oratorum artem superent, & apud posteros fidem non mereantur.

Eugenio Diacono.

78

Maior in futura vita eorum merces erit, qui nihil bonorum in hac vita accepere.

*Conf.
ep. 72.
222.*

S*Cito, vir optime si rectè, & ad Dei beneplacitum omnia agenti nullum adhuc premium obtigit, non eo id fieri, ut nullum penitus, sed ut maius, & munificentius accipias. Qui enim hic aliquid percipit, ille illustrem; qui verò nihil ceperit; illustriorem in altera vita coronam consequetur. Caue igitur ne illud, quod animum erigere debet, pusillanimitatis occasionem tibi præbeat. Qui enim hic recipit, illi merito merces acciditur: at qui nihil accipit, ei illibatum premium reservari liquido constat.*

Cyrillo Episcopo.

79

De rectè dispensandis bonis Ecclesiasticis in usum pauperum.

P*robè tua novit prudentia, neque ex iniusto lucro eleemosynas faciendas, neque inexplebilem dispensatorum Ecclesiæ Pelusotarum.*

D 4

auari-

auaritiā posse satiari. Optimè itaque feceris, si auaritiā eorum, qui Ecclesiasticas opes tractant, compescas. Si enim inique parta, ne in egenos quidem erogare fas est: sacrilegium erit, ne pauperibus quidē ea erogare, sed in proprijs thesauris recondere? Discant itaque, quod sincerè, & candidè, iustè parta pauperibus distribuere, & semetipsos ab omni iniustitia puros conseruare debent. Maximè cū Iudici (Deo) sic placitum. Deinde & hoc sciant, se non illorū gratia, quorum curam se gerere dicunt hanc auaritiā exercere, sed quod proprios suos thesauros implere desiderent. Quòd si enim dispensatorum insatiabilem auaritiā extinxeris; multum inde commodi pauperes percipient.

Harpocræ Sophistæ.

80

In ratiocinando caute agendum ne veritas male defendendo prodatur.

Q*ui ad accuratas quæstiones solidam potest adferre solutionem, meritò non timeat, si difficiliorem formet obiectionem, at qui solutione destitutus, orationis vim in obiectione formanda ostendit, in soluēda autem eadem imbecillior videtur, is nescit se eò manifestius ostendere, quòd difficultate victus*
succu-

succubuerit. Neque enim tantopere eum ab initio contendere oportebat, qui postea manus difficultati erat daturus. Quin potius, si planius proloquendum, veritatem manifestè prodidit, quòd eandem orationis vim, qua in obiectionibus proponendis fuit usus, in iisdem soluendis non ostenderit.

Zosimo.

81

Ad virtutem exstimulat metu futuri iudicij.

N*isi ignominiam subire, pœnasque sustinere velis, non dico in hac vita, (licet neque hoc exigui momenti sit apud hominem prudentem,) sed in illis siue supra terram, siue quocunque tandem locorum futuris iudicijs, excussa ignavia, virtuti incumbe.*

Artemidoro.

82

Ex animo non ex euentu res æstimandæ. Explicatur Illud Pauli. Vnusquisque propriam accipiet mercedem.

1. Cor. 3.8. & 14.

Q*ui omne id, quòd in semetipso est facit, ut persuadeat nec persuadet tamē, æquè mirari*

mirari debemus, ac si rem omnino perfecisset, tantum abest ut reprehensione dignus sit. Id si mirum tibi dictu videatur, suum quoque calculum addet B. Paulus dicens: Vnuiquisque mercedem suam accipiet iuxta laborem suum: non dixit, iuxta laboris euentum, qui enim nihil omisit eorum, quæ fecisse oportuit, is iure merito corona dignus est.

1 Cor. 3
8. & 14.

Paulo Diacono.

83

Conuiuator optimus quis?

COnuiuatorem ego illum splendidum esse arbitror, non qui redundante mensa conuiuas excipit, & saturitate nimia ad libidinē prouocat; sed qui frugalem apparatus prudētibus monitis condit, temperatque, quorum utilitas ad animam etiam pertingere valeat.

Conf.
ep. 53.

Martiniano, Zosimo, Maroni, Eustathio.

84

QVamuis multi de salute vestra desperarint, ego tamen denuò ad vos accedo suadens, ut à vitijs recedatis, contrà verò ad virtutem complectendam cohortans: denuntians etiam improbis pœnas, quas luent, probis verò pramia quæ recipient. Nisi itaque
rationem

rationem omninò extinxistis, sed scintilla saltem aliqua restat, quæ accendi iterum queat, eam vos rursus inflammando suscite, forsitan enim, tametsi serò, id aliquādo cognoscetis.

Hieraci Diacono.

85

In Iustitia, fideq; seruanda latrones exemplo sunt. Cic. 1. offic.

M*Iror equidem vehementer, cùm latrones, qui strictis grassantur gladijs, & ijs quoque arma inferunt, à quibus nunquam ipsis illata iniuria: ubi de eodem sale participant, desinunt iam esse latrones erga eos, quibuscum societatis fœdus intercedit: sed communis mensa implacabiles mores mitigat. Nos verò, quos diuinæ mensæ communionē Deus dignatur, irreconciliabile inter nosmetipsos bellum gerimus.*

Cassio Scholastico.

86

Patris offensas in liberis vlcisci indecorum.

S*iquidem patris mortem expectasti, ut ea occasione in liberis temet vlciscereris, duobus turpissimis vitijs te obstrictum ostendis; vecordia, & iniuriarum memoria: cùm enim*
in il-

*in illum te vlcisci nequiueris, vecordia; dum
verò in his vindicare te conaris, vindicta, &
implacabilis animi exemplum in temetipso
exhibebis. At si ne hos quidem vlcisceris, ve-
cordia quoque opinionem declinabis, & vide-
beris tunc non metu cefsisse, sed reipsa animo,
vt sapientem decet, imperasse.*

Esaia.

87

Dei longanimitas ad virtutem, non ad pec-
catum nos excitare debet.

NOli, vir optime, ab hisce ad deteriora
prolabi, quibus meliorē te euadere oport-
tebat. Nec salutis materiā perditionis causam
existimes: sed Dei longanimitatem reueritus,
virtutem arripe: neque enim perpetuò: Iudex
ille sperni se sustinebit, sed potentem supra te
manum extendet. Idcirco pramonet, & se ante
excusat, quòd non iniuria decretum ipsius in-
reos feratur. Inquit. Silui: nec semper tacebo,
& sufferam. Excitabor, & siccabo simul. Tan-
tūm non dicens: si pœnitentiam egeritis, nō eue-
niet, quod prœdixi. At si perduraueritis in vi-
tijs, ego quidem extra culpam ero. Vosmetipst
enim pœnam capiti vestro accersistis.

Isai. 43
14.

Paulo

Animum fortem, periti gubernatoris instar *Conf.*
 aduersitatum fluctus superare decet, 76.
 ne ijs submergatur.

Probum spectatumq; virum omni calami-
 tate superiorem esse decet. Erit autem, si
 rationem perturbationibus inuictam seruet;
 eique tanquam gubernatori clauum dirigendū
 committat. Si verò gubernatorem submergat,
 naufragium miserrimum patietur, passionibus
 imperantibus, & rationem in ipsum pelagi
 fundum demergentibus.

Eusebio Presbytero.

89

De fastu cleri, eiusque causa.

Et si ut scribis, Regum, Principumque erga
 Deum pietas, Episcoporum impietatem
 redarguat, & nimius honos, quē ipsis exhibet,
 dissolutos eos in tanto dignitatis fastigio reddi-
 derit; magna; illorum erga eos reuerentia, lu-
 xuria, et intemperantia occasiōē materiāq;
 suppeditarit; tu tamen caue, ne id ipsum offen-
 diculo tibi sit. Non enim omnes pariter prædi-
 ctus morbus occupauit: sed sunt qui secundum
 Apostolicam formam, & exemplar, vitam
 suam instituire laborant. Quod si dixeris
 raras

Conf.

ep. 37.
263.

raros admodum eos esse, nec ipse inficias iuero, sed in hoc etiam Saluatoris nostri præscentiam admiremur dicentis ; Multi sunt vocati pauci verò electi ,

Matth.
22. 14.

Marciano Presbytero .

90

Delatoribus non temere credendum , sed vtraque pars audienda .

R *Umigerulis aures ne prabeas. Si enim accusatoribus facile credas, nunquam deerunt homines mendaces, & fingentes. Sed si placet aures incorruptas prabe, et defendet sese egregie, qui calumnijs oppressus est, & dolorem frustra erga illum conceptum in ipsos cōvertes.*

Eidem .

91

Pauli ad Hæbr. locus cap. 4. vers. 8. de Iesu Naue ,

B *Paulus non de requie Iudeorum, quæ ductu Iesu Naue in Palestina ipsis parta fuit, loquitur ; huius enim nulla apud eum fuit ratio : sed in eam respicit, quæ in futurum expectatur, & eò mēs eius, scopusq; tendit. Quòd verum esse ipse sui interpret, sic explanat, dicens ; Nam si eis Iesus (Naue scilicet) requiē præsiti-*

Hæb. 4.
8.

præstitisset, nunquam de alia loqueretur post hac die. Itaque relinquitur sabbatismus populo Dei. Si enim, inquit, ille requiem eis dedisset, non utique David post multas generationes natus, de requie loquens dixisset: Hodie si vocem eius audieritis nolite obdurare corda vestra. Quocirca, inquit, vera quies populo Dei, id est rite ex fidei præscripto viventibus, non in Palæstina reposita, sed in cælesti Hierusalem præparata est.

Pl. 94. 8

Theoni Episcopo,

92

Dubius primùm ob diuersa amicorum consilia, tandem hortatur, ut ad sanam mentem redeat, nec bonos lædere pergat.

Cum constitutum haberem, à amicissime Theon, admonitionē ad te mittere, prius tibi exponere volui, quæ amicorum meorum ea in re fuerint sententiæ, ubi illis institutum hoc meum communicavi. Illorum ergo alij magnopere verebantur, ne inimicitiarum materiam mea hac prouida sedulitate generarem: existimaturum enim te, sub specie institutionis maledicendi tibi occasionem à me captatam fuisse. Non enim mirandum dicebant, si ex oratione illa

illa bellum mihi Persicum conflaretur. Erant etiam qui bono me animo esse iuberent, quippe quod in bonam partem ea esses accepturus: tantumque abesse aiebant, ut mali quid inde expectandū, ut & laudem inde sperarent. Vtrique mihi veritatis scopum partim attigisse, partim aberrasse ab eo videntur: nam principio quidem agrè te laturum existimaui, deinceps verò non item, sed in partem quoque optimam accepturū mea in te dicta spero: non tamen omnia: utrumuis tamen expectans, non desistam dicere, quod in mentem venit. Primū enim optimi quique à nostra parte stabunt non solum te, sed & ceteros mali quidquam tentaturos, prohibere paratis. Deinde si quod vulnus ei infligatur, qui virtutis patrociniū suscepit, non erit id perpeffu adeo graue. Quid ergo dicturus sum? age, dicatur: laciatur alea. Desine temetipsum tuo tibi gladio iugulare; & maiorem quouis barbaro barbariē in teipsum exercere; taliaque in te mala committere, qualia nec infestissimi hostes designarent. Si ergo statutum tibi est firmiter in malitia persistere, & immota ea apud te est sententia, desine saltem virtutis alumnos oppugnare. Nam non peccare tantum, sed & bonos traducere lingua mucrone aduersus eos armato, extre-
ma

*ma malitia est, aut conclamata potius amen-
tiæ indicium.*

Palladio Diacono. 93

*Ad constantiam hortatur in bono. Conf.
ep. 153*

ERas olim in discipulorum numero, qua-
rum etiam Princeps videbare, quod ve-
hementius cæteris sacrarum litterarum inue-
stigationi incumberes; at nunc ijs neglectis non
modò recessisse te constat: sed & luxui ut au-
dio, temetipsum tradidisti, unde libidines, vè-
tris bene saginati comites existunt. Cum ergo
non ignores, malum illud neglectum ingraue-
scere; ad pristinam te frugalitatem quàm ci-
tissimè, vicissim compone.

Serenò Diacono. 94

*Omnia æquo, & moderato animo ferenda. Conf.
ep. 165*

MUltis subita felicitas insidias tendit, &
immedicabilium malorum primordia
existunt. Ne igitur in omnibus id genus vi-
ctorias quæramus, sed unum id potissimum,
ut omnem sortem æquo moderatoque animo &
eo, quo par est habitu, & prudentia admini-
stremus.

E Atha-

Athanasio.

95

Virtutis vitiorumque comparatio.
 Virtus semper ad sup̄erna vitium
 ad inferna tendit.

SI virtutem ac vitium breuiter delineare
 oporteat, dicam ego, quòd sicuti ignis inge-
 nito suo motu semper sursum nititur. Ita etiam
 virtus, & sicuti corpora grauiā sursum ferri
 nequaquam possunt, sed ad inferiora vergunt,
 grauitate motum ita incitante, vt velocitas
 eius verbis nequeat explicari; sic & vitium.
 Quocircā virtuti inhaerendum; à vitio autem
 abstinendum.

Eutonio Diacono.

96

Aduersa cū à Deo aut ad castigationem,
 aut ad probationem immittantur,
 bono animo ferenda.

HOs qui in tentationes incidunt in aliena
 felicitate proprias miseras clariùs per-
 spicere certum est. Quòd verò dum vel mede-
 lam vel probationem hanc esse cogitant. (Alij
 enim pro peccatis pœnas soluunt, alij verò pro
 splendidioris coronæ præmio certant :) facile
 tenta-

tentationes perferre debeant, & non solum animum non remittere, sed etiam alacritate erigi, audacter affirmare ausim. Hinc enim curari quosdam promittit B. Paulus clamans: dum iudicamur, à domino corripimur, ut non cum hoc mundo damnemur. Quosdam verò corona gratia certare diuinum testatur oraculum, quod Iob datum fuit: putasne me aliter tibi respondisse, quam ut appareas iustus? Quin igitur siue hoc, siue illo fine exerceamur, bona spe confirmemur.

1. Cor.
11. 32.

Iob 40.
3.

Theodoro Scholastico.

97

Veritas omnibus anteferenda.

NOli contentiosis disputationibus veritati vim inferre, nec iniuria eam affice, liquidam, & accuratam eius cognitionem sophistica arte obumbrās, sed omnia veritati posthabenda ratus, sine cauponatione, aut munerum corruptelis sententiam de ea feras.

Apollonio Agricola.

98

Agriculturæ laudatio.

AGRICULTURA & necessaria, & reliquarum artium parens atqueATRIX est: illius enim

E 2 largo

largo prouentu vigent etiam reliquæ: cōtrà infeliciter agente illa, ceteræ propemodum extinguuntur. Non pudeat te ergo eam exercere, quin potius glorieris, quòd necessariam maximè, & utilissimam artem tractes. Qui enim voluptuarias artes exercent, erubescere iure merito debebant.

Hieraci Diacono.

99

Continentia in iuvene virtus, & laudanda.

*In sene impotentia; nec propterea
in senectutem reiicienda.*

Thren.
3.27.

Q*ui in ipso vigore procellarū nauim seruat, & naturam libidinū furijs æstuantem refrænât, dignus est, qui millies beatus prædicetur, & coronis exornetur. Continentia enim in senectute, non ex temperantia, sed libidinis impotentia procedit. Idcirco Ieremias propheta priorem illum prædicans: bonū, inquit, est viro cū portauerit iugum ab adolescentia sua: posteriorem verò nemo felicem, prædicare dignatus est. Sed omnes sine præconiij præmio inglorium reliquere. Ne ergo senectutem expectes, quasi in ipsa temperans futurus sis. Præterquam enim quod incertum sit, te ad illam peruenturum, res ipsa nullo cum bonare coniuncta est.*

Eidem.

Eidem.

100

Aduersa præterita in primis generoso
animo ferenda.

Cum necessitas iubeat acerba, & tristia,
licet grauissima perferre; (negligendo
enim non minuuntur, sed augentur potius ad-
uersa:) fortiter ea quæ accidere tuli: præsertim
cum maximam iam partem præterita quasi
eneruata elanguerint. Tentatio enim quæ
transiit, citò obliuioni traditur; sed quæ adhuc
expectatur, toties disruiat, quoties metuitur.

Petro.

101.

Fidei Commendatio.

Eidem in Deum infideles nescio quomodo
contemnunt, & eleuant: cuius cognitio fa-
cilis & prompta, possessio tuta: finis verò insu-
perabilis, & perpetuus.

Harpocræ Sophistæ.

102.

Laudat linguæ libertatem qua improborum
vitia insectatus fuerat.

Conf.

ep. 52.

53.77

Laudo equidē, et admiror oris tui libertatē,
pari cū prudētia coniunctā; quā seruiles ac

E 3

degene-

degeneres improbant, suæ improbitatis, atque effeminati animi iustam eam reprehensionem rati. Ebrj enim maleficiorum suorum metu, & cum puræ sobriæque vitæ hominibus commissi intemperantes suas linguas exacuunt.

Olympio Presbytero.

103

Conf.
epist.
440.

Rogat vti pro desperatæ nequitiae hominibus Deum oret.

Quamuis reprehendere facile, & cuiusvis hominis, sed quid fieri debeat, ubi opus est demonstrare, optimi sit consiliatoris? Zosimus tamen, & Maro neque reprehensionem, neque consilium admittunt: sed eò demerentia prolapsi sunt, ut & reprehendentes cõuicijs lacerent, & sana suadentes maledictis incessant. Quandoquidem verò nonnulli eos non reprehendere, neque suadere, sed veluti mortuos deplorare aggressi sunt, etiam hoc medicine genus accusarunt. Irrident enim eos, qui pro affectu idipsum agunt. Quid igitur factò opus est? Vltimum hoc tibi denunciabo, negotium nobis facessenti, & importuno quasi ipsorum insaniam propellere valeamus. Atque utinam possem, non ego consultioris opem implorarem. Sed repente ipse eos corrigerem. Cùm verò malum

lum omnem superet curationem, et medentium
remedijs magis etiam exasperetur, sanctis tuis
precibus opem ipsis adferas. si qua fortassis ra-
tione malo superato, omni illos vitio eximas.

Heroni Presbytero.

104

Monet ut lites, quas auaritia cogente alteri
intentarat, amice potius componat,
quàm dubium euentum exspectet.

Non me fugit principium eius contentio-
nis, quæ tibi cum aduersario tuo est pri-
mâ sua semina ex auaritia habere, & per alia
plura procedendo in accusationem tandem fi-
nisse. Meum ergo consilium est, iuste te factu-
rum, si ijs quæ hactenus facta sunt acquiescas.
Nam qui multa agit plura solet perpeti, ne id
quod pugne finis esse videtur, maiorum cala-
mitatum fiat initium. Admitte ergo interce-
dentes pro ipso, & negotium hoc depone, melius
existimans humanitati aliquid condonare,
quàm iudicum sententia superari. Incertus
enim est exitus, multiq; adeò infinitis iuris ra-
tionibus nixi, quasi nihil certi habuissent, victi
succubuerunt. Et licet certa esset victoria, hu-
manitate tamen potius utendo illustriorem te,
quàm ipsa victoria reddes.

Martiniano, Zosimo, Maroni, Eustathio. 105

Optat illis bonam mentem.

SVfficiens quidem signum, maximumque
mei erga vos animi argumentum id ipsum
est, quod consilium vobis dare constituerim.
Omne enim consilium audientium utilitatem
spectat. Quorum verò comoda quis procurat,
illi nequaquam debent dicere admonētem ma-
le erga se affectum esse; ut ne umbram quidem
accusationis subesse credam ijs, qui admonēan-
tur: quin potius preces monitionis loco sint. Deū
itaque precabor, ut mentem vobis sanio-
rem immittat, & induratum animum expellat, &
obsequens ac morigerum cor vobis largiatur,
ad complectendam virtutem, quæ insitam, &
non fucata pulchritudinē obtinet; ad impro-
bitatē verò quā cupide nimis sectamini spe-
cie belluinam, & quavis scylla terribiliorem,
mente tamen captis, nescio qua ratione suāuem
ac iucundam effugiendam: si verò omnis om-
nino animi sensus vobis perijt (id enim diu-
turna in vitijs perseverantia promittere vide-
tur) saltem propter illos, quibus offendiculo
fuiſtis, desistite, aduersus sacrosanctam Reli-
gionem linguam exacuere. Vestri verò compo-

*tes estote, ne vestra impietate, alios etiam in-
barathrum malitia precipitetis.*

Hermino Comiti.

106

Virtus colenda, cætera umbra, & somnia.

NEc imperium, vir magne, nec dignitatis
magnitudo, nec secunda res mortalium,
sapientiæ in te amorem, studiumque concutere,
atque euertere valeant; quæ maximè morta-
lium animos extollere amant: verum hæc om-
nia umbras, & somnia reputans, virtutem co-
le: hæc enim purpura inter omnes possessiones,
opesque nunquam veterastit.

Eidem.

107

*Aeterna curanda, neglectis terrenis, &
perituris.*

Rerum æternarum satage, momentanea
& breui peritura negligere. Hæc enim,
siue bona, siue mala sint, finem, exitumque ce-
lerrimum in hac vita habent: illa verò in al-
tera vita terminum, finemque ignorant. Epi-
stola hæc, etsi brevis, amica tamen, & effectus
plena est.

Aeliano

Εἴς γε ne fiant μάστιγα.

Multa multoties mortales patimur, dum
 quæ studio, curaque digna sunt negligi-
 mus, quæ autem reuera negligenda sunt, ea stu-
 diosè complectimur, ludicra serio studio, seria
 ludicro opera digna cēsentes, ea enim quæ præ-
 cipua, & maximi momenti sunt, obiter & per-
 functoriè; perfunctoria verò ut necessaria, &
 præcipua perficimus. Verùm cæcus sui amor
 non rectè iudicans, dolorem illis parit, quibus
 minimè oportebat: non enim eos, qui iusta per-
 petiuntur, sed qui iniusta agūt, dolere æquū est.

Philertrio .

109

Virtute insignes imitandi .

Qui virtute præstant, ac pietate egregia
 excellunt, tantumque præ alijs eminent,
 quantum Lucifer ceteras stellas cla-
 ritate superat, ij iure merito sydera appellari
 queunt, non modò semetipsos ad huiusmodi di-
 gnitatis fastigium euehentes, sed & cæcis lu-
 men allucentes, & in virtutis speculam eos
 quasi manu ducentes. Hos itaque imitare,
 non

non eos, qui cuncta sic agunt, ut & videntes
excacare possint.

Harpocræ Sophista.

110

Quis sapiens, & bonus propriè dicendus.

Conf.
epist.
264.

Sapientes equidem hos existimo (nihil enim
constituo) sed sententiam dumtaxat pro-
pono, qui intellectualibus virtutibus sunt or-
nati; Quales erant illi, qui sermonem habebant
sapientiæ, & scientiæ. Bonos verò dixero, orna-
tos virtutibus quas rationis expertes (sive mo-
rales nonnulli appellant; quales erant y, qui cū
sapiens nihil proferre possent, optima tamen
conuersatione spectantes docebant: quorum si-
lentium oratione operibus destituta præstat. Si
quis autem & intellectualis, & morales vir-
tutes obtineat, hunc ego & bonum, & sapien-
tem nuncupauero.

Epiphanio Diacono.

111

Συγγνώμης nomen vnde sumptum. Matt. 5. 26.

Esto consentiens aduersario tuo.

Quandoquidem litteris tuis quaesivisti,
vnde Συγγνώμης idest, veniæ nomen pro
remissione, & con donatione sumatur;
ego

ego si arbitror; quod uti homo seipsum noscēs, hoc est, qui neque delicta sua, cum labitur, ignorat, sed scitū illud dictū, nosce teipsum, obseruat, neque in rectē factis, etsi aliquando quasi niētiens paululum in arrogantiam vergat, magnificē de se sentiēdo effertur, sed suae conscius naturae, atque imbecillitatis, neque supra humanam elatus cōditionem, resipiscit: Hic qui ignoscit, hoc est, qui unā cognoscit, & intelligit, quod reapse ille palinodiam canat, ignoscit, & condonat semetipsum noscenti. Qui verò non cognoscit, non ignoscit. Quare & ille reprehensione dignus est, seipsum non noscens; hic verò semetipsum noscenti non ignoscens siue consentiens.

Eidem.

112

Suadet caducas opes ita impendere ut thesauros in coelis nobis paremus.

Thesaurizate vobis. Matt. 6. 19.

M*ulta variaq; sunt, charissime, quae opū possessionibus noxam damnumque afferunt. Non enim tinea modò, & longa temporis vetustas, sed & lites, & latrones, serui etiā & futurorum incertitudo, mors denique (quā effugere, etsi alia effugerit, nemo potest) cum bonis*

bonis tum opibus priuabit eum, qui possidere illa videtur; nomine enim tenuis, non verè re ipsa bona possidet. Qui verò eleemosynis, bonisque operibus, diuitias in hac vita recondit, ille & prudentis, constantisque viri nomen adipiscetur, quòd locum inuenerit tutissimum, quo nihil eorum, quæ diximus pertingere fas sit. Talis enim regio cælum est, nulli malitiæ peruium, quouis terra solo fertilius, & cum multa vbertate commissæ sibi sementis fructus perpetuos creditoribus refundens.

Maroni.

113

Ad eleemosynam hortatur.

Conf.

ep. 79.

181.

QUæ vel ingratis sæpenumero inimicis relinques, da nunc volens, & necessitatem honoris, & virtutis materiã effice; ne non pœnitenda deplores, sed præmittens illa in vitam æternam, fructuosa, & cãm fanore reperies.

Theophilo.

114

Peregrinatio quare, & quibus suscipienda.

PAULO antè, sub ipsum lucis exortũ (crepera enim noctis, et diei mixtura erat) amicorũ quidam

quidam obuius mihi fortè fortuna indicauit,
 viros nonnullos sapientes, postquam intellexere
 longinquam à te peregrinationem institutam,
 non virtutis gratia, aut vt temetipsum vel
 alium aliquem ad sapientiæ studium perducas
 (quòd ipsum vtique probassent) sed vt diui-
 tijs locupleteris, vehementer propositum tuum
 condemnasse, quod adolescentiæ annis in otio
 transactis, nunc in senio peregrinari instituisti,
 cùm cõueniret te sicubi, antea peregre vixisses,
 domum iam redire, imminente vitæ tuæ ter-
 mino. Iuuenes enim se ad extremam senectutē
 peruenturos sperant: Senes verò præter mor-
 tem nihil aliud expectare debebant. Ego verò
 causa discessus tui non planè cognita, te nec de-
 fendi, nec damnaui, sed scripturum tibi promi-
 si. Tu ergo quod facere te dignum est, etiam
 atque etiam ante cum animo tuo perpendes.

Theodora Scholastica.

115

Melior est homo sedulus licet pauper, quam
 ignarus diues opibus affluens.

VTer ergo gloria, & egregio honore dignus
 esse, tuæ prudentiæ videtur? an is, qui
 nihil quidem generosi agere animo proponit,
 sed in secundis rebus & diuitijs, & inani di-
 gnitatum

gnitatum splendore constitutus est? an verò is qui nihil, quantum in ipso est, intentatum relinquens, sed agit omnia, quæ & ipsum dignum omnium laude reddant, aliosque ad virtutem excitet. Aduersa tamen fortuna vititur, & in inopia degit? mihi quidem hic præferendus videtur; si verò & tibi idem videatur, caue ne contrarium probare tuo calculo videaris.

Casio Presbytero.

116

De Zosimi improbè factis.

Conf.
ep. 103
165.

Quandoquidem mirari te scribis, cum nefarium sit Zosimum sacris initiari, quomodo non idem nefarium videatur illegitimè eum consecranti; respondeo, te quidè pro tuo animo ab omni malitia auerso iure indignari, quod nemo negauerit. Illud autem te monuerim, ut puram à maledicentia linguam custodias. Etsi enim ille infinitis, ut scribis, dignus est fulminibus, qui nec illa dignitate melior euaserit, sed sacerdotio, ut armis nequitie abusus, ea audeat, quæ audere nefas est: caue tamen tuum os impuris eius sceleribus arguendis, ac scæuis moribus commemorandis inquinare.

Paulo

Conf.
lib. 3.
ep. 135

Fati vim , & necessitatem lepidò argumento
subuertit .

SI quæuis, ut ais, cogitatio atque omne ani-
mi propositum, hominibus à fato immit-
tatur, absurdissimum quid ipsi fato accidere
deprehendes. Siquidem alijs rationes sugge-
rat, quibus defendatur, alijs verò artem, &
sciētificas rationes quibus id ipsum subuertāt.
Quare si seipsum euertit enthymematis illis,
quæ subuertentibus suppeditat, quomodò quæ-
so fatum subsistere potest?

Eustathio Diacono .

118

Ad vitæ emendationem adhortatio .

INter mala hætenus à te perpetrata , illud
summum est, quod nunc ausus es. Cōtendisti
cum temetipso & vicisti. Primas itaque in hoc
impietatis atque incontinentiæ certamine tu-
listi apud omnes, omnesque superasti: propterea
nobis lacrymarum perennium causa extitisti.
Si itaque dolori nostro tui causa concepto mede-
ri velis, omnem moue lapidem, ut mali nomi-
nis labem abstergas .

Theodoro

Lingua quomodo bene vtendum.

Conf.
2.453

SI acutissimam habes linguam, oris septo maximè eam concludere, & frano coercere, id si nequis, vtere ea, vti debet pro diuina, & incorruptibili gloria, in præsidium oppressorum, & optimarum rerum defensionem; contra auaritiā iniquorum; contra eorum imperitiā qui vniuersi huius prouidentiam malis spiritibus attribuunt; contra Hereticorum amentiam; contra Gentilium superstitionem; contra Iudeorum insitiā, ad peccatores incusandos. Quod si his omiſsis, linguæ tuæ acumine ad obuia quæque abutaris, rem absurdissimam committes. Facies enim perinde, atque si acutissimum naetus gladiū, in tuos eum amicos stringas, vel robur viresq; contra ciues conuertas: cum gladio contra hostes, robore contra aduersarios vtendum sit: Caue igitur ne pharmacum in venenū conuertas, sed eo sicuti oportet vtere.

Hypatio Remp. gerenti.

120

Procrastinatio emendationis tandem Dei iram excitat.

Homines in rebus gerē discunt abūdos aere mala in propinquo videre nemo, vti
F opinor,

Gen. 7.
& 19.

opinor, ignorat. Qui enim per ignauitã virtutẽ
iniuriosẽ illudunt pœnas suo arcessunt capiti;
quæ auctores obruere gestiunt. Quòd autẽ pec-
cata pœnas tandem adducant, nisi pœnitentia
curentur, & diluuium, & Sodomitarum casus
apertẽ clamant. In quibus etsi mora, ac pro-
crastinatio quædam intercesserit, non tamen in
finem vsque vindicta tardauit, quæ tarda-
quidem, sed certa tamen secuta est.

Ophelio Grammatico.

121

Conf.
epist.
133.

De laconica oratione. Greg. Naz. epist. 3.
ad Nicobulum.

Non ea admiranda oratio est, quæ longa
verborum copia fluit, & importuno fer-
tur impetu, sed ubi verbis brevis, sensu pro-
lixa, & in ipsa breuitate omnibus numeris ab-
soluta, oportunitate maximẽ animata est, tũ
demum viuidior apparet.

Martiniano, Zosimo, Maroni, &
Eustathio.

122

Reprehendit ipsorum impudentẽ nequitiam.

Quandoquidem nõ solũ ea patrãdo quæ
nemo alius, quotquot vnquam flagitijs
infames

Infames fuere ludibrium debetis, sed etiam gloriando in ijs quorum causa vultum obtegere erat equum, omnem superastis amentiam; idcirco hasce litteras ad vos perscribendas duxi. Illis enim tantò, ut aiunt, deteriores estis, quòd quæ ipsi commiserunt crimina eadem texerint; vos contrà ijsdem vosmet iactatis. Summum verò malorum illorum esse dicunt, quod ij vobis insanire videantur, qui honestè viuunt, & delirare existimetis, qui vos admonent. Quodnam ergo vobis relictum est patrocinium? quæ commiseratio? quæ venia? equidem non habeo, quod dicam.

Thomæ.

123

Aeternis, & mansuris adhærendum, peritura autem contemnenda.

H*is tantum bonis acquirendis incumbamus, quorum post hanc vitam usus nobis erit. Cetera verò contemnimus.*

Harpocræ Sophistæ.

124

Cohibenda calumnia.

H*ominem omnes ubique calumniantem grauiore comminatione coërce, ne pœnis postea opus habeas.*

F 2

Eidem.

Eidem.

125

Ad frequentes inuitat litteras.

Quoties tuas accipio litteras, vir clarissime, & eruditione instruor, & magna perfundor delectatione: nam & affectum, & scientiam ostendunt. Si autem ad me scribere paululū cessas, discrucior equidem vehementer, & lingua torpet, cū nec voluptate perfruar, neque utilitatem sermonis tui percipiam. Noli itaque amicitie leges violare: sed frequēter scribe: sic mihi lōgè eris charissimus.

Philetrio.

126

Conf.
ep. 21.
37.

De Ecclesiæ vulneribus, vitijsque perfanandis.

Christi Ecclesiam, & Doctores insignes, et probatos discipulos olim habuisse, optimè quidem noui, nam & nostro seculo, non tātū olim, utrumque horum fuit. Idemque ne nunc quidem, ut tu affirmas, impossibile esse, sed fieri posse, nequaquam dubitandum est. Si enim ex parte rectorum eius solida firmaque subsisterent, & illi posita tyrannide paternam sollicitudinem ostenderent, tū etiam liceret dispicere

cetera qua ratione subditi possent saluari. Prius
 verò quàm fundamentum ipsum rectè positum
 fuerit, de coronide, fastigioque sermonem insti-
 tuere, valde superuacaneum duco: neque enim
 volent illi, licet millies audiāt, credere, nisi ro-
 bus ipsis, & exemplis didicerint: præsens ita-
 que tempus multo & consilio, & prudentia in-
 diget, ego verò difficillimum arbitror, non
 quòd eos oporteat admonere; at de eo dubito,
 quonam orationis genere apud illos uti opor-
 teat. Certò enim mihi persuasum habeo, ex ijs,
 quæ & ipse corā, & sciscitando cognoui fugere,
 illos pleraq; diuinorum oraculorum, quòd cum
 ea quæ oportet facere norint, ne intelligere qui-
 dem desiderent. Quamobrem illos moneo, ut (si
 liberius dixerò) patienter ferant, & dispiciāt,
 num vera dicam; idque eo fine; ut meliores
 euadant. Nam assentationibus nonnullorum
 in has turbas, res Christiana coniecta est.
 Quid igitur factò est opus? dicam breuiter nec
 celabo: siquidem sacras litteras pro fabulis re-
 putant, tùm sileant. Si verò cœlestia esse cre-
 dunt oracula, opere illa prius exequantur:
 debinc populo prædicent. Nisi enim tales fue-
 rint, lex diuina os illis obstruet.

Modestix, & humilitatis commendatio.

Siquidem magnum nihil, aut supra naturā
 natura nostra continet; ad modestiam, &
 humanitatem (vipotè proprium, & agnatum
 quid) eam adigamus, omnem arrogantiam
 exterminantes.

Petro.

128

Conf. Quis spiritualis, Animalis, & Carnalis.

*ep. 1. 7**lib. 4.**1. Cor.**3. 7**1. Cor.**14.**3. Cor.**2. v 13.**Dan. 3.**Conf**36. & 68*

Carnales scriptura vocat, qui ad carnis
 opera prolapsi sunt, Animales verò, qui
 præter consequentias ratiocinationum nihil se-
 quuntur: spirituales denique, qui diuino spiri-
 tus dono sunt ornati, & ratiocinationis conse-
 quentias supergressi, atque ijs quæ naturam
 superant, illuminati. Vt exempli gratia: Tres
 illos pueros in Babylonicum caminum conie-
 ctos non arsisse, nullam naturalem habet ratio-
 nem, si quis rei probabilitatem examinet, &
 ratiocinationis imbecillitatem perspiciet. Sin
 autem diuinam consideret virtutem, quæ na-
 turam quoque ipsam longè excedit, & ratioci-
 nationum consequentias transcendit, omnesq;
 adeò artes superat, prædicta illa comprehēdet.

Theo-

Theopompo vel Theopempto, ut 508.

509. *Epist.*

129

Deprehendi in peccato, alienam censuram,
& suspensionem incurrere, graue.

Deprehendi in ijs in quibus non oportebat, amarum est ijs, qui non omni planè sensu distituuntur: at iudicari graue est hominibus paulo honestioribus. In suspicionem autem vocari illis, qui virtutis culmen attigere, longè molestissimum est.

Nilo.

130

De comminationibus, Deique promissis
passim coniunctis.

Comminabatur olim Deus Hebraeis, & bona promittebat, qui enim minatur tantum, & mala prædicit ad desperationem meliorum impellit, et auditoribus omnino persuadet ut peioribus sese dedant. At contra, spes bona adspirare ad meliora iubet. Ideo ubicunque Deus. Iudæis Babylonicam captiuitatem comminatur, simul quoque reditum in patriam promissit.

Hiere.
29. & 32

F 4

Paulo

Paulo Presbytero Anachoreta. 131

alibi

De corruptis cleri moribus quamque periculum sit peccantes admonere, & quomodo admonendi sint.

Illi ipsi, qui virtutis, & vitij arbitros se esse iactant, & testes, primas virtuti debitas tribuunt improbitati; & dum probos eijciunt, improbos verò congregant, eos qui quod oportet facere gestiunt, pusillanimiores reddiderunt; atque adeo eos, qui libero ore verum dicunt oppugnarunt, ut in omnibus prope impetum ad meliora ferentem retuderint. Ipsi ergo canum ac suum ritu viuentes, contra Apostolica vite terminos, rabie aguntur: cumque istos arcere oporteret, res deplorandas in risum iocumque conuertunt: cum non solum nullam rationem virtutis habeant, sed & seipsos eo quod, qui virtutem colerent pessima paterentur, extolles, laudeque ac commendatione dignantes. Quis itaque sic affectos reprehendet? quis quæso corriget? ecquis accusabit? quis eorum fasum retundet? quis supercilium deprimet? quis admonabit, ut non solum dignitate, sed etiam virtute se extollant: quis ipsis persuadebit grauissimas aliquando pœnas fore lundas?

das? Si enim Iudici ipsi in Euangelio sententiam pronuntianti fides non habetur, cui tandem habebitur? quis furibundam illorum insaniam, quæ cursum suum sistere nescit, sed indies magis, magisque inualefcit, cobibeat? multi enim id facere aggressi, illis quidem nihil profuerunt, at se ipsos multis inuoluerunt malis, quos equidem scio maximas in altera vita recepturos coronas. Simplicioribus verò per ea, quæ in hac vita acciderunt ad virtutem incitantur, & vitia fugiunt. Cum itaque hoc solum ex reprehensione eueniat, ut is, qui liberius reprehendit iniuste aliquid mali patiatur, nihil verò utilitatis redundet ad eum, cui consilium proponitur, propterea nunc multò periculosus est, quàm antea dicere ea, quæ bona sunt. Si qui verò ipsorum ut scribis, admonitores querunt (neque enim omnes in Barathrum cæci amoris sui ac vitiorum præcipitati sunt) oportebit eis inculcare id quidem maximè Scripturam esse Sacram: ei si obtemperetis cognoscetis? quid vestri sit officij. Quòd si consiliatore indigetis, desinite primùm patrare ea quæ facitis, & tùm monitorē vobis querite. Vbi enim ab ijs abstinueritis, & tutam optimis consilijs viam paraueritis, tunc recta monentem querite. Ante

verò

Luc. 18

6.

Philip
1.29.

verò quàm cessetis, nolite querere. Quis enim
egregia vobis consilia suggerens reijci à vobis,
& expelli volet, neminem sanè reperietis. Hæc
scribo, non quod ipse in hac vita aliquid perpe-
ti reformidem (multa enim perpeffus sum, ut
nostis, huius rei gratia) & dixi adornāti mihi
malum, etiam inuitus mihi coronam præpara-
sti. Quia & mihi datum est à Deo, non solum
ut in ipsum credam, sed etiam, ut pro ipso pa-
tiar: verùm obturare os volens ijs, qui se con-
siliū petere simulant, non ut consiliū acci-
pian, sed ut insidias struant. Quòd autem hoc
non metus causa scripserim hæc velim istius-
modi mortales audiant: vos factis, & exemplo
vestro eos quoque, qui vobis subsunt, ad impro-
bitatem quasi manu ducitis, & duplicem lue-
tis pœnam: quod nec ipsi id, quod oportuit fe-
cistis, & supplantastis eos, qui saluari potuis-
sent, nisi vos ipsis scādalo fuissetis. Desinite ita-
que talia committere, quæ ne Christi quidem
hostes ad nominis eius blasphemiam commit-
tunt. Extinguite persuasionem illam, qua loci
prærogatiuam vobis, præ alijs debere putatis.
Arrogantiam refrænete; supercilij fastum de-
ponite, cogitate quod terra sitis, & cinis. Consi-
derate quid paulo antè fueritis, & quid paulo
post sitis futuri. Cognoscite eos, qui inter vos
virtute

Gen. 18
27.
Conf.
ep. 244.

virtute præstant: nolite sacerdotij armis contra ipsum sacerdotium abuti. Nec paupertatis magistro quæstui, & lucro incumbentes illudite. Nolite pro fabulis ducere evangelica præcepta, quæ toties vobis occinuntur, nec existimetis vos impune peccaturos, nec Deum iniustum esse putetis, neque hallucinari, vel cecutire Deum omnia intuentem arbitremini. Virtuti deditos nolite ablegare, nec flagitijs omnibus coopertis applaudatis ne eos qui flagitia vestra vident, ad eadem sensim informetis: nolite reijcere, qui zelo Divino adducti libero ore veritatem dicunt. Nolite alijs calamitates, damnumque parare ne rectum, bonestumq; quoddam verbo statuitis, opere ipso debonestetis. Sed quid pluribus est opus? cum hæc abundè homines, necdum planè desperatos pungere sufficiant. Finem itaque mea orationi impono, Deum ritè precatus, ut salutarem hanc epistolam esse velis.

Palladio Diacono.

132

Indigno responsum denegat consultus ab illo iuxta illud. Sancta ne canibus.

Matt. 7.
6.
15. 26.
Con. 13

A*D id quod scribis, habeo quidem quod respondeam, sed tibi quod respondeam*

non

non habeo; diuino precepto obtemperans iubenti, sancta canibus non obijcienda. Quòd si caninam rabiem deposueris, & humanam indolem ac mansuetudinem ostenderis, etiam non interroganti respondebo, non forma, sed morum mutatione delectatus.

Matt. 7.
6. & 15.

26.
Conf.
ep. 31.

Ophelio Grammatico.

133

De stylo Epistolari.

E Pistolaris character nec omni planè elegantia atque ornatu careat, neque nimio cultu luxuriet. Illud enim vile, hoc verò inep- tum est, at moderatè ornari, cùm ad vsum, tum ad venustatem sufficit.

Mena Diacono.

134

Affectibus malis vincere est vinci, & noxia admodum ea victoria est.

Conf.
ep. 142

Qui uehementissimis affectionibus, Iræ nimirum, & Auaritiæ vincere videntur, ijs multò deterior ea est victoria, quam si victi succubissent. Est enim ubi vinci satius est, quam vincere, nec ob huiusmodi victoriam gaudendum, ubi iniuste obueniat: quæ voluptas enim hinc capitur, ad breue

*breue delectat tempus, at progressu temporis
dedecus sempiternum parit.*

Hieraci Diacono.

135

Periculosum est peccare, & nescire
se peccare.

*Conf.
epist 8
74.159*

Quando malorum quæ committimus ipsi
sensum nullum habemus ob negligentiam
& cæcum nostri amorem, neque alijs
præbemus, eo quod ipsi eodem nobiscum morbo
laborant. Idcirco dum rectè nos valere opina-
mur, neque medicos quærimus, neque curari à
morbo optamus: sed ne hoc ipsum quidem,
quod egrotemus, scimus: quòd non solum omni
nos sensu, sed vita potius ipsa destitutos arguit.

Eidem.

136

Peccatum pœnam, virtus præmium parit: *Conf.*
quàm illud fugiendum, hæc colenda. *ep. 87.*

Improbitatem omni rationi pœnam partu-
rire probè nouisti: sed nec illud ignoras, pro-
bitatem eò quòd res sit valde diuina, siue quod
ad Deum magno nos passu perducit, præmia
omnem sensum exsuperantia parere. Illam
itaque fuge; hanc sectare, nec Dei longanimitatē
negle-

Matth.
25, 32.

neglectum aut iniuriam esse existimes. Oues enim in Iudicium longè sauerissimum adducuntur.

Paulo.

137

Quantum differat, benefacere amicis, benefacere promiscue omnibus, & benefacere inimicis in illud. Matth. 5, 46.

si diligitis eos qui vos diligunt,

Matth. 5,
46.

A*Micis benefacere pulchrum est, pulchrius verò omnibus indigentibus, Sed & inimicis benefacere pulcherrimum: Istud enim & publicani, & gentes faciunt, illud verò qui legi diuinæ obtemperant, tertium verò hoc, qui cælo dignam vitam ducunt. Quantum igitur angeli hominibus iustè ex legis præscripto præstant, tantum & hi publicanis antecellunt. Tanto enim illis superiores existunt, quanto angelis sunt inferiores. Primùm enim rationi est cōsentaneum, alterum humanitatis plenum, tertium ipsam rationem exsuperat. Eo quòd primi illi amicis, qui aut antea beneficia exhibuerant, aut pro acceptis gratiam, mutuumque sunt relaturi; alteri verò isti promiscuè quibuslibet, etiam nullam gratiā relaturis; postre-*
mi

mi verò etiam malè affectis, quinimò nōnumquam malum, damnumque referentibus benefaciunt. Multi enim nec beneficijs meliores fiunt, sed invidia ipsos non dicam bestiarum, (nam & hæ interdum benefacta benefactis reposuerunt:) Sed demonum numero, ordinique aggregat: qui ipsi nihil quidquam boni facere volunt; sed & eos qui volunt, impediunt.

Athanasio Presbytero.

138

Beati estis cūm maledixerint vobis homines.

Matth. 5. 11.

Christus Dominus beatos predicat, qui propter ipsum, omne malum siue dicenda, non dicendaque audirent. Si tamen ij, qui maledixerint mentiri deprehendantur. Sciendum itaque utrumque debere adesse ei, qui ad supremam beatitudinem pertingere cupit, & ut propter Christum patiatur, & ut falsum sit, quod in eum dicitur, ut si alterum quidē adsit, absq; altero non adeò prosit: prosit tamen sed nō tantum. Etsi enim pro Christa patientes vera in nos dici audiamus, rubore nos suffundi necesse est. Nam ex vna parte probati, ex altera iure reprehendimur. Si verò non propter Christum quidem, sed falsò tamen malè audiamus tolerantia

rantia premium percipiemus, non tamen summa beatitudinis erimus participes: quam tum demum consequemur, cum utraque concurrūt.

Helie Diacono.

139

Conf.

ep. 17.

46. 65

Speſtando vt agendo peccari.

2. Tim.

3. 5.

Matt 5.

28.

S*I vestibula aũtaxat, & non adyta ſeditate inquinarentur, curari fortasse malum posset, si verò animum ea contingat, nemo seipsum fallat. Quòd si quis dixerit homines decipiens: Nemo coronabitur, nisi qui legitime certauerit, ratus legitimum esse certamen adſpicere, dum ab actu abſtineat, discat is præſidem ipſum certaminis, Iudicemque ac munerarium dixiſſe: Qui viderit mulierem ad cõcupiſcendum eam, iam moechatus eſt in corde ſuo: Legitimum itaque certamen eſt, non quod ab vnoquoque ex negligentia, aut opinione propria, ſed quod ab incorrupto iudice eſt conſtitutum.*

Theodoro Scholaſtico.

140

Conf.

ep. 16.

Vitia naturæ, & animi bene diſtinguenda, quorum hæc iure vituperanda, illa non item.

I*gnorare mibi videris, quæ laude, quæ vituperatione ſint digna: ideoque oratione tua omnia*

omnia confudisse. Inuoluntaria enim cùm voluntarijs permiscens rem totam, quantum in te est vehementer conturbasti. Quòd enim scribis Eusebium homuncionem esse corpore pusillum, facie turpem, lingua autem barbarum, ipsa quidem veritate indice vitio ei verti non potest. Illa enim à natura sunt: hoc verò ab educatione ortum. Quod verò moribus sit semibarbarus, linguæ intemperans, ira efferus, & belluinus, virtutis hostis, improbitatis defensor (bonos enim profligat, malos verò plausu prosequitur) hoc reuera malè ab illo geritur, nec veniam ullam meretur. Discas itaque quid vituperandum, quid contrà laudandum sit, non incircumspectè, ab uno ad alterum transilias.

Dionysio.

141

A rep. gerenda dehortatur, ne curarum, negotiorumque fluctibus obruatur.

Q*V*andoquidem animo ad ciuilia negotia ferri mihi videris, quasi gloriam in ijs adepturus; hortor ne in pelagus curarum te coniicias. Nosti enim probè quod ijs, neque rationem utilia suggerentè consilia, neque cùm voles ad mentè sobrietatēq; redire poteris

G

sed

Eidem.

125

Ad frequentes inuitat litteras.

Quoties tuas accipio litteras, vir clarissime, & eruditione instruor, & magna perfundor delectatione: nam & affectum, & scientiam ostendunt. Si autem ad me scribere paululū cessas, discrucior equidem vehementer, & lingua torpet, cū nec voluptate perfruar, neque utilitatem sermonis tui percipiam. Noli itaque amicitiae leges violare: sed frequēter scribe: sic mihi lōgē eris charissimus.

Philetrio.

126

Conf.
ep. 21.
37.

De Ecclesiæ vulneribus, vitijsque persanandis.

Christi Ecclesiam, & Doctores insignes, et probatos discipulos olim habuisse, optimē quidem noui, nam & nostro seculo, non tātūm olim, utrumque horum fuit. Idemque ne nunc quidem, ut tu affirmas, impossibile esse, sed fieri posse, nequaquam dubitandum est. Si enim ex parte rectorum eius solida firmaque subsisterent, & illi posita tyrannide paternam solitudinem ostenderent, tūm etiam liceret dispicere

cere qua ratione subditi possent saluari. Prius
 verò quàm fundamentum ipsum rectè positum
 fuerit, de coronide, fastigioque sermonem insti-
 tuere, valde superuacaneum duco: neque enim
 volent illi, licet millies audiāt, credere, nisi ra-
 bus ipsis, & exemplis didicerint: præsens ita-
 que tempus multo & consilio, & prudentia in-
 diget, ego verò difficillimum arbitror, non
 quòd eos oporteat admonere; at de eo dubito,
 quonam orationis genere apud illos uti opor-
 teat. Certò enim mihi persuasum habeo, ex ijs,
 quæ & ipse corā, & sciscitando cognoui fugere,
 illos pleraq; diuinorum oraculorum, quòd cum
 ea quæ oportet facere norint, ne intelligere qui-
 dem desiderent. Quamobrem illos moneo, ut (si
 liberius dixerò) patienter ferant, & dispiciāt,
 num vera dicam; idque eo fine; ut meliores
 euadant. Nam assentationibus nonnullorum
 in has turbas, res Christiana coniecta est.
 Quid igitur factò est opus? dicam breuiter nec
 celabo: siquidem sacras litteras pro fabulis re-
 putant, tùm fileant. Si verò cœlestia esse cre-
 dunt oracula, opere illa prius exequantur:
 dehinc populo prædicent. Nisi enim tales fue-
 rint, lex diuina os illis obstruet.

Modestiae, & humilitatis commendatio.

Siquidem magnum nihil, aut supra naturā natura nostra continet; ad modestiam, & humanitatem (vipotè proprium, & agnatum quid) eam adigamus, omnem arrogantiam exterminantes.

Petro.

128

Conf. Quis spiritualis, Animalis, & Carnalis.

ep. 1.7
lib. 4.

1. Cor.

3.7

1. Cor.

14.

3. Cor.

2. v 13.

Dan. 3.

Conf.

36. & 68

Carnales scriptura vocat, qui ad carnis opera prolapsi sunt, Animales verò, qui præter consequentias ratiocinationum nihil sequuntur: spirituales denique, qui diuino spiritus dono sunt ornati, & ratiocinationis consequentias supergressi, atque ijs quæ naturam superant, illuminati. Vt exempli gratia: Tres illos pueros in Babylonicum caminum coniectos non arsisse, nullam naturalem habet rationem, si quis rei probabilitatem examinet, & ratiocinationis imbecillitatem perspiciet. Sin autem diuinam consideret virtutem, quæ naturam quoque ipsam longè excedit, & ratiocinationum consequentias transcendit, omnesq; adeò artes superat, prædicta illa comprehendet.

Theo.

Theopompo vel Theopempto, ut 508.

509. *Epist.*

129

Deprehendi in peccato, alienam censuram,
& suspicionem incurrere, graue.

Deprehendi in ijs in quibus non oportebat, amarum est ijs, qui non omni planè sensu distituuntur: at iudicari graue est hominibus paulo honestioribus. In suspicionem autem vocari illis, qui virtutis culmen attigere, longè molestissimum est.

Nilo.

130

De comminationibus, Deique promissis
passim coniunctis.

Comminabatur olim Deus Hebræis, & bona promittebat, qui enim minatur tantum, & mala prædicit ad desperationem meliorum impellit, et auditoribus omnino persuadet ut peioribus sese dedant. At contra, spes bona adspirare ad meliora iubet. Ideo ubicunque Deus. Iudæis Babylonicam captiuitatem comminatur, simul quoque reditum in patriam promissit.

*Hiere.
29. & 32*

Paulo Presbytero Anachoreta. 131

aliubi

De corruptis cleri moribus quamque periculosum sit peccantes admonere, & quomodo admonendi sint.

Illi ipsi, qui virtutis, & vitij arbitros se esse iactant, & cēsores, primas virtuti debitas tribuunt improbitati; & dum probos eijciunt, improbos verò congregant, eos qui quod oportet facere gestunt, pusillanimes reddiderunt; atque adeo eos, qui libero ore verum dicunt oppugnant, ut in omnibus prope impetum ad meliora ferentem retuderint. Ipsi ergo canum ac suum ritu viuentes, contra Apostolicę vitę terminos, rabię aguntur: cumque istos arcere oporteret, res deplorandas in risum iocumque conuertunt: cum non solum nullam rationem virtutis habeant, sed & seipsos eò quod, qui virtutem colerent pessima paterentur, extolles, laudeque ac commendatione dignantes. Quis itaque sic affectos reprehendet? quis quęso corriget? ecquis accusabit? quis eorum fastum retundet? quis supercilium deprimet? quis admonēbit, ut non solum dignitate, sed etiam virtute se extollant: quis ipsis persuadebit grauissimas aliquando pœnas fore lundas?

das? Si enim Iudici ipsi in Euangelio sententiam pronuntianti fides non habetur, cui tandem habebitur? quis furibundam illorum insaniam, quæ cursum suum sistere nescit, sed indies magis, magisque inualefcit, cohibeat? multi enim id facere aggressi, illis quidem nihil profuerunt, at se ipsos multis inuoluerunt malis, quos equidem scio maximas in altera vita recepturos coronas. Simplicioribus verò per ea, quæ in hac vita acciderunt ad virtutem insitantur, & vitia fugiunt. Cum itaque hoc solum ex reprehensione eueniat, ut is, qui liberius reprehendit iniuste aliquid mali patiatur, nihil verò utilitatis redundet ad eum, cui consilium proponitur, propterea nunc multò periculosus est, quàm antea dicere ea, quæ bona sunt. Si qui verò ipsorum ut scribis, admonitores querunt (neque enim omnes in Barathrum cæci amoris sui ac vitiorum precipitati sunt) oportebit eis inculcare id quidem maximè Scripturam esse Sacram: ei si obtemperetis cognoscetis? quid vestri sit officij. Quòd si consiliatore indigetis, desinite primum patrare ea quæ facitis, & tunc monitorē vobis querite. Vbi enim ab ijs abstinueritis, & tutam optimis consilijs viam paraueritis, tunc recta monentem querite. Ante
verò

Luc. 13
6.e. 11. 17
1. 11.

verò quàm cessetis, nolite querere. Quis enim
 egregia vobis consilia suggerens reijci à vobis,
 & expelli volet, neminem sanè reperietis. Hæc
 scribo, non quod ipse in hac vita aliquid perpe-
 ti reformidem (multa enim perpeffus sum, ut
 nostis, huius rei gratia) & dixi adornāti mihi
 malum, etiam inuitus mihi coronam prepara-
 fti. Quia & mihi datum est à Deo, non solum
 ut in ipsum credam, sed etiam, ut pro ipso pa-
 tiar: verùm obturare os volens ijs, qui se con-
 silium petere simulant, non ut consilium acci-
 piant, sed ut insidias ftruant. Quòd autem hoc
 non metus causa scripserim hæc velim istius-
 modi mortales audiant: vos factis, & exemplo
 vestro eos quoque, qui vobis subsunt, ad impro-
 bitatem quasi manu ducitis, & duplicem lue-
 tis pœnam: quod nec ipsi id, quod oportuit fe-
 cistis, & supplantastis eos, qui saluari potuis-
 sent, nisi vos ipsis scādalo fuissetis. Desinite ita-
 que talia committere, quæ ne Christi quidem
 hostes ad nominis eius blasphemiam commit-
 tunt. Extinguite persuasionem illam, qua loci
 prærogatiuam vobis, præ alijs deberi putatis.
 Arrogantiam refrænete; supercilij fastum de-
 ponite, cogitate quod terra sitis, & cinis. Consi-
 derate quid paulo antè fueritis, & quid paulo
 post sitis futuri. Cognoscite eos, qui inter vos
 virtute

Philip
 1.29.

Gen. 18
 27.
 Conf.
 ep. 244.

virtute præstant: nolite sacerdotij armis contra ipsum sacerdotium abuti. Nec paupertatis magistro quæstui, & lucro incumbentes illudite. Nolite pro fabulis ducere evangelica præcepta, quæ toties vobis occinuntur, nec existimetis vos impune peccaturos, nec Deum iniustum esse putetis, neque hallucinari, vel cecutire Deum omnia intuentem arbitremini. Virtuti deditos nolite ablegare, nec flagitijs omnibus coopertis applaudatis ne eos qui flagitia vestra vident, ad eadem sensim informetis: nolite reijcere, qui zelo Divino adducti libero ore veritatem dicunt. Nolite alijs calamitates, damnumque parare ne rectum, bonestumq; quod verbo statuitis, opere ipso debonestetis. Sed quid pluribus est opus? cum hæc abundè homines, necdum planè desperatos pungere sufficiant. Finem itaque meæ orationi impono, Deum ritè precatus, ut salutarem hanc epistolam esse velit.

Palladio Diacono.

132

Indigno responsum denegat consultus ab illo iuxta illud. Sancta ne canibus.

*Matt. 7.
6.
15. 26.
Con. 13*

A*D id quod scribis, habeo quidem quod respondeam, sed tibi quod respondeam non*

non habeo; diuino praecepto obtemperans iubenti, sancta canibus non obijcienda. Quòd si caninam rabiem deposueris, & humanam indolem ac mansuetudinem ostenderis, etiam non interroganti respondebo, non formæ, sed morum mutatione delectatus.

Matt. 7.
6. & 15.
20.
Conf.
ep. 31.

Ophelio Grammatico. 133

De stylo Epistolari.

Epistolæ character nec omni planè elegantia atque ornatu careat, neque nimio cultu luxuriet. Illud enim vile, hoc verò ineptum est, at moderatè ornari, cùm ad vsum, tum ad venustatem sufficit.

Mena Diacono. 134

Conf. ep. 142. Affectibus malis vincere est vinci, & noxia admodum ea victoria est.

Qui vehementissimis affectionibus, ira nimirum, & Auaritiæ vincere videntur, ijs multò deterior ea est victoria, quam si victi succubuisent. Est enim ubi vinci satius est, quàm vincere, nec ob huiusmodi victoriam gaudendum, ubi iniuste obueniat: quæ voluptas enim hinc capitur, ad breue

*breue delectat tempus, at progressu temporis
dedecus sempiternum parit.*

Hieraci Diacono.

135

*Periculosum est peccare, & nescire
se peccare.*

*Conf.
epist 8
74.159*

Q*V*ando malorum quæ committimus ipsi
sensum nullum habemus ob negligentiam
& cæcum nostri amorem, neque alijs
præbemus, eo quod ipsi eodem nobiscum morbo
laborant. Idcirco dum rectè nos valere opina-
mur, neque medicos quærimus, neque curari à
morbo optamus: sed ne hoc ipsum quidem,
quod egrotemus, scimus: quòd non solum omni
nos sensu, sed vita potius ipsa destitutos arguit.

Eidem.

136

*Peccatum poenam, virtus præmium parit: Conf.
quàm illud fugiendum, hæc colenda. ep. 87.*

I*M*probitatem omni rationi poenam partu-
rire probè nouisti: sed nec illud ignoras, pro-
bitatem eò quòd res sit valde diuina, siue quod
ad Deum magno nos passu perducit, præmia
omnem sensum exsuperantia parere. Illam
itaque fuge; hæc sectare, nec Dei longanimitatē
negle-

neglectum aut iniuriam esse existimes. Oves enim in iudicium longè seuerissimum adducuntur.

Paulo,

137

Quantum differat, benefacere amicis, benefacere promiscue omnibus, & benefacere inimicis in illud. Matth. 5, 46.
si diligitis eos qui vos diligunt,

Matt. 5, 46. **A**micis benefacere pulchrum est, pulchrius verò omnibus indigentibus, Sed & inimicis benefacere pulcherrimum: Istud enim & publicani, & gentes faciunt, illud verò qui legi diuinæ obtemperant, tertium verò hoc, qui cælo dignam vitam ducunt. Quantum igitur angeli hominibus iuste ex legis præscripto præstant, tantum & hi publicanis antecellunt. Tanto enim illis superiores existunt, quanto angelis sunt inferiores. Primum enim rationi est cõsentaneum, alterum humanitatis plenum, tertium ipsam rationem exsuperat. Eo quòd primi illi amicis, qui aut antea beneficia exhibuerant, aut pro acceptis gratiam, mutuumque sunt relaturi; alteri verò isti promiscuè quibuslibet, etiam nullam gratiã relaturis; postre-
 mi

mi verò etiam malè affeētis, quinimò nōnumquam malum, damnumque referentibus benefaciunt. Multi enim nec beneficijs meliores fiunt, sed invidia ipsos non dicam beſtiarum, (nam & hæ interdum benefaēta benefaētis reſpoſuerunt:) Sed demonum numero, ordinique aggregat: qui ipſi nihil quidquam boni facere volunt; ſed & eos qui volunt, impediunt.

Athanaſio Presbytero.

138

Beati eſtis cūm maledixerint vobis homines.

Matth. 5. 11.

Chriftus Dominus beatos prædicat, qui propter ipſum, omne malum ſiue dicenda, non dicendaque audirent. Si tamen ij, qui maledixerint mentiri deprehendantur. Sciendum itaque utrumque debere adeſſe ei, qui ad ſupremam beatitudinem pertingere cupit, & ut propter Chriſtum patiat, & ut falſum ſit, quod in eum dicitur, ut ſi alterum quidē adſit, abſq; altero non adeò proſit: proſit tamen ſed nō tantum. Eſſi enim pro Chriſto patientes vera in nos dici audiamus, rubore nos ſuffundi neceſſe eſt. Nam ex vna parte probati, ex altera iure reprehendimur. Si verò non propter Chriſtum quidem, ſed falſò tamen malè audiamus tolerantia

*rantia premium percipiemus, non tamen sum-
ma beatitudinis erimus participes: quam tum
demum consequemur, cum utraque concurrūt.*

Helie Diacono.

139

*Conf.
ep. 17.
46. 65*

Speſtando vt agendo peccari.

*2. Tim.
3. 5.*

*Matt. 5.
28.*

S*I vestibula dūmtaxat, & non adiſta ſœ-
ditate inquinarentur, curari fortasſe mā-
lum poſſet, ſi verò animum ea contingat, nemo
ſeipſum fallat. Quòd ſi quis dixerit homines
decipiens: Nemo coronabitur, niſi qui legiti-
mè certauerit, ratus legitimum eſſe certamen
adſpicere, dum ab aſtu abſtineat, diſcat is præ-
ſidem ipſum certaminis, Iudicemque ac mune-
rarium dixiſſe: Qui viderit mulierem ad cō-
cupiſcendum eam, iam mœchatus eſt in cor-
de ſuo: Legitimum itaque certamen eſt, non
quod ab vnoquoque ex negligentia, aut opinio-
ne propria, ſed quod ab incorrupto iudice eſt
conſtitutum.*

Theodoro Scholaſtico.

140

*Conf.
ep. 16.*

*Vitia naturæ, & animi bene diſtinguenda,
quorum hæc iure vituperanda,
illa non item.*

I*gnorare mihi videris, quæ laude, quæ vitu-
peratione ſint digna: ideoque oratione tua
omnia*

omnia confudisse. Inuoluntaria enim cū voluntarijs permiscens rem totam, quantum in te est vehementer conturbasti. Quod enim scribis Eusebium homuncionem esse corpore pusillum, facie turpem, lingua autem barbarum, ipsa quidem veritate indice vitio ei verti non potest. Illa enim à natura sunt: hoc verò ab educatione ortum. Quod verò moribus sit semibarbarus, linguæ intemperans, ira efferus, & belluinus, virtutis hostis, improbitatis defensor (bonos enim profligat, malos verò plausu prosequitur) hoc reuera malè ab illo geritur, nec veniam ullam meretur. Discas itaque quid vituperandum, quid contrà laudandum sit, non incircumspectè, ab vno ad alterum transilias.

Dionysio.

141

A rep. gerenda dehortatur, ne curarum, negotiorumque fluctibus obruatur.

Q*Vandoquidem animo ad ciuilia negotia ferri mihi videris, quasi gloriam in ijs adepturus; hortor ne in pelagus curarum te coniicias. Nosti enim probè quod ijs, neque rationem vtilia suggerentē consilia, neque cū voles ad mentē sobrietatēq; redire poteris*
G sed

sed interitum quidem, in quem tendis, prouidebis. Dum itaque res adhuc integra est, quid facto opus sit, delibera.

Sereno.

142

Contra Auaritiam.

Conf.

epist.

ss. 67

488.

GRauis ille, curatuque difficilis auaritiæ morbus, & qui remedijs excogitatis magis, magisque exasperatur, nulla alia ratione cessabit, nisi is, qui illo laborat, ab eo quòd lucri speciem præbet, abstat, lucri speciem dico, quia reapse maximum est damnum ac noxa. Si quis mihi non credat, Deo utique Iudici eum credere par est, ita pronuntianti: quid prodest homini si vniuersum mundum lucretur, animæ verò suæ iacturam faciat. Si itaque coaceruare opes paulatim desinat, & largiri incipiet, & integram recuperabit valetudinē.

Matth.
16. 26.

Sereno Diacono.

143

Cæca vindictæ cupiditas multos pessumdat.

Quoniam commune odium certissimum hominibus ineundæ amicitie argumentum esse videtur, & plurimis in rebus dissidentes, in eo conueniunt, quod eosdem inimicos

arg. Ille
rod. &
Pilat.
Luc. 23

inimicos existiment, cauēdum hac in re maximè est, animusq; sapienter cōhibēdus, nec vindiſtæ indulgendum, quod si fieri hoc non possit, cauendum, ne dum alteri contra alterum auxilium ferimus, ut ab uno inimico liberari videamur, tandem ipsi ei, qui nostro auxilio fortior euasit, prædæ simus.

Macrobio.

144

Nunquam à spiritali cessandum pugna.

*Conf.
ep. 18.*

NE eò quòd semel atque iterum iram, & concupiscentiam (quæ reliquis omnibus animi passionibus maiorem in nobis tyrannidem exercent) superaueris, animum remittas, nec existimes te victoriam absolutā reportasse, nec amplius tibi posthac certandum esse: verum ut maximè viceris semper vigila, & attentus esto, ne, & trophæa; quæ prius retulisti obscurentur. Multi namque non dico qui tertio sed qui millies, è conflictu victores rediere tandem succubere, & miserandum alijs præbuere spectaculum, dum post plurima trophæa, in captiuitatem tandem abducti sunt. Hoc enim ex Apostolis quispiam probè intelligens, sic loquēdo exclamat. Videte ne perdatis quæ operati estis; sed ut mercedem plenam accipiatis.

1. Io. 8.

1. Cor. 9
27.

*Ipse etiam Paulus qui innumeras de innata
sibi concupiscentia victorias retulerat. Casti-
go, inquit, corpus meum & in seruitutem re-
digo, nè fortè, cum alijs prædicauerim, ipse
reprobus efficiar. Perspectas enim habebat,
utpotè vir circumspectus, nec temere, & incon-
sideratè in certamen descendens, cùm diaboli
versutias, tum ipsam carnis rebellionem, &
quod ille quidem accepta clade, magis exaspe-
ratur: cumque aperto Marte, & aduersa fron-
te cõgredi nesciat (sic enim faciliè detegeretur,)
quamdam amicitie laruam assumēs, victores
ipsos nõ rarò supplantat; & tanquam nõquam
succubituros circumueniendo, atque omnē prio-
rem laborem eludendo, & vniuersum appara-
tum, & munimenta disficiendo, eos hoc pacto
tandem in libidinis, et incontinentie barathrū
precipitauit. Caro autem identidem insurgit,
& petulans lasciuit, nec ipsam macerantibus
faciliè cedit: Sed saepe in iuuentute subacta in
senectute redintegrato prælio superiores clades
restaurauit, & illustria illa trophæa de sese
erecta aboleuit. Quis igitur ita inspiens, aut
adeò inconsideratus erit, ut cùm virum illum
Spiritu sancto plenum, post infinitas victorias
adhuc certantem videat eò ipse quòd semel, ite-
rumuè vicerit securus obdormiscat, & armis
ac cer-*

ac certamine deposito, insuperabilem se esse arbitretur; & non potius magis se communiat, idemum magnum, & illustre esse ratus, non habet. Etenus vicisse, sed in finem usque nunquā hosti succubuisse? Siquidem virtutum thesaurum possidentibus, magis excubandum, & vigilandum est, quàm boni nihil habentibus. Illi quippe habent, quod custodiant, hi autem non habent, nec tam graue est nihil omnino habere, quam ijs quæ habuimus, priuari.

Nilo.

145

Bene dicendi virtutes quatuor, ex
Hermogenis idæis.

O Rationis virtutes quidem sunt, veritas, breuitas, perspicuitas, & opportunitas: vitia autem illius, sunt falsitas, prolixitas, obscuritas, & importuno tempore dicere. Quem enim illa oratio fructum adferat, quæ vera quidem sit, non autem concisa, sed auditoribus tadium adferat? vel si brevis quidem, sed non perspicua? aut, si perspicua quidē, non tamē opportuna? At si omnes virtutes habeat, tūc & efficax, & acris, & velut animata erit; veritate quidem sua auditores capiens, breuitate expugnans, perspicuitate animum tangens, opportunitate denique coronam reportans.

G 3

Helia

Helie Diacono.

146

Conf.
ep. 46.
 139.

De oculorum decenti verecundia.

P*Vpillas, quæ nō aliter in oculis, quam virgines in chalamis collocatæ, & palpebris ceu velis quibusdam obteētæ sunt, modesta quadam ratione regi debent, vt semper erubescant, & vbi oportet, pudore suffundantur. Quod si eas interdum alienam pulchritudinem intueri contingat, tunc amplius erubescant, & velut cortinas obducant, humumque sese demittant, & tetram velut matrem intueantur: vnde discant, non solum hanc naturam nostram, sed & conspectam illam pulchritudinem ex ipsa effloruisse, & postquam ea emarcuerit in ipsam tandem reuersuram. Hoc si obseruent; haud dubiè virginalè decus conseruabūt; si verò intemperanter atque impudenter huc illuc ferantur, loco virginum, canes ad alienam pulchritudinem rabiosè exæstuentes esse deprehendentur.*

Thomæ Monacho.

147

Conf.
ep. 16.
 140.

De Eusebio malos Sacerdotes ordinante.

S*Iquidem Eusebius ex ignorantia illos ordinarit, aliquo modo ob ignorantiam hanc excusari*

excusari merebitur : at si uti scribis scienter, dataque opera gregem, pro quo etiā pretiosum, sanguinem suum Christus Dominus profudit, lupis ob eorum rapacitatem, canibus ob salacitatem, vulpibus denique ob vafritiem, & calliditatem, pascendum tradiderit ; grauius certè peccauit, quàm ut excusari queat. Hæc autem dico, non quòd illi culpa careant, nullaq; ab ijs exigenda sint pænæ ; sed quòd is, qui horum peccatorum semina præbuit, magis sit puniendus : Qui enim rei alicuius causam dederit, eorum quæ inde consequuntur auctor existit.

Ioanni Scholastico.

148

Modus in cibis capiendis seruandus, quorum nimia satietas, & insalubris, & iniucunda.

C*Anini, & brutales appetitus non sunt lauta, & opipara mensa pascendi, sed necessarijs dumtaxat excipiendi. Etenim Græca vox ἐρωσία (idest conuiuium) tantundem significat, ac bene habere, aut bene viuere: nimirum ut appetitus illi placidi nobis ac morigeri fiāt. Qui enim frugalitatis limites excedūt cū nimia repletionē ipsam saturitatē iniuriosè trahant, tū sensus suos obtundunt, & veram cibi voluptatem, voluptate sese perdere nesciunt.*

Theodosio Scholastico.

149

Pessimi sunt qui sub specie boni, mali sunt.
Iustitia colenda.

Speciosa, & aliquo iustitiæ colore tincta, nõ
tamen reuera iusta tua; quàm scripsisti, ex-
cusatio mihi visa est. Quamobrem si Platoni
Politi 6. credis dicenti: Summum malitiæ, & improbi-
tatis gradum esse eum, qui iustus non sit, iu-
stum tamen videri velle: noli sectari illa, quæ
iusta videntur, sed quæ reuera iusta sunt. Ita
fiet, ut & à Deo laudē, & ab hominibus amo-
rem, & beneuolentiam referas. Ipse quoque
aduersarius tuus benigniori erga te affectu
erit, omnisque rancoris, & maleuolentiæ obli-
uiscetur.

Charemoni.

150

Hortatur ut castigatus resipiscat, ne pro
desperato habeatur.

NOli, vir optimè, videri deterius iam la-
borare ijs malis in quibus nuper depre-
bensus pœnas dedisti: ne tamquam indolens, nõ
verò pœna, & castigatione prudentior reddi-
tus, pro desperato habearis.

Eidem.

Eidem.

151

Bonorum exempla non malorum
imitanda.

Diuinam legem obseruantium, non autem transgressorum vestigijs insistendum est. Illud enim tutum, hoc verò periculosum ac proinde haud imitandum. Cum ergo talia facias quare pœnas dare recusas. Eò quòd nonnulli, qui idem fecere, hic eas non dederunt? Sed scias multos, etiam hac in vita pœnas dedisse; si qui verò eas hic euaserint, id ipsorum malo factum: nam hac è vita abeuntes, in altera grauius punientur. Tu verò, quoniam quod imitandum non erat, es imitatus, grauius omnino in altero mundo lues, quin etiam in hoc fortè pœnas persolues. Non enim si temporibus elapsis absurdum aliquid commissum fuerit, tu verò id ipsum es imitatus, propterea indemnis effugies; sed multò grauiores pœnas dabis. Vt enim, si quis prius in ijs deprehensus fuisset, ipse certè ea non commisisses; sic si tu deprehendereris, alius ea non admitteret.

Phileæ

Phileæ Rempubl. gerenti.

152

Expertum vanitatem gloriæ mundanæ hor-
tatur, vt æternam ambiat, quam &
terrena sæpe subsequitur.

EO quòd ciuilem gloriam cōsequi non po-
tuisſi, grauiter quantū intellexi turbatus
videris. Sed cogitans cum animo tuo omnē vi-
tæ huius gloriam, & telis aranearum tenuio-
rem, & ſomnijs inaniorem eſſe, mentem tuam
ad ſupermundanam illam gloriam transfer, et
animi turbationem ac tumultum facili nego-
tio compones. Qui enim vtramque ambit, neu-
tram conſequetur: at vtramque conſequi licet,
quando non vtramque, ſed ſolam cœleſtem dili-
gimus. Qui vtramque conſectatur, non conſe-
quetur vtramque. Quocirca ſi gloriam deſi-
deras, deſidera diuinam: quam ſæpenumerò
etiam terrena hæc comitatur.

Eutonio Diacono.

153

*Conf.
ep. 47.*

Dum rectè agis ne metuas iniquas
malorum cenſuras.

Siquidem his ipſis in rebus, ob quas maxi-
mè laudandus es, ab illis qui aliorum vir-
tutes

tutes sua esse damna existimant, sugilleris, noli animo deijci. Hoc ipsum namque omnium maximum virtutis est indicium.

Eidem.

154

Hostilis animus mansuetudine expugnādus.

INtelligo tibi lites esse cum eo, quem dicere nolo: neque enim memorari dignus est, qui molestus, & erga virtutis sectatores durus, & difficilis esse cupit. Veruntamen si is ad mentem redeat, admitte se excusantem: si non resipiscat, ipse autem primus eum accedere statuas, cui pax profutura sit; id ipsum quoque facito. Duplicem coronam habebis, tum tuæ ipsius moderationis, tum illius reconciliationis.

Iscyrioni Diacono.

155

Dialogismus.

CVM tibi breue id, quod cum quodam habui, colloquium clarè exposuerim, satis respondisse me puto ijs, quæ ad me scripsisti. Etenim cum nonnemo mihi alias occurreret, ac diceret. Fac me iustum; ei respondi, quoniam iustus euadere poteris, si peccare pergas? Subinferente illo. Non pecco amplius; dixi: si quidem

*quidem, quæ dicis vera sunt, iam euasisti quæ-
lis esse volebas.*

Isidoro Episcopo.

156

Conf.

ep. 192

199.

De explorato cuiusdam animo.

IS de quo scripseras, vir in me incidit, con-
tristari quidem visus, attamen magis ad
letitiam propensus. Licet enim vultus ad tri-
stitiam ipsi videretur compositus, animus ta-
men clarè, & euidenter voluptate perfunde-
batur. Nam ut verbis ultro, citroq; habitis, eum
exploravi, effeci velut vi quadam admota, ut
quæ tecta intus latebant, in apertum profer-
ret. Tunc ergo perinde ac si detectus esset risum
ira mixtum per genas effudit: deinde in clarum
cachinnum effusus. Exinde verò ijs, quæ fa-
cta erant, non mediocriter gaudere se liquidò
testatus est.

Nilo.

157

*Perinde quo quis loco sepeliatur, cum omnis
terra patria sit.*

COrpus, ut mihi quidem videtur sepultu-
ra tradendum est, & eo illi in loco iusta
perfoluenda, in quo decessit. Muliebre enim, &
plebey

plebeiꝝ cuiusdam animi esse duco, ex una urbe
in aliam cadauer circumuehere, & ipsa na-
tura arcana diuulgare, cū omnis vbiuis ter-
ra nobis patria sit.

Hieraci Diacono.

158

In quo consistat bonorum summa.

CAue ut mensa opipara, cantu fracto, &
molli, & opibus affluentibus, vita beati-
tudinem definias; Sed frugalitate, & suffi-
cientia, et nulla rerum necessariarum indigen-
tia. Priora enim illa animam illiberalem, ser-
uamque efficiunt; hæc verò eam reginam con-
stituunt.

Petro.

159

Peccantium duo comparantur genera. Expli-
catur illud Pauli. Non solum qui ea
faciunt &c. Rom. i. 32.

Conf.
ep. 74.
135.

Malum equidem est, peccare; peius ve-
rò, peccantem nullum mali sensum ha-
bere; illud autem quis iure merito omnium
pefissimum ducat; cū & ipsum iudicium cor-
ruptum est, ut homo rectè de rebus iudicare,
nequeat. Primus enim forsitan tandem peccare
desinet;

desinet; alter verò vulnerum suorum sensum, forsitan recipiens, medicum requireret; at qui, quàm suauissimè in vitijs viuit, eos qui huiusmodi mala committunt, etiam laudabit. Quanto ergo peius habet morbum suum non percipiens, eo, qui sese agrotare nouit; tantò peius se agrotare nesciente, is qui morbum etiam patrocinando tuetur. Vnde ait Apostolus: Non solum illa faciunt, sed & consentiunt facientibus. Etenim longè peius reputo malum laudare, & eius patrocinium suscipere, quam ipsum de facto patrare. Quæ quidam verba, cum non intelligerent, & tamen interpretari vellent, ea putarunt adulterata, & deprauata esse, ac proinde hoc illa modo construere veriti non sunt: Non solum facientes illa, sed & cōsentientes facientibus; quasi maius sit, facere, & minus, consentire. Sed hi non animaduertunt primum negligentia cuiusdam esse, alterū mentis, & animi prorsus deprauati: primum erroris, & transgressionis, alterum, iudicij minimè sani. Etenim qui è negligentia quadam lapsus est, erubescet, & ad pœnitentiā forsitan redibit: At qui passionem, & inclinationem suo ipse calculo probat, & propugnat, nec ab improbitate desistet, nec pudore suffundetur: sed ea etiam gloriabundus se iactabit.

Rom. 1.
32.

Theoni

Theoni Episcopo.

160

Qui alios à peccato arcere debet, & ipse
peccat, maiori pœna dignus.

Conf.
ep. 196
230.

SI nemini non manifestum est, eum qui
in alios malefactores debet animaduerte-
re, meritò illis grauiùs esse puniendum, si ip-
se ea facere deprehensus sit, quæ ut in alijs pro-
bibeat constitutus est; quid, quæso, tibi ipse
adularis, quasi semper vigilantem Dei oculum
latere possis?

Eidem,

161

Præstat ignotum omnibus virtutem colere,
quàm nosse omnes, & omnibus
notum esse.

TV quidem sicuti scripsisti, operam dedisti,
ut omnes nosset; alius verò quispiam for-
tassis, ut omnibus notus esset, ego autem, ut
virtutem colerem, etiam nullo mortalium con-
scio. Quis ergo nostrum magis sapiat, & re-
ctius sentiat, diiudicent alij.

Harpo-

De tribus Christianæ vitæ necessarijs, oratione, Virtute, ac Fide. Ad duo Pauli loca, Fide, & Sermone, 2. Cor. 8. 8. & opere, & Sermone, 2. Theff. 2. 17. Et illud: Fides sine operibus &c. Iacobi 12. 17.

Diuina quædam res est oratio, diuinum namque donum est, & à rationali anima productū, vnde etiam oratio vocatur: parvus enim animæ rationalis oratio est, per quā, & cæteris animalibus præcellimus; sicuti corporeis prærogatiuis, puta celeritate, robore, magnitudine, & alijs fere omnibus, nimium quantum ipsa nos vincunt. Vnde & ipse Poetarum Princeps canit.

odyss
adag.
homo
bulla.

Tellus nil profert homine imbecillius ipso.

38. 14.
Conf.
ep. 244

Quod autem oratio diuinum sit donum, audi cum lobo Creatorem ipsum differentem: Vel tu puluerem in terra capiens animal formasti, & loqui potentē in terra collocaſti? Et si enim quidam, τὸ λαλῆναι pro vocali, et sonoro hic exponant, potius tamen id λογικὸν id est ratione, & oratione præditum significat, quod per τὸ λαλῆναι, siue loquelam percipitur. Quo pacto enim clarum, & celebre quid fiet, si desint qui ipsum

ipsum ratione proferant? Hinc & Sanctus Paulus inter omnia dona, & charismata cœlestia, supremum statuit Sermone[m] Sapientia[e]. Itaque diuina quædam res oratio siue sermo est, diuiniore verò ipsa virtus, diuinissima autem fides: unde orationem veluti ornatum esse dicimus, virtutem verò, velut corpus, fidem denique ad instar anima. Is itaque perfectus est vir, cui tria hæc adiunguntur: cui verò aliquid horum defuerit, ac præsertim primum ac summum, ille imperfectus est, quoad id nempe, quod ipsi defuerit. Tamen si enim tria hæc magnopere inter se differant (primum siquidem magnum, alterum maius, tertium verò maximum est) necessarius tamen est illorum concursus, & coniunctio. Etenim sermo, tametsi flumine profluentior sit, quomodo eum, qui virtute velut corpore caret, exornabit? Nam ubi deest quod exornetur, frustra est, & omnis ornatus? Quo enim is pacto aures non moleste obtundat, qui sola voce philosophatur? Satiùs quippe est corpus sine ornatu, quam ornatum sine corpore habere. An non quoque virtus mortua erit si à fide, velut anima, non animetur? Quomodo verò apparebit fides, si virtute, per quam operetur, destituta

Jacob.
a. 17. 20
& 16.

stituta sit? Quemadmodum enim praestantissimus musicus, si citharam non habeat, etiam ipsam pulsandi artem ostendere poterit: ad eundem modum, & pietas per opera, ceu per instrumenta musica de foris se non ostendens, mortua, & inefficax esse videtur, non Ethnicis solum, id testantibus, sed et litteris sacris. Fides enim, ait Apostolus, sine operibus mortua est. Quamobrem qui solum sermonem habent, nullatenus gloriantur, ac si iam omnia recte haberent. Desunt quippe illis partes duae praestantissimae Virtus, ac Fides. Nec, qui virtutem habent, sine sermone, & fide, superbiant: deest illis namque & sermo, & fides. Nec qui fidem habent, si operibus, & sermone careant, alios damnent. Conuincuntur enim illam operibus denegare. Sed unusquisque quod deest sibi comparare studeat, ut fidem ceu animam, virtutem velut corpus; sermonem denique ut ornamentum habentes, tum hac in vita clari euadant, tum in altera probati, & coronati triumphent.

Dometij filijs.

163

De fratris obitu redituque ad suos.

T *Amet si frater, vester quidem secundum carnem, noster autem secundum spiritum, hinc*

hinc nuper recesserit, quasi non amplius huc rediturus, nisi vos lucrifecerit; iterum verò huc reuer Jus sit, quasi non amplius recessurus, cum captūra sua, & intentione frustratus sit: attamen, charitate subactus rursus reuertetur, quo vos ad vitam venetur, & conquirat.

Eisdem.

164

**Ad virtutem colendam Gentilium inuitat
exemplis.**

Quamquam eo nomine, quòd sanctissimā abhorreatis religionem, passim omnibus innotueritis ac clari sitis, nec ob aliud quippiam; (etenim prout inaudiui ut diuinam eam suspicitis) quia tamen virtutem sectari non vultis, (corporales quippe voluptates sectari maluistis, uti quidem fama est) hinc, quamuis serò vobis persuasum sit oportet, improbitatem, infamiam, dedecus, supplicium; virtutem verò honorē, decus, & coronas afferre. At si fortè voluptatem aliquam vitio inesse existimetis, virtutem verò laboribus, & sudoribus esse obnoxiam; cogitare vobiscum ipsi debetis, voluptatem propemodum priusquam appareat extingui: virtutem

H

2

autem

autem immortalem in se delectationem habere. Illam quidem per latam ac spatiosam viam ingressam, tandem in locum angustum, & impeditum desinere; hanc verò, varios per labores, ac sudores insedentem in amplam quamdã animi tranquillitatem terminari. Quod si nostratibus fidem non adhibeatis, vestratium testimonijis id vobis persuadere conabor. Plato namque Philosophando celebritatem nominis est consecutus. Dionysii verò, quod tyrannicè regnarit, memoria penitus intercidit. Socrates omnium in ore versatur, Archelai verò Regis nulla prorsus fit mentio. Solon ab omnibus depredicatur; at Cræsus, qui omnium se hominum esse putabat felicissimum, & viuus in manus hostium incidit, & ignis Persici pabulum propè futurus erat. Si verò dixeritis, illos Philosophos, fuisse; veniam & ad eos qui Reip. præfuerunt, & unà cum Philosophiæ studio exercitus duxerunt. Thebanorum dux Epaminondas, qui Lacedæmonios ad Leuctra deleuit, cum nonnisi unam haberet vestem, atque eò quòd illa eadem die lauanda esset, nec aliam quam indueret haberet in comitia, & conuentum publicum venire non posset, omnibus Persarum Regibus clarior euasit. Aristides verò, qui in tanta inopia vixit, vt vita functum Atheniensis Resp. are suo

Valer.
Max.
lib. 5.
c. 2.

Valer.
Max.
lib. 5.
c. 3.

suo sepelierit, filias verò ipsius dote de publico data nuptui tradiderit, omnibus illis, Callia, scilicet, qui auro in fossa inuento ditissimus fuit, & Alcibiade opibus, nobilitate, & potentia præstantibus, euasit illustrior. Ea ergo, quæ de prædicatis venerati, & suspicientes, virtutem amplectimini, per quam facili negotio etiam ad diuinam religionem perducemini.

Lampetio Episcopo.

165

Quamuis in Zosimo admonendõ operam perdiderit, præmium tamen laboris apud Deum repositum esse.

*Conf.
ep. 103
116.*

T*Amet si ad instar optimi medici, ex alienis malis proprium dolorem percipientis, multum laboris impenderis: ut qui incurabilem Zosimi morbum non solum optimè perspectum habeas, sed & cauterium ei adhibueris, & igne, & ferro verborum usus: cumque multis contra impietatem grauitè, seue-
reque allatis, multis quoque placidis, & salutaribus consilijs suppeditatis: nihil præter irrisionem, & odium, ab illo retuleris: tu tamen hoc in opere segnescere noli, sed magna te à Deo propterea præmia accepturum scias.*

Isidoro Episcopo.

166

De irrito Paganorum conatu in Martyrum
persecutione.

Etsi nefariorum demonum, & simula-
chrorum immobilium cultores, ea in di-
uini verbi præcones tormenta, & supplicia
excogitarint, quæ nec verbis proferri, nec re
ipsa tolerari possent, utpotè hoc pacto eos per-
territuri, & ab orthodoxa etiam abducturi
opinione; hæc tamen omnia ab ipsis tolerata
fuere, & omnia tanquã ad oppugnationem vi-
ctoriam illustriorem reddendam, & ad exi-
tium ipsorum auctorum destinata cesserunt.

Didymo Presbytero.

167

Conf.
epist.
154.

Primum est vincere, nec vnquam superari,
proximum, quamuis principio supera-
tum, tamen vincere, si primum
assequi nequeamus, studen-
dum posteriori.

Satius multò est, vir sapientissime, victo-
riam nulla vnquam clade inquinatam
referre, quàm post acceptam cladem vincere
Illud

Illud namque licet finem suum attingat: attamen & principium habet commendabile, hoc verò, etiam si finem suum assequatur, à clade tamen initio accepta obscuratur. Itaque prius illud melius est; si verò id iam sit elapsum, secundum illud partes secundas obtineat; Etenim potius est, post acceptam pugnam reiterare, quàm in accepta clade perseuerare. Neque enim illud tot partibus cedit primo, quot postremum excedit. Quinimò, licet hic non adeo ac primus laudetur, nihilominus laudatur; alter verò explosione ac risu dignus est, & omnium ludibrio exponitur.

Timotheo.

168

Quæ Principi necessaria. Solon dicebat duobus Remp. contineri, præmio & poena. Cicero epist. ad Brutum. Adfert hanc epist. Suidas in Γ' α' α' ν. Α' γ' τ' ι' ο' χ.

P*incipem, prout mihi quidem videtur, oportet, & bonum esse, & terribilem: Ut, qui probi sunt, & rectè vitam instituunt, in illo fiduciam habeant, peccantes verò metuant. Alterum quippe sine altero, non regnum potius est, quam regnum. Etenim si omnes subditi,*

H 4 *virtutis*

virtutis essent cultores, sola tunc opus esset bonitate; si omnes vitium diligerent, solo terrore: Cùm autē inter eos, alios necesse sit bonos, alios improbos esse, utrumque is qui regit, adhibere debet: ut modestos ac temperantes bonitas illa confirmet, perditorum verò hominum scelera metus coerceat.

Apollonio Episcopo.

169

Conf.
Greg.
Nyss. c.
29. lib.
de Vir-
gin.

Hortatur ut virtuti studeat sine ostentatione. Ostentatio enim odium; humilitas fauorem conciliat; nec virtus solis instar diu latere potest.

Licet quidam tuorum familiarium meum ad te scribendi impetum extinguere conati, retulerint te, & assentatores nimio in pretio habere, & sanum tibi consilium dantes paruipendere; tamen non facile mihi quis persuaserit tantum aliquem, vel prudentia, vel operibus posse excellere, nisi quis alia quidem discat, alia verò audiat, alia denique ipse inueniat. Hac ergo de causa ad te scripsi: at si fortè liberius, quam qui tibi proximi sunt, scribo, ne propterea turberis; sed vel eo nomine consilia mea admitte, quod id quod decorum

rum mihi est potius, quam quod utile elegerim. Itaque quod dicere decreui, statim missis ambagibus dicam. Sapientes enim nullo verborum apparatu opus habent. Sed quod bonum, & honestum est, simpliciter, & sine ullo artificio facere solent. Si virtutem colis, noli eius pulchritudinem ac decus ostentando obscurare. Etenim virtus cum magnum quid sit; si quando seipsam suo iudicio non prodat hominibus, & maior, & pulchrior esse videtur. At si fore putes nisi eam ostentes, fore ut in obscuro lateat; contrarium tibi persuadeas velim, nempe tum te clariorem fore, cum minimè te ostentaueris: nam humanum genus semper in contrarium nititur, & arroganter sese ostentantibus aduersatur: sed humiliare se ac deicere satagentibus, non sine voluptate quadam ultro cedit, & illorum quidem arrogantiam reprimens, etiam ea mala, quæ ipsis non insunt attribuit: in his verò, etiam illa bona, quæ non adsunt deprædicat. Ceterum fieri nullo modo potest, ut virtus in obscuro deliteat, imò licet inuidorum maleuolentia nonnihil obscuretur; iterum tamen effulget, & ipsis obscurantibus præualet. Quemadmodum enim lumen absconditum latere nequit, ita nec virtus. Atque hæc quidem de hominum iudicio

iudicio dicta sint, si verò diuinam quoque sententiam scire velis, habes in sacris Euangelijis. Quæ de Phariseo, & Publicano, clarè per-
scripta sunt.

Luc. 18
10.

Timotheo.

170

Sat citò, si sat benè.

S*Vbuereri mihi visus es, ne honesti, & præclari facinoris gloriã temporis longinquitas imminuat: sed noris oportet, longè id esse utilius quod cum tarditate tutum ac securum est, eo quòd cum celeritate est periculosum. Nã non minùs, sed & magis illustres sunt, qui consulto consilio; & cunctabundè similia opera facere, quam qui ob celeritatem celebrantur. Hi namque & facultatum, & corporum impendio vicisse videntur; illi verò sine ullo detrimento victoriam decerpunt: & hi quidem puram sollicitudinis ac tædij voluptatem non habent; illi verò sincerum ac liquidum animi gaudium percipiunt.*

Leontio, Lampetio, Alphio Episcopis. 171

Primum consulto dein facto opus est. Dementiæ est malè consulere, leuitatis quod certum est, non perficere.

Q*Uod bonum, & honestum visum fuerit, id fiat, & quæ deliberata semel, & consultata*

sulta sunt, operibus ipsis statim confirmentur. Qui enim consulta exequi non valent, hos in alterutrum impingere necessum est, nempe ut vel viribus suis maiora decernant, vel quæ decrevere citò rescindant. Quorum illud cum extrema imprudentia coniunctum est, hoc verò exigam veniam meretur. Qui verò utrumque coniungere possunt, rectè inquam consulendi, et quæ decreta semel sunt, ad exitum perducendi facultatem, in alterutro peccantes, inexcusabiliter accusandi sunt.

Isidoro Episcopo.

172

Amici quomodo parentur.

Q*ui pro amicis, & necessarijs sollicitus est ac laborat, & in illorum bonis gaudet, in malis verò, & aduersis contristatur, ne ille egregius est utilitatum quas amicitia continet, indagator ac sectator. Tot enim sibi deuinciet amicos, quot homines conspiciet, tot autem conspiciet, quot ad illum fama celebritate illecti confluent; tam multi verò confluent, quot bona, & honesta instituta efflictim diligent. Ecquis igitur futurus illustrior vel beator illo, qui tot amicorum satellitio stipatur?*

Andro.

Conf.
ep 17.
46.65

Ad bonam rursus frugem inuitat.

Vel videndo non ama, vel amans non vide. Si prius illud quibusdam perdifficile, alijs verò, & impossibile esse videatur; secundum certè exercendum est. Melior namque securitas est inconsiderata contentione, atque hoc nobis diuina oracula præcipiunt. Sed cum ipse profanas Gentilium Historias præferas, etiam ex illis sententiæ huius veritatem tibi adstruere conabor. Præteribo autè causas belli Troiani, Messeniaci, Cirrhaensium aduersus Argiuos, Thebanorum item aduersus Phocenses, utpote nimis quàm decantatas, & protritās: hæc namque bella omnia, & decennalia fuere, & seminarum causa gesta sunt. Ex scriptis verò Xenophontis, quibus et ipse deditus es, argumentum adferam. Cyrus ergo qui Pantheiam feminam tametsi incomparabilis pulchritudinis esse diceretur, ne videre quidem voluit, non solum à libidinis tempestate in transuersum abreptus non fuit, verum etiam ob continentiam clarus euasit. Araspas verò, licet insolenter se iactaret, quòd videre eam posset, & non amare, in tantam vesaniam incidit, cum amore illius

illius captus & supplicans desiderio suo non potiretur, ut Cyrum mille machinas adhibere oportuerit, quò illū à turpi desiderio, quod animo conceperat, auerteret. Vtrum ergo horum laudabiliorem censes, an eum qui tuta securaq; via incescit, & in præsens usque tempus ob temperantiam continentiamque prædicatur; an verò qui intempestiua contentione sædam sibi ipse maculam adpersit, ac tunc temporis quidem propriam libertatem amisit, posteris verò occasionem dedit, primò quidem eius iactantiā, deinde infamiam ignominiosè cauillandi? Quamobrem, & ipse rectè res tuas moderare, neque intempestiua ambitione; & iactantia, exagitatus in libidinis voragines teipsum precipitem immitte.

Paulo Monacho.

174

Fratrum trinam ob virtutem commendat..

TV quidem, laudibus dignus es; frater verò senior, dignior; at natu maximus dignissimus: nam cum ætatis gradibus crescit & virtus. Vnde & tu, & frater natu maior; in spem bonam venitis, fore, ut accedente, & crescente etate, fratri natu maximo
neuti-

*neutiquam cedatis, sed ipsius exemplo celebres,
& clari euadatis. Cum ergò cognata, & do-
mestica virtutis exempla habeatis, in hac ipsa
scopum vestrum dirigite.*

Hieraci Diacono.

175

*Improbilas, etsi principio lucro esse videatur,
tamen finem respiciendum monet.*

T *Amet si turpi, & illiberali lucro inbian,
& nimio pecuniæ cupidine flagrans præ-
clare te rem gessisse existimes; attamen, quæ ip-
se quam maximè appetis, & consecraris, ea ad
gloriam, & honorem comparandum turpissi-
ma sunt. Si verò & pœnam huiusmodi cona-
tus vbiuis, & per omnia comitatem recogites,
certissimè futurum noui, ut te ipsum aliquan-
do deplores. Vide igitur quid è re tua sit: nosti
enim, quinam exitus cum in hac, tum in fu-
tura vita, tandem peccantes maneat.*

Eidem.

176

Vitio careat, qui in alterum dicit.

*Conf.
epist.
160.
196.*

H *Omo dissolutus, & intemperans, hoc est,
qui negligenter viuit, & proprias con-
cupiscentias adeò non compefcit, ut & liberàs
eis*

eis habenas permittat, ut quocumque libeat, effrares ferantur; si alienas comprimere, & reprehendere conetur, omnium risui, & opprobrio se exponit. Etenim non solum nihil perficiet, sed & deridendum se propinabit. Cum ea in alijs emendare tentat, quæ in se ipse minimè correxit. Non enim facile alienas passiones potest expugnare, qui proprias comescere ac superare nequit. Perinde enim facit, ac si Dux quispiam militaris, cum propriam ciuitatem bello intestino distractam, & laborantem, ac seditionibus exagitata, ad concordiam, pacemque reducere non possit, in externis bellis victoriam sibi promittat. Cui meritò quis dixerit: an nescis, fatue, non tantum externa, quantum domestica bella cladis inferre? Quamobrem, internum prius bellum restinguendum, ac tū demum externi hostes adoriendi.

Epiphanio

177

De ijs quorum vita doctrinæ non conuenit.

C*um mirari te dicas, quomodo cum sacra nos litteræ quietos, & tranquillos esse iubeant, etsi iniuria afficiamur, illarum tamen interpretes, etiam nemine illos laceßente aut ladente, quieti esse nolint. Siquis verò illos*

*Matth. 5
39.*

illos reprehendere, & arguere aggrediatur, cō-
tumelijs se proscindi dicētent, & illum, tam-
quam in sacrilegio deprehensum criminis ar-
cessunt. Talia verò cūm faciant, molestè ferunt,
quòd ab Ethnicis, & Iudeis propterea sugil-
lentur; te quidem, vt vaniloquum, carpere ne-
queo; sed eos qui talia faciunt, neque enim om-
nes promiscuè damnandi libenter interroga-
rim. Cur facitis cōtraria ijs quæ dicitis? Eccur
alia docere, alia agere conamini? Cur Gentiliū,
ac Iudeorum linguas exacuitis, & ijs contra
Sacrosanctam Religionem nostram arma sup-
peditatis, quos virtuti non vi aut potestate su-
perare oportet? Itaque vel huiusmodi factis
abstinendum, vel nullus alius quod omnia
malè se habeant, tantum, quantum nosipsi,
culpandus.

Helie Diacono.

178

Qui palam peccare audet, is nec priuatim
sine teste peccare verebitur.

Quisquis publica, & euidentia mala pa-
lām committit, neque ob id erubescit;
hunc certum est, dummodò latere
possit, nihil quamuis nefandum non perpetra-
turum, & cūm maxima ausus fuerit, nequa-
quam

quam erga minora negligentem fore. Sed qui à paruis sibi cauēt, cum verisimile est & à maximis abstinenturum.

Isidoro Episcopo.

179

Quæ animæ mors & resurrectio, quæ item corporis.

TVnc animæ per peccata mortuæ resurrectio hic peragitur, quando operibus iustitiæ ad vitam reformatur; mortem verò illius intelligere oportet, mala & iniqua opera, non autem abolitionē, ut omnino esse desinat. Hinc & de filio prodigo adhuc viuente dictum est. Mortuus erat, & reuixit. Et homini peccatis mortuo, & sepulto dicitur. Surge qui dormis, & exurge à mortuis, & illuminabit te Christus. Nam qui mortem peccati per pœnitentiam expulit illi verum lumen exoritur. Corporis verò resurrectio, in altero saculo peragetur, quæ in omnibus quidem hominibus, quoad immortalitatem equalis erit, at non quoad gloriam: hæc enim unicuique pro ratione eorum, quæ hic fecit dispensabitur, uti certæ & infallibilia sacra scripturæ testimonia docent.

Luc.
14. 14.
1 phel.
3. 14.

Leontio Episcopo .

180

De ira, molli & blanda oratione sedanda.

EOs qui implacabili ira succensi sunt, lenibus & persuasibilibus verbis castigare, aut docere potius oportet, ut à spontaneo hoc furore abstant. Etenim si nimium effervescat in homicidium desinit.

Hypatio Remp. gerenti .

181

Auaritiæ morbus quibus remedijs
curandus .

Conf.

ep. 79.

113.

142.

Accensum ignem qui extinguere cupiunt non apponunt ei materiam, quæ faciliè flammam concipiat, neque aliud ei nutrimentum subijciunt, quo is inaugeatur. & indomabilis fiat; sed restringentibus adhibitis flammam compescunt. Itaque si & ipse avaritiæ fornacem extinguere velis, hoc te, non adiectione, sed detractione, facile perficere posse spera. Cupiditatem porro pecuniæ extinguunt eleemosyna, & indigentibus exhibita beneficentia.

Luca

Luca viro clarissimo.

182

Auro ius peruertitur: at vir iustus ex æquo
& bono, non ex affectu iudicat.

Illi iustitia videtur esse recta, qui opes non
concepiscit, & cui animæ oculos nullum lu-
cri studium præstinguit. Si enim munera sa-
pientum oculos excæcent, quomodo inspieu-
rium non excæcabit? Quemadmodum enim
si lanci ab una parte aurum addideris, statera
deorsum vergit, & iugum ostendit inæquale:
pari modo, quando is, penes quem iudicandi po-
testas est aurum accipit, nihil rectum vel sanū
iudicabit. Qui verò iudiciorum finem ipsum
iustum, non verò suam ipsius statuit volunta-
tem, illuc calculum ac iudicium suum inclina-
re facit, quò ius et æquū propèdere conspexerit.

Exod.
28.8.
Deut.
16.19.
Eccl.
20.31.

Alphio Episcopo.

183

Contra illos qui spontaneam paupertatem
professi, opes omnibus modis corra-
dunt, & eleemosynas pauperibus
debitas interuertunt,

Equidem fatuos reputo eos, qui cum in
verbis facile contradictiones aduertunt,

I 2

operi-

operibus eas non perspiciunt. Nam cum syllogismorum rationibus quid verum, rectumque sit proposuere, dictis suis repugnantia, & contraria facere non verentur. Itaque cum nihil possidere, & paupertatem, maximum esse bonum (vix reuera est) constituent, ex alienis tamen damnis ac calamitatibus questum faciunt; & cum Eleemosynam laudibus ad cælum efferat, bona illorum quorum cum miseratione indigent, in suos usus conuertere non erubescunt; & cum rerum communionem, et promptam liberalitatem extollant, opes coaceruare non verentur.

Hieraci Diacono. 184

In malis acutum heberem in bonis iubet animi oculum purgare, ut bonum malumque dignoscat.

OMnes propè, qui virtutem cordi habent, referunt, acutum te in vitijs cernere, in honestis verò prorsus cecutire. Quamobrem si hac ita se habeant, mentem tuam expurga: ille enim anima oculus est. Ita forsan honesta, & turpia discernere poteris; hoc enim examine, adhibito, illa quidem sequenda, hac fugienda constituas.

Harpo-

A ludis & spectaculis, ut abducatur
suos hortatur.

Conf.
ep. 186
517.

PVeros qui prauis moribus innutriti sunt,
haud faciliè ad generositatem virtutum
ope assurgere, per ea quæ scripsit, satis etià tua
prudètia declarauit. Hoc verò ita se habere,
mox ipse pluribus ostendam. Temperantiam
quippe ijs eripit assidua cum intemperantibus
& lasciuiis familiaritas: prudètiā, quòd uti-
libus & proficuis legendis operam impendere
nolint: fortitudinem autem bistrionibus molli-
cies: iustitiā denique ijs eripiunt mimorum
periuria. Cui verò debito cum decoro hi, vel
condoleant, vel congaudeant, quos duorum al-
terutrum, vel ridere, vel turbari necessum est?
Quorum primum scenæ, alterum circi munus
est. Itaque periculosum esse ratus iuuenes spe-
ctaculis capi ac delectari, illis hæc interdi-
cito, potissimum quidem verbis, si verò aus-
cultare nolint, etiā metu incusso. Sic nam-
quæ facili negotio, & viros probos, & insi-
gnes oratores efformabis. At si (quemadmo-
dum scripsisti) inolestum & graue reputens
quòd ab illa voluptate et delectatione arceatur

quæ Sirenum cātui per omnia similis est, quem
 ab hominibus non audiri potius conducit. Quod
 si iam usueam receptam, & concessam esse
 asserant, id norint, quòd fortassis una cum alijs
 plurimis rebus bonis ignorantes iuuentutem
 iniquè & secus quàm oportebat tractari pu-
 tant: nimirū eos qui delectationis huius mor-
 tiferam voluptatem primi in ciuitates inuexe-
 runt, & venenum hoc hostis generis humani
 (qui etiam fortuitas ad libitum occasiones ad
 perdendas spectatorum animas conuertit) com-
 miscuere, non temere, & siue intentione aliqua
 hoc fecisse (etenim ne externa quidem leges id
 umquam permisissent) sed rationabili qua-
 dam causa, & ratione malas. Videntes namque
 exercitus à Regibus instructos toto vite tem-
 pore in arenis exerceri, plebem verò urbanam,
 ab armorum periculis immunem in profundo
 otio degere. Cognito verò eos, qui in tali inertia
 viuerent (neque enim omnes otio bene utun-
 tur) non rarò res nouas maliri, rati autem se-
 ditionum radicem stirpitis exscindendam, nec
 duplex ciuitatum rectoribus belluin, externum
 videlicet, & internum relinquendum esse; hanc
 occupationē adiuenere, & quiduis temere au-
 dere solitis prepararunt ac suppeditauerunt
 quamdam inuicem contendendi occasionem;

quæ

quæ quidem nihil tale moliri ac perficere posset, sed animi ardorem erga eam cōsumere valeret. Tale porro est, continua illa equorum concertatio: ciuilis, inquam, quædam contentio, prouocans ad hoc certamen eos, qui cūm nihil boni facere velint, fortasse deterius aliquid animo excogitarent. Tale quid etiam varius ille orchestra apparatus est, hos enim spectaculis pascere, illorum verò aures recitationibus quodammodò incantare videbatur. Quæ licet nequitia, & improbitate referta sit, seditiosa tamen consilia impedit. Hæc verò permiserē, quo (vti quidem arbitrati sunt) minoribus ea quæ maiora essent, quietem videlicet ac securitatem mercarentur, adolescentes autem ad virtutem institutos, & optimè moratos, & compositos, hisce interesse nefas est, vti & viros quibus animarum suarum salus est cordi. Itaque non prohibentur, quò minus intersint, sed ab omnibus probiores iudicantur, quòd perniciose hac delectatione abstineant: præsertim quòd in ciuitate si omnes plebei & viliores resipiscētes quiescerent, & ad sapientiæ studium sese applicarent, theatra occladerentur, vel etiam aperta à nemine frequentarētur. Quin & male in ijsdem decertantium artificium seu potius maleficium periret triaque maxima. inde con-

sequerentur bona, videlicet, animarum salus,
ciuitatum tranquillitas, ipsa denique Princi-
pum securitas. Et hæc quidem ipsi ex te au-
diant. Quoniam verò & à meo ore aliquid
proficisci oportere arbitratus es, quasi magna
quædam (quod equidem non existimo) præsti-
turo, idcirco, ne te videar contristare ipsis quo-
que scribere volui.

Græcorum liberis 186

Vt à ludis reuocet pueros. Virtutem ijs com-
mendat, illamque diuitijs præfert,
& ad eam colendam pro-

O adolescentēs (vobis namque, iam pri-
mum velut viuere incipientibus, nihil
impertinens & ineptum adferre dicendo, sed
ipsissimam veritatem nudè proponere oportet)
omnium quæ, & reuera sunt, & esse videntur,
bonorum maximum & pulcherrimum est vir-
tus; & qui eandem seclantur, perinde se habent
si cum eadem carentibus comparentur, atque hi
postremi cum feris & Angeli cum hominibus
collatis: Angelis enim persimiles, hi per compita
incedunt. Quemadmodum enim faces in tene-
bris

bris dērepentē prolata omnium in se oculos cō-
uertunt; sic & hi alios suo splendore præstrin-
gunt & illuminant. Hi porro rebus suis reli-
ctis, ad vocem vocantium bilares & exulta-
bundi sequuntur, & perinde erga eos se habent,
atque oues erga pastores, ab illis se ad optima-
quæque duci sinentes. Alij verò morigeros &
obsequentes bos benignè suscipientes, ad instar
Prophetarū, ijs res futuras expōnunt. Quoniā
enim multi eorum, qui parū de virtute solli-
citi sunt, apud quos videlicet præsens voluptas,
et inertia plus potest quàm futura utilitas; qui
ob inexplebilem quidem suam cupiditatem, &
iniquitatem præsens hac diligunt, ob morum
verò corruptelam ea quæ post futura sunt, ne-
quaquā prævident, de ijs solūm quæ præsens,
& velut in manibus sunt, solliciti dicunt, præs-
ens rectè cura. Hinc illi futura cōsiderātes,
ea alijs præsignificāt, ac rebus ita succedētibus,
ut præmonuerant, coronā accipiunt, & celebrā-
tur. Hi sunt qui dum viuunt vrbes inclinatās
erigunt, stantes autem exornant, post mortem
verò, etiam desiderij aculeum relinquunt. Iu-
storum namque sepulchra illustria sunt, ge-
nus eorum in honore & memoria perennis.
Etenim virtutem possidere, quam nullus occu-
pare interitus potest. Corporalium namque
facul-

facultatem, & donorum quolibet facile extinguuntur, & fluxam ac momentaneam gratiã habent: quales sunt pulchritudo, velocitas, robur: nam corpore corrupto, etiam illa euanescent & pereant necesse est: soli autem virtuti, utpote quæ in immortalis anima habitat, nulla accidere potest mutatio. Totis igitur viribus virtutem vos colere & exercere conuenit, non verò fide eam videri exercere. Hanc nec opibus coaceruandis inbiantes negligite: nam illæ præ hac viles sunt, & contemptibiles: eas enim vobis nullo negotio quis eripiat, modò quidem clanculum, modò maiore potentia polleus; at virtutem nemo vos priuabit, ne quidem si à corpore separet. Virtutem hic intelligo (ne vocis vos decipiat ambiguitas) non eam quæ in bello se prodit strenuitatem, quæ in improbis frequentius quàm probis adest; neque victoriã Olympicam, quæ etiam indiscriminatim quibusuis obtingit; vbi nec eloquentiam & in dicendo peritiã. Etenim præclare dixit Thucydides. Imperitia cum modestia vtilior est, quàm solertia cum intemperantia coniuncta. Nec denique aliud quid eorum, quæ cum præfenti vita dispereunt & euanescent. Sed eam, quæ cum Temperantia, Prudentia, Iustitia, Fortitudine, Benignitate, Aequitate, Sapiëntia studio,

studio & alijs id genus rebus coniuncta & ad-
instructa est. At, dicat quis, multi indigni in
summa felicitate agunt, & virtute destituti
opibus abundant. Idem, & ego fateor. Sed mi-
nimè video quomodò hoc iure quemquam à
virtute deterrere debeat. Etenim si quis clarè
& ad oculum demonstrare possit, utrumque
hoc, virtutem inquam, & felicitatem, lege na-
turæ in eodem convenire non posse (quamquam
ne sic quidem consentaneum rationi fuerit vir-
tuti diuitias præferre) id tamen fortasse ne-
gligentiam hoc prætextu tentem excusaret.
Cum verò quosdā, & virtute optimos, & simul
bonis fortune abundantes, in hac vita reperire
sit; quid fugitis virtutem, quasi hac neglecta
amnino diuites futuri sitis? Neque enim di-
uitias possidere in eo situm est, quod virtute
quis careat; sed & sæpè numero ipsa virtus
accedit, & adiungitur diuina providentia; sic
illos quidem pro merito remunerante, horum
verò miseriam misericorditer sic sublevante.
Quod enim veris bonis cœlestibus videlicet,
semetipsos priuarint, hinc ijs Deus temporalia
largitur, omnē illis hac ratione excusationem
præscindens. Hoc ergo considerate etiam vir-
tute absente quosdā feliciter agere; sed & quos-
dam virtute præditos, felicitate quoque usos
fuisse.

PAREN.
ad DZ.
monic.

fuisse. Verum enim uerò si quis exactè rem inquirere uoluerit. (tamen si quod dicturus sum paradoxum, & nouum videbitur, dicam nihilominus) omnibus saculis comperiet, probis, non autem improbis, veram felicitatem obtigisse. Felicitatem porrò hic uoco, ipsam sufficientiam: lubrica etenim in intemperantiam, & luxum propendet fortunæ affluentia. Qua quidem in re minimè mihi fidem negabitis, cùm & Isocratis oratio exhortatoria uobis id ipsum occinat, quæ certè nec temere scripta est, nec facile refutari potest, sed ipsa quoque ueritate munitur: Diuitiæ, inquit is, uitiorum potius quàm uirtutis honestatisque sunt administræ: ad socordiam namque uiam sternunt, & iuniores ad uoluptates inuitant: Si autem uulgò secùs uideatur, eò quòd felicitatem, quæ talis quidem esse uidetur, reuera autem non est seletur, neutiquam mirandum. Qui enim præter meritum ditescunt, hoc ipso quòd præter meritum id eis eueniat magis innotescunt, sed quos ex meritò fortuna fouet, hoc ipso quòd merito suo prosperè agant, nemo miratur. Quod enim præter opinionem accidit, maiores de se hominum sermones concitat. Hac de causa fortassis hi qui præter meritum
felicior

feliciores fortuna utuntur, quamvis pauciores sint plures tamen esse, quam alij videntur. Demus itaque (nam ex comparatione quid verum sit considerandum est) hos inter se pares esse; utrum meliores sint diuitiæ cum virtute; an ipsæ solæ per se? Etenim illa, deficiente felicitate virtutis possessioni confidere possunt: has verò prosperitate destitutas, inglorias manere necesse est. Ponamus ergo, ut omnem socordiam viam præcludamus, hæc sua natura separata ab inuicem esse; & his quidem virtutem, illis verò diuitias separatim obtingere, & felicitatem hanc numquam immutari, uti Cræso accidit. Quis ergo, non malit Solon, quam Cræsus esse? quis non Plato, quam Dionysius? quis non Socrates potius, quam Archelaus? & quid plures Philosophos commemorare attinet, eosque cum tyrannis illis comparare, quorum etiam memoria omnis prorsus extincta esset, nisi per istorum virtutem, & sapientiam stetisset? Quapropter etiam his omis- sis, ad disquirendum sermonem conuertamur. Si ergo virtus quidem diuitijs præset; vera autem felicitas solos probos comitetur, & externa quoque seu apparens eosdem sequatur: etiamsi eo, quod ex merito clari sint, nullam sui admirationem excitent, cum improbi

improbi eò quod citra meritum diteſcunt, magis verſentur in hominum ore, & plures numero eſſe videantur. Verùm etiã ſi pares eſſent numeros, meliores tamen forent, qui cum virtute felicitatem habent: & licet natura hæc ab inuicem diſtincta eſſent, virtus præ felicitate eſſet eligenda: cur ſegnescimus virtutis coronam prodentes? hæc ergo, & alia plurima, ò iuuenes, iam inde à primis annis virtuti ſtudendum eſt; nec minus, quin imò etiã magis, ob ea quæ iam dicam. Qui enim in ſenectute eam amplectitur, omne reliquum vitæ tempus in criminibus prima, ſecunda, atque etiã tertia ætate commiſſis delendis conſumit, & omne illius ſtudium in hoc vnum impenditur. Ac ſæpe ne hoc quidem ſufficit; ſiquidem commiſſa crimina irremiſſibilia; & grãuia ſint: ſed ad ſincerum iuſtumque Iudicem vulnerum ſuorum reliquias ſecum deferens, decedet. At, qui iam inde à prima adoleſcentiã virtutem complexus eſt, ſuum tempus his non impendit; nec velut in medica deſidet officina, ut inſanabilia ſua vlcera illic curent, & prætereuntes omnes ſortem illius miſerentur: ſed iam inde ab initio, illuſtres conſequitur laureas. Et ille quidem gaudet, & dulce reputat, ſi poſt omnes priores clades, vel denuò pugnare poſſit: hic autem

autem iam inde ab ipso cursus principio, trophæis ac faustis acclamationibus plenus exultat, & victorias victorijs connectit: atque olympionicis à prima stadij lineâ, per faustas acclamationes, ad instar præmium contendentis, ad agonotheam, & huiusmodi certaminum iudicem Deum, multis & egregijs caput coronis redimitus deueniet. Quod enim post excessum ex hac vita diuinum quoddam supersit tribunal, ubi non in facta solum, & verba, sed & in cogitationes ipsas accuratè inquiretur; testantur, & philosophi, & oratores, & rhetores, & poetae, atque adeò scriptores amnes: quorum etiam sententias huic cohortationi meæ adiunxissem, nisi existimassem fore, ut vobis tacitè aliquam contumeliæ notam affricarem, utpote quorum aures huiusmodi doctrinâ per-
sonant. Porro si iudicium est (viti reuera est) virtuti certè est incumbendum. Quod si autem nonnullis difficilis ea esse videatur, vobis certè perfacilis est futura, si Theatra, & ludos cures, communem orbis pestem fugiatis: quin potius, non tam vniuersi orbis, quam urbium in quibus id genus spectacula exhibentur; nec tam urbium, quàm eorum qui ea diligunt & in huiusmodi mala affectu propendent. Tota ergo animi contentione ad virtutis certamina
se ac-

se accingere oportet, ut qui claris parentibus nati sunt, genus suum non debonefcent, qui autem ex humilibus sunt editi, parentes suos illustrent: ut diuites ornamentum, pauperes perfugium sibi comparent: utque patres vestri vos venerentur; & adolescentes aliunde aduenientes, vos patrum loco habeant. Etenim vobis sic agentibus, & fulgidam virtutis lampadem accendentibus, etiam diuinus Christi splendor calitus vobis affulgebit, & ad seipsum vos attrahet; qui & calorum vobis regnum, & illustrissimam Sanctorum, qui in eo sunt dignitatem & maiestatem reuelabit.

Aegyptio Presbytero, fort. Alypso. 187

Conf.
ep. 191

Anima quomodo diuinæ essentia dicatur.

Animam quidem diuinam esse existimamus, non tamen diuinissimæ & supernobilissimæ naturæ portionem; immortalem quoque non tamen eiusdem cum principij experite, & creatrice naturæ substantia. Si enim ineffabilis illius naturæ particula esset, non utique peccato, & iudicio obnoxia fuisset: si verò hæc quæ dico patitur, suprema illius substantia facturam non partem, iure meritò quis
eam

eam credat: ne natura diuina semetipsam
iudicasse, vel potius condemnasse deprehen-
datur.

Euangelio Diacono.

188

Virtutem in mediocritate consistere.

Virtus est medium vitiorum, &c.

Horat.
lib. 1.
ep. 18.

Quemadmodum præstantissimi Statua-
rij operum suorum proportionem ad
amissim examinant, quam ea ex-
cedere minimè debent: ita & virtutis artifi-
ces debitam symmetriam, & proportionem
excedere nefas est. Virimque enim virtutibus
imminent vitia, quæ virtutis amantem de-
cipere student. Verbi gratia; pietas velut ca-
put, fundamentum, & basis, est omnium bo-
norum: ac huic virimque insidiatur impietas,
& superstitio; illa quidem per defectum, hæc
per excessum in vitium declinans. Sic fortitu-
dinem circumstant audacia, et timiditas, idem
omnino, quod illa facere volentes. Quapro-
pter virum præstantem oportet vitis reieclis,
virtutes complecti; nec falsa virtutum spe-
cie in vitia quæ virimque occultè latent, im-
pingere.

Ira moderanda ne rationem extinguat.

IRacundia te simul & prudentia plenum esse familiares tui referunt. Quæ si ita se habeant, frangunt iracundia iniuriam, ne rationi præcurrens, etiam prudentiam extinguat. Hinc, & supercilium, quod temporibus capitis, vicinum est, attollere diceris.

Eidem.

190

Conf. Hortatur ut illi, quem iudicio superarat humaniter se excuset, animumque eius placet.

ep. 195

Cum aduersarius tuus nuper iudicio victus, seipsum ob ea quæ passus est nondum vicerit, ut medicinam admitteret, tu illum lites placare ne cesses. Etenim rectè feceris, si malè facta benè cures. Nam & nos fomenta adhibentes benignioribus animum eius verbis persanare contendimus.

Dorotheo Diacono, medico.

191

Conf. Respondet quæstioni propositæ. Cur incorporea minus passionibus corruptionique obnoxia, quam corpora.

ep. 192

Quod rem claram, & liquidò tum in sacris litteris, tum ab Ethnicorum sapientissimis

tissimis testatam, per certas demonstrationes tibi à me explicari noluisti; hinc, prout quidem potero, paucis tibi multa exponere conabor. Cùm ergo à me quaesieris unde conslet incorporea magis esse passionum expertia, & potentiora, quam ipsa corpora. Respondeo, quò corpora incorporeitati vicina corporibus crassioribus potentiora, & passionum magis expertia sunt, eò etiam incorporea non solum crassissimis, magis impatibilia esse. Exempli gratia, saxum crassius est, quàm aqua; hinc cùm confringitur, amplius coalescere nequit: aqua verò inuicem disjuncta, rursus coniuncta unitur; nam quanto tenuior, tanto impassibilior est, aer autem (nam ad tenuius, & subtilius exemplum descendere nos oportet) minimè separari potest. Etenim si eum quis dolio aut utri incluserit, & ita in profundum abiecerit, non mergitur, sed aquæ innatat, ac superficiẽ querit, & ad cognatum sibi aerem contendit. Quare si aer aqua, & aqua saxo tenuiora sint, ac proinde minùs passibilia; quid miraris, si incorporea potentiora sint? Considera ergò, et animam, quæ quidem oculis nostris non apparet (inuisibilis enim est) robur tamen & vires corpori præstat; quæ emigrante, corpus non modò mortuum manet, verùm etiam dissoluitur.

*Ad hæc, in remedijs medicis (nam & ab arte tua argumentum capiendum est) ipsa eorum vis, cum incorporea sit, corpore ipso potentior est. Ea igitur ubi iam fecit, quod in se est, & euauuit, tum emplastrum nulli amplius vsui est, nisi enim insita eius vis, quæ incorporea est, & suo munere fungitur recesserit; ad quid ergo, materia adhuc integra, remedia inno-
uas? Constat autem, remedium, vi & poten-
tia presente viuere; illa verò iam digressa
intermori.*

Lampetio Episcopo.

192

*Malum animum, & peruersum ex signis
faciei colligit.*

*Conf.
ep. 156
199.*

Quomodo illiteratus, & rudis ille Go-
thus (sic namque eam appellare liceat)
prudentia, & doctrina tua litteris
hortatorijs, & utilitatem undiquaque spiran-
tibus acceptis affectus fuerit, equidem, pro cer-
to dicere nequeo. Ex signis enim, quæ in vul-
tu eius apparuere, facile id ipse collegeris; pau-
lulum enim subridens, vultu voluptatem
ostendit, ita tamen ut ira prædominaretur.

Aquila

Aquila, Ammonio, & Orioni. 193

Malum malo non reddendum, sed malum
patientia superandum iustè
iudicanti.

Multi, ò viri optimi, cum paria vel ma-
iora etiam aduersarijs in hac vita se
relaturos sperarent, quàm quæ perpeffi fuerāt.
ipsimet grauiora, quàm prius sustinuerant,
pertulerunt, non ipso iusto prostrato, sed in vitā
sequentem gloriosè translato. Proinde, quiete
potius, et sapientia, eos qui mala nobis inferūt,
ulcisci oportet. In altera enim vita, iustitia
id quod iustum est omninò definiet, quæ & hu-
ius vitæ tentationes coronis remunerabitur.

Palladio Diacono. 194

Accusantium ora obturat, qui vitam in-
melius mutat.

Si, quæ de te nobis nuntiantur, vera sint,
persuasibilem forsan tibi apologiam conte-
xes; vera tamen non adferes: si autem falsa,
scribe utique apologiam, quam nos eorum au-
ribus, qui te mordaciter traducunt ac fugil-
lant instillemus. At si à luxu qui ad omnia

irrationabilia abripit, abstineas, etiam ante quam Apologiam instituas, eos palinodiam cantaturos existimo.

Esaia.

195

*Conf.
ep. 190.*

Hortatur vt apologia placet eum, quem iniuria affecerat.

Satis constat, ò uaserrime, iniquè te agere; Sac propterea recta, & legitima te criminis depulsione uti nolle, sed ad exceptionem confugere, quæ ad oppressorum subsidium, non verò ad iniquè agentium effugium excogitata fuit. Cùm ergò deprehensum te sentias, recta defensione utere.

Theoni Episcopo.

196

Conf. Monet vt sibi caueat, ne ipse capiatur ijs, quæ in alio reprehendebat errata.

ep. 16.

140.

147.

230.

250.

Quo maiore quàm alij, apud te in honore sum, eò ceteros beneuolentia erga te magis antecellere contendam. Absurdum namque fuerit, me quidem alijs à te proponi, tamen unà cùm ijs, qui non eo apud te in honore sunt, in rebus tuis conticescere. Itaque cùm ad me scripseris, Eusebium Pelusinum
Episco-

Episcopum animo admodum mobilem, & ad aliena diripienda promptum, & ad irascendū celerem, & ad debita officij sui exsoluenda tardum esse, utque paucis completar omniū seruilium passionum mancipium, & esse, & haberi; siquidem ipse bene audire velis, ab huiusmodi te probris purum, & immunem custodi. Si quidem absurdum fuerit, ijs ipsis te vitij obnoxium esse, quorum alium insimulas, & alterius esse medicum te velle, qui ipse ulceribus scateas, atque ea committere, quæ in alio acerbè reprehendis.

Isidoro Diacono.

197

Quomodo & quare Iudæi, Filij in sacra scriptura appellentur. De adoptione nostra per Christum, & quanto studio conseruanda.

Cum prudentia tua scripserit, dignitatem adoptionis in filios Dei fuisse etiam penes Iudeos: scriptum quippe esse. Filios enutruui, & exaltaui, ipsi autem spreuerunt me. Et alio in loco Deum, qui te genuit, dereliquisti. Respondeo planè non videre me, ex ijs quæ attulisti testimonijs, hunc eis honorem absolutum, purumq; tribui. Sed semper cum aliqua repre-

Mat.
1.2.
Deut.
12.12.

hensione coniunctum: adeò ut, nisi eos reprehendere voluisset, numquam Dominus illos honorifico isto cognomine quod dicis compellasset; & nisi prolapsi fuissent, nunquam hoc forsitan nomen adepti fuissent. Sed quò acerbior reprehensio foret, honorem sugillationi admiscuit. Cum enim illos perstringere, & duritiam eorum vellet traducere, correptioni honorem simul inuoluit: aut verius ex isthoc honore, crimen maius esse ostendit, quam ut veniam mereretur. Porro de ijs, qui in lege gratie sunt, clamat ipse tonitruus filius Ioannes. Quotquot autem receperunt eum, dedit eis potestatem filios Dei fieri. Ecce honor, sine ulla sugillatione, ecce dignitas filiationis, ecce, supercœlestē Senatusconsultum, quòd Saluator ipse passim pronuncians ait, ut sitis filij patris vestri, qui in cœlis est. & scit Pater vester cœlestis quid opus sit vobis, antequam petatis eum. Ipse igitur, qui huius filiationis causa est, dignitatem hanc nostram ubique deprædicat. Qui verò ex Iudaico propugnaculo Euangelica factus est machina Paulus, hunc honorem etiam opere ipso comprobatum ostendens, ait: Non accepistis Spiritum seruitutis iterum in timore, sed accepistis Spiritum adoptionis, in quo clamamus, Abba pater:

Ioann.
 1. 12.

Matth.
 5. 45. &
 6. 8.

Rom. 8.
 15.

pater: ipse spiritus testimonium reddit spiritui nostro, quod sumus filij Dei: si autem filij, & hæredes, hæredes quidem Dei, coheredes autem Christi, *Pro ingentem honorem!* quam is sublimè susulit eos, qui humi iacebant! Eadem porrò opera cùm Iudeorum vilitatem tùm Christianorum nobilitatem, Apostolus ob oculos ponit: quam nos omni animi contentione custodire æquum fuerit, ne, si hac dignitate exciderimus, gravius puniamur, qui ne tanto quidem honore meliores evaserimus.

Harpocræ Sophistæ.

198

Graphica ὑπερῶς laudata.

Sicut præstans aliquis pictor cum ferocientem, & elata ceruice equum depingit, eum tantum non spirantem exprimere conatur, & cum ipsa decertans natura, unà cum freno, prudentiam ei quodammodò inijcit; & eo ipso, quod eum consistere velit, illum sistit: pari modo tua eruditio per orationem suam, viri illius mentem ita scitè, & clarè nobis expressit ut ipsummet potius, quam litteras scriptas, lectores coràm intueantur.

Eidem.

Conf.
ep. 156
192.

Ex vultu conijcit de animo cuiusdam, cui
litteras tradiderat.

Postquam is, quem nominare nolo, (neque enim scripto aut mentione dignus est) probitatis tuæ litteras accepit, pestiferum quid, & risu patulo arrisit, uti ridere solet, cum ira efferuescit. Fortasse verò tremendum, & consecratum mysterium contigisset, nisi ipse Ecclesiasticis sanctionibus degradatus esset.

Ophelio Grammatico.

200

Conf.
ep. 25.
& lib.
3. ep.
66.

Contra nimium mulierum ornatum.

Veterem Lacedæmonem non possum, non summopere eo nomine admirari, quòd honestis matronis ornatum omnem interdixerit: utpote, quem meretricibus, laqueos ac pedicas ad dissolutos adolescentes captandos excogitantibus, proprium esse existimabat. Hoc ipsum enim faciendo, licet modesta, & pudica videatur, morbum suum nimis manifestè prodit. Vnde sacra Scriptura mulieres pietatem sectantes exhortatur, ut se non auro, vel margaritis, vel vestibus pretiosis, sed bonis operibus

1. Tim.
2. 9.

ribus exornent. Si verò res etiam prout in se ipsa est, sit consideranda; dico, & torques, & gemmarum fulgores, & monilia, tam deformibus, quàm insigniter formosis, quàm maximè obesse: illas quippe redarguunt, harum verò auersionem quamdam, & fastidium causantur. Illas quidem redarguunt, dum earum deformitatem magis ostendūt; harum verò auersionem causantur, quòd homines de ipsis loqui abstinentes, de solo illarū ornatu verba faciūt.

Elapbio Episcopo.

201

Officij sui admonendos esse concionatores, ^{1. Cor.}
 quorum prædicatio in persuasibilibus hu- ^{2.4.}
 manæ sapientiæ verbis, non in ostensione
 spiritus, & virtutis.

Mlrum verborum studium, & ardor hoc
 sæculo hominum mentes insigniter oc-
 cupauit: verborum, inquam, non quæ audito-
 res ad temperantiam complectendam permo-
 uere, sed eorum aures dumtaxat oblectare va-
 leant; non spiritualium, sed Sophisticorum; non
 Apostolicorum, at Demosthenicorum; non Pro-
 pheticorum, sed contentiosorum, non animam
 exhilarare valentium, sed aures demulcere
 solitorum, non denique eorum, quæ dicētis ope-
 ribus

ribus tanquam spiritu animata viuant, sed ob elegantiam suam mortuas aures personant.

Quid igitur faciendum? an tacendum, & nihil omnino dicendum? At periculosum idest. Ergo dicendum potius? Sed dices verba neque fructū ullum pariunt, nec operibus demonstrantur: sed in solum, & nudum plausum desinunt. Verum esto, hæc ita sint, satius esse opinor, dicentem non audiri, quam non dicentem ijs verbis coargui. Quare non dedisti pecuniam meam ad mensam, & ego veniens cum vsuris utiq; exegissem illam? Qui ergo potest, loquatur, ut à solis auditoribus Iudex rationem exigat.

Luc. 19.
23.

Olympiodoro.

202

Hortatur ut Socratis exemplo relictis otiosis, & inanibus contemplationibus, virtuti actiuæ se dedat.

Valere iussis, vir sapiens, ijs qui res sublimes iactitant, et de arduis disserūt, quique verba sectantur, & præter nuda verba nihil habent, practicæ virtuti teipsum applica, quæ tuos cultores beatos efficit. Si autem veterū sententias sequi satius esse ducas illum certè, quem ipsi mortalium omnium sapientissimum esse prædicarunt, sententiæ meæ testem ac spon-
sorem

*forem tibi adferam. Quid ergo Xenophon
de hoc ipso scribit? Nemo, inquit, Socratem
vmquam impium ac nefandum quid aut de-
signantem vidit, aut dicentem audiit. Nec
enim de rerum natura sic differebat, vti com-
plures alij Philosophi; nimirum considerans,
quo, qui à sapientiæ professoribus mundus
appellatur, se habeat, quibusque de causis ne-
cessarijs singulæ res cœlestes fiant. Imò eos,
qui huiusmodi curarent, fatuos esse demon-
strabat. Ac primum de ijs hoc considerabat,
an quod, rati se humana iam satis intellige-
re, ad ea tractanda accederent; an relictis re-
bus humanis, diuinas contemplantes, quæ
sui essent officij, se facere putarent? Miraba-
tur quoque illos clarissimè non perspicere,
homines hæc adinuenire nō posse. Nec enim
eos, qui sibi plurimum arrogent, quòd de his
differere valeant, inter se eadem sentire, sed
ad instar furiosorum inuicem dissentire, &
comparatos esse. Hæc itaque Xenophon habet.
Ipse Platò vero, qui omnium aliorum est di-
sertissimus, & præ cæteris Socratem per-
spectum habuit, eadem quæ Xenophon, in
omnibus penè Dialogis suis tradidit. Quare
si, & hic, & maxime illi id ipsum fecerint,
& dixerint, & scripserint, tu virtutem
exerce*

exerce, quæ in actione consistit : illa namque
(ut etiam Plato censuit) optima est via, &
ad pietatem hominem perducens, & in amplif-
simam latitudinem desinens.

Cassiano.

203

Quid differant ἀβελος καὶ ἀβέλητος.

Non est idē ἀβελος et ἀβέλητος. Illud enim
minimè circumspectum; hoc verò, in-
uoluntarium significat : illud ad actionem,
hoc ad passionem spectat : illud enim, inconsi-
derata est actio; hoc verò coacta passio.

Ausonio.

204

Iudicium quomodo rectè administretur.

Omnis controuersia, iudicio dirimatur;
iudicium verò argumenta, & accusa-
tiones examinet; examen, quod rectum est, defi-
niat; definitio verò & sententia scripto com-
mittatur; scriptum auctoritate aliqua confir-
metur, id confirmatum denique opere ipso com-
probetur. Omnis porrò hic concertatio absit,
amicitia verò locum obtineat, cui nihil æquale
& par tum ad virtutem, & bonum nomen
comparandum, tum etiam ad hilaritatem
mentis consequendam reperitur.

Pbile.

Amicitia vis.

ERgo, cum aut à φίλῳ (id est amicitia) vel *Conf.*
 à τῆς φίλῳ ὑπὸ φίλῳ (ideſt ab amicitia *P. 143*
 vulnerari) nomen sortitus es, non potuiſti non
 etiam alios ad amandum pellicere. Etenim,
 & nos, longè à te diſſitos, & nunquam te litte-
 ris compellantes, ad te amandum velut aſtro
 quodam compuliſti, & ſic amore tui vulnera-
 ſti, ut ne momentū quidem temporis tui poſſi-
 mus obliuiſci.



Didymo Scholaſtico. 206

Hortatur ut inter Filios ſuos concordiam &
 amorem reconciliet.

Filiorum tuorum natu maximum à mini-
 mo diſſidere, nonnulli referunt, atque hoc
 te noſſe, ita tamen te gerere, quaſi neſcires.
 Quamobrem, voluntaria hac ignorantia,
 conſeſtim depoſita, illos mutuo conciliare con-
 tende, ne inſanabile quoddam hinc malum
 oriatur: ſi quidem contentio nihil boni parit.
 Ut quemadmodum poſt Divinam providen-
 tiam, ut eſſent cauſa fuiſti, ita etiam ſis, ut
 benè ſint.

Eidem.

Eidem.

207

Vis amoris mutui.

Quoniam admodum odium efficit ut hostium
concordia, bene aliquomodo acceptentur,
ita amicitia illa dissipetur, & configit.

Orioni.

208

Gratulatur ad bonam reuerso frugem.

Incredibile sum gaudio per fufus, cum ad me.
lora te transisse didici, & credo fore, ut
quam ex iniquitate prius contraxisti infamiam,
quam celerrime deleas; virtutis vero
ornamentum assumas, et venerandum tibi decus
compares, hic quidem ab omnibus laudatus,
& celebratus, illic vero a Iudice coronam
accipiens.

Petro Scholastico.

209

Non temere de alio iudicandum.

Equidem nec condemnabo, nec reum declarabo
virum, cuius neque auditor, neque iudex fui:
ut scitum ab alio iudicatum fuisse constet,
tunc demum contra illum sententia feretur.

Zosimo

Zosimo Presbytero.

210

Quantum scelus pauperum interuvertere
 eleemosynas, & per luxum eas
 abligurare.

Conf.
 ep. 183

SI nec aliquo modo opitulari velis, atque
 ipsas pauperum plagas adhuc adaugeas,
 cur is, qui cum indomabili, & inexpugnabili
 hac paupertatis fera luctantur; grauius certa-
 men moues, dum quæ ab omnibus misericordi-
 bus in eorum alimoniam dantur in usus tuos
 conuertis? quid ex huiusmodi lucro inexplabi-
 lem ventrem tuum explens, hinc acquirere te
 posse existimas? Quamobrem vide, ut ab hu-
 iusmodi vesania aliquantulum te submoneas,
 ac sic teipsum compella. Quod si, qui proprias
 facultates indigentibus non distribuit, in ignis
 fluuium conijcitur, intolerabilibus excrucian-
 dus tormentis; quid non patietur qui quæ pau-
 perum sunt, sibi ut propria vendicat? Si qui
 sua non elargitur, veniam non merebitur,
 quid ei, qui data ab alijs sibi diripit, fiet?
 Siquidem paupertate coactus, nouum hoc la-
 trocinij genus, aut scelus potius sepulchro-
 rum violatione grauius excogitasses, aliquod
 sanè vestigium impudentissima excusationis
 haberes;

L

haberes; sed cum luxu, & lasciuiâ qui alienam calamitatem subleuare debebas, easdē exasperes, ecqua tibi excusatio, quæ misericordia, quæ venia reliqua est? Hæc tibi scribo, lachrymis ferè atramentum permiscens. Tandem aliquando teipsum agnoscas, à pauperibus opprimendis abstineas, ludicem tibi propitium reddas, & nos tua pœnitentia incredibili gaudio compleas.

Theodosio Presbytero.

211

Virum Religiosum peregrinantem commendat ut hospitio excipiat.

V*ir hic diuinissimæ religioni, addictus quàm qui maximè, & in eisdem studio deditos incidere gaudens, ad te proficiscitur. Bonum ergo illi te hospitem præbe, ut & te, & alia virtutis exempla conspicatus, desiderium suum adimpleat.*

Aufonio Correctori.

212

Rustici causam commendat, quem rabula quidam rure ad forum extraxerat.

C*um forensis quidam rabula viro procul negotijs agere cōsueti negotium facessere cupiens,*

cupiens, ipsum in ius vocarit, da operam quesito, ut quàm citissimè illum iniuria prohibeas: facies enim illi rem gratissimam, hunc verò ad agrum suum remittas, quò dilectæ sibi agricultura iucundissimos fructus percipiat.

Zosimo Presbytero.

213

Exemplis potius quam verbis persuadendū. *Conf.*

Non verborum elegantia auditores, carissime, demulcendi, sed opere, & re ipsa spectatores sunt expugnandi: etenim mores suadentis venerabiles sunt, non oratio. Illi quippe pudorem incutiunt, hæc verò obtundit. Quid porrò his dicere intendam missis ambagibus dicam. Vir quidam virtute spectabilis sum. moperere tibi succenset, & cùm multa de te commemoraret, vnum hoc miratur quomodò, cùm Ecclesiæ probrum, & propudium sis, immaculatam vitam in orationibus petere à Deo præsumas. Nam, inquit, si ea quæ suarum partiū sunt adferat, petat utique; si verò, & alios turpissimis suis factis inficere velit, cur id accipere postulat, quod habere nolit? Atqui ego, his auditis, rubore suffundebar, & oculis in terrā coniectis, ne os quidem aperire poteram. Qui verò præsentibus aderant, summis illū plausibus

epist.
233.
308.

excipiebant; hoc vnum dumtaxat in illo reprehendentes, quòd inscitiam tuam, prout quidem ea merebatur traducere verbis non potuerit. Tu itaque vide quomodo hanc irrisionem, & fabulam à te amoliaris.

Paulo Presbytero.

214

*Conf.
ep. 119
253.*

Non de leuibus futilibusque rebus conciones habendæ.

Non de rebus exilibus, & malis, sed de ijs, quæ dictu dignæ sunt apud auditores tuos sermonem institue. Multi namque rati te nugari, celeriter recedunt, & facillè te carpunt, & agrè persuadentur.

Danieli Presbytero.

215

*Conf.
ep. 103
116.*

Ne malorum foelicitate in hoc sæculo offendatur, sed hinc certitudinem iudicij extremi credat.

Nequaquam te, ò beate, à cæpto virtutis tramite auertat, quòd impurus ille, Deoque odibilis (ut scribis) Zosimus sacris se ordinibus ingerere ausus sit, imò verò hoc ipsum potius

potius confirmare te debet, ut credas indubiè fore aliquando iudicium, in quo unicuique secundum opera sua Iudex reddet. Si enim conuenientem quisque hoc in mundo mercedem acciperet; hi quidem pœnas, illi verò pramia, vana de iudicio extremo oratio foret. Cùm enim multi impij sæliciter agant, è contrà multi pijs aduersis exagitentur; illud ipsum quod perturbationem tollere debet (quòd nimirum unicuique iuxta meritum merces aliquando persoluetur) tumultus & turbationis est causa. Neque enim, cùm iustus sit Deus, hæc fieri pateretur, nisi aliquando verborum, et operum, & cogitationum exacturus esset rationem, & his quidem gloriam, illis autem supplicia decreturus.

Strategio Monacho.

216

Promittit se visurum amicos in monasterio. Conf.
epist.

BReui me (Deo volente scilicet) in monasterio exspecta. Veniam enim, ut tuam, ante omnium, pietatem, & religionem inspiciam, necnon ut admirabilem per omnia Theodosium, veterem nostrum amicum, nobisque longè preciosissimum, complectar. 494.

Conf.
ep 165

De varijs Rhetorum dicendi generibus.

Scriptorum alij, turpe ducunt, obscurè lo-
qui; alij, vice versa, in ipsa obscuritate om-
nem virtutem collocant: alij mediocritatem
sectantur, alij verò intempestiui sunt, alij ac-
curatas aures postulant, alijs satis est adolescē-
tes permouere: alij exordijs excellunt, alij exē-
plis abundant: alij miserationem, iram alij in
auditoribus concitant: alij tarditate sua mole-
sti sunt, alij celeritate placent: alij vno, eodemq;
dicendi genere vtentes, auditores suos obdormi-
scere faciunt, alij varietate eosdem excitant.
Itaque qui aliorum scripta examinare nouit,
ab omni gratia, & odio alienum esse oportet,
& scriptoris vniuscuiusque tum vitia, tum
virtutes percalleet, vt has quidem probet, illa
verò reprehendat.

Aphthonio.

218

Conf.
epist.
253.

Virginitas, & Fornicatio duo extrema.

Coniungi ^{non} medium, inferius virgi-
nitate, sed melius fornicatione.

Virginitas, bone vir, & fornicatio, legis
limitem transiliunt, sed non in iisdem.
Illa

Illa namque supergreditur, hac transgreditur. Illa leuia, sursum tendentia, & cœlos impellentia, hac verò deorsum vergentia, & graui corpora imitatur. Illa sectatur ea, quæ nulli sunt mutationi obnoxia, hac autem illa, quibus, & mutatio insita est, & pœna adiuncta. Honorabile verò coniugium inter utramque medium, priore quidem longè inferius est, posteriore verò tantò superius, & excellentius, quanto ipsum virginitati cedit. Vnde, cùm hac gloriæ coronam mereatur, illa verò condemnatur: matrimonium mediam laudem obtinet.

Theodoro Diacono.

219

Cum suas partes egerit in Zosimo, sodalibusque eius admonendis iniquum esse probat sibi imputari, quod admonitionibus locus non fuerit relictus.

*Conf.
ep. 20.
210.*

S*I quidem dixissem me ea oratione pollere, quæ omne tolleret vitium, meritò me quis iactantiæ accusaret, at, si ante omnia norim monentis partes esse quam optima dicendo adferre; eius verò qui monetur dīctis parere (nā penes illum dicendi, penes hunc agendi potestas est) quid ignoscere mihi recusas, si qui-*

dem assentiri nolis; aut quid culpas eum, qui suo munere rectè functus est? Si nequidem hoc admittas, etiam ineffabilem Dei sapientiam accusabis, quæ nec prauaricatoribus Iudæis, neque proditori Iudæ persuadere potuit. Tantum enim absuit ut persuaderet, ut hic eum prodiderit, illi in crucem egerint. Si verò illa etiamsi non persuasit, nec ad salutem retraxit, nihilominus ab omnibus prædicatur (ab intentione namque non ab euentu, res iudicantur) quid me incusas, qui tantum laboris impendens, non tamen potuerim, Martinianum, Zosimum, Maronem, & Eustathium verbis inducere, ut à peccatis abstineant? Tantum quippe abest, ut propterea rubore suffundar (quamquam me plus, quam alium quempiam, erubescere sciam in ijs, in quibus erubescere honestum est) ut etiam glorier, quod passionum Domini, licet tantum ex parte, socius, & particeps reddar.

Eutonio Diacono.

220

*Conf.
ep. 219*

De Zosimi eiùsque sodalium vitijs.

S*I Zosimus, & Maro, ut ais, nihil la-
scium infectum, nihil turpe indictum
relinquentes, in optimum quemque adhuc in-
surgant,*

surgant, ea & dicentes, & perpetrantes, quæ nec verbis dicenda, nec factò toleranda sunt, noli quæso diuinæ iustitiæ incuriam accusare; sed illius longanimitatem potius admirare, nunc quidem eos ad pœnitentiam inuitantem, et omnem excusationis ansam præscindentem; post paulò verò, vel hoc in sæculo, vel in altero, grauissimo in eos supplicio animaduersuram. Nam si illi qui ante diluuium nefanda flagitia commiserunt, vel qui in Sodomis præter naturam peccarunt, vel denique Iudæi, qui aduersus Dominum rabiem suam exercuerunt impune habuere, & hi impune abibunt. At si primi quidem illorum, hac in vita aquis adobrutum periere, secundi deflagrationis incendio, postremi demum bello absumpti sunt, ut omnes, tam priores; quam secuturas tragicas clades magnitudine sua obscurarint, in altera verò grauissimas dabunt pœnas: quam ob causam hosce considerare negligis, ac si impune abiissent? Porro illos, & in altero sæculo grauiter luituros, constat ex ijs, quæ ipsamet Veritas pronunciauit. Terribilius, inquit, erit terræ Sodomorum, & Gomorrhæorum in die iudicii, quam illi ciuitati, quæ scilicet ipsos veritatis præcones persecuta est. Hoc autem dixit, quod hi

grauio-

Gen. 6.
Gen. 19.
1. Cor.
12. 12.

Matth.
10. 15.
& cap.
11. 29.
Luc. 10
12. &
17. 29.

grauiores daturi essent pœnas, mitiores verò Sodomitæ; non solum propterea quod eas hic etiam dederint, verum etiam quia cum hi cōtra naturam ipsam peccarint, contra ipsum naturæ Dominum furorem, & rabiem suam ostenderunt.

Eidem.

221

*Conf.
lib. 3.
epist.
203.*

De pœna huius, & alterius vitæ.

NOris, bone vir, si leuia, tolerabilia, & facile curabilia peccata committimus, eadem nos, aliquid aduersi patiendo, eluere, & detergere: at si grauia, & horrenda crimina consciscimus, in altero nos mundo supplicium duros; leuius quidem, si hac in vita aduersi quid patiamur; grauius autem, si sine vlla aduersitate vita excedamus. Ne porro dicas, id asserere quidem me, at non demonstrare; testimonijs fide dignis id, quod dico confirmabo. Itaque de ijs, qui peccata hac in vita voluntaria castigatione eluunt, testis omni maior exceptione est diuinus ille Paulus, agens de ijs qui indignè sacra mysteria susceperunt. Ideò, inquit, inter vos multi infirmi, & imbecilles, & dormiunt multi: quod si nos ipsos diiudicemus, nō vtique iudicemur: dum iudicamur autem

*1. Cor.
11. 30.*

autem à Domino corripimur, ut nō cum hoc mundo damnemur. *Huc quoque pertinet, quod diuiti Epuloni in infernali sartagine excocto dictum est.* Fili recepisti bona in vita tua, Luc. 16. 25. Lazarus similiter mala. *Perinde ac si diceret, si quid boni viuens prastitisti, hoc ipsum tunc recepisti, delicatè viuendo, nullamque in vita aliquando rerum vicissitudinem, aut aduersitatem passus.* Si quid verò Lazarus deliquit, hoc inconsolabili sua paupertate, qua consumptus, & exhaustus interiit, expiauit. *De ijs autem, qui, & hoc in seculo pœnas dederunt, in altero quoque dabunt, ipsemet Iudex sic in Euangelijs pronūtiavit.* Tolerabilius erit terræ Sodomorum, & Gomorrhæorum, quàm ciuitati illi. *Etenim, & hoc in mundo Sodomitæ ac Iudæi pœnas soluerunt, illi quidem igne cœlesti deflagrantes, hi verò bello, & fami traditi, & ad tantas angustias redacti, ut & proprios comederint filios: nihil enim non necessitas eos manducare, & vorare compulit.*

Matth.
10. 15.

Ioseph
lib. 7.
belli. c.
8 & lib.
9 anti-
qui. c. 2

Eidem.

222

De eadem re: in mercedis distributione. Conf.
ep. 78.

Quod nuper de peccatis dixi, idem nunc de benefactis, & operibus bonis dicam, 302.
mirum

*mirum illum qui pauca bona opera fecit, si
quid hac in vita boni consequatur, suo postea
præmio cariturum; & qui magna, eximia,
& admiranda fecit, in illa vita mercedem
accepturum; mediocrem quidem, si quam
in hac acceperit (Etenim in hac vita mer-
cedem accipere, non modicam mercedis par-
tem circumcidit) copiosam verò si nullam
hic accepit. Et si quidem volueris, exemplo
id quod dixi, declarabo. Sint, verbi gratia,
duo iusti, virtute ambo præstantes, & sum-
mi; sed horum alter, hoc in mundo opibus
abundet, alter inopia prematur: ille sit in
gloria, hic iniuriæ obnoxius: ille ab omnibus
dilaudetur, ac celebretur, hic omnium sit fa-
bula, & probrum. Putasne verò, cum hinc
exceßerint, æqualem ambos coronam acceptu-
ros? Non equidem existimo; quamquam ra-
tione virtutis pares eos esse censeam. Verum
quòd dum in mundo viuerent, disparis for-
tis fuerint, hinc & virtutis eorum equali-
tas postea inæqualis fiet: non quòd sincerus,
& integer ille Iudex iniquum quid sit decre-
turus; sed quòd vni quidem, mercedem hu-
ius, & alterius vitæ æquaturus, proportionem
sit temperaturus, alteri verò liquidum, pu-
rumque gaudium confirmaturus. Par namque
est,*

est, cum qui tanta bona opera fecit, nec tamen aliquem illorum fructum percepit, maiori, & illustriori ornari corona. Id ipsum, porro, beate vir, non in ipsis rectè factis solum, sed & in peccatis locum habet. Statuantur namque si ita tibi videatur, duo peccatores, qui ad idem improbitatis fastigium pertigerint, ita ut alter ab altero nihil differat: horum unus quidem opibus circumfluat, alter verò cum inopia confluetur, unus ab omnibus honoretur, alter iniurijs diuexetur. Unus alijs imperet & præsit, alter aduersitates habeat. Numquid vita functi pari modo plectentur? Non equidē opinor; tametsi quoad nequitiam, & improbitatem pares eos fuisse dixerim. Nam quòd in vitæ huius statu dispares fuerint, hinc ipsa nequitie equalitas resurrectionis tempore inæqualis reddetur: non quòd iustitia, quod iustum est, sit neglectura; sed quòd huic quidem supplicio huius vitæ pœnas sit alterius commensura, illi verò omni solatio prorsus carentem castigationem, in altera irrogatura. Aequum namque est, eum, qui eadem patrauit, non verò eadem, est perpeffus, maiores pœnas persolvere.

Virtutem potius cum aduersitatibus ,
quam vitia cum iucunditate
colendam .

Probè noui apud alios quidem fidem dicen-
dorum, me non inuenturum, alijs verò hy-
perbolicè locutum visum iri : verumtamen
nosti morem meum : nam aliud fortasse non
dixi (scio namque plerosque ex suo ingenio, de
alijs iudicium ferre) quam me benè agentem
hoc in mundo detrimēta, & aduersa pati mal-
le, quàm malè, & improbè agentem coronari.
Nam ut de corona, quæ virtutem in altera
vita manet, uti & supplicio, quod iniquitati
preparatum est, nihil dicam; certè ipsamet vir-
tus corona, & nequitia quoddam mihi vide-
tur esse supplicium. Nec vellem profectò etiā si
quidam virtutem calumniarentur, nequitiam
verò, & vitium laudibus extollerent, illam re-
pudiare, hanc verò amplecti; sed illam, quam-
uis contumeliosè habitam, ambabus vlnis com-
plector, & diligo; hanc verò, licet laudatam,
detestor, & execror.

Hypatio Rempubl. gerenti.

224

Auaritiam fugiendam.

Conf.

ep. 55.

67. 112

Cum arduum, id est, difficile sit, eum qui opum amore captus est, mentem sursum attollere (etenim qui huiusmodi est, agrè, ne dicam prorsus non, emendari potest) nihil non faciendum est, ne ab hoc quis malo corripiatur. Etenim facilius est, planè ab eo non capi, quam semel captum ab eo se expedire.

Palladio Diacono.

225

Qui bene paruerit, is rectè imperabit.

Conf.

epist.

455.

Si subditos legibus quibus reguntur inobedientes esse non oportet, multò certè magis ijs pareant necesse est illi, quibus imperium obtingit. Quomodò enim cum subditis agent, vel iustum ab iniusto discernent, qui neque quomodò imperare oporteat, norunt? Quicumque igitur hæc ignorant, & benè regere suos non didicerunt (quod certè non exigui est momenti) alios tamen regere volunt, idem ipsis usuvenit, quod aurigandi imperitis, qui currus, & bigas conscendere ausi, & se, & equos suos in interitum coniecerunt; vel, quod nauculatoriæ inassue-

inassuetis, & expertibus, qui cùm eò dementiæ semel profilierunt, vt onerariam, & ingentem nauim moderari tentent, vnà cum ipsa in maris profundum abrepti sunt. Quisquis ergo salutem suam cordi habet, subditorum se in numero primò constituat; si verò hic eum absurda quædam dominandi cupidò occupet, eam à se quam potest longissimè reijciat, vel per hoc, quòd bene subesse ipse alijs possit; præesse & imperare alijs discat: adhuc huic se negotio vltro non ingerat; si verò ad illud vocatus fuerit, se, si quidem fieri potest excuset. Id namque satius est. Sin minus imperet, ita tamen, vt ipse legibus pareat.

Vranio Diacono.

226

Matth.
20. 41

Conf.

ep. 39.

68.

De bono temptationum: & in illud Christi.

Orate vt non intretis in temptationem.

Quid ad multos confugis, cùm possis ad vnum? Quid pluribus assentaris, cum vnum rogare queas? Cur imbecilliores in auxilium vocas, cùm ad insuperabilem Dei confugere dexteram; & sic ab omni te expedire temptatione oporteat? Etenim tētatio est, non (vt quidem ipse existimas) in temptationem incidere, sed ab eadem superari. Porro, hoc ipsum

Ipsum verè ita se habere, quamuis plerisq; incredibile videatur, pauculis è sacra scriptura depromptis testimonijs, declarare conabor. Nā illud Apostoli Pauli dictum. Nemo coronabitur, nisi qui legitimè certauerit; cum nonnulli velint, solos pro virtute susceptos labores hic intelligi omittēs, ad aliud testimoniū transibo. Ait fortissimus ille Iob. Tentatio est vita hominis super terram. Quare, si ipsa vita tentatio est, quo fieri modo queat, ut qui in ipsa tentatione identidē agit ac versatur, in tentationem non incidat? Caterū quod ab ipsa veritate dictum est. Orate, ut non intretis in tentationem; idem est, ac orate, ne à tētatione superemini; neque enim dixit, ut non incidatis; sed, ut non intretis, id est, ne ab ipsa absorbeamini. Fieri namque prorsus non potest, ut in illam nō incidamus; at fieri potest, ut qui in illā incidit, victoriam referat, & coronetur. Et si quidē velis, per breui id exemplo, & similitudine probabo. Potest enim fieri, ut quis in leonem incidens, suo vel robore, vel industria, ab eo se liberet. Quid dico liberet? cum nonnulli id genus feras etiam manu ceperint. At quo modo ille effugiet, & sospes euadet, qui à fera iā deuoratus, & in ventrē eius demissus est? Hoc ergo est, quod Christus ait: impossibile nimirum*

2. Tim.
3.5.

* Vulg.
militia
Iob 7.1

Matth.
26.41.
Marc.
14.38.
Luc. 13
40. & 46

esse, in tentationem non incidere, possibile verò eam euincere. Vtriusque horum omnes sancti fideiussores & testes sunt, quos tales tentationum procella impetiere, ut toto propè vitæ tēpore in certamine, & conflictu egerint. Dicat verò quispiam. Nullus ergo ipsorum à Deo est exauditus? Exauditi quidē sunt, non tamen in eo, ut in tentationē minimē inciderent (hoc nāque fieri omnino non potest) sed ut, cū iam in eam incidiſſent, non modò illaſſi, sed & cum coronis de stadio discederent. Itaque quæramus, non tam in tentationes non incidere, quàm cū inciderimus, clariores ex ijs euadere.

Theoni Episcopo.

227

Læsi nostras iniurias vindicamus, Dei verò negligimus.

SCito, vir optime, etiam in hoc nos peccare, quòd ea, quæ aduersum nos committūtur, acriter vindicemus; quæ verò in Deum, negligamus. Nam cū ipsi iniuria afficimur, utilissima est mansuetudo, ubi autem diuinæ Maiestati ea infertur, quantum quidem proteruorum mortalium partem spectat (neque enim vlla ad puram illam & sinceram naturam, noxa peruenit) ira magis decet, quàm mansuetudo. Nos verò contrà facimus: nostris enim inimicis ignoscere nolumus, ijs autem qui ad-

uersus

uersus Deum linguam stringunt, lenes nos, & benignos exhibemus. Mitissimus ille Moyses, Exod. 12. olim contra vituli conflatoreseuerum, & imitem se præbuit, quæ illius indignatio omni fuit mansuetudine potior: uti, & Elias contra 4. Reg. 1. idolorum cultores, Ioannes in Herodem, Paulus in Elymam, non suam ipsorum iniuriam 1. Manth. 14. Ag. 138. vindicantes, sed Dei (qui sibi quidem in seipso sufficiens, nihilominus bonorum virorum erga peccata odium probat) suas ipsorum iniurias negligebant. Hanc namque existimabant virtutem, & veram Philosophiam esse.

Aufonio Correctori.

228

Ad iusticiam vt iudicem inuitat.

STrenuitatem tuam legum robore armatã, cogere oportet, vt ab inferendis iniurijs abstineant, qui inde ditescere gestiunt, vnde minimè oportet aduersus imbecilliores dexteram armantes.

Iacobo Lectori.

229

Virtus etsi laboriosa, ipsa tamen sibi merces.

Quamuis virtus in se laboriosa sit, tamen ipsum illius exercitium (quod merces

M 2

magna

*magna comitari solet) nouum quoddam præ-
mium esse videtur. Et diuinæ liberalitatis ma-
gnificentiam maximopere admiror, quòd coro-
nam corona largiatur, dum sinceram virtutem
regno cælorum condecorat.*

Eidem.

230

Conf. Malorum felicitate bonos offendi non decet.

ep. 16.

140.

147.

196.

249.

250.

NE inclamites diuinam patientiam ob
Eusebii, eiusque asecularum prosperitatē,
qui in virtutem iniuri, & improbitatem de-
coram existimantes, in hac etiam gloriantur.
Sed potius illam admirare, quod ex superemi-
nente quadam bonitate, eos ad pœnitentiam
vocet; Deumque precare, ut ad sanam mētem
redeant, ut hac ratione, tu à scandolo, illi à sup-
plicio, religio à probro liberetur. Id si non fiat,
ad extremum usque in sceleribus illi suis de-
bacchabuntur, insania ac rabie perciti, & per
que in altera vita patientur, discent, melius
fuisse bene ac moderatè viuere.

Zosimo Presbytero.

231

Monet ut senes omnes tandem resipiscant, ob
imminentem iam vitæ terminum.

ETiam si adolescentes nesciāt vitæ suæ ter-
minum, senes tamen sciunt eum iam pro-
pè ef-

pè esse : illi enim, licet neminem mors vereatur (etenim in omnem ætatem, & dignitatē grassatur) sperant tamen se ad senectutem peruenturos; hi verò nihil aliud quàm ut terra fiant, secundum corpus, inquam, expectant γῆρας enim (idest senectus) dicitur ἀπὸ τῆ γῆς εἶσα (quòd terram diligant.) Hinc etiam senes; aliquo modo incuruo sunt corpore, & arcuati incedunt, hoc ipso se in terram tendere asserentes. Quare, si hæc ita se habeant, cùm in senectutis limine constitutus sceleratis operibus iuuenescis?

Theodoro Scholastico.

232

De vindicanda moderatè iniuria.

I Niuria affectum ultionem nullam sumere diuinum arbitror, moderatam verò sumere licitum, & humanum; immoderatam autem, legibus repugnans, nefandum, aut potius diabolicum. Multos enim, quibus persuadere non potuisset, ut primi iniquas manus alijs inferrent, eò quod peccatum nimis esset euiciens, plus equo & immoderatè vindicando in idem delictum cum primis iniuriæ auctoribus induxit. Qui enim in puniendo criminum modum excedit, & grauiores

aquo à delinquentibus penas exigit; hic quamuis iuste fecisse videatur, in illius, qui prior iniuriam cepit (tamen si quod dico, fidem excedere videatur) culpam & delictum incidit. Secundus enim de nouo peccare incipit.

Theopempto Presbytero.

233

*Conf.
epist.
213.*

Opus quam oratio magis mouet.

S*I quando sermo operibus destituitur, non modò nihil prodest, sed & auditori, molestiam creare solet; at cùm opera sermone cassa sunt spectatoriibus intuendo modestiam persuadent. Verùm, cùm ambo concurrunt, ita sermones ut actione exornentur, magnam tunc auditoribus, si modo a qui ac beneuoli fuerint utilitatem adferent.*

Alypio.

234

*Horat.
Sat. 3.
lib. 1.
versic.
Cū tua
perui-
deas.*

In alienis erratis lyncei sumus animaduertendis, in nostris talpæ; contra in virtutibus.

S*ummopere miror cur in aliena delicta, & crimina acerbi sedeamus iudices, propria verò peccata, quæ saepe grauiora sunt, quam ut veniam promereantur conniuendo negligamus;*

mus; in nostris, inquam, ipsorum cecutiamus, in proximorum verò acutum videamus. In rectè factis verò contrarium facimus: propria namque licet parua, et exilia sint, nobis videntur regrandia; proximorum autem quantumvis magna & admiranda, minimè curamus. Nam proprius nostri ipsorum amor, rectum rerum iudicium corrumpit, & ipsdem nos oculis & nostra et aliorum facta videre non sinit.

Hieraci Diacono.

235

Cauendum ne specie vtilitatis decipiaris.

F*orsitan ipse te decipis, dum quod utile tibi sit, videre verè te putas: equidem dixerim videris quidem videre, sed nequaquã vides, sed quàm maximè in hoc ipso cecutis. At si id quod clarum est anceps tibi esse videtur, neque mihi, neque tibi, rei huius iudicium committas; sed illa cum prudentioribus communicata istorum iudicio acquiesce.*

Iacobo Lectori.

236

Malorum contagium, & consuetudo vitãda.

I*Mprobos, quasi qui pestilentem quemdam habitum consuetudine sua anima latenter*

M 4. afflant,

afflant, fuge, carissime mi. Multi namque decipientes semetipsos, quasi & optimi, & fortissimi sint, & ab huiusmodi familiaritatibus nihil ipsis mali possit accidere, sensim ac paulatim in easdem, quas illi, improbitatis voragines nescientes abrepti sunt. Nam consuetudo multum pollet, & in naturam facile abijt? Illam enim quidam alteram naturam dixerunt, alij verò, naturam etiam ab illa superari: iuxta illud.

Excavat assidue saxum levis vnda cadendo. Et verò, quid saxo durius, quid aqua mollius? assiduo tamen lapsu hæc naturam exsuperat.

Hieraci Diacono.

237

Temperantia sanitatis mater.

S*I quidem corporeæ valetudinis rationem habes, frugalitatem cole; hæc enim illam parit. At si delicatis epulis, & luxu inflare ac distendere corpus tuum velis, non modò inscius ipsum contra animam armabis, & refractarium reddes, sed & efficies, ut insanabilium morborum radix, & fons tibi fiat.*

Theo-

Explicat versum prouerbialem de calumnia.

NOli putare ; illud utcumque vixeris calumniam feres , non ideo (uti scribis) dictum esse , ut quis à virtute sectanda auocetur. Dictum enim est , non tam , ut qui id audiūt ; malitia se applicent (uti ipse aiebas) quàm ut se ad Philosophicum vitæ genus conferant : neque enim , quod benè viuentem omnino conuiuijs obnoxium esse oporteat , voluptati is indulgere debet ; sed , eo quòd optimos quosque ab improbis hominibus sugillari certò contingit , sapientiæ studijs animum muniat . Ideo enim id dictum est , non ut propterea virtutem quis fugiat , sed ut eius sectatores , malè habeantur , philosophentur : illorum enim aduersaria , inuidia sæpè facit , ut maledictis explodantur . Præstat igitur , si omninò calumnijs impeti oportet , iniuste id pati , iure namque merito improbijs impetuntur .

Petro .

239

Hæreses aut ex ambitione , aut ex pertinacia nascuntur .

Hæreses vel ex ambitione , vel ex peruitia (quæ duæ passiones sūt expugnatu quâ maxime

*maximè difficiles) natas existimo . Nam qui parere alijs detrectarunt , quique præ concepta aliqua opinione doceri noluere , nouæ doctrinæ iecerunt semina , dum rectè constitutis inhere-
re recusarunt .*

Nilo Scholastico .

240

Virtutem doctrinæ iungendam .

V*irtutum chorus cæcus est , cum recti dog-
matis ductu caret ; sed , & præcedens re-
cta doctrina otiosa est , si virtutum chorus non
subsequatur . At si illa quidem agmen ducat ,
hec verò ordine subsequatur ; chorus , tamquam
legitimè ad certamen dispositus , non poterit
non coronari .*

Eidem .

241

*Deum non adulterium tantum , sed fornica-
tionem , & omne impuritatis
genus vetuisse .*

E*tsi ipse carpas , ego tamen legislatoris no-
stri sapientiam etiam in hoc summopere
miror , quod lasciuias , & libidines quam fieri
potest maximè eliminare , & intemperantes
homi-*

hominum mentes refranare voluerit. Qui enim inuoluntaria pollutione hominem inquinari pronunciauit, voluntarium actum multò magis prohibuit. Dum enim inuoluntarium seminis fluxum, qui neque peccatum est, neque ulli pœna obnoxius, pollutionem esse pronuntiauit, ac proinde expiatione opus habere; spontaneum certè delictum multò magis inhibuit. Quòd autem solum adulterium à Deo vetitum fuisse existimes, videris mihi profectò Deuteronomium, aut non legisse, aut non intellexisse, tametsi verba usque adeò clara sint. Non erit, inquit, meretrix de filiabus Israel, aut scortator de Filijs Israel. Licet enim multò grauius sit flagitium adulterium, quàm fornicatio, & maius quàm ut veniam promereatur, hæc ipsa tamen pœnas quoque meretur; tametsi Gentiles Legislatores, nescio qua de causâ eas præscribere neglexerint. Nam rectè viuentes etiam ab hac mundos sese conseruare oportet. Fornicatio enim, inquit Apostolus, & omnis immunditia, ne nominetur quidem in vobis, sicut decet Sanctos. De castitate cōtra ait, eam maximorum bonorum parariam, & conciliatricem esse. Pacem, inquit, sequimini & sanctimoniam, sine qua nemo videbit Deum.

Deut.
23.17.

Ephes.
5.3.

Hebr.
12.14.

Eutonio Diacono .

242

Cogitare mala, nedum facere nefas .

Qua nefas est facere , de ijs faciendis nec animo cogites . Si qui verò te ita comparatum, & non modò quod reuera turpe est, verùm etiam quod absurdum esse animo videtur , fugientem , rabie quadam acti allatrent, & suæ ipsorum inuidiæ obirectando velificentur, noli propterea animo deiſci aut contristari . Solet namque vulgus, quod nihil turpe indictum, nihilque indecorum infectum relinquit , sua opera hac ratione obtegere .

Etdem .

243

Socordiæ etiam facillima difficilia sunt , virtuti contrà nihil arduum .

Qui supinè ignavi sunt etiam in rebus faciliioribus difficiles se præbent: generosi autem, & fortes , ne asperrima quidem perhorrescunt : imò verò hac ipsa quàm maximè aggrediuntur ; sperant namque horum, & victoriam illustriorem, dignioremque ac gloriam maiorem futuram .

Paulo .

Paulo.

244

Vita hæc fabula & umbra, futura autem
æterna est.

Conf.
ep. 107

Hæc vita nostra, vir optime, à scena
nihil differt utpote quæ nihil firmum,
permanens, stabile, & fixum in se contineat.
Dicit quippe comicus, Umbra sunt res mortali-
um. Quibus tametsi Comicum suspicias, ne-
scio quomodò captus sis. Nam hac in vita qui-
dem, bona, iuxta ac mala, finem suum ha-
bent, & quidem quam citissimè; in altera,
verò, infinitis utraque sæculis coextenduntur.

Ophelio Grammatico.

245

Ridet nugas rixasque Grammaticorum.

Frigidum certè est, tametsi ipsis vocum
sectatoribus aliter videatur totum circa
verborum minutias occupari, ac de illis digla-
diari. Sed, quoniam magnum quid de teipso
sentis, quod in his apprimè sis versatus, non in-
congruè mihi facturus videor, si tuam in his
persuasionem nōnihil restinguam. Nam πρῶτος
τάτος & μέγας (idest, natus maximus, et natus
mini-

minimus) non de duobus, uti ipse quidem ais, sed de multis dicitur: nam de duobus dicitur *αἰετὸς ὁ μέγας & ὁ μικρός*, idest, natu maior & minor, cum nulli alij intermedij sunt; si verò fuerint medij, & plures duobus, tunc primus, & postremus natu, superlatiuis nominibus vocandi sunt.

Zosimo Presbytero.

246

Calumniari mortuos nefas.

Maximopere omnes mirantur, & obstupescunt, cur non te pudeat illos vitam functos calumniari, quibus, dum viverent, adulari solebas.

Hieraci Diacono.

247

Fugienda libido.

Conf.
epist.
241.

SI optimè noris, quòd certè verissimum est, licet vecordes homines id negent, intemperantiam pœnas, castitatem sanctimonie coronam adferre; quorsum ergò illam, quam fugere oportet, consecraris, eam verò, quam consecrari, fugis?

Paulo.

Paulo.

248

De metu Dei & hominum.

Conf.
epist.
127.

Sæpius apud memetipsum recogitans, vndenam fiat, quod hominum timor diuino sit potentior; & absurditatis huius rationem non intelligens, ineffabilem illam ignauiam mecum ipse damnaui. Potentiores namque quin, & iniuriam inferentes, valde æquanimiter ferimus, metu velut freno nos cobibente nec ulterius progredi, & ferri nos sinente; in imbecilliores porrò etiam nulla nos afficientes iniuria, indignabundi, & furentes insurgimus, tametsi iusserit & praeceperit Christus, Ne irascaris fratri tuo temere. Quòd sanè facilius multò est, quam alium sine causa iniuria afficientem tolerare. In hoc namque plurima igni suppetit materia, in illo verò, cum nulla subsit materia, ignem accendimus. Sed non eadem ratio, ut, altero ignem admovente quis non aduratur; & ut nemine turbante quiescat, & tranquillius agat. Qui enim in illo virum se prestitit summæ cuiusdam Philosophiæ specimen dedit; qui verò hoc facit, admirationem nullam meretur. Quando ergo, id quod maius est, ex humano metu facimus, ex diuino autem,

Matth.
5:23.

autem ne quidem quod minus est facere volumus, ecqua nobis excusatio relicta est?

Hermينو Comiti.

249

Conf.
epist.
230.

Vt capite ægrotante totum corpus malè habet, sic sub malo Episcopo tota Ecclesia.

Cum caput, quod corporis veluti Capitolium, & maximè necessarium, & præstantissimorum sensuum domicilium est, emissos reliquo è corpore prauos vapores dispensare, & quò conueniat eos amandare debeat, non modò illud non facit, sed & per se, & ex se, infirmum existens morborum causas dispellere non valet; quam corpus, aut valetudinis, aut virium recuperandarum spem habere potest? nullam certè. Hinc est, quod Pelusiensis Ecclesia, ab Eusebio administrata (ut scribis) sexcentis morborum, & passionum malis scatet, cum qui ipsius esse rector, & caput videtur, in illam grassatur.

Dorotheo viro clarissimo.

250

Conf.
ep 131

Si legislatores pœnis, & legibus homines à peccatis coercere non possunt, multò minus alij nudis admonitionibus id poterant.

Si legislatores, vir sapientissime, qui infinita in delinquentes supplicia statuerunt, omnibus

omnibus tamen legum obseruantiam non persuasere; an ergò, qui solum verbis, & cohortatione nuda persuadere alicui conantur, ut à vitio desistat, id facere poterunt? an quia non persuaserunt, propterea reprehendentur? & quomodò hoc stoliditate caret? Si autem, et pro Legislatorum defensione aliquid dicendum est, dixerò equidem, suppliciorum grauitatem eos, non ut humani generis hostes, sed tamquam eiusdem curatores, & conseruatores statuisse. Propositum nāque illis erat persuadere ut maleficio abstinere: ita ut pœna secundarium quid sit, & immorigeris præstituta. Neque enim hoc intenderunt, ut multi improbi forent, & castigarentur; imò verò contrarium, ut nimirum omnes essent boni, nullaue opus foret animaduersione. Sed, hi quidem timent, improbi verò malum faciunt. Nullum porrò tempus est, in quo non vigeat nequitia; sed quotidie multa, & varia flagitia emergunt, unde manifestum fit, legibus minimè obediri. Vbi enim aliquis pœnam luit, is simul & supplicij, & inobedientiæ ergo legislatores exemplum præbet. Quinimò ipsimet legislatores iam antè sciunt, se omnibus, ut boni sint, minimè persuasuros: etenim, cum pœnas constituunt, aperte ostendunt scire se, quod improbos cohibere,

N

non

non possint. Ergone sibiipsis contrarij sunt? minimè verò. Nec desinunt legislatores esse. Sed illi deprædicantur, malefactores verò vituperantur. Eadem ergo de adhortatibus quoque sit ratio, qui tamen nihil efficiunt. Neque enim, si Eusebius, Martinianus, Zosimus, & Maro grauius egrotent, quam ut curari possint, illi qui eos commonefaciunt quidem, nihil tamen dicendo proficiunt, culpandi sunt; sed hi quidem probandi, illi verò utpote curationem non admittentes repellendi.

Eidem.

251

*Conf.
epist.
127.*

Cum humilibus & superbis non eodem modo viuendum.

E*Rga bonos, et probos humilem esse te oportet; erga audaces verò, elatum: nam cum illi facilitatem, virtutem esse reputent, hi verò audaciam fortitudinem, hinc apud illos humilis modestia adhibenda est, apud hos autem fortitudo, quæ ipsorum persuasionem, ex audacia ortam extinguat. Vt illis quidem profit, hos verò existimatio tua humiliet. Neque enim ijsdem omnes rebus capiuntur, uti nec ijsdem remedijs curantur, sed prout morborum genera fuerint, ita & remedia sint, oportet.*

Doro-

Fama memoriaq. bonorum perennis.

Conf.
epist.

TAmetsi unà cum amico defuncto, simul quoque memoria apud te extincta videatur, apud me tamen illa immortalis manet. Et cum hoc in sæculo illa non moriatur, in altero, etiam multò magis reuiuifcet.

518.

Alypio Scholastico.

253

De bono virginitatis coniugio præstantis.

Virginitas diuinum quid est, & naturam omnem excedens. Legitimum verò conubium, honorabile. Fornicatio porrò contra leges est. Vnde & prima quidem cælo digna est, secundum terra, tertia denique inferno. Prima quippe debetur corona, alteri mediocris laudatio, tertiæ verò supplicium. Adulterium namque & homicidium, & alia flagitia, quæ ne nominare quidem fas est, tanto sunt etiam ipsa fornicatione grauiora, quanto quæ contra, & præter naturam sunt, crimina fœdiora sunt ijs, quæ secundum naturam fiunt. Veruntamen omnia hæc peccata, sincera pœnitentia curare nouit, utpote quæ hanc à Iudice scientiam impetrauit.

Timotheo Scholaſtico .

254

Aduerſa pati in vita perutile .

C*um hac in vita nihil aduerſi pati, ſupra humanam conditionem ſit; melius eſt, ſi iniuſtè patiaris. Hoc enim philoſophorum eſt, illud verò malefactorum: hoc honeſtorum, illud quadruplatorum atque hoc quidem coronarum materia eſt, illud ſclerum debita merces. Hoc denique debitorem nobis conſtituit Deum, illud debitorum eſt remiſſio .*

Lampetio Diacono .

255

aliquorum
Contra tyrannicum factum Episcoporum.

N*on poſſum nō mirari, quomodo veterum quidam tyrannidem in patrium affectū commutarint; quidam verò recentiorum paſtoralem amorem in tyrannicum, & in iuris imperium conuerterint; rati ſibi non imperium rationibus reddendis obnoxium conceditum eſſe, ſed imperatoriam poteſtatem ſorte obtigiſſe .*

Cyro

Cyro Monacho.

256

De malo inuidiæ.

MEntis & prudentiæ expertes, illos semper odere quos se meliores esse suspicantur, nec tam aduersus eos odium alunt à quibus iniuria affecti sunt (hoc quippe fortasse minus malum foret) quàm erga illos, quibus virtutis gloria inferiores sunt.

Zosimo Presbytero.

257

Ad bonam inuitat frugem; acquiescendum consilijs bonorum.

NOli existimare propriæ recordiæ tuæ testimonium, ab ijs qui eadem perpetrât, confirmatum, veritate ipsa fide dignius fore. Etenim licet qui te occupauit, improbitatis morbus hæc te facere iubeat, & is eodem tecum malo laborantes laudatores habeat; attamen nisi prorsus incurabilis inertiae morbus te inuasit, nequaquam iustum est te eorum qui & ipsi morbo laborant, iudicium de rebus admittere (si enim hos sequare, & contra medicinâ & philosophiam senties) sed eorum qui rectè valent. At si nullus hominum tibi bene valere

*videatur, certè omnium maximè agrotas. Et si
his fidem non habeas, sacram scripturam sal-
tem consule, ubi morbi malignitatem, & eius-
dem medelam cognosces.*

Adamantio,

258

Eloquentiæ præstat Philosophia.

NOris, amicum illum tuum locutuleium
& vocularum aucupem animo redeun-
di huc venisse, sed philosophiæ amore captum,
hic aliquantisper mansisse: etiam lingua re-
pressa, menti excolendæ studet: utpote cum di-
dicerit, linguae elegantiam respectu philosophiæ
rem exigui momenti esse.

Diogeni Diacono.

259

*Diuino potius quam humano auxilio
niti decet.*

QVare, vir optime, diuinam opem huma-
no patrocinio postponis? aut cur ho-
minum amicitiam diuinæ præfers?
atqui oportebat rationem quod æquum est spe-
ctantem, non imbecilli hominum potentia vi-
ctoriam ascribere, sed ab inuicta illa dextera
dependere quæ qui nititur, is demum tentatio-
nibus superior euadet.

Marti-

Martiniano, Zosimo, Eustathio. 260

Exhortatoria ad vitæ emendationem.

Nolite putare, carissimi, vos impune peccaturos; nec diuinam longanimitatem, iniuriam esse existimate, vel malorum tolerantiā, neglectum: neque quòd pœnas subito non solueritis, ideo etiam postea illas euasuros credite. Sed dum licet pœnitentiam agite. Absurdissimum namque est, Dei patientiam nos inuitantem, ansam & occasionem ad maiora scelera aggredienda fieri. Quod si ideo quia necdum pœnas solueritis, vos nec postea daturos speratis, scitote Deū sicuti misericors est, ita etiam veracem, & potentem esse. Itaque sicut benignum se exhibet, & prima peccata impunita relinquit, tempus emendationis cōcedens; eodem modo vel etiam magis, sceleribus adultis tandem vindicem se præbet: & simul omnium tam eorum quæ prius, quàm quæ deinde commissa sunt, delictorum pœnas exigit.

Ischyroni.

261

Tamet si, quod dicturus sum, mirum tibi nouumque videbitur, dicetur tamē quia

verum est: scilicet eum qui graua peccata committit, sed clanculum & cum nullius offendiculo, minus puniendum eo qui minora quidem delicta commisit, sed cum libertate, & multorum subuersione. Quod si dictis meis fidenter deneges, & hyperbolice locutum dicas, è caelo tibi argumentum adducam, & hanc inde legem tibi prælegam. Sanctissimum namque Moysen, omnesque iam virtutes adeptum nihil aliud prohibuit, quo minus post maris transitum portum teneret, quàm quòd populum præsentem ad aquam scandalizasset. Nam licet paulo antea in quibusdā minus obsecutus fuerat (contradixit enim Deo, & semel atque iterum est ab eo in Aegyptum missus; quin & postea dixit: sexcenta millia peditum huius populi sunt, & tu dicis. Dabo eis esum carniū mense integro numquid cædentur oves, & boues? vel omnes pisces maris in vnum congregabuntur, vt eos satient? postea quoque iussa eius parui fecit, & populi regimen à se auferri petijt) nihil aliud tamen ipsum impediuit, quo minus in terram promissionis ingrederetur, cum tamen ipse hac de causa aliorum omnium dux, & præfectus constitutus esset: quàm id quod ad aquas contigit. Vnde etiam Deus, sincera illa mens, ipsam peccati naturam

Num. 11
21.

ram

ram declarans, & ostendens cur venia esset indignus, ait. Quia non sanctificastis me inter filios Israel, ideo non inducetis hanc multitudinem in terram quam dedi ipsis. *Natura*, namque sua, delictum hoc cæteris quidem illis minus erat, quia tamen aliorum cum damno id commissum fuit, non solum prioribus illis, sed & remissione maius fuit. Illa enim priuatum & latenter, hoc verò coram omni populo commissum fuit.

Deut.
32. 51.

Adamantio.

261

Eloquentiæ ostentator explosus.

Amicus ille tuus ad me venit, non ut aliquid addisceret (ut aiebat) sed ut alijs, quid demonstraturus & doctorus, & eorum qui aliquid se scire putant sententiam, & opinionem refutaturus. Abijt verò, id passus, quod facturum se sperauerat.

Vrano Diacono.

263

Docendi ratio optima, simplex, sine fastu.

Rectè, & laboriosè docentiũ anima (multi namque, quòd cùm ostentatione quadam, & fastuoso contemptu doceant, auditorum

rum

rum suorum alacritatem, & animos infringunt) primò per oculos, pietatem & reuerentiam quandam erga Deum instillat (oculi namque sermoni non mediocres stimulos addunt) Deinde etiam per supercilia eorum, quæ dicit ac docet, sensum mētemque declarat. Medio verò dicendi genere utitur, nimirum, quod nec nimium sit affectatum, mollicieque sua offendant, neque ob humilitatem nimium repat. Et si enim phrasis & dictio Atticissimos non redeat, ipsa tamen dicendi forma, & quòd pietatem intendat, discipulos excitabit.

Esaie.

264

De actiua vita seu negociosa, &
contemplatiua.

NOli, eò quòd rerum tractandarum gnarus sis, eos, qui eorum tractatione, studio abstinent, ceu otiosos, & inutiles spernere; sed, quòd ipse sæpè in periculosas molestiarum tempestates incidisti, felices potiùs reputa eos (vti par est) qui in quietis, & otij portum se recipere gestiunt. Si verò & illis, non rarò saxa scopulique occurrant, non tamen tale quid est ac simile, non solùm per vastum negotiorum tractandorum pelagus nauigare, verum

rùm etiam seipsum utrò in passionum mare
conijcere, & tentationem sponte sibi accersere.
Illud enim eorum est, qui sese periculis utrò
exponunt, & mercatoriam vitam agunt; hoc
verò eorum qui iam probati sunt iusti, & in-
stær auri in igne explorati. At si tibi vita æli-
uà & negotiosa prorsus placeat; noris non esse
hanc talem qualem ipse intelligis (nam si pau-
lò ulterius progrediaris etià Sycophantas phi-
losophis, propolas & institores mercatoribus in-
genuè negotia sua tractantibus, deceptores &
falsarios hominibus omnibus in verbis equi-
tatem spirantibus prætuleris) sed ipsum vir-
tutum exercitium, & illarum comparationi
totum studium suum impendere.

Helie Diacono.

265

Docentis, ac concionantis est prius agere,
dehinc docere.

DOctorem videre oportet, non solum quid
dicat, sed etiam quid faciat quò apud
discipulos suos fidem inueniat. Omnis quippe
sermo, cum opere destituitur, non modò inane,
& vanum quid esse videtur, sed auctori quo-
que suo in dedecus, & opprobrium cedit atque
is præsertim, qui ab expositoribus, & professo-
ribus

ribus in cathedra profertur. Nam quo eum
 amplius exornare & polire hi conantur, eo mi-
 nus ei omnes credunt; quin imò ridiculum eum
 esse arbitrantur. Quapropter optimum est, &
 facere et dicere; si verò nolint, ne dicāt omnino.

Theoni Presbytero.

266

Tempus labitur. Ratio eius habenda.

NE nesciamus tempus praterire & efflue-
 re, multis id signis & argumentis eui-
 dens factum est, die nempe & nocte, hebdoma-
 de, mense, anno & olympiade. Olim namque
 olympiadibus tempus interstinctum & discre-
 tum est: dominantibus autem Romanis, per
 Consulatus est designatum. Etenim si cælorum
 motus (viti vult Plato) tempus produxit, sol
 autem ipsum dimetitur, consulatus denique
 format (idem enim anno dabatur nomen, quod
 habebant Consules) sanè omnia hæc certa, &
 euidentia præteritionis eius indicia fuerunt,
 non solum propter corpora, & res ad vitam
 hanc spectantes (ut censent nonnulli) ob nego-
 tia quoque ciuilia, & contractus (etenim &
 testamenta, & tabulae, & omnes, ut ita dicam,
 securitatis cautiones his notis consignantur)
 Verum etiam ut nos, ignoto velut in pelago na-
 uigan-

uigantes, nec illud certis quibusdam signis distinguentes, seu sponte nostra in portum delati manibus vacuis eodem appellamus; sed temporis, quod velocissimum est, neque reuerti, nec retrocedere, imò nec stare stabile, umquam potest, cognata consimiliaque bona opera possidentes, multis cum mercibus portum subeamus. Quocirca temporis quod iam instat & vicinum est, solum rationem habeamus; tunc quippe, id comprehendere, & retinere possumus: etenim iam elapsum & præteritum, recuperare impossibile est: cum enim alatum sit & rapidum, sui insectatores valde longè à tergo relinquit; & verò non potest, etiam ab ijs qui propè sunt comprehendi.

Eidem.

267

Pœna quando irroganda.

Dum improbitas effrenatè furit et rabiescit, nec ullum de temperantia modestiaque quid monitum vult admittere, sola pœna & castigatione cohiberi debet.

Cyrillo Episcopo . 268.

Regia, & Sacerdotalis dignitas, mutua
præstant operam.

Olim quidem, sacerdotium reges, si quan-
do laberentur, redarguebat, & ad vite
emendationem prouocabat; nunc verò vice ver-
sa sub hos illud deiectum est: non quod propterea
id pristina sua dignitate exciderit, aut illa sit
imminuta, sed quod ijs, qui eius sunt curæ con-
crediti, non eo præluceat exemplo quo olim, &
auorum memoria. Olim namque, cum Evan-
gelicam, & Apostolicam vitam sacerdotes du-
cerent, meritò Regibus dignitas illorum vene-
rationi & terrori erat; nunc verò Regia Sacer-
dotali; aut potius, non huic, sed ijs qui sacer-
dotes quidem esse apparent, factis verò & ope-
ribus suis dignitatem illam violant & ledunt.
Vnde & Reges non malè meo iudicio, facere
videntur: cum enim propositum ipsis non sit,
sacerdotium, utpote quod religiosè veneran-
tur, opprimere iniuriauè afficere, sed id viola-
tum laesumque vindicare; hinc eo, non prout
oportet fungentes ad mentem reuocare student.

Legi-
tur de
Theo-
doso
viximo
Princi-
pe cu-
us aula
roaba-
tur au-
la fan-
ta.

Helia Diacono .

269

Pati aduersa salutare corpori animæque .

HEus, bone vir, non sunt lugendi qui peccant, & simul hoc in mundo castigantur; sed qui peccantes semper impune habent. Quemadmodū enim periculosum nō est, agrotare; sed, agrum medicamenta & curationem nolle admittere; sicut quoque deplorandum non est, putidum aliquod vlcus habere, sed hoc habentem, arte medica qua iuuetur, carere: qui enim secatur & uritur, valetudinem breui recuperabit, & à dolore suo releuabitur. Eodem modo & in animabus vsuuenire oportet: quæ enim hic castigantur, ad salutem tendunt; at quæ impunè habent, ad indolentiam.

Hermino Comiti .

270

Tentationes exemplo Iob saluti esse .

EAedem passiones non ex iisdem per omnia radicibus enascuntur, uti nec omnes, quæ hoc in mundo infliguntur, castigationes suam è peccatis originem habent: alij quippe sua ob peccata castigantur, alij patiuntur ut probentur; illi quidem ut dent pœnas, hi verò virtutis

tis sue specimen & argumentum. Nam sicuti
 ΒΑΣΙΛΙΤΗΣ, (ideſt Lydius lapis) aurum explorat
 (à quo lapide & verbum ΒΑΣΙΛΙΣΣΑΙ, (ideſt
 explorare) dici & denominari arbitror) ita
 quoque tentationes viros iuſtos oſtendunt &
 produunt; ſicut & Iob olim dictum eſt Putas
 me aliter reſponſiſſe tibi, quàm vt appareas
 iuſtus? Stulti verò, viſiſ tentationibus iuxta
 illas eorum qui tentantur vitam carpendo ca-
 lumniantur; vt olim amici Iob, Semei, ac bar-
 bari fecere. Primi namque illuſtri illi Athle-
 tæ, qui omnem diaboli potentiam, & impetum
 exſuperarat, dixerunt: Nonne dignè ob pec-
 cata tua flagellatus eſ? Alter verò virum mi-
 tiſſimum, vocauit homicidam & ſanguinariū,
 ob calamitatem quam tunc patiebatur, tale
 de eo iudicium, & ſententiam ſerens. Poſtremi
 denique cū anguiſ Apoſtoli manum inuaſiſ-
 ſet, dixerunt. Vtique homicida eſt homo hic
 qui cū euāſerit de mari, vltro non finit eum
 viuere.

Iob 40.
 3 iuxta
 LXX.

Iob 4.4
 2. Reg.
 16. 17.

A. 28.
 4.

Theognoſto.

271

Diuitiæ, honor, & prudentia humana
 caduca ſunt.

Diuitiæ, vir admirande, eſto plurimæ ſint,
 & vndeundique aſſuant, nihil ſunt;
 nihil

nihil quoque dignitas, tametsi regia sit; nihil denique intellectus, & prudentia, licet ei accedat eloquentia; nisi spes in Deum, his omnibus admista fuerit. Diuitiæ namque, quibus Deus non suffragatur caducæ sunt: sapissimè namque radicitus, ad ultimum usque quadrantem, unà cum sui possessoribus extirpantur, ad instar sterilis cuiusdam & agrestis arboris, quæ proximis sua vicinitate noxia est. Lubricum quoque & infidum est regnum, quod ab inuicta Dei dextera non dirigitur, & gubernatur. Prudentia denique, quæ diuina sapientiæ ornata non fuerit, prorsus inutilis est, cum nullis habenis possit cohiberi: prudentes namque in præceptis ac posteriora agit, eorumque consilium ac sapientiam infatuat. Quamobrem, si omnia quæ sunt in hoc mundo, instabilia sint ijs qui erga Deum instabiles existunt, futura verò adhuc difficiliora; nostrum est sacra spei anchora niti.

Nilo.

272

Prædicat imminentem Ecclesiæ calamitatem
ex scelestâ clericorum vita.

Quod ipse mihi scripsisti, audax quidem, verum tamen est; nimirum, rerum omnium instaurationem à Christo factam

Etiam, quæ spe omni & precatione melior, & maior est, periclitari, ne à nimia eorum, qui ab illo honorati sunt improbitate inobscuretur. Nam sicut in hoc toti incubuere, ut ipsum à quo honorati sunt bello impetant et oppugnent: ita quoque omnia faciunt, quæ in illius opprobrium, & calumniã cedât. Ecquis ergo hos vel ab accusatione, vel à pœnis esse liberos pronuntiet? Vtpote qui sacerdotij armis, contra eum qui hæc ipsis in manus dedit, usi sunt, ora quoque infidelium aperuerunt, & ut excellens correctio inutilis, & irrita foret, effecerunt.

Dorotheo viro clarissimo.

273

Virtutem verbis qui iactant, opere verò ipso non colunt vitandi.

N*emo certè in cœlicum cœtum admittetur, qui virtutis ornamentis non fuerit insignitus. Nam aliqui verbis quidẽ eam, uti ais, extollentes, & ubiuis ore tenus crepantes, operibus ipsis ea faciunt, ut non modò cœtu illo excludi, sed & pœnas luere mereantur: & hos patet aliud habere in lingua aliud in pectore & mente: quos proinde non tam imitari, quàm summopere deplorare oportet.*

Diosco-

Dioscoro, & Timotheo.

274

Ad Methemæam inuitat.

Accusationes, quas contra vos, ò boni vi-
ri, nonnulli tametsi alioqui fide digni es-
se videantur, verbis scitè cōuestitas depromunt,
minimè me prohibebunt, quo minùs vos officij
vestri commonefaciam. Graue enim certè fue-
rit, si illorum calumnia nostram erga vos be-
neuolentiam extinguerent. Quid ergo velim
dicere, paucis audite: ostendere vos vita ve-
stra debetis, illos vera non dixisse, sed menti-
tos esse: at si verum dixerint, respiscite, &
emendate vos. Si nolitis, scitote vos ex ami-
corum meorum numero delendos.

Palladio Diacono.

275

Propria prius vitia emendanda quam aliena
reprehendenda.

Ridiculum cum primis est, eū alijs præf-
se & dominari velle, qui se ipse regere
non potuit. Qui enim effrænes animi sui passio-
nes, & motus non solùm non refrænauit, sed li-
centiam insuper ijs dedit omnia faciendi, quæ-
cumque & volunt & possunt, nã omnium se is
O 2 risui

risui & fannis exponet, si aliorum errata corripere & corrigere conetur. Perinde enim facit, ac si medicus quispiam, scetentibus vlceribus scatens, ea quæ in proximo vlcera videt, curare vellet.

Hermينو Comiti.

276

Conf.
epist.

393.
lib 1.
ep. 149.
251. lib.
3. epist.
394.

De grassante simonia, seu sacerdotiorum
nundinatione.

TAm qui sacerdotium diuendunt, quàm
qui emunt (vti scripsisti) euidenter cō-
tra seipso testantur, & ostendunt, quonam-
res isthac, & dignitas apud ipsos loco & in-
pretio sit: nam alioqui, non auderent, rem di-
uinam, & quæ optimo regimini, & sanctissi-
mis moribus deferri debet illi vendere, hi eme-
re. Ipsa namque illam suscipientis aptitudo,
canon quidam & norma est, iuxta quæ deferri
ea debet, nisi hic eam velut puerile & ludi-
crum quid existimet. Nouit ergo prudentia
tua, quas pœnas luituri sint illi, qui in re
in qua iocandum non est, tam ioculariter agūt.
Olim quidem apud Hebræos, cū sacerdotium
in vna certa familia maneret, multi murmu-
rabant, cur id generi & sanguini, non autem
meritis & virtuti deferretur: iam verò, post-
quam

quam in melius commutatum est, & soli virtuti assignatū, magis ipsum negligitur, & contemptibilius habetur, quàm dū inferius erat, & familiæ stirpique hereditarium. Tunc namque, etsi nonnulli indigni interdum eo fungerentur, non deerāt tamen etiam eo digni & summæ probitatis. Tunc ipsum pecunia & auro emere, omnino vetitum erat; nunc verò, quando & in melius transiit, & virtuti soli consignatum est etiam ampliùs euiluit. Quis enim vir bonus alijs assentari velit, ut ipsum consequatur? quis audeat pecunijs mercari rem Angelos ipsos decentem? Si ergo boni neque alijs assentari velint, neque emere audent; sint autem (uti scribis) quidam qui sacerdotium, & assentationibus & auro propinant, et exponunt (quos janè sexcentis dignos esse constat supplicijs, & castigationibus) illi certè & assentari, & emere id non recusent. Quamobrem terra marique fama increbuit fore, ut nulli rectè viuenti, aut probo, posthac ad sacerdotiū aditus pateat: non, quòd nullos dignos dignitas hæc iam habeat, sed quòd hi non solum in plurimorum indignorum multitudine velut obscuri delitecant, verùm etiam illorum odio expositi sint, insidijs petantur, loco denique suo deiciantur, & exauctorentur, tamquam

qui indignorum, & communium vitam suam
tacite reprehendant .

Eidem .

277

Hosti parcens verè magnanimus .

Noris, vir admirande, insigne tibi te, ini-
mico tuo dum pepercisti, magnanimita-
tis nomen cōparaſſe : & hoc ipsum ego qui tuos
mores optimè perſpectos habebam, prædixerā,
nimirum, illum, poſtquam eum ſic ſubegiſſes,
oſtenſurum generoſitatem, & puſillanimibus
os obturaturum. Erant autem, qui id non
credebāt, utpote qui iuxta ea quæ in ipsis ſunt,
de alijs iudicium ſerunt; exitus tamen oſten-
dit, in mea me coniectura minimè erraſſe. Quē
enim comprehendere, & capere ſtudiſti, captū
domum dimiſiſti, ut non imbellis & timidus,
ſed potens, & humanus habereris .

Petro .

278

Cur ſacerdotij dignitas regibus ante vene-
randa fuerit .

TV quidem miraris, cur olim apud maio-
res noſtros purum ſincerumque honorem
ſacerdotibus omnes deferrent; nunc verò, alijs
quidem faſtu & elatione pleni, aperte illos ca-
lumniantur, & ſugillant, alijs verò, in faciem
quidem

quidem eos venerentur, occultè autem ipsis detrahant, alij eos fugiant; alij denique tametsi ipsis assentantur, tamen quia insidias quoque ipsis struere possunt, probris insectentur. Ego autem hoc non miror: cùm enim non eadem faciant quæ illi, hinc etiam non eadem consequuntur; sed quia contraria & alia quàm illi insectantur, hinc & contraria accipiunt. Contrarium enim si fieret, admirandum certè esset: nimirum si cùm non faciant quemadmodum maiores, eundem quem illi honorem consequerentur. Ab illis namque etiam Reges, cum peccarent, ad sanio rem mentem ut redirent, corripiebantur; ab his verò, ne priuati quidem, cùm opulenti sunt. Quinimò si vel pauperem quempiam ad frugem bonam reducere conentur, conuitijs excipiuntur, tamquam qui sæpè in eadem impingunt, circa quæ illos corripere, & emendare audent. Quocirca olim quidem sacerdos populo, nunc autem populus sacerdoti timorem incutit.

Heraclidi Episcopo.

279

Blandius agendum in delictis puniendis
more medici.

Ingens certè & enorme isthoc scelus est, non
tamen maius quàm ut veniam promereatur:

tur, unde punienda quidem committentis est audacia, venia verò ei danda. Forſitan morbus, & malum hoc eum diſponet vt valetudinem recuperet. Cùm & medici præſantiſſimi, dum læſus multa habet vulnera, non tantam ijs adhibeant curationem, quantam fortassis ipſa neceſſitas, & artis magnitudo requireret, ſed eam quam ipſius læſi vires ferre queunt; ne dum vulnera curare volunt, vulneratum & laborantem perdant.

Petro.

280

Conf. Bonum pro malo rependendo gratia initur.
ep. 23. Sic carbones congeres ſupra
Rom. caput eius.
12. 20.

TAmetsi ad oculum pateat, aduersarium tuum insanire & odio velut ebrium esse; ea tamen is loquitur, quæ opere & re ipsa, cùm licuerit, exequetur. Verùm hoc te minimè conturbet, nec in causa sit, vt ei reconciliari, & placari nolis; sed potiùs vt ei benefacias. Tametsi enim bellua esset, & omni lapide insensibilior, beneficentiam tamen tuam suspiciens, beneficioque victus, odium omne deponet.

Petro

Scripturæ oratio humilis, sed mens profunda. Humana autem sapientia culta verbis, sensu cassa; quare hanc illi ut ancillam dominæ inferuire æquum est.

Diuina sapientia sermo, & dictio, humilis quidem & repens est; sensus verò, sublimis & planè cælestis: gentilis verò sapientia dictio & phrasis, insignis quidem & elegans est, res porrò humi serpens. Si quis autem illius sensum, huius verò habere phrasim possit, meritò is sapientissimus omnium habeatur. Potest namque ipsa elegantia quoddam supercælestis sapientia instrumentum esse; si ei, perinde ac corpus animæ, vel ut lyra lyricini subijciatur, nihil quidem iuueniliter de suo in illa innouando, sed sublimia illius sensa, & conceptus interpretando. At si hunc ordinem inuertat, & cum seruire & subesse debeat, eam se regere, aut potius tyrannicè ei imperare posse existimet, proscribi, & eliminari ipsa meritò debeat.

Boetho Monacho.

282

Dei voluntate iusti in mundo sæpè affliguntur.

Conf.
ep. 56.

Ne te conturbet, quòd multi virtutis sectatores sexcentis hoc in mūdo exagitantur

tentur malis & aduersitatibus, sed hoc potius cogitare te faciat, hoc ipsum et maximis Regū terræ huius amicis vsuuenire; utpote qui in bellis, præ alijs, maximè discrimen vitæ adeūt vulnera accipiunt, ob quæ trophæa illustra erigunt, denique in longinquas procul à domo sua expeditiones amandantur. Quod si neiges, cogita iustos quoque nonnullos secundis hoc in sæculo rebus affluere et perbellè agere. Quare si tibi, velut imbecilliori, scandalo sunt qui in tentationibus agunt, edificationi sint qui in recreationibus, & delectationibus eum agitant, & si te scandalizent qui in recreationibus, & secunda fortuna improbi sunt, edificent econtra qui in castigatione & pœnis sunt.

Theodosio Scholastico.

283

Virtutum vitiorumque nomina à multis confunduntur.

Miror non parum eos, qui res simul, & nomina confundunt: eò namque sapientiæ perueniunt, ut intrepidam loquendi libertatem impudentiam, contrà verò impudentiā libertatem quandam vocent; in utraque cognominatione errantes. Hoc namque spectant & agunt, vel ut loquendi libertatem tacere faciant

faciant & compeſcant, vel ut impudentiam deterius adhuc vitium reddant; neſcientes (vel ſcientes quidem, at inaniter falſa ratione decipientes ſemetipſos) impudentiam inuereundā quamdam in turpiſſimis paſſionibus eſſe nugationem, libertatem verò loquendi liberam, & intrepidam in honeſtiſſimis et pulcherrimis deſenſionem. Oportet ergo, non tam corruptorum hominum opinionem ſequi, quàm ipſi rerum veritati adhæreſcere. Neque enim qui huiusmodi ſunt, contra homines ſolū linguas ſuas acuunt & ſtringunt, ſed & contra diuinam potentiam; illius enim longanimitatem incuriam & neglectum appellare non erubeſcunt. Non ergo mirum eſt, ſi audaculi hi, nihil non audentes, nomina immutent, cū & in cælum ipſum tela ſua iaciant.

Primo Monacho.

284

Virtus ſpe præmij ſuſtinetur, ſed & ipſa
virtus præmium.

Conf.
ep. 63.
113.

Qui virtutis cultori coronam, & præmium promittit, duplex ei donum impertitur primum quidem, ipſum illius opus, & exercitium; alterum verò, eius præmium & remunerationē. Neque enim opus
& ſer.

& certamen ipsum, tametsi laborem aliquem includat, ipso eius præmio mihi minus esse videtur. Si quidem virtus coronæ sit occasio, & causa, coronæ certè sine virtute nulli cõfertur.

Orioni Monacho.

285

Conf.
epist.
484.

Præstat non bellare quàm subsidij niti.

TVtius longè & securius est omnino bello non impeti quàm ab alijs in bello, inita armorum societate, iuuari. illud namque quietem, & otium continet; hoc verò, etiam inuitum pugnare, & belligerare hominem, vñd cum socijs qui prius auxilio, venerunt, etsi hi bellum iniuste suscipiant, iubet. Sæpè enim quidam ab alijs oppressi sociorum opem, & subsidia implorarunt: quæ consecuti, socios quidem socij iuste defendunt, bello verò oppressos non iuste oppugnant, itaque non tam iustum beneficium faciunt, quàm iniustum.

Zenoni.

286

Quid inter νεθετεῖν & θέλειν intersit.

IVniore oportet, vir sapientissime, νεθετεῖν [idest admonere] non verò θέλειν [idest blandiendo demulcere] illud namque [Græcè] dicitur

*dicitur παρὰ τὴν τοῦ νῦν θέσιν [idest, à mentem
inde hoc verò παρὰ τὸ εἰς ὃ θέλει ἄγειν [idest, à
ducendo in id quod vult] vel παρὰ τὸ θέλοντα
ἄγειν [idest à volentem duci] à voluntate
ergo propria iuvenes sunt abducendi, & ad id
quod decens & bonum est conducendi, docendi
quoque virtuti insistere, à vitijs verò & fla-
gitijs abstinere. Illa namque coronas, & præ-
mia, hæc verò supplicia & castigationes con-
ciliat.*

Nilo.

287

De ijs qui manus sibi adferunt.

SI de mare & femina, qui tamen duo sunt
dictum est. Quod Deus coniunxit, homo
non separet; quomodo ergo qui violenter ani-
mam à corpore separat, & se vel laqueo stran-
gulat, vel ense necat, veniam à Deo promere-
bitur? Huiusmodi ergo qui sunt, execrandi &
infames, etiam post mortem, apud veteres re-
putabantur; quin & manus eius qui sibi vim
intulerat, abscindebatur & separatim & longè
à reliquo corpore alicubi terræ infodiebatur.
Nefas namque & impiū hi censebāt, eam, quæ
cædi cooperata fuit, & velut administra, cum
reliquo corpore consanctificari, & coniungi. Si
ergo

Matth.
19. 6.
Mar.
10. 9.

ergo etiam à manu homines pœnam, & quidem post mortem, repoposcerint; quam anima, quæ manum impulit & exstimulauit, veniam consequetur?

Isidoro Episcopo.

288

Tres proborum hominum gradus, ingenui mercenarij, & serui.

Q*ui solo mercedis ac retributionis intuitu quæ officij sunt sui, faciunt, imperfectiores, & inferiores sunt ijs qui è solo virtutis & honesti amore bene faciunt; perfectiores tamen sunt ijs, qui è solo metu pœnæ, & non virtutis amore id præstant, ampliùs aut certè tanto, quanto inferiores sunt ex amore, & solùm propter se, virtutem exercentibus.*

Eidem.

289

Sapiens laqueos euitat improborum.

T*amet si quidã ex se gnari & solertes sint, ut alios occultè quidem falsis rationibus decipiant, apertè verò, & palam eos supplantent; vir sapiens tamen cùm omnibus his superior, & cautior sit, fraudem quidem deprehendet & deteget, calliditatem verò, & solertiam hanc reprehendet.*

Hera-

Heraclidi Presbytero.

290

De commonentis officio . Heli cur cum liberis à Deo punitus ?

Monitorem (ut equidem existimo) oportet, neque verberibus agere, nec calumnijs, nec ipso monito condescendere; sed solum cum libertate quadam coarguere, ita ut eum nec vereatur, nec ullatenus reformidet. Si verò hac de re dubites, è sacris litteris tibi oracula recitabo. Quid enim Ezechieli Deus ait? Et tu si annuntiaueris impio, & non fuerit conuersus ab impietate sua impius, in iniquitate sua ipse morietur: tu autem animam tuam liberaſti. Tacens namque, & loqui liberè non audens supplicij, inquit, ei inferendi participem te constituis: prius namque dixi. Si tu non annuntiaueris ei sanguinem eius de manu tua requiram. Proferēs verò quæ in te sunt, & sic officio satisfaciens tuo, reus non eris, & condemnationem euades. Nam ille quidē grauius luet, & acrius castigabitur, quod tuam commonitionem admittere noluerit; tu verò quod tibi mandatum est, exactè exequutus, indemnis eris, & pœnæ expers. Illud namque præcipuum doctoris officium est, inculpabilis

vite

Ezech.
3. 19.

1. Cor.
5.5.

1. Reg.
1.3.

vita exemplo, quod præbet, alios instruere, peccantium verò auctoritatem nequaquam vereri: ut verò executioni mandetur quod traditur, vel non, à sola discipulorum pendet voluntate quò sua libero arbitrio libertas in omnibus, & ubique integra constet. Si verò obijcias, quomodo ergo Paulus fornicarium illum à cœtu fidelium exclusit? plus certè quàm initio ipse proponebam, mihi obijcis. Neque enim ipse hunc aut verberibus, aut iniuria aliqua contumeliaue affecit, sed à reliquo grege fidelium eum solùm segregauit, ne morbida illius contagione & reliquæ oues inficerentur. Si rursum opponas. Quomodò ergo Heli, qui filios corripuit, & nihil apud illos profecit, pœnas Deo dedit? Respondeo totis eum viribus, & omni animi contentione in filiorum etiam sacerdotum delicta animaduertere, à sacris illos arcere, imò & à cōspectu & ex oculis suis eijcere, sacerdotij denique ordine graduque deijcere oportebat, præsertim cùm in Deum iniuria tenderet, & transfiret. Quod quia nō fecit, hinc Deum offendit ac sibi iratum reddidit: nam ita filios suos diligere debebat, ut tamen officia satisfaceret suo, nec debiti fines trāsgrederetur, sed diuinam legem, quæ violata erat, defenderet ac vindicaret. Rursum posset quis, illius causam

causam tueri ac defendere volens, respondere, non videri illam tantum pœnarum dedisse, quantum filijs: hos namque diuina ira exundante, turpiter ac miserè in bello occubuisse; hunc verò, armis & profundo senio grauem, in ciuitate esse defunctum: & hanc ipsam castigationem, si verba Dei minutim, & vt sonant examinemus, non tam aduersus ipsum quàm domum eius decretam, & pronuntiatam comperimus: Nam ait, Iuravi domui Heli, si expietur peccatum domus Heli, vel victimis, vel sacrificijs in æternum. Non dixit Iuravi Heli; neque, non expiabitur peccatum Heli. (Hoc namque forsàn ei, ad solius huius negligentiae correctionem satis fuisset: nam quoad cetera satis laudabiliter vixit; quæ verò exinde ei contigerint, sanè horrenda fuere.) Sed domui Heli, quasi dicere vellet. Ii qui peccauerint, omnimodò perire, & deleri debent. Si verò, postquam in aliam familiam ac cognationem sacerdotium Deus iam transtulit (ait qui illius partes tuendas suscepit) dicat quispiam id meritò factum esse: nam eos qui ex filijs eius qui peccauerant, & tam Deum quàm patrem contempserant, prognati erant, sacerdotio fungi non oportebat.

1. Reg.
2.31.

Helie Diacono.

291

Conf.
ep 65.
173.

Fugiendum esse libidinosum feminarum,
aspectum.

Merito seruator noster Christus lasciuū
conspēctum, qui aliena se pulchritudi-
ne pascit & oblectat, castigandū interminatus
est, hac ratione nos à multis negotijs & dif-
ficultatibus liberans; ne per oculos aliena pul-
chritudo sese insinuans, mentem in seruitutem
redigat, & primarias animæ partes præoccu-
pans, rationem passioni parere cogat; qua iam
uicta & subacta malum difficile sanatu, ne
dicam prorsus insanabile, redditur. Vide ergo,
ne tyrannica voluptatis passio animam expu-
gnans & subigens, non impossibilem quidem,
sed tamen difficilem admodum, eiusdem cura-
tionem & sanationem reddat.

Eidem.

292

Matth.
5.44.

Diligite inimicos vestros.

Et si soleant omnes in grauissimis malis et
calamitatibus, potius ducere, ut voto-
rum suorum ipsimet compotes fiant, quàm ut
aduersarij ijs quæ volunt frustrentur; nos ta-
men,

men, qui Christi discipuli, esse gloriamur non solum quod nobis, sed & quod aduersarijs nostris conducit & expedit, quæramus. Etenim in eo quod proximo expedit (etsi quod dicturus sum, peregrinum & nouum videatur) nostrum quoque commodum situm est.

Isidoro Diacono.

293

Sacræ scripturæ vna veritas, quamuis ad sensus varios torqueri possit.

Q*uamuis permulta sacræ Scripturæ verba (vti ais) ad illum quem quis calidè velit, sensum facile sit trahere, & velut violenter torquere; ipsa tamen veritas, qui hac ipsa malitiosè vel adulterare, vel secus quàm oporteat interpretari ausi sunt, semper praualeuit praualeat, & vsque praualebit ac superabit.*

Eutomio Diacono.

294

Gloriæ inuidia comes.

V*ideris mihi ignorare, opera & facinora maximè eximia inuidiæ subiacere, & obnoxia esse solere, & præclaros & illustres viros hanc minimè effugere posse, ac propterea*

P 2

mibi

mibi turbari visus es. Quapropter hoc ipsum tibi imprimens & cognoscens, turbari desine. Præstat namque virtutis studiosos & cultores, ab ijs qui neminem probum esse volunt, carpi, quàm ipsos improbitatis affeclas, ab ijs qui rectè sincereque de rebus diiudicare nesciunt, laudibus celebrari.

200

- Ischyroni.

295

De lectione sacræ scripturæ non huius vitio improbos fieri.

Siquidem omnes qui sacras Litteras tractarunt suam iuxta earum sensum & expositionem vitam instituisent, meritò & ex ratione hic locutus fuisses: at si plures, quos ipse & forsàn, tu nouimus, ipsas cōmonitiones sacras identidem crepantes, quin & apud alios tantum non consecrantes, clam & in occulto planè contrariū facere audeāt, idcirca scripturam ipsi nō condemnabimus. Docet illa non esse malum & iniquitatem faciendam, & interim multi iniqui sunt. Quid porrò hoc ad illam? Scripsi ego aliàs Zosimo, ut intemperantia & libidinibus abstineret: & ipse spurcijs & carnali cœno etiam magis se inuoluit. Quid hoc ad me spectat? nihil omnino, nisi si id quis pusillanimitatem quamdam esse dicat.

Alphio

Alphio Episcopo.

296

De varijs hominum ingenijs.

Conf.
epist.
288.
lib.3.
cp.114.

Miror, vndenam fiat, quòd non iisdem
omnes rebus capiantur; sed quòd eorū
qui commissorum veniam semel iam consecuti
sunt, hi quidem virtuti deinde incumbere inci-
pant; illi contra improbitatem amplectantur:
illis quidem ignoscentis bonitas salutis, & sa-
nitatis consequendæ occasio sit, alijs verò leta-
lis sit & noxia: illos namque corroborat, hos
verò dissolvit; illos cogit erubescere, his pudo-
rem & erubescentiam omnem adimit. Sed nec
ex eo quòd pœnæ statim à delinquentibus re-
poscantur, omnes eodem modo utilitatem ca-
pient: alij namque id ceu inhumanum culpāt;
alij è metu quodam & non ex amore, malis &
vitijs abstinent: illi cum ipsa pœna pertinaci-
ter velut contendentes, iniquè agere pergunt;
alij pati timentes non faciunt quæ facere alio-
qui vellent: qui meliores quidem sunt ne qui-
dem mihi pœnarum ad mentem & modestiam
redeuntibus, inferiores tamen ex amore quodā
bonum consecrantibus; idque tanto, quanto hi
digniores sunt supplicia timentibus; hi nam-
que supplicium, illi verò salutem fugiunt; & hi

quidem ne dent pœnas, illo verò eas ut dent, intendunt. Cùm ergo, quid in tali rerum confusione faciendum sit, petas, equidem accuratè dicere nequeo (nouit eum is qui corda scrutatur Deus) nisi quòd, ut equidem opinor, in paruis peccatis, siquidem delinquentes occultè se emendent, oporteat conuiuere et dissimulare, quasi ipse ea nescias; at si in peius ruant, & deteriorentur, post correptionem & moderatā castigationem adhibitam ignoscere. Verùm, in maioribus & grauioribus peccatis, pœna infligenda est, ac peccantes corrigendi, illos partim ab alijs sequestrando, partim obiurgando & increpando, vsque dum resipiscant; ac tum demum in gratiam admittendi.

Iosepho Presbytero.

297

Sacerdotio non superbiendum.

SI eò quòd (nescio tamē quomodo) alijs prælati, & ad sacerdotalem dignitatem euectus sis, superbias, & tam sublime quid de te ipso sentias, ut neque eos qui in minoribus quidē subditi sunt, probi tamen & honesti sunt imiteris, tuæ certè me miseret dementiæ. Si verò minores te intueri non dignaris (quod certè longè grauissimum) si item ijs, qui (ut putas) dignitate

dignitate tanto te inferiores sunt ipse moribus
 & operibus deterior & minor appareas ; &
 quibus antecellere nihil magnum & admira-
 bile arbitraris, ab ijs vinci ac superari videa-
 ris . Et ut illorum vitæ ratio summè ignava
 & vecors esset, te tamen virtutis studium mi-
 nimè oportebat dimittere . Nam discrimen,
 quod te inter & illos est, dignitatisque distan-
 tia, tibi ignosci penitus non permittit . Si verò
 illi, interim illustriores probatioresque sint,
 quamuis etiam ductorem nullum habeant, tu
 tamen (nolo autem quid grauius dicere) vide
 quomodò tandem aliquando malum hoc de-
 sinat .

Eutonio Diacono .

298 Conf.

Virtus calumniæ obnoxia .

epist.

294.

NOli putare, per virtutis exercitium te
 calumniam posse propulsare & impedi-
 re . Nam ipsi virtutis cultores, præ cæteris &
 maximè insidijs appetuntur ab his, qui nec ipsi
 quidquam honoris habent, quia virtuti non
 incumbunt, & ijs qui propter virtutem bono-
 rantur, invident . Satius proinde est, eius cul-
 tores maledicorum & obtrektorum maligni-
 tatem æquanimiter ac generosè ferre, quam

inuidiam deprecantes & declinantes à virtute desiscere.

Hermino Comiti.

299

Quinam verì Apostolorum successores.

1. Cor.
11. 29.

Ad. 20.
33.

MIrro, quosdam eorum qui nunc ad magistralem cathedram euecti sunt, Paulum Apostolum admirari, nihil tamen eorum ob quæ ille adeò mirabilis euasit, confectari. Ille namque ut miracula, ieiunia, vigilias, sollicitudines, & ardentem eius zelum, quo & cū infirmis infirmabatur, & cū quis scandalizabatur, urebatur, præteream, ea ceriè concione, quam ad discipulos suos & neophytos habuit meritò clarum & illustrem maximè se ostendit. Ait enim, Argentum & aurum, aut vestem nullius concupiui: vos scitis quoniam ad ea quæ mihi opus erant, & his qui mecum sunt, ministrauerunt manus istæ. Hi verò (nihil porro odiosum aut graue hic dicere volo) tanto sese viro conferre non erubescunt, at se illius esse successores iactitant. Sed liquet aperte, illos eum admirari, non tam ut eum imitentur quàm ut, dum diuini huius viri successores esse creduntur, ab alijs honore afficiantur; idque non ob ea quæ ipsi faciunt, sed ob quæ ille,

ille, quia aliàs ea fecit, omnibus admirationi nunc est.

Eidem. Est pars superioris epistola. 300

Samuelis Prophetæ exemplum vrget contra malos Episcopos.

SI Paulo quidem cedant, & inferiores se habeant, eò quòd Saluator de illo dixit, Vas electionis est mihi iste; quid de Samuele dicent, qui ijs temporibus reip. præsuit; quæ usque adeò perfectam virtutem non exigebant? Hic namque cùm liberum subditis suis de se iudicium permisisset, & neminem non qui ipsum carpere vellet, citasset, & interrogasset, num, uti Dominus ac princeps, aliquid concupiscendo subditorum quempiam iniuria affecisset; à nemine condemnatus est, neque in ijs rebus deliquisse conuictus, in quibus illi alij assiduò delinquere conuincuntur.

AA 9.
15.

1. Reg.
12.3.
Eccli.
46.16.

Hieraci viro clarissimo. 301

De Oeconomi etymo.

SI οἰκονόμος [idest dispensator] dicatur, vel παρὰ τὸ ἐκάστω τὸ δικεῖν νέμειν, vel παρὰ τὸ ἐκάστω τῶν ἐν τῷ οἴκῳ τὸ πρὸς ἀξίαν νέμειν [idest, vel

ab eo

ab eo quòd vniciuique proximum distribuatur,
vel ab eo, quodcumque pro dignitate ex ijs,
quæ domi sunt aliquid dispenſet] *merito mi-*
raris, quomodo Eusebius, qui nihil tale facit,
sed & populi facultates deglubit, adhuc concio-
nari audeat; & cùm pauperum bona sibi vin-
dicet, os aperire præsumat, quod varia accusa-
tiones illi occludunt.

Dorotheo viro clarissimo.

302

Huius, & futuræ vitæ diſſimilitudo.

Conf.
epist.
222.

Quemadmodum quæ hac in vita est inæ-
qualitas, quadam æqualitatis esse vi-
detur differētia; sic quæ in futuro secu-
lo erit, disparitas (quia omnes idē præmium nō
habebunt; neque enim par est, ut qui paria &
eadem non fecere, paria ijs præmia contribuan-
tur) quoddam est æqualitatis ac iustitiæ ar-
gumentum. Sed quæ hoc in mundo datur inæ-
qualitas, non nisi studiij & exercitationis cau-
sa contingit; quæ verò in altera vita, iustitiæ
& probitatis gratia fiet.

Paulo.

303

Deo Opt. Max. pro virili gratiæ agenda.

IN gratiarum, quas Deo habemus, actioni-
bus, omnia quæ in nobis sunt, depromere nos
oportet;

oportet; cum non habeamus, quod ei ex condigno debemus. Quid enim condignum depromamus illi qui omni, quæ ei reddi possit, compensatione & gratiarum relatione maior est?

Petro.

304

Periculosè laborant, qui malè agentes boni videri cupiunt.

M*ulti optant, cum ignobilia & turpia faciant, nihilominus gloriosi & honesti haberi; at sapientes id ipsum auersantur: externa enim gloria internam ignominiam magis apperere facit & prodit. Et qui se tantum rectè valere putat, bonæ valetudinis opinionem firmiter sibi imprimens, is ne quidem medicamenta & medelam sibi applicari patitur.*

Eidem.

305

Bene qui latuit, bene vixit.

Q*uemadmodum si quidem omnino gloriari nos oporteat, gloriam ex ijs capere uelut uelut est, quæ facienda non sunt, sed ex ijs dumtaxat, quæ ut fiant decet: etenim satius & optabilius est illa non agere, quàm agere. Ad eundem modum, dolendum vice versa*

versa non est, quòd inglorij & obscuri sumus, sed quòd iustam aliquam ob causam inglorij delitescamus: etenim tutius est, obscurum latere, quàm in omnium ore & gloria versari.

Theodosio.

306

Luxum temperantiæ aduersum fugiendum, nec vulgi iudicio res ponderandæ.

C*Vm* *luxus, qui omnis lasciuiæ & intem-*
perantiæ mater & nutrix est, referta
mensa & omnigenis obsonijs & cupedijs abun-
dante, spectantium quidem appetitum ad ap-
petendum excitant gustantium verò mentem
occulta vi quadam inuadendo, ad aliquid eo-
rum degustandum impellit; tunc quoddam ei
parat naufragium, ipsamque profundam cupi-
ditatum & passionum voraginem abreptam
demergit. Ab hoc ergo tibi caue, & frugalita-
tem cole; cùm scias, quod turpe est, numquam
id ob quemcumque eorum qui ipsum agunt, cõ-
sensum & conpirationem, imò ne quidem eisi
omnes oratores & Sophistæ huc neruos suos om-
nes intendant, fieri bonum & honestum posse:
& e contra, quod bonum est, turpe & inhone-
stum fieri non posse, licet vnus dumtaxat, imò
ne vnus quidem, eius amator & sectator inue-
niatur.

niatur. Populi ergo & multitudinis opinione
valere iussa, virtutem hanc sectare : nihil non
age, & sexcentis res tuas oculis circumspice,
ne qua à parte tua proximis noxa damnumue
obueniat, omnem scandali radicem exscinden-
do. Si qui verò eorum, qui & ipsi nihil bonifa-
ciunt, & facientibus etiam invident, te ita af-
fectum accusent & calumnientur ; animum
propterea ne contrahas, sed hanc quoque hostis
incurfionem & insultum generosè perferas, te-
cum ipse reputans, hac eum aduersus te machi-
na vsum non vt benè munitam vite tue ra-
tionem hac subuertat, sed quòd existimationis
et nominis tui decus eum maximopere momor-
dit ac malè habet.

Euangelo.

307

Dei Opt. Max. erga delinquentes
benignitas.

Etsi tempus nihil agendo transactum dif-
ficilè sit reuocare (Cum enim velocissimè
pertranseat & feratur, eos qui peccarunt, ad
commissorum rationem recurrere non sinit) di-
uina tamen benignitas, cum sit & rationibus
& legibus, & temporibus omnibus superior
maiorque eos cum respiciant in gratiam ad-
mittit;

mittit; suamque illorū conatibus intermiscendo bonitatem, ac temporis breuitatem pœnitentiæ intensiōe temperando, facit vt lapsi et peccantes medicinam opemque inueniant.

Isidoro Episcopo.

308

Conf.
epist.
293.

Syncerè verbum Dei proferendum.

Q Vicumque Diuinas Scripturas, & oracula vel adulterare, vel perperam interpretari ausi sunt, grauius peccarint, quàm vt aut excusari, aut veniā cōsequi mereātur: eo ipso nāque, quòd se sapiētius quid excogitasse & adinuenisse opinarentur, partim seipsos partim quoque asseclas suos, in inscitie pelagus coniecerunt. Multas enim sacrorū eloquiorū sentētias peruertētes et reijcientes, cū & auditores suos eò quò volebāt, traxissent, & velut obtorto collo rapuissent, ab ipsa legislatoris mente & voluntate deuiantes aberrarunt; docueruntque non quæ illi placuere, sed suas ipsorum voluntates & sensa promulgarunt.

Arabiano Episcopo.

309

Conf.
ep. 145
217.

Dicendi virtutes quæ.

Q Vi monitorios & exhortatorios sermones scribit, cum oportet, vt qui illustre quoddam tractat argumentū (nihil quippe

quippe illustrius aut clarius, quàm animam, quæ à via veritatis aberravit, in eamdem conari reducere) verbis redundantè esse, si quando exspatiari, & verbum esse expedit; breui verò tunc demonstratione uti cùm oportunum id erit; succinctè quoque & neruosè dicere cùm opus est, auditorem premere & stringere; distinctè autem & explicatè sua diducere, cùm quæ dicenda sunt, clarè dilucideque dici debēt. Etenim vix etiam, qui hisce omnibus sermonis virtutibus & schematibus utetur animam à passionibus suis iam absorptam ex ijs extrahere poterit.

Symmachio.

310

Cœlestia spretis caducis quærenda.

SI, uti scribis, omnes res nostræ & terrænæ mutationi sint obnoxia, cœlestes verò supra omnem mutationem, & vicissitudinis penitus expertes; quare ergo, sapientissime vir, illas non contemnis, has verò non quàm promptissimè complecteris, & ea quæ dicis reipsa confirmas?

Martiniano, Zosimo, Maroni, Eustathio. 311

NOSTIS, hominem, qui semper verum dicit, omnem maledicentiam verò auer-
jatur,

satur, aduersus quem nemo queat excipere, ve-
 stram nuper nequitiam carpsisse & sugillasse,
 & his fere verbis. Nequitia ipsa illos pepe-
 rit, scelesti verò & indomiti cacodæmones enu-
 triuere; omnibus quippe bonis tam hominibus,
 quàm rebus, sunt inuisi. Molestum & arduum
 verò id omne reputant, quidquid gloriam per
 virtutem parit; nam contra pietatis studiosos
 iuueniliter & petulāter debacchātur in probos
 autem insolentes se præbent, utpote contume-
 liosi, proterui, perniciosi, & nullis omnino ma-
 lis satiabiles. Ego verò hæc audiens, nec eum
 conuincere mendaciū, aut os ei oppilare potui
 (quotquot enim præsentēs aderant, & ut vera
 referenti applaudebant) nec etiam prorsus ta-
 cui: sed dicens illi. Credo equidem fore ut ali-
 quando respiscant, & palinodiam canant: ne-
 que enim vsque adeò doloris & sensus omnis
 sunt expertes, ut id genus malis ad finem vs-
 que inherere velint; has vobis litteras exara-
 re cœpi. Aequum ergo fuerit ut vobis ipsis at-
 tendatis et consulatis, ut si fortè de iudicio Di-
 uino minimè laboretis, hanc saltem à vobis in-
 famiam amoliamini.

Hermesandro Presbytero .

312

De ficta, & simulata compassione .

Quis aliorum se calamitatibus condolere ostendit, & cum eas tollere possit, id recusat, apertissime contra se testatur, & ostendit se alteri verè non condolere, sed benignitatem solum fingere, cum suppetias ei non ferat. Si enim, exempli causa, cum ipse pauperis famem pellere queat (& sanè eam omnimodò pellere, atque illum à calamitate, se verò à tristitia liberare oportet) ei se compati fingit; non reuera benignus & humanus est, sed nudam tantum benignitatis speciem præfert.

Hieraci viro clarissimo .

313

De officio Iudicis .

Conf.
epist.

Perique hominum, vel ob mentis stuporē, vel ob tarditatem, quod iustum & æquum est, inuestigare nequeunt, vel ipsum iam inuestigatum & habitum per se produnt. Nam quia vel effeminatè & ignavè metuunt, vel ipsum ius cauponando vendunt, vel ex amicitia aliquid gratiæ tribuunt, vel denique odio & inimicitia

Q

tia

294-
& Philo-
sophem
Hebræi
de Iu-
dice .

tia aēti sunt, hinc iustam sententiam non pronuntiauit. Qui ergo futurus est iudex primum prudentia & ingenio praeclitus sit oportet, ut quod sibi agendum est & praedam norit; deinde fortitudine, sinceritate, iustitia, praeteritarumque iniuriarum obliuione ornatus, ne quod iam venatus est & cepit, prodat.

Theoni Scholastico.

314

Conf.
epist.

39. 68

226.

270.

Tentationes quomodo superentur.

IS qui virtutem colit, potest, vir optime, tentationibus omnibus superior euadere & praeualere: eas namque superat & elidit, non quod penitus impediatur, quod minus eae ipsum impetant (saepē namque homines ijs Deus probari, & explorari sinit) sed, eò quod quaecumque de foris accidunt, fortiter ferat. Tentatio quippe est (tamen si indissolubilis videatur) sapientia & virtute, non verò animi desperatione, nobis dissoluenda & elidenda. Virtute verò & sapientia eam dissoluit, non qui eam penitus non sentit, & à se excludit, sed qui castibus incidentibus fortiter ferendis assidue se assuefacit. Quamuis enim id perdifficile & molestum sit, huic nihilominus is prudentia sua difficultati medetur, quisquis tristitia & aduersa mo-

sa moderatè & equanimiter ferre nouit. Malorum namque quæ externa nec in nobis sunt, sanatio & medela est ea, quæ intra nos est philosophia; & necessariorum malorum dissolutio & victoria (tametsi ea in seipsis dissolutu & expugnatu impossibilia quibusdam esse visa sunt) est ipsa in rebus aduersis & grauibz fortitudo, in secundis verò & letis (nam & hæ sepius probandi causa homini dantur) animi celsitas & magnitudo.

Eidem.

315

Diuinum auxilium quomodo implorandum. *Conf. epist. 317.*

Qui inuincibilem Dei opem consequi, & ab eo iuari cupit ea is petat necesse est quæ æqua & iusta sunt, ut ipsa petitionis conditione & natura, lancem & stateram versus se deuergere faciat, & velut attrahat. Qui enim per ironiam, aut è cupiditate quadam illum implorant, ijs adesse aut opitulari non solet is, qui etiam non inuocatus, & sponte, iniuriam passis & oppressis succurrit.

Primo.

316

Pij afflictionibus semper obnoxij.

Quod questionis causam esse dicis id me iudice causa eiusdē soluenda est. Si enim

Q 2

cò quòd

Ioann.
16.33.

è quòd mundo renuntiaueris, tribulationibus & tentationibus exagiteris, noli mirari. Dixit enim Christus. Tribulationem in hoc mundo habebitis. Quomodo ergo ipso legislatore & certaminis præfecto Christo hoc ipsum asserente, relaxationem & quietem quaris? Porro, si secus ac is dixit, contingeret, tunc te par esset offendi & scandalizari; at si omnia debito ordine, & ex consequenti, fiant, quorsum scandalizaris? Nā qui sub ipso certaminis tēpore, otium, relaxamentum & missionem querit, is certè & non coronatur, & tempora ipsa confundit.

Ophelio Grammatico.

317

Conf.
ep.9.

Puerorum ad virtutem verecundiamque informatio.

Adolescentes discipline tuæ concreditos, vir dilectissime, identidem, & nunquā non ad virtutem ac temperantiam amplectendam cohortare, quin & auctores de iisdem tractantes illis prælege, dicens. Non de solis verbis, & sermone formando, laborandum vobis est, adolescentes, sed & moribus efformandis studete. Anima quippe, quæ à vitijis & improbitate est immunis, puram doctrinam faciliè admittit, & qui temperantiam habent, in
illis

illis pretiosissima virtutum resplendescit. Licet enim modestia & temperantia dicatur, quidquid peccati est expers; aliqui tamen rectè sentientes, nomen eius & appellationem castitati, quæ reliquarum virtutum & pulcherrima, & præstantissima est, attribuunt. Cum talibus porro habitat sapientia. Hanc enim virtutem si ut ducem ad reliqua omnia adhibere volueritis, vos quidē in viros probos & felices euadetis, ego verò, per hanc vestri institutionem, non minùs quàm qui vos genuerunt parentes, maiorem gloriam cōsequar.

Isidoro Episcopo.

318

Veritatis laudatio. Mendacij turpitude.

Illi sibi, vir sapiens, ignominiam accersunt, & à recta ratione mihi excidisse videntur, qui cū rectè beneque dictis contradicūt, tum demum sapientes se esse arbitrantur. Porro veritas sapientiæ est, præsertim cū simpliciter & succinctè profertur: mendacium è contrà indignum & turpe quid, quamuis elegantia & diserta quadam oratione conuenuitatum videatur.

Heroni Presbytero.

319

Conf.
ep. 65.
173.
291.

Aspectus mulierum periculosus.

NOrit hoc prudentia tua, mulierem forma superbientem & scitè complam, si spectantium oculos in se conuertat & prouocet, quamuis nullum fortè inescet, non minùs datu-
ram pœnas, quam si quempiam attraxisset. Nam venenum illa iam preparauit, potionem miscuit, et calicem propinauit, et si defuerit, qui bibere voluerit. Vt plurimum namque de rebus non à fine & effectis, sed à voluntate & conatibus, iudicium fertur.

Eutonio Diacono.

320

De Zosimo cæterisque qui Dei longanimitate abutebantur.

SCio, eos dignitates maiores quàm promerentur esse consecutos; ideoque se securè & impune posse peccare arbitantes, diuina benignitate & clementia quæ supra omnem laudè est, solùm ad peccandum abutuntur eamque scelerum suorum occasionem & argumentum statuunt. Quod ne dicere quidem fas est. Verùm

rùm nos qui rectiùs sentimus ; non sic affectos esse oportet, nec in eandem, in quam illi, proruere insaniam ; sed quàm maximè operam dare, ut honori & statui consentaneam vitã agamus, &, quoad eius fieri potest, operibus clarescamus: ut & linguam honestam, & mentem rectè sentientem habentes, eorum qui contra diuinam longanimitatem linguas suas expediunt, ora obturemus.

Hieraci Presbytero.

321

Sacerdoti vitanda scandala.

PAREM, vir beate, pœnam non dabimus, ante sacerdotium adeptum, & postquam id iam consecuti erimus ; sed post illud adeptum, grauiorem. Qui enim ad hanc euecti dignitatem, nihilo facti sunt meliores, hos æquum est grauius alijs puniri : ipsa namque dignitatis, & status magnitudo, meritò ipsis grauioris supplicij subeundi fit occasio.

Eidem.

322

Sacerdotum grauiora esse quam laicorum delicta.

QUemadmodum si in naui nautarũ quispiam non rectè partes suas obeat, non

Q 4 multum

multum inde reſtoribus, & ſimul nauigantibus damnum accedit; at ſi gubernator officio ſuo deſit, commune mortis vniuerſis periculum creatur. Pari modo, ſi ſubditi peccent, non tantum toti communitati, quantum ſibi ipſis detrimentum inferunt; at ſacerdotum vitia ad omnes omnino contagione ſua proſerpunt.

Eidem.

323

Sacerdotum eſt ſubditorum ſatagere. Maiorum delicta grauiora.

S*I, bone vir, etiam qui rectè viuunt ſacerdotes vix omnes muneris & miniſterij ſui partes adimplere poſſint (ſubditi namque eorum rectè facta, quantumuis illa inſignia, & egregia ſint, tardiùs; lapſus verò & peccata, tametſi exiguos, quàm citiſſimè animaduertunt) quam putas illos, qui negligenter viuunt, & nullam omnino ſubditorum ſuorum curam gerunt, illis qui peccata ſua reſtorum & ſuperiorũ ſuorum delictis excuſari quodammodò poſſe putant, & in omne flagitiorum genus audacter libereque proruunt, improbitatem inſtillaturos? Sacerdotes ergo quàm maximè in vitam ſuam inuigilent neceſſe eſt, ut qui*

ut qui non pro seipſis ſolùm, ſed & pro ſubditis rationem ſunt reddituri.

Zoſimo Presbytero.

324

Extremi iudicij terrore à peccatis reuocare conatur.

DE iniuriarum, ac caſtigationum, magnitudine homines, è numero eorum qui illas & norunt, & vident, ſolent iudicare: eaſdem enim iniurias & ſupplicia, quæ coram paucis facta ſunt, non æquè magna reputant, ut quæ coram multis. Si ergo hæc ita ſint, vide, quaſo, quo nos modo ſimus habituri, cùm coram vniuerſa hominum multitudine, & Angelorum cœtu, rei ſiſtemur, & pœnas dabimus: præſertim, cùm omnis impudentia & inuercundia locum ibi non ſit habitura, peccatis nos ad inſtar umbræ comitantibus.

Paulo.

325

De bonorum præmio, poenæque improborum.

SI quando homines quempiam aut caſtigare, aut præmio afficere volunt non ſemper quod eo in genere facere volunt, reiſpſa efficere poſſunt.

pōssunt: sed in diuina iustitia, cū aliquem ea aut punire cogitur, aut remunerari vult (cum in eo potestas voluntati non cedat, nec inferior sit) vtrumque locum habebit, & per omnia executioni mandabitur; alios namque is puniet, alios verò premio afficiet.

Martiniano, Zosimo, & Maroni. 326

Boni neminem calumniantur, sed ipsi obnoxij. Mali à calumnia cur liberi?

T*Amet si, quod dicturus sum, peregrinum & mirum vobis videndum sit, nihilominus id dicam: nimirum virum probum calumnijs alium non impetere & improbum ijs non impeti. Si, quod dico, ænigma vobis & obscurum videatur, ipsum clariùs exponam. Vir bonus, tamen si quid, vel ex odio mali, vel quòd alium corrigere gestiāt liberè proferat, nequaquam calumniatur: neque enim falsa comminiscitur, sed quod verum est, loquitur. Improbus contra, calumnia non profcinditur: licet enim calumnia falsa quedam sit fictio & commentum, hic tamen quod verum est audit.*

Eisdem.

Eisdem.

327

Deus facientibus quod oportet auxiliū fert.

OMnes illis opitulari & cooperari satagunt, quos animum & alacrem quamdam ad ea quæ fieri debent, facienda habere propensionem vident: socordes enim ignavos, propriæque salutis incurios, iure merito ne alloquio quidem dignantur. Quare, cū hac ita sint, mirum certè non est, diuinum nutum non æqualiter in omnes propendere; sed suam ipsorum salutem è negligentia quadam prodigentes & decoquentes pertransiendo, eos solū iuuare et auxiliari, qui quæ fieri oportet, prius apud se seriò proponunt.

Sereno Diacono.

328

Modestia vitæ commendata in omnibus.

Virtutis cultorem superuacua omnia rescare opus est: neque enim in cibo solū, sed & in vestitu, domo, supellectile, atque adeo rebus alijs, id solū quod satis sit, habendum est, nec frugalitatis modestiæque limites ullatenus excedendi. Quid enim, si ieiunes quidem, opibus verò colligendis intendas; vel si pecu-

pecunias negligas, interea domum amplio-
 rem, quam vsus necessarius requirat, habere velis?
 quid etiam, si mediocribus quidē aedibus utaris,
 veste verò nimis exquisita superbias? me-
 diocritas namque & modestia, cū in verbis,
 habitu, voce, tum in aspectu & incessu ipsa ser-
 uanda est, multi enim tametsi à rebus & opi-
 bus sint inopes, splendidis quoque aedibus &
 vestibus careant, talem tamen in incessu præ-
 ferunt molliciem, ut omnibus se ridiculos præ-
 beant.

Zosimo Presbytero.

329

Conf. Animi corporisque comparatio: illius impe-
lib. 1. rio huius seruitio utimur. Vitæ bre-
ep. 15. uitas vigilare iubet.
lib. 4.

124.

140.

MVndus tandem ad finem vergit: neque
 enim Veritas ipsa mentitur, dum ali-
 quando futuram consummationem prænuntia-
 uit: etsi verò illa quibusdā adhuc longiùs abes-
 se videatur; unicuique tamen hominū tempus
 ipsum quotidie deperit, terminatur, & ad finē
 tendit. Senum enim exitus & finis, certus est;
 iuuenum verò vita, incerta. Nam cū vita
 nihil planè ceru & præstituti habeat, sed mors
 omnem ætatem rapiat, omnes vigilare, & id
 quod

quod certò semel futurum est, expectare oportet. At nos omnia potius, quam hoc ipsum, expectamus: nam incerta, & non sperabilia, singulis horis somniamus & speramus; quod verò omnino futurum est, & sapè valdè instans, ne cogitare, quidem volumus. Sed cum quoad corpus hoc mortales & caduci simus, cogitamus velut immortales; animam verò, quæ immortalis est, negligimus, aut potius nē animam quidem nos habere arbitramur; cumque corpus, quod morti obnoxium est, immortale esse credamus, omnem nostram in illo curando curam exhaurimus & impendimus. Ecqua igitur nobis erit venia, illam quæ immortalis est, morte damnantibus; quod verò mortale est, omni honore afficientibus; illam offendentibus ac violantibus, quò hoc exornemus; illam fame macerantibus, ut hoc lasciuire & delicijs possit indulgere? Animæ namque primariam & potiore, corpori verò secundariā impendere curam oportet: neque enim hoc illi aduersatur, sed eiusdem velut instrumentū & cithara est: curam quippe modicā id requirit, non inutilem delectationem & voluptatē; alimenta, non delicias; sufficientiā, non abundantiam. Animæ siquidem non tam aduersarius, quam auxiliator & subsidiator sit oportet.

Marcia.

Inueteratæ opiniones hominum quomodo
euertendæ.

Qui inolitam, & vfu longo corroboratam
opinionem, quæque ab eo qui malè opi-
natur, vt bona & honesta reputatur,
subuertere & refutare volet (quod enim val-
de nouum & insolens est, nō facile sine insinua-
tionibus quibusdam, & occultis animi prapa-
rationibus à quoquam admittetur) non sta-
tim illa quæ ei directè contraria sunt, proferre
debebit (Omnium quippe se ludibrio & risibus
exponet, & ab ijs qui contrariam sententiam
sequuntur, & ab ea præcepti sunt sugillabitur)
Sed prius per alia multa, artificiosè & occul-
tè, velut actis cuniculis, priorem subuertere, ac
tum ad aliam stabiliendam transire. Hac enim
ratione à suis auditoribus admittetur, et quod
volet, ijs persuadebit.

Alexandro Poeta.

331

Cur Socrates gratias virgines nudas
finxerit.

Miror equidem, quomodo nonnulli (in-
quorum numero vereor ne & ipse sis)
cūm

cùm sapè, quàm scribendo, quàm sculpendo, alijs possint prodesse, hoc ne cogitent quidem, imò verò illos etiam lædere & offendere satagant. Socrates & modestissimus & sapientissimus vir fuit (nam hoc Plato, Aeschines, Xenophon, & Euripides de eo asseruerunt: Aristophani quippe minimè credendum nec assentiendum est, utpote qui nihil aequè calluit ac cuilibet passim maledicere, & præceptorem suum mordaciter sugillauit, fortasse quòd eum ad philosophiæ animum applicandum sit cohortatus) hic porrò iussit, ut gratiæ nude, sicut vos dicitis, & virgines sculperentur. Fecit autem hoc, non tam ut iuuenes (uti tute existimas) ad libidinem & intemperantiam hac nuditate prouocaret, quàm ut naturam ipsarum (nam & in his mirè excelluit, & dexter fuit) per statuas & imagines denotaret. Quòd enim plerique, ob lucrum, ob mercedem, ob amicitiam, ob gloriam, vel ob aliud quippiam, gratias & munera conferunt; voluit spectantibus (ut equidem credo) representare, esse beneficia, ceu virgines, & ab omni lucri cōmissione aliena, omnis quoque tegumenti & vestis expertia, conferenda; ut nonnisi ipsum honestum spectando solis indigentibus munus cōferatur, nec compensationem aut gloriam ex eo captando; acci-

accipientium calamitates, & miseriæ adaugeantur.

Cyro Monacho.

332

Beneficium qui accipit, libertatem vendit.

IN explebilem illorum cupiditatem, et seruillem animum æmior, qui semper quidem beneficium ab alio petunt, nulli verò benefaciunt; & illiberabilis & insatiabilis animæ signum hoc esse, existimo. Beneficium namque & gratia, accipientes in seruituti obnoxiam, humilitatem coniungere, conferentes verò liberos & velut ingenuos reddere solet. Liberū quippe & ingenuum est, alijs beneficium conferre; seruire autem, eum qui id accipit, semper ob illud velut seruituti obnoxium manere. Necesse namque est, eum qui per beneficium acceptū seruituti obnoxius est, perinde ac si graue capiti pondus impositum haberet, prius animum, non atcollere & erigere, nec benefactorem suū ex æquo intueri, quam debitum dissoluerit. Nō hac cō dico, quòd velim, eos qui verè egeni sunt beneficium ab alijs non petere; vel consulam, ut qui tempestatibus et procellis exagitantur, in portum se non recipiant; vel ut culpam eos, qui benefactoribus opere ipso paria rependere nequeunt.

nequeunt. Absit : neque item ut eos qui opere non possunt cogam saltem verbo gratias referre & agere. Licet enim beneficia conferentem dationis suæ ac factæ gratiæ obliuisci, accipientem verò illius semper oporteat recordari ; non hoc tamen nunc ago : verum eos tantum hic reprehendo, qui cum nulla re opus habeant, ex habendi tamen quadam cupiditate semper quiddam accipere student, nihil autem alijs dare volūt. Absurdum namque non est, eos qui verè inopia laborant, aliquid petere ; at eos qui et dare alijs possunt, postulare quid longè absurdissimum. Bis namque hi grauissimè peccant : primò, quòd ex inexplebili sua cupiditate quiddam postulant ; secundò, quia de facto egenis ipsam benignitatis ianuam occludunt : malè enim sibi capiunt, & applicant, quæ honestè & bene alijs dari oportebat.

Palladio Diacono.

333.

In beneficijs dandis laudanda & voluntas.

Benefici non ob eam modò quæ potuerunt, sed & ob ea quæ voluerunt quidem, sed minimè potuerunt, laudandi sunt ; & gratia ijs habenda, ob hæc ipsa etiam quæ facere voluerunt ; nō culpandi verò, quia non potuerunt. Qui enim

R

non

non iuxta intentionem, sed ex euentu res diiudicat, imperitus certè est, & naturæ rerum parum gnarus, vtpote quæ cum ipsa voluntate per omnia non consentit, sed interdum quoque ei aduersatur.

Agathodemoni Grammatico. 334

Tarda etiam ingenia discendo processum faciunt. Non ex quouis ligno fit Mercurius.

INstitutio ingeniosum facit excellentem & egregium; tardum verò & hebetem, seipso quodammodo reddit meliorem. Quemadmodum enim non omnes qui in gymnasiis athleticis exercentur, & instituuntur perfecti athleta fiunt; ita nec omnes qui litterarium ludum frequentant, oratores euadunt. Cum enim vel ad summum ingenium, vel vires corporales ipsa accedit exercitatio & cura, discipulos ea perficit; at, si hæc neque vires ac robur, neque ingenij promptitudinem reperiatur, aliorum quidem animos & mentes, aliorum verò corpora exercet, non tamen eximios & eminentes in suo quemque genere eos reddit.

Isidoro Episcopo.

335

Estote perfecti sicut Pater vester cœlestis.

Cum non sine ratione diuinam virtutem inimitabilem, & ad quam assequendam viribus nostris pertingere non possimus, esse existimes, mirari te scribis, quomodo nos Saluator noster. Patrem suum ac seipsum imitari iubeat. Equidem respondeo, iure optimo ab ijs quæ maiora sunt, ipsa rerum exempla & demonstrationes sumi, ut saltem quod minus est, faciamus, Licet enim Domini virtus inimitabilis sit, tamen cum pro viribus & facultate nostra eam imitari conabimur, eam in aliquo imitabimur. Quemadmodum enim ij qui pueros scribendi artem edocent, stylo accepto, ijs quam pulcherrimos & scitissimos characteres præscribunt, ut hi eos vel imperfecto quodam modo imitentur: consimili modo diuina gratia quadam nobis virtutis exempla et formas proposuit, ut illa ceu quid, quod conatu nostro consequi possumus, imitemur. Quamobrem, si fortè ea summo quodam & perfecto modo imitari non valeamus, nos id deterrere & auocare minimè debet, quo minùs ipsum ad quod pertingere possumus, imitemur; sed hoc vel

Matth.
5.48.

*maximum & præcipuum nobis videatur, quòd
ad diuinam imaginem vel ex parte & aliqua.
tenus imitandam admittamur.*

Gemadio.

336

Vulgi iudicium contemnendum.

Etsi, quod dicturus sum, paradoxon tibi et
nouum videbitur, nihilominus dicam.
Dico ergo, vanam gloriationem ab animo abie-
cto & vili; contrà verò, laudum neglectum &
contemptum, à magnanimo & generoso, ne di-
cam supernaturali, ortum habere. Illa namque
laudem hominum, ad instar sæni marcescentē,
suspicit, hic verò auersatur & repudiat: illa
errantem, & turpiter deceptam vulgi opinio-
nem, maximum quid esse reputat, hic vilissi-
mum. Si ergo hac ita se habeant, percontari
te lubet, & compellare. Quo vulgus, quod de
virtute nihil omnino laborat, nec eam curat,
apud te loco sit? certum est, id à te ceu excors,
& nullius omnino pretij reputari. Vti enim il-
lud de virtute sentit, sic & de illo sapientes
æquum est sentire. Elige ergo; neque enim de
illorum mihi esse numero videris. Quomodo er-
go, non miserrimum, aut potius non ridiculum
sit, horum te gloriam sectari, quibus nolis simi-
lis es-

lis esse? Si dicas, multitudinem, cum eiusdem omnes sunt opinionis & sensus, laudabile quid & fide dignum sentire posse; id dicis, ob quod despici eos oporteat: qui enim per se singuli contempti merentur, multo magis, cum numero plures erunt, & in una re consentientes; etenim uniuscuiusque amentia, cum simul in unum collecta est, per multitudinem increvit; & fit maior. Quapropter si quis eorum singulos aliquando emendare & corrigere aggrediatur, forsitan aliquid præstet; ut verò simul omnes, nihil penitus, quòd insania magis increseat, & mutuis opinionibus foueatur, & valentior fiat.

Eidem. 337

Adhuc de gloriæ verè studioso.

Gloriæ studiosus, non est idem qui ambitiosus et inanis gloriæ sectator: ille namque est virtutis exercitio, non ita hic gloriā quaerit: ille opinionem sibi competentem, hic nequaquam competentem sectatur: ille proprio decore & ornamento pulchrescit, hic alieno commendari vult: ille proprijs & suis thesauris se iactat & extollit, hic nullatenus ad se spectantibus: ille quidem iuste, at hic iniuste honorari

gestit. Primus ergo, tametsi perfectus non sit (oportet namque virtutem exercere, gloriam tamen non appetere) altero tamen melior est; & tanto eo plus habet, & excellentior est, quanto ipse perfecto minùs habet et inferior est. Imò verò (si accuratiùs meliusque loquendum) qui nihil quidem umquam fecit boni, gloriam tamen sibi captat quasi aliquid fecerit, ne conferri quidem & paritari cum hoc meretur; sed hic bene comparatur illi qui & bonum egit & postquam egerit, gloriam inde resultantem contempsit.

Eidem.

338

Rursum de gloriæ studio, & magnificentia.

Generositas non est, ut tu quidē autumas, ipsa ambitio & bonoris appetentia: illa namque aspera omnia difficiliaque generosè, quæque alios tumidos reddunt, fert moderatè; hæc autem solam gloriam spectat: illa seipsa contenta est, etiam nemine laudante, hæc autē si laudatores non habeat, nihil boni facit: illa esse, hæc videri optima vult: illa bonum propter se, hæc propter honorem complectitur: illa alijs benefacit quòd beneficentiam maximum esse bonum existimet, hæc verò ex sola gloria alterius

alterius miseretur . Quanto igitur bonum , propter se , & sui ipsius causa agens , potior est eo qui illud quidem facit , sed solo compensationis & mercedis intuitu ; tanto etiam generositas & magnanimitas ambitione potior est , licet eadem omnino facere videatur .

Sereno Tribuno .

339

Humilitati danda est opera .

S*I omnia, quæ diuina puræque illi naturæ attribuuntur, nomina ipsam conditionis humane mensurâ & terminos longè transcendunt in eo certè, quod naturæ nostræ consentaneum, & in quo possumus , Deum nos maximè decet imitari. Ecquid autem est illud? Humilis de nobis ipsis sensus, & Humilitas. Quid enim huic simile habemus , quod nos etiam arrogantes potest reddere, & iactabundos? Vt quidem Patriarcha Abraham dicit, terra & cinis sumus; ut Legislatores Moyses, pulvis; ut Psalmista, modò vermis, modò fœnum ; ut vas verò electionis Paulus miseria: nam ob quæ se is miserum prædicat ob ea vniuersum humanum genus miserum esse pronuntiauit . Cur igitur in eo quòd ex natura necessitate sumus , non imitabimur eum , qui cùm in forma Dei esset,*

Genes.

18. 17.

Psalms.

21. 7.

Psalms.

102. 15.

& 15.

Rom. 7.

24.

Phil. 2.

R 4

semetip-

semetipsum exinanivit, & humiliavit. Omne itaque qui contra & præter naturam nostram est, fastum & superbiam repudiantes, humilitatem, utpote naturæ nostræ cœxistentem, ei que congenerem & propriam, exerceamus.

Marciano.

340

Conf.
epist.
290.

Adhortatio qualis esse debeat.

PErdifficile mihi videtur, eum qui quempiam ea quæ fieri non debent, facientem commonet, in indecora, & nõ consentanea, verba minimè incidere. Quæ enim nefas est facere, ea & nefas dicere. Quid factio igitur opus? Si enim grauiæ & magniloqua dicendo attuleris, eum qui dictorum reus & culpabilis est, sic perstringere non poteris; si verò vehementius insurgere volueris, necesse te tunc erit omnem ornatum deponere, & velamento sublato simpliciter procedere. Vnde laudatur qui dixit. Vereor ne si conuenientia de te dicam, ea quæ mihi ipsi minimè conueniant, dicam. Via ergo quadam media incedendum est, qua nec sibi ipsi dicens & commonens infamiam creet, dicendo quæ non oportet; nec alteri quem cum monet aliquod incommodum adferat.

Her-

Boni inuidiæ obnoxij.

Conf.
epist.294.
298.

Multi ei inuidere solent qui virtute
quàm maximè inclarescit: rati namq;
eum, qui nō eadem quæ ipsi faciat, sed honestis-
simis et optimis dotibus ac prærogatiuis sit in-
signitus grauem & intolerabilem esse, tamquā
si ipsorum is vitam tacitè carperet sua, male-
dictis eum atque insidijs identidem petunt,
quæ tamen & imitari & collaudare par erat.

Andromacho Comiti.

342

Religio non contemnenda propter flagitio-
sam quorundam vitam.

Non possum non tuam vesaniam & stultitiam mirari, quòd de diuina nostra religione nō iuxta id quod ipsa in se est sententiam ferat & opinetur, sed ob prauos ac peruersos nonnullorū mores illam sugillet & male habeat. Quid enim ipsa deliquit, si Zosimus, Maron, Eustathius. (uti tute scribis) non audenda audentes, gloriantes verò in ijs ob quæ pudore potiùs eos suffundi & erubescere par esset; omnesq; qui ob flagitia aliquādo nobiles et celebres fuere, suis flagitijs superantes, & qui ne
in lai-

in laicorum quidem multitudine numerari & censeri deberent, inter clericos appareant? Cur nō potius, à bonis et rectè viuētibus illā deprecas, quàm ob prauè & dedecorosè viuentes calumniaris? certè speciosam quamdam inuenisse tibi socordiā & prætectum videris, quòd propter illos viros impediri te dicas, quo minùs diuinissimæ te philosophiæ applices. Porro, si ob & iuxta illustres ac præclaros viros, de ea sententiam ferre nolis; saltem rem in se considera & pensa; & tantas & tot eam laudes videbis promereri, ut & disertissimos oratores, mutos velut reddat, si illius velint laudes & encomia contexere. Maior namque ipsa est, quàm ut verbis eam quis complectatur. At, si nec ipsam in se explorare, nec ob illustres & probos cultores eius pro ea sententiam ferre velis, sed ob prauaricātes quosdam ei obrectare præsumas, certè nec iustè, nec conuenienter feceris. Verùm si ipsam admittendo & approbando, ea indebito modo, & non rectè utentibus indigneris & aduersus illos insurgas; certè rectè sentientis, sapientis, & prudentis viri nomen consequeris, quòd ipsa prauaricantium peccata contra diuinam iustamque rem minimè torqueas, nec ob illegitimè illam usurpantium insaniam, in eam insurgas.

Aduersitates bonis pijsque maiorem gloriam pariunt.

Per eorum, qui in calamitates incidunt, virtutes solent ipsorum mala & passionnes duplicari & grauiores videri, quod enim alia longè perpeffi sint; quàm factis suis pati meruerint, hinc id audientes maximopere contristantur & condolent. Hinc fit, ut & tragadiæ ad commiserationē spectatores excitent, cū viros probos indigna & grauiā passōs in scenā producant. Sed hæc quidem sic apud illos se habeant qui res humanas nonnisi eate-nus metiendas putant, nec vlteriùs animi oculum dirigunt: nesciunt enim ob illa se dolere, ob quæ par eos esset gaudere. Nos verò, qui aliud quoddam vitæ genus mentis oculo iure merito respicimus, scimus & exploratum habemus, virtutis sectatores, si quid aduersi patiantur, nō tam commiseratione, quàm faustis acclamationibus & præconijs prosequendos. Nam illustriores & insigniores boni nominis & fama coronæ ijs propterea præparantur.

De sophistica oratione liberè iudicat.

Quam ad me orationem misisti, legi: cuius elegantia in eo enituit & admirabilis fuit, quòd quasi eam per modum consulentis conscripseris, adulationem artificiosè texeris. Cum enim adulationem quamdā spiraret ac redoleat, magnates & potentes dilaudare, aliud certè argumentum mente concepisti, & aliud scribēdo tractasti. Nam cū causam indicare velles, ob quam ille imperio & regimine dignus esset plenum absolutumque encomium & laudationem illius contexuisti. Intentionem ergo & propositum tuum non probauimus, sed artem suspeximus.

Danieli Presbytero.

345

Quid in Euangelio sit regnum Dei, & regnum cœlorum.

Conf.
lib. 3.
epist.
206.

Quia scire voluisti, quid sit regnum Dei, & quid regnum cœlorum; respōdeo nonnullos in ea esse sententia, ut regnum Dei maius quid sit & diuinius; cœlorum verò, minus & illo imperfectius; alios verò sentire, unum & idem substantia & essentia esse regnum; sed differenter & diuersimodè id nominari,

minari, & modò à Deo qui illic regnat, modò ab Angelis & sanctis hominibus, quibus imperat vocitari.

Zosimo Presbytero.

346

Ad bonam mentem inuitat à libidine.

T*Amet si, ab illis, quorū nuperrimè, aperte conuictus, pœnas dedisti, adeò non abstineas, ut etiam deterius egrotare & laborare, rursus appareas; si tamen huic insanie finem imponas, breui sanitati restitueris. Porro, si graue tibi & molestum videatur, à vitio & maleagendo abstinere, ipsam supplicij punitio- nisque magnitudinem ac grauitatem grauius quid esse existima: si verò minimè hic te casti- gandum putes, in mentem tibi saltem veniant qui in altero mundo cruciabuntur: si denique, nec illis credas, considera eos, qui etiam in hac vita, & sunt puniti olim, & postea adhuc punientur, itaque è libidinis barathro emergito.*

Alypio Episcopo.

347

Ἀπρόια unde dicta & νεγρία.

*Conf.
epist.
286.*

C*Um ἀπρόια [idest amentia] quæ & à de- bito modo, & eo quod oportet desest, et ἀπὸ [idest procul] τοῦ νοῦ [idest] à mente] est (unde & ἀπρόια Græcis dicitur) arrogan- tiam*

tiam & superbiam operetur ac pariat; *νοθεσία* [ideſt admonitio] adhibenda eſt, quæ *πας ἀ τῆς τοῦ νοθεΐου* [ideſt à mentis poſitione] dicitur. Forſitan, qui tales ſunt monitorem audientes, à ſuperbia ad humilitatem animum facili negotio tranſtulerint,

Harpocræ Sophiſtæ.

348

Conf.
epiſt.

De docentis officio.

213.
233.
263.
265.
290.

Diſcipulis præfractis & petulantibus, ceu equis necdum domitis, timoris frænum inyce ſophiſtæ; & cùm inſolens quid & præter rationis ductum ac præſcriptum agunt, eos velut caſiſtro compeſce, ut facilè ducibiles, ac frænis parentes, ad virtutem magis incumbant. Abſurdiſſimum quippe eſt, ac virtutis exercendæ quoddam impedimentum, non eadem faciētes iſdem præmijs affici. Nam qui ad puſillanimitatem præſtantiſſimos quoſque inducit, eorum animos hac ratione facit obtorpeſcere. Itaque magis morum, quàm ſermonum & eloquentiæ, doctorem atque inſtitutorem te eſſe ratus, tuam ipſis vitam velut archetypum quoddam exemplar præpone. Neque enim tantum ſermo & verba, quantum vita, ad virtutem alium ducit,

Eidem.

Eidem.

349

Erubescit laudatus humilis.

Quòd ad auditas laudes soleam erubescere, probè tua nouit prudentia. Dum enim unà cum discipulis tuis mihi es occurrere dignatus, & me è Sacris Litteris quidpiam uoluisti interrogare, ego verò prout quidem potui, tibi respondi; tum à vobis est applausus et laudationis strepitus excitatus. Ego verò hac audiens, ita sum perculsus, ruboreque suffusus, ut multo tempore obmutuerim. Quorum ergo laudes, quæ longè merita & dignitatem nostram transcendunt, de facto compositas mihi misisti?

Eutonio.

350

Corporis animique pulchritudo aduersis
non exstinguitur.

Quemadmodum corporea pulchritudo ne perturbatione quidem ac perterrefactione immutatur, imò verò integra manet, etsi vel assiduis in lachrymis agat; pari modo & animæ pulchritudo, è virtutum apta collectione & proportionem cōflata, seipsam, quāuis

uis inter calamitates identidem versetur, integram conseruat. Hanc igitur colamus, & nulla nos tentatio, in superabili Dei dextera ducaliter nobis auxiliante, expugnabit aut praualebit.

Harpocra Sophista.

351

Humilitate cæteris præstandum.

*Conf.
epist.*

127.
339.
349.

DVobus fratribus fidelibus, meque maxime diligentibus, ac de virtute inuicem contendentibus, aliquando me iudicem eligentibus, ac iureiurando asseuerantibus, se eo quod iudicaretur staturos, illum censui primas tenere, qui quoad cætera fratri suo equalis cum sit, in humili tamen de seipso sensu antecedit & primas fert.

Heroni.

352

Parenti merito parendum.

Parentem tuum in his, in quibus tibi imperandi ius habet, te commonentem reuerere, simulque in viam virtutis ipse redi, ne proprijs & domesticis illum armis uti cogas: nam expugnatu ille difficilis est, qui à natura simul & legibus est armatus. Porro, si lenitate sua persuadere non possit, potestatem paternam baud dubiè adhibebit.

Eidem.

Eidem.

353

Leges formidandæ.

S*I naturam minimè verearis saltem vere-
rere leges; ne & in Diuina simul & hu-
mana pecces.*

Aufonio.

354

Ab effectu res iudicantur.

V*T qui ulcisci quidem vult, at non potest
perinde est ac si de facto ultus esset: ita
qui remunerari alium vult, nec tamen potest,
iam reuera remuneratus est. Nam & hic pre-
stitit, quidquid in se est; cùm enim non semper
facultas voluntati respondeat, res ab ipsa in-
tentione & animo diiudicandæ sunt.*

Vrsenophio Lectori.

355

*Virtus etsi hic præconio careat, præmiu-
men gloriamque in futuro sæculo
habebit.*

T*Ametsi qui nunc viuunt homines, hac in
vita multa talia, quin & magis admi-
randa, faciunt, qualia antiqui, non tamen
S eamdem*

*eamdem gloriam mortui referunt (nam vel ob
præconum & celebrantium imbecillitatem,
vel inuidiam, vel raritatem, inferiores illis es-
se & cedere videntur) in altera tamen tantam
referent, quantam referre par est eos, qui bo-
nestè & gloriosè vixerunt, sed ingloriam
mortem habuerunt.*

*Hermينو, Dorotheo, Hieraci viris
clarissimis.*

356

Conf. De Dei longanimitate in malis tolerandis.
epist.
535.

Nolite, viri boni, diuinam prouidentiam
incusare, quòd Iosimum, etsi nō iusserit,
non prohibuerit tamen, sacerdotio initiari: sed
eiusdem potiùs longanimitatem admiremini,
quæ post paulò, nisi is respuerit, tantas ab eo
pænas reposcet, ut qui nunc eam incusant, sin-
ceram & incorruptam eius sententiam & iu-
dicium sint deprædicaturi.

Iisdem.

357

De eadem re.

Non est idē, mandare, & nō prohibere, uti
nec ordinare, & ordinari permittere: il-
lud enim, tamquam quod omnino oportet fieri,
fieri

fieri iubetur ; hoc verè , propter liberi arbitrij electionem quam humanum genus habet , tantum permittitur . Nolite ergo , ijs qui sacerdotia nundinantur , parcendo , eum qui hoc permittit , incusare & carpere . Si enim dignitas hæc rationibus postea reddendis non esset obnoxia non immeritò forsàn indignaremini ; at si , qui ipsam dispensat & administrat , tantas deinde persoluet pœnas , quantum hic habuit honoris , deplorandus is certè est , quòd diuinam longanimitatem peccandi sibi occasionem & instrumentum fecerit .

Zosimo Presbytero .

358

Bonorum virorum acerbiores reprehensiones , non iniquè ferendas .

Conf.
epist.

378.

448.

466.

NOli indignari , etsi nuper omni laude maior Hermogenes Episcopus , æquo tibi grauior & onerosior visus sit , dum mordaciore & acerbior te oratione perstrinxit , & longā aduersus ignauiam tuam accusationem contexit . Si enim unum hoc illi propositum fuisset , nimirum te peccata , & scandala tua altius proclamando & magis euulgando contristare , meritò indignareris . At si solam tuam utilitatem & bonum spectans , ad verborum

S 2

elegan-

elegantiam & gratiam non attendit, sed eam
 velut inoportunam hic & noxiam præterijt,
 quò res ipsæ melius caderent & quadrarent;
 æquum certè est, te etsi beneuolentiam illius &
 affectum bonam in partem accipere nolis, tali
 tamen amoris ac dilectioni paternæ ignoscere.
 Etenim maximopere is timuit, ne apud diui-
 nam prouidentiam, quæ tuam ob ignauiam &
 improbitatem adeò malè passim audit, hoc ip-
 se nomine castigaretur, quòd tam enormibus et
 tragicis flagitijs in populum sparsis ac fama-
 notis, suum ipse os aperire ausus non fuerit.
 Quamobrem vel hæc ipse patrare cessa, vel
 tuam deplorantes infamiam accusare noli.

Iacobo Lectori.

359

Deum non mutari, è sacris ostensum litteris.

INcorrupta & insuperabilis Dei dextera,
 non mutatur, at semper una eademque est,
 & eodem modo se habet; nam neque in melius
 excrescit (Est namque suprema & summa vir-
 tus) neque in deterius decrescit, aut demuta-
 tur (nam hoc fieri omnino non potest) sed ea
 mutat & alterat, quæ melioratione opus ha-
 bent. Vnde & Psalmus quidam sic inscriptus
 est. PRO IIS QUI COMMVTABVNTVR,

Psalm.
 44. 59.
 68. 79.

hoc

*Hoc est, ijs qui meliorationem accipient & in
 melius quid transibunt. Si hæc ergo ita sint,
 non est certè usque adeò difficile quod discere
 voluisti, quid nimirū sit. Hæc mutatio dexte-
 ræ Excelli. Nō quòd ipsa mutetur; est namque
 immutabilis, & longè supra omnem mutatio-
 nem. Nam ait. Videte, videte, quia ego sum,
 & non mutor: sed quòd mutet, alteret, me-
 lioret, & meliorem in statum eos qui illo opus
 habent, traducat.*

2. Reg.
20. 13.Psalm.
76. 11.Malac.
3. 6.

Eulogio.

360

In loquendo, & scribendo modus
 adhibendus.

SI plura quàm necesse sit loqui, non est vi-
 ri; certè plus scribere quàm oporteat esset
 mulieris. Ergo & in loquendo, & in scribendo
 debitum modum seruemus.

Serapioni.

361

Amicitia improbi renunciat.

Noll putare, me siquid absurdi & inepti
 commiseris, id toleraturum; sed contrà
 velim existimes, me per omnia, quæ officij mei
 sunt facturum, teque ex amicorum cœtu ac
 numero etiam exterminaturum.

S 3

Epipha.

Bonis aduersa pati laudi ducendum, malis dedecori .

Qui ob scelera sua castigatur, erubescere; qui verò ob virtutem, gloriari debet: non enim eadem illos de se sentire oportet, causa & occasione, ob quam patiuntur, plurimum discrepante. Neque enim quamuis latro et Martyr eadem omnino patiantur tormenta, eodem modo hæc ijs cedent: illi enim tormēta commissorum castigatio sunt, huic verò, coronarum occasio. Vnde patiēdo ille semiserum, hic verò beatum reputare debet.

1. Pet. 4
35.

Eidem .

363

Non eodem modo se habeant oportet, qui iustè ac meritò, & qui iniustè, hoc in mundo tristia & aspera patitur: illi enim hæc, ob commissà, huic verò ad probationem obueniunt. Vnde ille, meritò dicere queat. Non pro peccatis dignè fatis flagellor: hic verò. Non sunt condignæ passionēs huius temporis ad futuram gloriam. Ille enim siquidem æquanimiter & patienter ea ferat, peccata sua hac ratione delet & expiat; hic autem se generosè & viriliter, illustriores habebit coronas.

Iudith.
8. 27.

Rom. 8
18.

Petro

Petro Monacho.

364

Gratulatur de afflictionibus, & docet quomodo eæ superandæ.

Illustre sanè certaminum principium habuisti; unde etiam hic exultamus, & magno gaudio perfundimur, hancque gloriam & famam tuam depradicamus, & oratione celebramus. Aduigilare porrò & operam dare debes, ut finem illustriorē clarioremque habeas: hunc autem habebis, si, quæ retro sunt obliuiscens, ad ea quæ priora sunt teipsum extendas; nec, iam brauium assecutum te esse, existimans, à laborando cesses. Etenim multi, cùm egregiè incepissent, sed deinde præ negligentia obtorpuissent, tandem turpiter retrocesserunt. Quod Deus malum à sacro tuo capite amoliatur.

Phil. 3.
13.

Lamprepio Diacono.

365

Seueritas iudicij pro peccatorum qualitate.

Summus Dei iudicis est rigor & exacta eius inquisitio, utpote qui in verba, & facta, & cogitata seriò inquirat, ad intima usque cordis adepta penetrat, & nihil non perscrutando rimatur: summa verò ex opposito nostra est iniuria, qui tamen certò scimus,

S 4 omnino

omnino nos poenā daturus, etsi non omnes eamdem. Neque enim, qui eadem peccata commiserunt, eodem omnes modo castigabuntur, cū & causa, & tempora, & loca criminum examinanda sint. Verbi gratia: Cades & homicidium, execrabile scelus est. Quis neget? cū tamen festis ea diebus patratur, fit execrabilius; cū in loco sacro; execrabilissimum, & maximè horrendum; ipso malo à temporis, & loci circumstantia, deteriore reddito, & grauiorem exinde castigationem promerente. Sic & fornicationem, esto omnis una & eadem in se esse videatur, tempus tamen & locus grauant. Vnum ergo curemus, quomodo nimirum quæ nostra sunt rite componamus. Iudici verò Deo accuratam rerum explorationem, inquisitionemque committamus. Neque enim esto nos hic quidquā definiamus, & determinemus id ipse ratum habebit aut confirmabit, sed necesse non est incorruptam eius sententiam ac iudicium patientes exspectare.

Hypatio.

366

Virtus post sudores gaudium, & coronam
parit cœlestem.

Habet virtus purā gloriosam, & immortalē delectationem, quam bona parit
con-

conscientia, super cœlestes lactent coronæ, & futurorum nutrit spes: habet & labores, vigilias, & exercitationes quasdam, quibus corroboratur & perficitur. Néque enim ignauus, aut dormiens, trophæum eriget, sed qui generosè cum hostibus configit. Si rursus mihi oggeras, uti & alias oggeſſiſti, fieri posse, ut & qui temporalibus se negotijs immiscet coronetur, cum scilicet omnia virtutum genera rite exercuit. (Et dicis hoc valdè seriò, non iocando) neutiquam molestè feres, paradoxum hoc & nouum à me dogma tibi tradi. Etenim cum hacce via admodum facilis, expedita, lata, & curulis quodammodo sit, certè nec ipse tractare aut habere res temporales volo, nec etiam alijs dare, illud Apostolicum dictitans, per multas tribulationes oportet nos intrare in regnū cœlorum. Si quidem ipse Dominus noster Iesus Christus asseruit, angustam esse portam, & arctam viam, quæ ducit ad vitam, & paucos esse qui inueniunt eam. Sed enim hoc comprehendere nequeo: nam tu & per ea quæ dicis, & per ea quæ facis, tum huic sententiæ ac iudicio, diuinis oraculis assidue contradicis, & contraria doces.

Act. 14.
21.

Matth.
7. 13.

De vltione diuina in illos qui Chriſti nomine, & crucis trophæo ſignati indignè viuunt.

CEcidit diabolus, etſi adhuc imprudenter ferociat: ferocit verò dum noſtrā ignauiam ſuæ dementiæ adminiculari & ſeruire facit: etenim periculum eſt, ne maximum & diuinum illud trophæum, quod Saluator in hunc mundum veniens de illo & contra illum ſtatuit, noſtra negligentia inobſcuretur, non quidem quòd ſuam illud potentiam amiſerit, ſed quòd à torpore & nequitia illud circumferentium violetur. Qui enim triumphantis & victoris Regis ſe gloriantur eſſe milites, & diuinum eius nomen ceu inſignem quemdam titulum ac dignitatem (vti reuera eſt) circumferunt, dum delicijs & pecuniarum collectioni ſeſe applicant ob hæc digni quidem fiunt qui hoſti ſuccumbant, attamen propter Regis ipſius gloriam eo ſuperiores euadunt. Nam etiā nunc, tantum non illis inclamat. Non veſtri cauſa id facio, ſed propter nomen meum, ne id violetur & profanetur. Niſi enim ſuam ipſe nunc Religionem foueret, atque vniuerſa illi ſubjceret, iam dudum ipſa, ob indebitè eam ad-

mini-

ministrantium & tractantium negligentiam, in contemptū et vilipendium venisset. Sed cum suam is quærat gloriam, religio nem quidem promouet & euehit, ab illis verò grauissimas post paulò pœnas sumet. Neque enim ipse hæc impune patrari sinet, nec diuinum ipsius nomen, quod in ipsos usque peruenit, blasphemare conatos, impunitos dimittet: imò verò maiora ab his, qui etsi peccarent, talem tamen præminentiam ac subsidium habuere, at ne sic quidem sapuerunt, sed diuina longanimitate, ad suæ ipsorum inertia prætextum et adminiculum abusi sunt, & per quæ ipsos oportebat resipiscere per hæc in deterius prolapsi sunt, supplicia reposcet.

Esaia.

368

Declina à malo, & fac bonum.

Psalms.
36.27.

Magnus, acutum videns, & peruigil, est iustitiæ diuinæ oculus; ac nō solūm quæ in propatulo & apertè fiunt, contuetur sed & quæ in abyssu patrantur, indagat, atque adeò ipsos cordis motus, & recessus eius abditos, explorat. Talem ergo cum habeamus Iudicem, virtutē cōplectamur & à vitio abstineamus: illā quippe is remunerabitur, hoc verò punit.

Palla.

Palladio Diacono.

369

Nihil nimis differendum.

Bona non in futurum differenda, vir sapiens, sed in præfenti sunt faciēda: etenim & ipsum mortis noſtræ tempus, & cacodæmonis aduerſus nos artes & vaſfritiem neſcimus; qua id quod præſens eſt, is ſemper ab oculis noſtris ſubmouet. futurum verò identidem nos cogitare, & ſomniare facit. Quòd enim norit, nos homines nonniſi in diem & in præſens viuere; futurum verò valdè incertū eſſe; hinc nos cautè adoritur, & velut ſtratagemate decipit, & circa præſens quidem nos decipiendo, futurum verò identidem nobis ob oculos ponendo, nos ſibi credentes, dum diem hodiernū ſemper vt præſentem reputamus, in perniciem & præcipitiū trahit. Quapropter, qui operandi & faciendi tempus, nihil agere proponendo, inutiliter conſumunt, ipſam bene operandi oportunitatem & occaſionem amittunt (Tempus enim nunquam in eodem ſtatu permanet) ſed & ea intermedio tempore concipiunt propoſita exequi, inutilia et nullius eſſe momenti deprehenduntur.

Apollonio Episcopo.

370

Victor quis verè.

Etsi, quæ in rebus ipsis occurrūt difficulta-
 tes ac perplexitates, id quod æquū & par
 per se est subuertere valeant, & illud quod in-
 expectato desoris intercidit præ eo quod decēs,
 & conueniens est, eligere hominē quodammodo
 cogant; tamen, qui prudentes sunt et omnia sua
 diuinæ dexterae concredunt, decorum potius
 quàm id quod in præsens & prima fronte tale
 esse apparet, eligendo agrè non ferunt, quòd ce-
 dere et superari videantur; sed cū reuera vi-
 cerunt, tunc demum latantur. Illa enim verè
 victoria est, non in præsens videri vicisse, sed
 virtute & pietate minimè excidisse.

Conf.
et ist.

76. 88

Hermino & Hieraci viris clariss. 371

Deus supra meritum suos honorat.

Immortalis illa & diuina potentia sola ali-
 quem iuxta dignitatem & meritū vult ho-
 norare; sola verò habet, per quæ eum honoret,
 cū in eo voluntati facultas ac potentia respō-
 deat. Illam ergo diligamus utpote quæ sola nos
 & vult honorare, & habet per quæ non dico
 iuxta meritum, sed et supra meritum, honoret.
 Non enim, ait Apostolus, sunt condignæ pas-
 siones huius temporis ad futuram gloriam,
 quæ reuelabitur in nobis.

Rom. 8.
18.

Theo.

Theodoro Præfecto.

372

Quis optimè Reipub. præsit.

E Quidem illum, optimum Præfectum & ducem esse dixerim, non qui per largitiones quasdam in populum effusas factiones concitet, & sui similium (non dicam, se deteriorum) ceu dominorum quorundam suffragia auro redimat ac merchetur; sed qui virtute ac pietate populum sibi conciliet, & in partes suas trahat, quique non voce ac sermone illius solum celebretur, sed & in opinionibus ac mentibus ut probus habeatur.

Zosimo, Maroni, Charemoni, Eustathio. 373

Ad bonam rursus frugem inuitat.

Conf.
epist.
105.
311.

Viri disertissimi, iidemque veraces referunt, vos insigniter & supereminenter flagitiosos esse, vestraque scelera singillatim & in specie recensentes, ingentem certè, vel aliquem tristitiae sensum habentibus dolorem adferunt. Ego verò duabus de causis ex hoc loco non commemorabo: tum quia illis linguam meam sordibus inquinare nolo, tum quia etiam si vellem, non possem. Adeò quippe illa quidquid dici potest,

poteſt, excedunt. Veſtrum proinde eſt videre, ab huiusmodi rebus ut abſtineatis, quæ etiam illas referentibus pudorem quemdã incutiunt.

Paulo.

374

Virtus amplectenda.

V*irtutes cole, nec rerum proſperitati confide vel ſamulare: illæ namque immortale quid ſunt, hæc facilè citoque diffluit.*

Eidem.

375

Interrogatio in ſacris litteris vehementiorem reddit orationem.

N*on qui citò aliquid determinat, ſed qui interrogat, & deinde auditorum iudicio ſententiam rei que definitionem permittit per interrogationem, banc ſignificantio-rem, & efficacio-rem facit demonſtrationem. Vulgus namque eos qui leuiter determinant arroganter contumaces arbitratur, & ut tales incuſat; in interrogatione verò vtentes, & procul ab omni præcipitatione ac temeritate abeſſe putat & eos quoque libenter ſequitur, tum ea quæ dicunt tunc admittendo tum ſemper quoad viuunt approbando. Nam cum ſemel illa approbauit,*
uſque

Matth.
21. 41.

1. Cor.
11. 13.

usque assentit, dissentire dein & approbata
reprobare verecundatur. Tale quid & ipse
Christus Dominus ineffabilis illa Dei patris
Sapientia, sæpè quidem aliis fecit, potissimum
verò tum cùm de vinitoribus egit. Nam cùm
interrogasset. Quid faciet illis agricolis? illi
autem dixissent. Malos malè perdet, & vi-
neam suam locabit alijs agricolis; tum demũ
responsum & assertionem ipsorum suo is calcu-
lo confirmavit. Cùm enim prius ipse determi-
nare & respondere potuisset, interrogatione
sua ipsos ad iudicium ac sententiam ferendam
compulit, ac tum demum eam ipse dicto suo cõ-
firmavit. Idem & Apostolus Paulus, Sapien-
tiæ illius discipulus factitavit: cùm enim di-
cere potuisset absolutè. Non decet mulierem
Deum nudo capite & non velatam orare; in-
terrogando viuaciorem & efficaciorẽ demon-
strationem fecit, dicendo. Decet mulierem non
velatam orare Deum? Tu ergo siquid determi-
nare & asserere volueris, pluribus id noli de-
ducere nec citò asseuerare, nec fortius urgere.
(Multi namque hoc modo agentibus tamen
alioqui eleganter sua proferentibus, contradi-
cunt) Sed dulcedine, benignitate, atque inter-
rogatione præmissa demonstrationem & asser-
tionem tuam prægantiorẽ facito. Sic nam-
que

que præterquam quòd victoriam dicendo referes & apud auditores etiã mansueti & benigni nomen consequeris.

Mene Diacono.

376

Quæstionibus præpositis planè, & perspicuè iuxta Dei verbum respondendum.

INterrogantibus, non tortuosè, intricatè, & coactè, sed rellè & planè respondendum est: nam sacra Scripturarum oracula apertam ac planã contra quolibet peccata medicinã propinant. Quemadmodum verò medici, cùm unum medicamentum ac pharmacum pro alio egrotis offerunt, ipsis non tam prosunt, quàm obfint; sic, qui proprias cuique peccato adferre curationes & medicamenta nesciunt, cùm medicæ artis ignaros se produnt, tum ipsa mala morbosq; adaugent. Cùm enim his ipsis oraculis sapientiores esse velint, & quæ sibi placent doceant, non seipsos modò, sed & illos, qui ad ipsos velut ad portum securum confugiunt, spe sua frustrantur, in vastum quæstionum mare ipsos coniiciendo.

T

Paulo.

Paulo.

377

Ecclef.
31. 10.

Qui potuit transgredi, & non est transgressus.

Non ille iustus appellandus, qui nullam omnino ad improbè agendum occasionem habet, sed qui cùm liberè improbè agere possit, ab omni tamen improbitate abstinet: neque qui ex necessitate quadam & coactus temperantiam colit, temperans ac modestus vocari meretur, sed qui cùm voluptatibus indulgendi facultatem habeat, temperantiam nihilominus complectitur. Illi namque quòd quæ volunt facere nequeant, sæpè moderationem & lenitatem simulant, cùm verò potestatem & facultatem faciendi iam habent, reprehenduntur: sed viri boni tunc maximè se præbent generosos, & validos, ac iustitiam exercent, cùm iniustè agendi & peccandi facultatem habent.

Marcioni Presbytero.

378

Quæ vera sacerdotis dignitas.

Illud demum verum & genuinum sacerdotij est ornamentum, quod à virtutum operibus prouenit: quisquis autem cùm interiùs nullas dignitatis huius notas habeat, alieno se splendore

Splendore & cobonestatione condecorans, solo qui sibi defertur honore gloriatur; hic ab ipsa Veritate inter spurios & illegitimos cēsentur. Cū itaque dilectus Deo Hermogenes debitā virtuti suæ etiam dignitatem sit consecutus (vtrumque enim quasi ad quid sibi proprium festinauit; quippe ipsum sanctimonie ornamentum aliquem se dignum, virtutis verò dignitas ac principatus quoddam sibi à diuina gratia debitum additamentum quæsiuit) at Deo inuisus (vti scripsisti) Eusebius, virtute destitutus, sola sacerdotij se dignitate iactat, & gloriatur. Illum celebrant omnes, tamquam qui parem, conuenientemque dignitati intentionem & propositum attulerit; hunc verò sugillant ceu spurium, quique in sortem atque hereditatem neutiquam sibi conuenientem, violenter inuolarit.

Dorotheo viro clarissimo.

379

Qui ordinandi sacerdotes.

S*Acerdotio ne inities eos, qui vix umquam sed eos qui mille per certamina virtutem exercuerunt, seque ad sanctissimam hanc dignitatem assidue disposuerunt, relictis ijs qui insidiosè & furtim eò conuolarunt: sed illos quidē*

hac dignos pronuntia, hos verò inde repelle. Eorum enim qui non eadem via & medijs ad eundem scopum tendunt, eadem ac similis habenda non est ratio, sed illi qui sacerdotium, ut virtutis præmium nacti sunt, laudandi & felices pronuntiandi, qui verò ad ipsum insidiosè conuolare (ut ita dicam) ausi sunt, accusandi, & miseratione digni sunt, quòd viam, qua ad diuinum ministerium debite tenditur, negligentes, & sanctissimam sacratissimamque multi temporis in laboribus pro virtute susceptis perseuerantiam ac perdurationem vilipendentes, sanctionesque, decreta, & alias sanctimonias rectè, debiteque à superioribus sancitas reijcientes, satis sibi esse ordinem sacerdotalem arbitrati sunt, ob quem solùm se iactantes & insolentes, aduersus rectè viuentes insurgunt.

Harpocræ Sophistæ.

380

Vni vacandum arti ut excellas.

O Portet eum qui vni arti addiscendæ incumbit, eam percallere, & in ipsa excellere: qui enim multis sese artibus tradunt, esto multas scire videantur, tamen in omnibus illis perfecti non erunt; sed si quod res est, dicendum,

dum, uniuerſas habebunt imperfectorum, & immaturas: & quamuis excellere videantur, eò quòd multas norint, in eo tamen viciſſim deſi- ciunt, quòd ſingulas perfectè non calleant.

Caffiano Remp. gerenti.

381

Capientes ſapè capti.

F*Ratri tuo idem omnino accidit, quod mi- niſtris illis ad Chriſtum comprehendendum miſſis ſed magna cum admiratione et ſtu- pore reuerſis. Vt enim bi ſermone dicētis Chri- ſti inſcati ſunt, & miſſi ut caperent, admira- tione capti redierunt: ſic & ille, ut ais, dicto- rum pulchritudine & ſplendore captus adeò non diuiniffimæ religioni eſt aduerſatus, ut & praco eiufdem & patronus factus ſit. Nihil enim veritate eſt clarius, nihil ſimplicius, cùm quis non malignatur; ſicut vice verſa, cùm quis fraudulentè agit, nihil apparet grauius & intolerabilius. Nobiſcum itaque gaudens, Deum precare, ut quicumque id vident, non ſolùm non offendantur, ſed & in mente illu- minentur.*

Matth.
22.15.
Marc.
12.13.
Luc. 20
20.

Eulogio .

382

Conf.
epist.
115.

Secundis non tollendus animus nec aduersis
mergendus .

Permagni equidem facio ipsam rerum vicissitudinem aqua mente generosè posse ferre, multi quidem difficilius reputant, quempiam, è secunda fortuna in aduersam prolapsam, de statu et celsitudine mentis sua non deijci; ego verò difficillimum, eum qui vice versa ab aduersa ad prosperam ascendit, moderationem seruare, nec se efferre. Etenim hoc mihi quoddam fortitudinis & generositatis signum esse videtur, in prosperitate & felicitate non extolli, in aduersitate verò non deijci aut animum contrahere, sed equabilitatem mentis in utraque seruare.

Petro Correctori .

383

Psalm.
30.

Disce iuste præesse, &, Tibi soli peccaui .

Qui ad imperium euectus est, eum legibus subesse & parere necesse est: si enim ipse aduersus eas prauaricetur, quomodo legitimus erit Princeps, utpote qui à vitijis regitur & subiectus est? Iuste ergo & legitime
impera,

impera, tibi ipsi quidem valde rigide & strictè, subditis autem commodè & conuenienter. Si porrò quod iustum est ignorare te dicas, cum viris sapientibus, intelligentibus & iustitiam colentibus, & omnem inhonestatē ac turpitudinem fugientibus communica. Si quid verò imprudenter et inscius feceris, id reparare mox & corrigere stude. Si porrò aliquod hinc detrimentum ac damnum accipere te existimes, erras, nam maxima hinc in te laus deriuatur. Neque id tam ex me ipse pronūtio, quàm quod aliàs in priscis id historijs legi: Etenim Rex quispīam, iustitia sectator egregius, deque ea maximè laborans, sic ad vrbes suas scripsit: Siquid contra leges fieri præscripsero, nolite mihi, vt ignoranter imperanti parere. Si verò ille, Rex cū esset, nec aliorum hominum condemnationi ac iudicio subesset. (soli namque diuino iudicio Reges subsunt; unde etiam Psalmista Rex ait. Tibi soli peccaui) adeò de iusto & equo liberauit; te certè, qui Regibus, & maioribus Principibus subiectus es, equum est iustitiam colere, nec aduersus eam ullatenus delinquere; & cogitare; etsi quidem hic condemnationem & pœnam euadas, in altero mundo certè diuinam te non euasurum.

Psalm.
30.6.

Conf.
epist.

319.

lib. 1.

15. lib.

4124.

1 6.

146.

Corpus pareat, mens imperet.

Qvisquis seruilibus carnis passionibus mācipatus & subiectus est, haud absimilis (ut etiā crassiore similitudine utar) est aurigæ, qui cum suo excidit curru ab habenis hinc inde raptatur; quæ eum ad eò non expediunt & extricant, ut etiam magis intricent & inuoluant, qui proinde sic suæ negligentiae dat pœnas. Hoc porrò contra naturæ & rerum ordinem fit: etenim oportet & decet ut currus rectè beneque ab aurigæ arte regatur, contrà auriga malè ab equis suis raptatur. Imperij quod secundum naturam est, subuersio, quedam est naturæ ipsius inuersio, corpus oportet proinde ab anima regi & gubernari.

Eidem.

385

De fortitudine, & audacia.

Quod rationi consentaneum est, & generosum, id equidem fortitudinem appello: contrà, quod rationi repugnat ut & robur mente destitutum, audaciam.

Alphio

De iure belli ac vindictæ .

Bella ut plurimum suscipiantur, ut alienæ possessiones inuadantur & occupentur : nō tamen omnino omnes bella gerentes incusandi; sed qui illa vel iniuste, vel prædæ causa suscipiunt, ut scelesti quidam demones reputandi; qui verò moderatè se vlciscuntur & defendūt, non sunt quidem ut iniusti, reprehēdendi (Etenim legitimam rem agunt) non tamen sunt, ceu Philosophi quidam, aut quid cœleste facientes, aut quòd acceptas iniurias rependant, suspiciendi, & celebrandi, sed tantum quòd illas æquo animo ferre, inertiam & ignauia quamdam esse censeant : ij verò, qui iuste quidem se vlciscuntur, sed debitum ultionis & vindictæ modum excedunt, ut iniusti sunt culpandi : qui enim æquos vindictæ limites transgrediuntur, nouam & alteram iniuriam ordiuntur. Pœnas enim & castigationes delictis commensurari æquarique oportet, non illa excedere, ne quod iustum & legitimum est excedendo, & quæ inde resultat, quòd iuste vindictam ceperint, gloriam violando, inter alastoras & cacodæmonas referantur .

Olym.

Olympio .

387

Multi ad eruditionem peruenissent, nisi se-
iam eo peruenisse putassent .

Plato
in Alcibiad.
priorc.

PUtare se aliquid scire, in causa esse ut
nihil quis sciat (esto id tibi ceu enigma et
paradoxon videatur) testatur Plato, quem
identidem ipse in ore habes, sic cum Alcibiade
differens: Soc. Animaduertisnè, ò Alcibiades,
te hæc ignorare? an me inscio hæc didicisti,
& præceptoris operam industriamque adhi-
bueris, qui te doceret diiudicare iustius &
iniustius. Alc. Quid ni possim? existimasne
me rerum iustarum, & iniustarum definitio-
nem ignorare? Soc. existimo certè te illam
posse, si eam compereris. Alc. Tune ergo ar-
bitraris me non comperisse? Soc. Equidem
arbitror, si eam inuestigaueris. Alc. Iam me
non inuestigasse arbitraris? Soc. Arbitror, si
aliquando opinatus es te illam ignorare.
Quæ cum ita sint, tunc demum aliquid scie-
mus, cum nos minimè scire existimantes, alios
qui nos id doceant, conquiremus.

Alba-

Athanasio, & Theognosto. 388

Timothei vita functi laudatio, veluti
funebri oratio.

Conf.
epist.
lib. 2.
155.

Nostis etiam tacente me, beata memoria
Timotheum, optimum aliene virtutis
imitatorem, & in omnibus virtutibus scitè
exprimendis maximè insignem & mirabilem
extitisse. Quòd verò is præ omnibus nostri stu-
diosus fuerit, & à nobis se (etsi res aliter se
habuit) initium conuersionis suæ & ad melio-
ra transitus accepisse existimet; tamen si multa
de hac re dicere possem hic prætermittam, &
quòd verear ne quosdam his, quibus glorior,
cōtristem: vnum verò dicam, cuius omnes tam
amici, quàm aduersarij testes sunt, ipsum usq;
eò se demisisse, & in tantū me reueritū esse, ut
si data ei esset vel in Regum palatijs, vel apud
me, agendi optio, meum contubernium procu-
dubio prælegisset. Duabus igitur de causis mon-
tem eius molestè tuli; primò, ob super excellentē
virtutem, dein ob sinceram & puram eius er-
ga me amicitiam; duo verò eiusdem dolorem
etiam adimunt, primum quòd gloriosè hac è
vita decesserit; alterum, quòd à Deo iam coro-
nam & mercedem acceperit.

Theo-

Theodosio Anachoreta.

389

Peccatis vtcunque paruis principio obstandum, ne crescant vt Zosimi, cæterorumque pro quibus tamquam desperatis orandum.

SVfficit, sanctitatē tuam id mihi asseuerare, vt credā, non tā è natura dyscola et morositate prouenisse, vt paruis in rebus sis stomachatus, quàm quòd nosses et videres res corruptas esse, & in peius (nisi necessitas aliqua impediāt) ruere. Res ipsa quippe euidenter, vti ais, ostendit, quomodo insana Eustathij, Zosimi, & Maronis in luxum ac libidinem propensio & furor in immensum excreuerint: Oestro namque perciti, ac velut rabientes, parum à Centauris absuerunt. Nihil ergo nobis reliquum est, quàm ipsos lugere ac deplorare: si verò & per preces tuas illis gratificari & opitulari velis, rectè feceris.

Paulo.

390

Lucri contemptus, bonaque existimatio.

NOui ipse, forsā & tu, quosdam, qui data ipsis præmia & honoraria minimè admittunt;

mittunt; non quòd lucrum & emolumentum prorsus, respuant (sic enim præconio omni digni essent) sed ut maiora accipiant: qui cùm alioqui vera gloria & genuina careant, inepti propterea ac stolidi reputantur. Oportet igitur nos vel omne prorsus lucrum respuere; aut si minùs id possumus, modicum & mediocre diligere; ne dum quod supra dignitatem & meritum sit, consecramur, etiam eo quod secundum meritum est, excidamus, & stolidi ineptique babeamur, nec tam eò quod boni aliquid acceperimus laudemur, quàm quod mali quid acceperimus, fugillemur.

Nilo.

391.

In nimio dolore sæpè stupor, & silentium obuenit.

Qui moderatè dolent, etiam lachrymari possunt: at qui in maximis malis & calamitatibus penitus consternuntur & percelluntur omnino lachrymari nequeunt, quòd ipsa magnitudine doloris victi sint, & omnem quem habebant humorem, ignis vehementia absumpserit. Vultu itaque attonito, et percussì, hæretes nec verbū, nec lachrymas emittendo, sed ipso vultus mærore & squalore, quomodo

modo introrsum cōstituti sint, declarando. Hoc autem ex inopinata & insperata illa re in ipsis oritur; nam quod animo aliquando agitatum non est, eum cū de in simul & conglobatim irruit, planè percellit & consternit.

Eutonio Diacono.

392

Bonis propter improborum inuidiam virtutis studium non deferendum.

T*Amet si malitiæ atque improbitatis & multe, & variæ sint artes, tu tamen virtute illas exsuperas; cū enim nihil sit virtute illustrius, nihil improbitate obscurius & turpius, hinc sæpenumerò multi eorum qui præclara nec loqui, nec agere volunt tum sua ipsorum deformitate, tum proborum claritudine animaduersa aliquem sibi ex ijs qui nihil boni loqui, vel facere proposuerunt, deligendo, illum supra meritum extollunt & admirantur. Hoc porro ipsorum alij ex imperitia, alij faciūt ex inuidia, idque magis ut laboris amantium, & studiosorum gloriam obscurent, quàm ut cū qui huiusmodi est, verè admiratione dignum, esse ostendant. Verùm virum probum & bonum potissimum maiorem esse oportet quàm ut illis aliorum laudibus cāpiatur; at si eas ipse*

ipse ambiat, dolum considerare (quod illi, ipsius cursum & impetum ad virtutem interrumpere, vel eum contristare satagentes illum laudarent qui vituperandus potius erat) atque ex ignorantia et inscitia id facientibus ignoscere, illos verò qui faciunt ex invidia, deplorare, quòd tantum hi absint, ut boni quid faciant, ut ne quidem cum virtutis cultore fœdus aut societatem inire sustineant.

Zôsimo Presbytero.

393

Simonix nundinationisque beneficiorum accusat.

*Conf.
epist.
276.*

S*Acerdotium te non sanctè rectèque possidere, iam pridem constat: neque enim recta via & legitimè id habere umquam contendisti, sed pecunia & auro emere voluisti. Sed ad oculum patet, te cupiditatem & voluntatem tuam nunc etiam executioni mandasse, etsi ad extremum vitæ occasum iam veneris. Quis ergo tibi veniæ locus reliquus erit, nequitix & improbitati immori volenti?*

Isidoro.

394

Prudens quis existimandus.

S*Iquem, ò mihi cognominis amice, ex ijs quæ apparent signis et coniecturis, rectè id quod*

quod probabile & verisimile est, conijciendi
gnarum videro; gnariorem verò, ut ex ijs, quæ
non apparent, id quod factò opus est intelligat,
in tentationibus quoque & periculis, impetum
aduersariorum verbis exhortatorijs ac generosi-
tate propria pellere & elidere valeat; hunc
virum prudentissimum iuxta ac fortissimum
iudicarim.

Apollonio Episcopo.

395

Quis verè rex, quis tyrannus.

Hunc ego solum Regem & præfectum esse
duco, qui postquam sibi metipse impe-
rauit, subditos lenitate & benignitate sibi de-
uinxit, ac parentes reddidit: reliquos verò, ty-
rannos reputo, qui nimirum alienis ex labori-
bus illicitas sibi voluptates comparant.

Athanasio Diacono.

396

Bene morienti gratulandum.

Si omnes omnino homines morti obnoxij
sint, & illud eos dehitum non exsoluere,
impossibile sit, quod nec Reges, nec tyranni, nec
Satrapæ, nec sapientes, nec iusti abolere, & re-
scindere unquam potuerunt (est namque diui-
num

num decretum quod hoc ita exigit) illi certè commiseratione sunt digni, & plangendi, quibus vitæ finis fit pœnarum & castigationum initium; at illis e contra gratulandum, & ipsi celebrandi, quibus laborum & certaminum finis initium cœpit esse coronarum. Quòd enim supremæ beatitudinis terminum inuenerint, hinc reliquis omnibus neglectis unicam animam suam exornare studuerunt, cuius etiam corpus, quoddam puritatis & castitatis templum ac sacrarium esse voluerunt, quod etiam in resurrectione in melius transformatum, immortalẽ unà cum anima vitam viuet.

Ischyrioni Presbytero,

397

Qui in vita fugiendi.

IMprobi, vir optime, & qui alios persequuntur, fugiendi sunt, nisi velint resipiscere; boni verò spectandi; & hi fugientes, tametsi nolint, retinendi ac sistendi.

Theodosio Presbytero.

398

Præclarum est iniurias patienter ferre, at pro inimicis etiam orare longè maximum.

PRobè nosti, iniuriarum improbitatisque alienæ æquo animo tolerantiam, in hoc

V

quidem

quidem mundo gloriam ac laudem adferre, in altero verò maximum decus allaturam; iniurias verò inferenti, ac malè nos habenti, quasi qui nos ad præstantissimum philosophiæ genus ducat ac velut impellat, gratias agere (& præsertim tum, cum is qui sæpius eas irrogat, propterea etiã gloriatur) ut nō dicam, quòd velim coronas nos nostras ex alienis calamitatibus et malis contexere; maximum quid esse, & maius quàm ut vires meæ eò pertingant, utpote, qui quidem iniurias, & iniquitatem alienam æquanimiter perferre possum, nondum tamen didici iniuriantibus me & lædentibus gratias agere, ac purè sincereque pro me vexantibus et damno afficientibus Deū orare; & tum maxime, cum ne quidem commissa volunt agnoscere, sed insuper pro se orantes exhibitant. Hoc porrò ex me disce. Si hoc præstare & ipse potueris, maxime te laudabo, & generositatis nomine deprædicabo: ego enim (meum quippe defectum & imperfectionem celare nolim) cum sæpè ex animo precatus sum pro ijs qui fortuito me læserant; precari verò iam vellem pro ijs, qui data opera, & de industria me læserūt, hoc nonnisi ore tenuis fecisse me comperi. Equidem non eos habeo ut suspectos, qui ad tam altum virtutis gradum peruenerunt, imò ijs et

congaudeo, & congratulor, optaremque ad hunc possem pertingere & ascendere. Neque enim sum ut plurimi, qui cum virtutem aliquam consequi nequeunt, absurdum quid & ineptum faciunt: vel enim rectè agentes suspectos habent, & secundum ea, quæ ipsimet agunt, de alijs iudicium ferunt & censent (nam omnes ferè, iuxta ea quæ in seipsis vident de proximis solent censuram ferre) vel quòd eos pudeat pusillanimitatis argui, iactant se & gloriantur quasi rectè fecerint (præsertim, cum res adhuc occulta est, & latet) vel denique actionem repudiantes, ad nudam speculationem confugiunt, ut non tam ex ignavia & inertia quadam, quàm sano integroque iudicio, non rectè fecisse videantur. Quod nonnullis scio accidisse, qui nimirum illud Salvatoris. Neque duas tunicas habeatis, adimplere non potuerunt. Neque enim tam dicere oportebat, speculandum esse, quàm illos qui rectè fecerunt admirandos, & simul fateri, hoc illos præmium non esse consecutos. Nam illos ipse potissimum deprædico, qui illud faciunt, quod hætenus ipse facere non potui.

Matth.
10. 109

Martyrio .

399

Conf.
epist.
366.

Temporis ratio habenda . Occasio non negligenda .

Temporis parcum esse, carissime, cōsultum est : neque enim id cū semel transiit denuò reuertitur, nec malè inaniterque insumptum, eadem redit vīa, sed irreuocabili & statuta legi naturæ obediens (velocissimum namque est, ac celerrimum) inattingibili cursu fertur, ijs verò qui ipsum comprehendere volunt, non se capi permittit : Quare, ipsum ; cū adhuc propinquat & instat, arripiendum est; tunc namque id apprehendere & retinere possumus ; nam cū iam perequitanis instar pertransiit, frustraneum est illud persequi, comprehendere verò, impossibile .

Hermīna Comiti .

400

Ezech.
34.

In malos pastores pecus deglubentes .

Noli mirari, si cū tales pastores appellantur, oues à lupis deuorentur. Tantum quippe horum nonnulli (neque enim omnes accusandi sunt) absunt, vt eas custodiant & curent, vt ne canum quidem gregem seruantium, mores

mores & naturam imitentur, sed lupos imitādo, oves deuorent. Neque enim satis illis fuit lanam & lac ouium accipere, sed & ipsarum, non dico corpora (quod sanè minus esset) sed animas attingere non dubitarunt omne pingue mactando, infirmum negligendo, saucium non curando, denique omne validum, & intemperantiæ illorum minimè cedens, dolis & fraudibus opprimendo.

Dorotheo viro clarissimo.

401

Veritas semper vincit.

E*Quidem malo, veritatem colendo superatus videri quàm mentiendo vincere, dum enim vera dico, tametsi superatus videar supero, cùm verò dolo malo præualui, esto vicisse videar, succubui potius.*

Martiniano, Zosimo, Maroni, Eustathio.

402

Suadet à libidine temperare.

C*Um ignorare vos simulatis quòd improbitas ipsa in se omni sit castigatione grauior atque intolerabilior; equidem par esse censui, hoc ipsum vobis significare. Si verò vosmetipsi, illecebris voluptatum inescati inani*

*persuasione decipitis, vobiscum quæso, supplicia
quæ intemperantiæ debentur, & quæ ipsa om-
nimodò luet, perpendite, & ab illa abstinete.*

Sereno.

403

*Animi moderatio in prosperis aduersisque
seruanda.*

N*Imia letitia plus interdum animam
lædit, quàm tristitia: illa namque eam
effert, insolentem reddit, & naturalis suæ con-
ditionis immemorem facit: hæc autem super-
biam eius deprimit, elatos spiritus humiliat
inflationem euacuat, suæ illam conditionis me-
morem reddit, & ad virtutem capeffendam
impellit. Quamobrem longè super omne gau-
dium & dolorem esse vos oportet, & vtriusque
occursum moderatè & constanter ferre.*

Hieraci Diacono.

404

*Conf.
simil.
ep. 135*

*Hortatur vt cùm animi morbum intelligat
eius medelæ incumbat.*

P*Lus sanè egrotantis potest propositum &
intentio, si nimirum is sibi persuaferit
quòd egrotet, & sanitatem quantocius conse-
qui*

qui studeat, quàm medicus, utcumque ille sit peritus; & quàm medicamenta, esto ea & multa, & varia sint; & quàm morbus ipse, etsi is curatu perfacilis sit. Quamuis enim hæc omnia simul concurrant, nihil quoque eorū quæ ad valetudinem quoquomodo recuperandam conducunt, omittatur; nihil tamen efficere hic poterunt, si ipsa laborantis mens & intentio aduersetur, & his omnibus contrarietur. Si ergo & ipse te agrotare noris (quod certè non exiguum quid est: multi enim cùm agrotent, ne agrotare quidem se sciunt) connitere & operam da, ut valetudinem recuperes, recuperabis autem, si huc ipse per te comitaris, & diuinam scientiam & artem, quæ longo & naturam, & morbos, & malignitatem omnem interuallo transcendit tibi aduoces.

Palladio Diacono.

405.

Monet ut eum cui maledixerat apologia se excuset & simile peccatum imposterum vitet.

Conf.
epist.
190.

TAmetsi, quem ipse contumely proscidisti, iratum fuisse constet, simulque is præ se ferat breui se facti huius de te exacturum pœnas, quasi eum graui iniuria affe-

ceris & laſeris ; crediderim tamen illum ubi
 commonitus fuerit ceſſurum , neque ullatenus
 ultionem de te ſumpturum . Quamobrē ſiqui-
 dem hominum nunc caſtigationem effugias (ſo-
 re autem ut effugias arbitror) teipſum emen-
 da , & pœnam à teipſo repoſce , tunc teipſum
 per pœnitentiam & reſipiſcentiam caſtigando ,
 tum apologia & deſenſione apud eum qui læ-
 ſus eſt utendo , eumque à parte tua ſecurum
 reddendo , quòd tale quid exinde non commit-
 tes . At ſi eadem facere pergas , eſſi hominum
 ſupplicium euadas , diuinum haud effugies .

Serenò .

406

Virtutis laudatio, & ſeq. epiſt.

SI virtutis ſectatoribus, ſecurè & confi-
 der nunc viuere, & poſt hanc vitam diui-
 no tribunali aſſiſtere liceat; improbitatem ve-
 rò & in hac vita maneat & in futura etiam
 manſurum ſit probrum et ignominia, cur illam
 non amplectimur , hanc verò remis veliſque
 non fugimus ?

Heroni Monacho .

407

Virtus, neceſſarium quid eſt conducibile,
 pulchrum, decens, utile, & fructuoſum
 neceſſarium , quia nihil magis neceſſarium
 quàm

*quàm rectè vitam instituere : conducibile ,
quòd ad beatitatem hominem conducat : pul-
chrum , quòd possessores suos condecoret : decens
quòd eosdem insigniat & exornet : utile quia
finis eius labores alleviat ac solatur : fructuo-
sum denique quia nihil ea fructuosius . Quis
ergo , nisi valde amens eam non summopere
diligat ?*

Ësaia .

408

Magni , & angusti animi discrimen .

*Conf.
lib. 4.
epist.
152.*

Non ignorare te existimo , animi generosi-
tatis comitem esse solere splendorem &
magnificentiã , pusillanimitatis verò , abiectionem :
scire quoque meritò illam decus , hanc ve-
ro metum decere . Illa namque res secūdas mo-
deratè , aduersas generosè fert : hac verò , modò
quidem plus æquo se effert , modò nimis quàm
demissè se abiicit , unà cum rebus se immutans ,
& ab Euripo nibildum differens .

Eidem .

409

Monet ne propter diuitias se extollat aliosq;
ijs carentes contemnat .

SI eò quòd iniquas diuitias te circumflue-
re videas , diuitem te reputes ; & contrà
vitam

vitam modestiorem sectantes, quòd cum intolerabili paupertatis fera conflitentur, miseros noris, quo ipsi apud te loco sunt, eo & te apud illos, cùm de te interrogantur esse. Neque verò mirum est, id te non sentire; cùm insani & dementes, faciendo ea, quæ faciunt, seipsos quidem beatos & felices reputent, eos autem qui re verà sapiunt, irrideant.

Aemiliano.

410

De gloriæ studio.

Conf.
epist.

336.

337.

338.

IDcirco difficile est, uti apparet, gloriæ studium & ambitionem euitare, quod quidquid ad eam auferendam quis facit, hoc alterius & nouæ cuiusdam ambitionis initium esse comperiat. Ergo qui bonis operibus destituti cùm sint, nihilominus laudem & gloriam ambiunt, hi velut persanatu difficiles audiant sibi dicentes oportet. Virtutem prius exercete, & tum demum gloriam querite. Qui autem rebus bene gestis datam ultro gloriam non reiiciunt, nec contemnunt, ut faciliè sanabiles scire curentur, & audiant: maiora & illustriora vestra tum opera erunt cùm gloriam, quæ semper labi veretur, & firma consistere nequit, sed facillimè in nihilum redigi & recidere potest,

test, contemnetis : queritis quidem quod
 æquum ac iustum est, nondum tamen eius que-
 rendi tempus aduenit ; veniet quippe tempus,
 cum solis in morem refulgebitis . li denique
 qui omnem humanam gloriam contempserunt,
 longè quæ supra illam sunt erunt vt philosophi
 & perfecti quidam viri deprædicandi :

Eidem.

411

Rursum de gloria . Quid differant φιλόδοξος

& ἀνόδοξος.

Conf.
 epist.
 337.

Diuinum quid est, rectè agentem, homi-
 num gloriam non querere, nec ambire :
 sed qui cùm rectè egit, eam querit, ille gloriæ
 & laudis cupidus est, non tamen inanis gloriæ
 sectator : ille namque inanis gloriæ sectator &
 ambitiosus est, qui cùm à bonis operibus ina-
 nis & vācuus est, gloriam sibi nec debitam, nec
 conuenientem venatur & queritat, glorians
 scilicet in ijs quæ ipse non facit, sed aliena
 persona & schemate solùm se ostentans. Neque
 enim omnis gloria, inanis existimanda est
 (si enim hoc concedatur, etiam ipse gloriæ &
 laudis cupidus, non immeritò inanis gloriæ
 studiosus & ambitiosus appellari posset) sed se
 propriè

proprie ex vi verbi loqui velimus, qui ab operibus bonis inanis & vacuus est, nihilominus sibi gloriam vendicat, hic merito, laudis inanis cupidus appelletur & ambitiosus.

Prosechio Scholastico medico. 412

Animæ perturbationes vnde oriantur.

Non quemadmodum in mari, vir doctissime, turbationes à ferocientium ventorum vi & impetu; sic & in anima oriuntur, sed ab eiusdem inertia ac desidia. Nisi enim ipsa flammam accenderit, nisi igni alimentum dederit, nisi in formas venustas curiosius inquisierit, nisi alienam pulchritudinem ardentius scrutata fuerit, nisi in theatra, ubi voluptatum procellæ & illicia densius ingruunt, se ingerit, nisi lautioribus epulis carnem saginarit, nisi denique gubernatricem rationem vino merferit; flamma certè non exsurgit, pyra non accenditur, bellua ferocior non euadit, non denique ipsa rationis ac mentis integritas, velut ab impetuosis quibusdam ventis aliorum abripitur.

Lesimo,

Zosimo, Chæremoni, Maroni. 413

De vini usu disputatum. Ebrietatis mala.

Vitis vocatur græcè *ήνυστος*, idest mitis, quòd vinum nos, si oportune & moderatè sumatur, mitiget. Etenim id homines inter fidem & amorem mutuum conciliat, letitiam mentis causatur, dolorem dispellit, ipsam denique inertiam ac recordiam tollit: agrotantibus quoque simplex quoddam medicamentum est & variorum morborum sanatio; rectè valentibus verò robur, & valetudinis bonæ conservatio. Siquis autem illud. Ne quid nimis; & Modus ac mediocritas optima est, negligens, ipsum avidè nimis & æquo copiosius summat, & commissam sibi iniuriam vindicabit; nam primò caput ac tempora conturbabit, dein robur, ac vires eripiet et uniuersū adeò corpus dissoluet; manus verò et pedes occupans ac velut vinciens. (alia enim, quæ his absurdiora sunt, ne bonestum quidem dicere) sui potorem tam amicis, quam inimicis, ludibrio exponet.

Leontio.

414

De virtutis utilitate.

Tantum porrò abest ut virtuti rerum vicissitudo sit imputanda, ut hanc etiam debite

Conf.

opin.

406.

407.

debitè conuenienterque refranans ac moderàs
ad ea quæ officij sunt facienda hominem indu-
cat: diuites namque rectam familiæ admini-
strandæ rationem docet; in gloria agentes, vt
moderatè se gerant, rectores & præfectos, ne
insulentur; pauperes denique vt fortiter pau-
pertatem ferant. Quare si ipsa longè supra
omnem rerum vicissitudinem ac mutationem
sit, & in hac quidem vita famam & celebra-
tem habeat, in altera verò gloriam sit consecu-
tura, cur eam complecti dubitamus?

Harpocræ Sophistæ.

415

Hortatur vt amico mortuo non monumenta
ponat, sed vt funebri oratione
eum ornet.

QUæ in exequijs & funere à rudibus &
indoctis hominibus fieri solent, alijs
sunt relinquenda; tu verò perfectio-
ribus ac melioribus quibusdam apprecationi-
bus defunctum prosequere, eumque tutis & de-
centibus orationibus funebribus cohonestā,
quarundam verborum ei gratiam rependendo;
vt & illum honores, & ad illius imitationem
posteror excites.

Iniuriam remittendam.

TAmetsi eorum quæ passus es magnitudine superatus, te ipsum nequaquam superare potueris, ut de inferente vindictam non sumas, sed omnimodò de illo pœnas capere constituas (est hoc certè quàm maxime à Christiano alienum) Si tamen legi velis insistere, interim cede & exorabilem te præbe (forsan enim vel tempus indignationem tuam curabit, vel ipse se apologia aliqua apud te purgabit) siquidem tanta tua est indignatio, & postea vindictam de illo sumere poteris tempore te nō impediante vel remorante, quò minus is debitas tibi pœnas det. Atque hæc quidem hætenus. Dic verò amico tuo. Veni ad nos, vel daturus quæ habes, vel accepturus quæ non habes. Nam tu quidem sapientiam te habere disis, quæ magnificè se iactare non renuat, nos verò veritatem loquimur simplicitate ac verecundia exornatam. Vel enim meliora adinuenta libens sequens, vel nullum saltem damnum passus, damnum unde venisti reuerteris.

Zosimo

Zosimo Presbytero .

417

Conf.
epist.

311.

445.

562.

Vt sit frugi hortatur : vt & tribus sequenti-
bus Epistolis ,

SI quidem sola pecuniarum cupiditas te oc-
cupasset, & teneret, non ita passim omnes
in te inueherentur, at cum (vti ferunt) omnes
omnino cupiditates, promiscuè irruentes, se-
dem in te fixerint, hinc rati plus peccare te,
quàm vt ulla supplicia peccatis tuis condigna
sint, te velut variegatam & multiformem,
quamdam belluam auersantur. Vnde si hanc à
te amoliri infamiam & probrum cupias, ea &
dicito, & facito, quæ virtutis cultores & se-
ctatores decent.

Aufonio ,

418

Sapientem animum, & institutum tuum
miror, quòd cum seueritatem lenitati mi-
sceas, nulli tuorum subditorum sint, qui te vel
ob austeritatem odio prosequantur, vel ob leni-
tatem tuam peccent, sed parem & consequen-
tem tibi vicissim mixtionem rependant, amo-
rem scilicet cum temperantia & modestia
coniungentes. Cum enim tu quæ plurimum in-
ter se differunt, & inuicem distant, contempe-
rando

rando coniunxeris, illi quoque par tibi referunt, edocti videlicet à te, combinare & pariare ea quæ disparata sunt.

Eidem.

419

TVa rectè facta & opera (vè dulcissimum læsis & iniuria affectis lumen, tametsi lædentibus id maximè terribile sit) maiora sunt, quàm ut cuiuspiam laudatoris lingua dignè celebrentur: quinimò optant laudatores, ut à virtute tua quæ in immensum increuit, magis adhuc superentur.

Eidem.

420

Quisquis hominibus animum & affectus modestos habentibus ullo sine fasture spondet, superbos verò, inflatos, & arrogantes minimè veretur, ille euidentissimum virtutis argumentum & notam dat.

Lucæ viro clarissimo.

421

Libertatis loquendi, & impudentiæ
discrimen.

Conf.
epist.

453.

Nec loquendi corripientiæque libertas est impudentia appellanda, uti nec impudentia libertas: sed illa, dum errantes scitè ornateq; corripit, libertas; hæc dum rectè faciētes iniuria afficit, impudentia est dicenda. Illa

X

namque

namque medicæ arti persimilis est, hæc pestilentia; quòd illa infirmos sanitati salutique restituat, hæc rectè valentes conturbet.

Cyro Presbytero.

422

De Sacerdotij præstantia.

Conf.

epist.

268.

lib 2.

234.

lib 4.

219.

T*Amet si sacerdotium omni sit regno sublimius ac dignius, nō tamen ad ipsum promotos oportet propterea se super alios efferre, sed reputare, decentissimū conuenientissimumq; illius ornamentum esse humilem modestiam cum discretionē: simulque cogitare, ipsum quidem omni humano honore & dignitate eminentius esse, è Dei tamen gratia & institutione hoc sese non aliter quàm ut alijs præsent accipisse, in quod proinde eos nefas sit per tyrannidem aliquam iniurios esse.*

Harpocræ Sophistæ.

423

Monet ut suo exemplo amicos reconciliare studeat.

N*Oui aliàs duos fratres germanos, usque adeò inter se dissidētes, ut eos etiam, qui ipsos ad amicitiam & pacem ineundam cohortari auderent, inimicos ducerent. Ego verò*
(opor-

(oportet enim dicere quod res est) parum prosperum rei huius successum auguratus, initio quidem illos compellare cunctabar; postea, verò cum id pusillanimitatis signū esse duxissem, meque ad hoc ipsum omnimodo faciendum essem cohortatus, rem etiamsi optato successu & effectu carere deberet, sum aggressus; cumque eam laboriosam & difficilem esse putassem, tamen, etsi illos etiam improuiso adorirer, adeo facilem reperi, ut etiam nullam velitationem, præambula, insinuationemue me ad eam opus fuerit adhibere. Satis namque ijs fuit, me vel loqui incepisse. Noli ergo & tu ad ipsam rei difficultatem attendere, sed animosè certamen ingredere & capeffe: nam fortassis nullus planè hic tibi erit labor subeundus.

Eidem.

424

Spiritualis nostra militia quomodo
instituenda.

Cum acies militaris continentiam, obsequium, ordinem, & peritum ducem habet, tunc hostibus ipsis terribilis & timori est, ac sæpè etiam ante conflictum & audacè manum in consertionem trophæa constituit, inimicis ultro suppliciter pacem deprecantibus, et

X 2

lega-

legationem mittentibus. Cum verò hæc omnia adhibere ipsi contra daemones debeamus; nec adhibeamus (neque enim iunctim nos contra illos, sed unà cū ijs contra nos ipsos inuicem belligeramus) nihil sanè mirandum nos superari; sed illud potius mirandum, quòd cum eorum quæ vincentes facere par est, nihil faciamus, vincere velimus.

Archontij filijs. 425
Hortatur ad amicitiam, & concordiam
mutuam.

EVtonium virum optimū ad vos misi, ut vos de pace ineunda & reconciliatione compellaret. Vos ergo primū decorum; secundo vos ipsos; tertio me, qui in ijs, quæ impetrare fas esset, vobis non nisi consulo; quarto, eum qui tantum vos reconciliandi causa subire laborem non est dedignatus reueremini, omneque odium & dissensionem exuentes, non grauātè inuicem reconciliemini.

Zosimo Presbytero. 426

Mali ab Ecclesiæ communionē separandi.

Conf.
epist.
532.

ET si in hoc sæculo, ubi omnia nimis quàm tenuia sunt, ut contra tuā in malo obstinationem & stuporem clament, admittantur iij, qui eadem non faciunt; in altero tamen exa-

sta

Et facta disquisitio & iudicium. Olim quidem, cum Ecclesia Doctores, ob optimam vitæ rationem etiam diuino spiritu clarebant, peccantes etiam hic excommunicabantur, cum verò respicerent, rursus in sacrum Ecclesiæ cœtum cooptabantur. Nunc verò (nihil tamen acerbum dicere volo) nihil non impudenter audent, & nullus est qui se opponat; sed virtutis cultoribus sunt graues, peccantibus verò lenes ac faciles: illos namque torpidos reddere satagunt, hos verò ad maiora etiam flagitia committenda conducunt et instituunt, præsertim cum opibus abundant. Noli ergo computare te, eò quod Eusebius (qui nescio quomodo, te ordinauit, cum omnis virtutis sit hostis) te ad summum improbitatis grassantē ac tendentem ab Ecclesiæ cœtu & communione non excludat, nullum in altero seculo propterea supplicium passurū. In tantum namque & illum, & te vindicta et iustitia diuina consequetur, quantum hic ea longanimitè vos exspectans nihil profecit, sed neglecta fuit, & propter vos etiam calumnijs profissa.

Palladio Diacono.

427

Laborem quies comitatur.

E*um qui tui ad instar, laborem nullum suscepit, nefas est dicere, quiete aliqua opus habere*

habere requies namque post exantlatos labores sequi amat: sine his namque mollities & deliria potius, ea appellanda. Eos enim qui labores subierunt omnino oportet quiescere; qui verò non laborarunt, dissoluti & desidiosi appellandi. Quocirca, quamdiu sudores & labores non suscepisti, etiam ab ipso quietis nomine tibi abstinendum est.

Ausonio Correctori.

428

*Conf.
epist.
16.*

Ignoscendum aliorum delictis.

T*Ametsi leges eum, qui contumeliosè in te inuectus est, comprehensum & conuictum in tuam potestatem ac manus redegerint, ut meritas ab eo pœnas reposcas: tu tamē (es enim maior, quàm ut vlla iniuria & contumelia mouearis, unde & philosophiam, cum legitimo imperio coniunxisti) posteaquam nonnihil eum ammonueris, veniam dando, eum meliorem reddito. Punire namque facillimum, & nullius non est; ac ignoscere, illorum tantum qui tibi similes sunt.*

Esaia.

429

Monet ut à peccatis quorum veniam ante nactus fuerat, tandem desistat.

V*ideris, eò quòd semper eorum quæ commisisti, veniam consequaris, hinc iam didicisti.*

didicisse etiam cōmittere ea, quæ maiora sunt, quàm ut veniam commereantur. Itaque temperantia frano adbibito temetipsum retinere stude, ne in præcipitium ruas; et noli ipsam veniam indulgentiæque medicinam frustraneam & inutilem reddere, ne te, velut mente penitus destitutum, & doloris omnis expertem diuina tandem vltio inuadat.

Ophelio Grammatico.

430

Scire est semper causas cognoscere.

*Arist.
Analy.*

A *Etiologia, idest causæ expositio, & demonstratio, potissima scribentis & docentis virtus est. Neque enim satis est, ostendere & confirmare, rem aliquam esse, sed demonstrandum insuper (si quidem fieri possit) quare sit. Hoc namque verè est scire, rem cum & propter causas scire.*

Sereno.

431

Rerum metuenda vicissitudo.

*Conf.
epist.
495.*

N *Oli, ultrà quàm natura necessitas, & mediocritatis termini exigant à rebus secundis & prosperitate te abripi sinere: sed ubiq; et semper cōditionis humanæ memor esto,*

& rerum vicissitudines considera, quæ uno sæpe die eas conuertere, & in contrarias prorsus immutare possunt. Sic enim, & alijs carus eris, & prosperitas tua firma et stabilis: nam si forte aliqua obueniat mutatio, nihil inde mali patieris, utpote qui egregios prius tibi benignitatis & humanitatis thesauros collegeris.

Sereno Diacono.

432

Iustitiæ est proprium scelera punire.

Ius iniustis iustum irrogat supplicium, & haud dubie etiam irrogabit: porro non debet ius esse iniustum, utpote quod omnia ex æquo & iuste exequitur, & iustitiæ maximam curam habet.

Didymo & Heroni Presbyteris.

433

Ioan. 3
20.

Non mirum malos bonos oppugnare. Qui malè agit odit lucem.

Mirum certè non est, bonos ab improbis oppugnari; imò contrarium potius mirum esset, videlicet si non oppugnarentur. Nā licet id valdè absurdum videatur, ac ne quidē verbo dicendum, nec re ipsa tolerandum, nihilominus debite & rationi consentaneè fit: tenebræ namque luci contrariantur, & fures non nisi lucernis

lucernis extinctis ad furandum se accingunt. Nam quod ab illorum agendi viuendique ratione vitam suam redargui opinentur, hinc ipsos subuertere & supplantare satagunt.

Theoni.

434

Παράδοξον quid.

ID paradoxum, & opinioni communi contrarium est, vir optime, quod opinione, quæ inualuit, melius, & à consuetudine & usu vulgari alienum est.

Leontio Episcopo.

435

Mali superbique sacerdotes coercendi.

Nihil vir optime, virtuti tuæ absonum & indecens, nihil ineptum, quantum in te est fieri inducique patiare: sed ijs, qui in sanctionibus & ritibus Ecclesiasticis quid noui inducere moliantur; dicito, illos cum hic tum in futuro, ploratuuros, nisi ab hac innouatione desistant. Quemadmodum enim præter rationem sese extulerunt ex inconsiderata quadam audacia potius quam ex iusta dignitatis suæ consideratione ac ponderatione ad id aggrediendum incitati: ita quoque secundum rationis præscriptum iterum deiciantur. Imbecille namq; semper est,
quid.

quidquid præter dignitatem est, & quæ ex indiscreta & incōsiderata quadā audacia se effecerunt & sustollunt, stabilia non sunt, sed citò immutantur, nisi cum virtute peragantur.

Zosimo Presbytero.

436

Conf.
epist.

Iniqui arguit sacerdotij.

437.
440.

DEploranda sanè res, hominem delicijs ac libidini immersum sacerdotio quomodo-
cumque initiari: illud verò omnium maximè deplorandum, quòd ea quæ impiorum sacrilegorum sunt facias atque ex eo quòd sacerdotiū habere videaris, gloriam affectes & captes.

Eutonio Diacono.

437

Conf.
epist.
103.

De Zosimi vitijs.

MERitò tu quidem miraris, quomodo miser ille Zosimus, tam auidè ac promptè mala qualibet patret; & quomodo vinculum hoc adeò nexum & colligatum sit, quod quia nō dissecat, hinc in absurdissima quæque opera fertur. Alij verò id minimè mirantur, sed initio semel corrupto, necessariò nequitiam crescere debuisse arbitrantur. Tacent enim non sine ratione eum seruo patre natū esse. Multi quippe ser-

pe serui, moribus meliores sunt ijs qui conditione videntur esse liberi: sed eius postquam ex ephebis excessit, conuersationem carpunt, utpote quæ omni est nequitia referta: unde & illa in vitia propensio ac procliuitas unà cum ipso in virilem ætatem adoleuit, & in habitum quemdam abiit improbitas. Mirari ergo desine, sed potius sanctis purisque precibus tuis auxilium & curationem ei calitus postula: forsan enim sic resipiscet.

Nilo.

438

Moderate laudare oportet, ne extollas nimis laudibus.

Conf.
epist.

336.

337.

338.

410.

411.

439.

Quamuis ambitiosi et honoris cupidi laudibus potissimum moueantur (laudes namque plus siciunt, quam potum) eas tamen moderatè depromere, nec nimias contexere oportet. Multi namque nimis laudibus & encomijs eneruati & dissoluti, suam quoque ad labores propensionem ac studium remittunt.

Agathodemoni & Ophelio Grammaticis. 439

Miscendum vtile dulci in scriptis.

Cum declamationes et adhortationes uniformes, nec variata, incuriorum animi
neruos

neruos quodammodo præcitant (omnis quippe schematis ac formæ variatio illis iucunda & amena esse videtur) ipsa scripta oportet accuratione simul, & delectatione quadam insinuatua temperari. Delectatione namque qui serij ac studiosi sunt, nihil offendentur; ex accuratione verò, quæ delectatione & insinuatione quadam temperetur, etiam summè negligentes plurimum commodi capient.

Theodosio.

440

Conf.
ep. 2.
437.

De Zosimi iterum vita vitiosa. Precibus itaque Deo commendandum esse.

EX ijs quæ audio intellexi, te cum de rebus admodum antiquis & dudum præteritis non loquaris securè & tutò accusationē aduersus infelicem & scelestum illum Zosimū instituire, cum tempus tibi ad falsa dicendum et mentiendū non adminiculetur, nec immutez. Habes namque opera ipsa recentia, quæ remtestentur. Verū non tam ad eum accusandum exacuere te linguam oportet, quàm ad eum deplorandum, et pro eo orandum. Accusatus enim etiam ampliùs (ut vetisimile fit) ad malè faciendum incitabitur; at si deplorètur, forsitan respiciet ac resipiscet.

Zosimo.

Zosimo.

441

Gentium mores cum nostris collati.

Conf.
epist.
164.

Multi, bone vir, qui apud Ethnicos moralis virtute claruerunt, iam omnium linguis celebrantur. Imò ne si quidem illi inertes semper atque ignavi pro more fuissent, nos Christianos propterea conueniret virtutis curam ac studium deponere vel intermittere. Nam quod inter illos & nos interuallum & distantia est, quod sanè non exiguum est, nobis, si quidem peccemus, veniam negat.

Macario Episcopo.

442

Orator non semper persuadet.

Conf.
epist.
120.

Si oratio tua, quæ talibus usa verbis est, ut & inanimem eam flectere naturam possent, implacabilem illam belluam in seipsam, efferascentem, flectere & emollire non potuit; satis ostendit tam persuaderi, quam non persuaderi, in ipsismet auditoribus, ob ipsam arbitrij libertatem, propter quam & iudicij ratio magni facienda est, situm esse.

Marty.

Martyrio .

443

Animus instabilis vtraque sorte mouetur
sapiens non item .

G Audium & tristitia homines facile mo-
biles & inconstantes , à debito decentiq;
men. is statu facile deijciunt ; illud namque eos
effert, & velut ebrios & insanientes reddit; hæc
verò deijcit, & timidos facit . At vice versa,
constantes bene constabilitos , & super pruden-
tia fundamentum solidè fundatos, neutra harū
à decoro cogit recedere ; illius namque elatio-
nes & exaltationes ratione , velut freno quo-
dam , compefcunt ; huic verò nequaquam suc-
cumbunt, dum quidquid immoderatum ea ba-
bet, cobibent ac refranant .

Agathodæmoni .

444

Coof.
epist.
213.
233.
265.
308.

De tribus dicendi generibus: summo, medio,
& imò, ex Homero. Vitam oratione
magis persuadere .

A Vdi nouum quid vidi : quod qui accu-
ratè in rem non inquisierit , haud facile
credet. Tribus enim amicis super vna eademq;
re quempiam simul commonentibus, is qui om-
nium

nium putabatur disertissimus, illum dicēdo offendit; qui minùs dicendi gnarus nonnihil inflexit & emolliuit; tertius denique, de dictione & phrasi parum sollicitus, persuasit & euicit: & tantum imperitus hic effecit, quantum disertissimum efficere oportebat, & id eloquentissimus passus est, quod imperitissimus pati debuit. Adeò ut cùm interrogaretur ille ad quē legati hi missi erant, dixerit, ad dicentium & exhortantium mores se non ad verba attendisse, & vitæ ratione persuasum se, non eloquentia. Itaque si vita verbis si mens lingua præstat ac præualet, mens primò, dein lingua est excolenda. Si id ita factum esse neget legationem illam Homericam, quam semper in ore habes, quaeso considera: in ea namque Vlysses Ithacensis, qui erat disertissimus Pelidem Achillem dicendo magis exacerbauit; qui verò minùs disertus erat, pædagogus inquam eius & institutor, eum nonnihil mitigauit. Ajax denique Telamonius, qui omnem in dicendo ornatum neglexit; ei planè persuasit. Et tantum dicendo potuit Ajax; quantum posse debuit Laertiæ filius Vlysses; et hic id passus est, quod Aiace pati oportuit.

Zosimo Presbytero.

445

Conf.
epist.
2236

Virtutem colendam hortatur, quam proposi-
ta etiam pœna se sectari malle testa-
tur, quam vitium proposi-
to pramio.

A Pertè quid sentiam, dicere volo. Si verò
quòd dicturus sum, alicui hyperbolicè
dici videatur, equidem non moror: etenim
virtutis sectatores ei, quod dicam suffragabun-
tur. Dico igitur, si virtutem quidem pœna,
improbitatem verò laus & pramium mane-
ret; malle me pœnas dare virtutem diligendo,
quàm coronari vitium sectando. Adhuc, im-
probitas, etsi coronas daret & conciliaret omni
mibi supplicio & pœna videtur acerbior; vir-
tus verò, quamvis pœna expers non esset, hono-
rificentior. Hac ergo hyperbolica, ut quidē eam
vocarent nonnulli, quam dixi, sententia sic se
habet, & satis habeat. Porro si quidem virtu-
tem corona, improbitatem verò supplicium &
pœna omnimodo maneat, equidem libenter te
interrogem, quid sit quod te, ut in nequitia
barathrum te conijcias, impellat?

Palla-

Palladio Diacono. 446

Monet vti caueat, ne in eadem vitia incidat,
quæ in altero reprehenderat.

Cum Zosimum in litteris tuis homuncionē
nequam, detestabilem, adulterinū, et ne-
scio quibus non infamibus nominibus nomina-
sti, verū quidem dicis; timui tamen, ne & ip-
se post paulō talis reperiaris. Nam ut referunt
quidam, talia tu iam agere cœpisti, qualia ipse
committendo, in incurabilem duritiem & in-
dolentiam tandem incidit.

Mosi Diacono. 447

De diuitijs.

Diuitia vnum solūm mihi in se continere
bonum videntur, quòd eas maximè dili-
gentibus incredibilia adferant pericula.

*Conf.
epist.
450.*

Zenoni. 448

Hermogenis Episcopi laus.

Quod paucis de per omnia optimo viro
Hermogene, qui verè Episcopus est, di-
cere proposui, hoc est: nimirū eum, cum

*Conf.
epist.
358.
466.*

Y

virtute

virtute etiam valdè probos tot partibus antecellat, quot hi alios omnes, ita nihilominus de se sentire, ac si nihil omnino præclarum ageret. Vsq̃ue adeò necessarium existimauit, humilem de seipso sensum, velut arcem ac munimentum, reliquarum virtutum omnium, habere.

Eutonio Diacono.

449

Bonorum malorumque dum laudantur,
discrimen.

Sicuti ipsa condemnatorum vita, cùm proba ea & virtutibus illustris est, quædã ex obiectis criminibus per se refellere, & fidem ijs abrogare solet: ad eundem modum, cùm eorum qui laudati ab alijs sunt, viuendi ratio in se improba et flagitiosa est, facit vt etiam laudes quædam incredibiles fidemque superare videantur. Etsi enim plerique hominũ qui nihil laude dignum facere volut, calumnijs quidem latentur, laudibus verò eorũ auditis indignentur (illas enim etiam contra de se dici existimant, has verò numquã se adepturos sperant) tamen viri virtute præditi, dum probos, etiam ijs in rebus quarum ipsi conscij nõ sunt, calumnijs proscindi audiũt, etiam ante earum inquisitionem & cognitionem ab obiectis criminibus eos absoluunt; malos autem, si ad gratiam laudentur,

dentur, laudibus indignos existimant, cum non tam iuxta dicta, quam facta & opera, iudiciū ferant. Quocirca nec boni, dum conuitijs impetuntur indignentur (dicta namque nihil ad illos spectant) nec mali, dum laudibus afficiuntur exultent: encomia namque illorum, aliena sunt, & aliorum.

Heraclio.

450

Quæ veræ diuitiæ sint.

QUam multi, cum plura a quo concupiscerent, omnibus exciderunt; cumque superuacanea corraderent, etiam necessaria amiserunt, et legitimos excedendo terminos, etiam mediocri statu priuati sunt? Quapropter superflua omnia resecanda sunt, ut necessarijs diuescamus & abundemus. Maxima quippe diuitiæ sunt, non diuitias habere, sed diuitijs non indigere.

Eutonio Diacono.

451

De Eusebij Episc. Pelusij moribus.

Conf.
epist.

Non idem est, vir admirande, in suspicionem venire, & in ipso facto deprehendi: illud namque etiam de eo, qui rem non fecit, dicitur; hoc de eo solum qui iam deprehensus est. Quod porro Eusebius (uti ais) eos qui sine

470.

causa & immeritò in suspitionem vocati sunt,
& calumnijs proscinduntur, proscribat, depre-
bensos verò in facto; ad maiorem dignitatem
euehat, partim ex assentatione, partim verò ex
auri cupiditate, noli mirari. Nam siquidē alia
omnia ad rationis præscriptum faceret, forsitan
& isthuc corrigeret; at cū omnia illa quæ fie-
ri nefas est, faciat, hoc certè ab eo fieri cū id
moribus ipsius dignum sit, nemini certè nouum
aut mirum videatur.

Paulo.

452

Vni vacandum arti.

Conf.
epist.
380.

Qui multas scientias vel artes didicit, hic
etsi aliqui inter omnes homines inge-
nio præcellat, singulas per omnia
perfectè nō callet, cū tempus, quod primæ ar-
tis exercitationi accurationique impendi debe-
bat, alteri ediscenda impensum sit: sed esto in eo
quod multas norit, præstet & excellat, contra
tamen à singulis eorum qui vnā tantū
perfectè didicerunt, superatur. Quamobrem,
nec tu simul omnia scire velis; inde enim fit,
ut nihil in vnaquaque arte perfectè exacteq;
sciatur sed in vnum dumtaxat scopum colli-
mans, illuc oculum mentis tuæ dirige, sic enim
quod spectas, consequeris.

Eidem.

Eidem.

453

Aliena peccata verecunde perstringenda,
ne alios purgaturus ipse linguam
contamines.

Conf.
ep. 17.
411.
507.

Bonam grauemque habere oportet linguā,
quòd qui in nequitia barathrum prolapsi
& absorpti sunt, inde sint verbis educendi, ab-
surdisimum porro videtur, alios erigere sata-
gentem, ipsummet cadere: ut autem hoc non
fiat, ipsam rerum turpitudinem verborum
debet grauitate tegere ac velare; ne dum illos
perstringere cupit, suam ipse linguam inqui-
net, & aliorum sordes & inquinamenta au-
ferre conatus, ipse commaculetur. Quòd si obij-
cias, fieri planè non posse, ut quis modestus ac
grauis in verbis sit, & simul auditorem per-
stringat atque increpet; respondeo, eum qui
moderatam ac modestam reprehensionem vili-
pendit, etiam immoderatam & nulla conue-
nitam honestate verborum contempturum.
Etenim si nec ipsa dicentis lenitas, nec verbo-
rum grauitas ac pondus apud eum profint, cer-
tè nec nuda factorum prolatio & proderit aut
persuadebit.

Mart.
lib. 5.
Epig.
79.

De Mithridate rege, eiusque contra venena alexipharmaca.

SAepè, quod quis ad sui securitatem ac defensionem excogitat, hoc maximarum ei calamitatum causa fuisse comperitur: ut verò alia omnia omittā, unum, in quo omnia significabo, adferam. Ferunt Mithridatem, & arthorum, & aliarum plurimarum gētium regem, cum ad magnā rerum potentiā venisset atque opibus ac sociorum auxilio potens esset, iam que ad summum humanæ felicitatis fastigium esset euectus veritum, ne quando veneno sustolleretur, antidotū & alexipharmacum quoddā sibi aduersus vim eius preparasse: postea verò, vertente & mutata hac prosperitate eò necessitatis redactum, ut venenum sui enecandi causa sumere debuerit. Quod cum vi sua et effectu careret (nam quòd vti dixi, antidotariā quāmdā aduersus omne venenum letiferum potionem bibere consuesset, ne quid aconita & venena sibi noterent: hinc potionis huius vis et potentia ea fuit, ut venenum in eo vim suam exercere non potuerint) eum dein unum e satellitibus & stipatoribus suis aduocasse, ac iussisse ut in pectus suum acinacem adigeret, ac se se-

se feriret : qui eius iussis parens, eum sic è vita sustulit . Ita factum est , ut quæ illi futura utilis videbatur , pramunitio ac præcautio , nihil prorsus ei profuerit , quòd enim vereretur , ne venenum sibi ab aduersarijs et inimicis aliquãdo propinaretur , ac propterea antidotis et medicamētis alexipharmacis assiduè uteretur ; hñc postea cùm mori vellet , non potuit , usque dum ferrum in viscera eius adigeretur . Nihil igitur huiusmodi moliendum est , sed simpliciter potiùs viuendum , & nostra omnia diuinæ prouidentiae committenda .

Ampelio Comiti .

455

Qui paruit rectè , bene imperat .

*Conf.
epist.*

225.

Arist.

et Pla.

N*ihil equè ad legitimè recteque imperandum valet , quàm legitimè aliàs paruifec : qui enim bonus fuit subditus , bonus quoque erit rector : qui verò , adhuc in vita priuata , agentes , & dominari gestiunt , & ad parendum inepti sunt , hi sunt ad regendum ineptissimi .*

Populo Pelusiaco .

456

Præsidis seu Episcopi aduentum nunciat .

I*s qui vobis præest libenter gratanterque iniunctam sibi legationem suscepit : cùm enim iam dudum ad vos venire vestraque in*

melioŕem redigere ordinem & formam conſtituiſſet ac voluiſſet, noſtram ſuper ea re ſententiam & opinionem expectauit, quã demum intellecta, ſpõte potiùs, quàm vt vocatus, ueniet.

Theodoſio Presbytero.

457

Alecten commendat.

Q*ui has pietati tue litteras reddit, ſufficienter iam in umbra & apud ſemetipſum, quaſi à magiſtro quoſiam, exercitatus nõ mediocri quoque in ipſis virtutis certaminibus, robore, experientia et ſciẽtia collectã, in ſolitudinẽ, & eremũ concedere propẽdet, ubi & Olympica præconia habebit, & Olympica quoad animam certamina ſubibit. Itaque oſtende proinde illi, per ea quæ ipſe facis, quæ ad certandum requirãtur, quæ certaminis ſint leges & inſtituta, ne è palæſtra & arena ſe ſubducens, ab intẽtione et ſcopo ſuo aberret, aut in medio certamine iam conſtitutus ſuperetur; ſed viriliter & egregiẽ ſe geſſiſſe iudicatus, coronas & fauſtas acclamationes promereatur.*

Aſclepio Sophiſte.

458

Harpocras Rhetorem, cui ludus aperiendus committatur commendat.

H*arpocras, morum potiùs, quàm verborũ magiſter, quiſque erga religionem Chriſtiana*

*Stianam singulariter affectus est (nam nomine quidem Sophistes, vita verò perfectus est philo-
sophus) qui etiam non tā gestit aut ambit mul-
tos habere discipulos, quàm eos in quibus vir-
tutis argumenta notasque conspiciat, in suum
cœtum legit; denique qui non tam eos, à qui-
bus mercedem accepturum se sperat, diligit,
quàm eorum, quos studiosos & nauos futuros
animaduertit, rationem habet, iam domicilium
& vitæ genus mutauit. Cùm ergo ciuitas tua
aliquo ludimagistro opus habeat, talem ei sug-
gere: & hunc illa eligens, non aberrabit.*

Isidoro Episcopo.

459

*Facienti & laboranti quantum in se est Deus
fert auxilium.*

*Conf.
epist.
315.
327.*

Q*ui virtutem colit & sectatur, diuinum
etiam fauorem in auxilium suum ad-
uocare debet: at qui de illa minimè la-
borat, ne quidem Deum, esto eum imploret, fa-
cilem & beneuolum experietur: ut qui non nisi
omnia quæ in se sunt facientibus benignè pro-
penseque annuit. Vt porrò quod dico, etiam per
exempla manifestius fiat, equidem omitte
dicere, ac petere, quomodò meretrix si quidem
saluari velit, nolit autē castè modestèq; viuere
salua-*

saluabitur? unū hoc dixerō: Sit aliquis qui litteras et grāmaticè addiscere velit, præceptoris tamē ludū frequētare nolit; hic deinde in grāmatisen, idest litterarum ac grammaticaliū doctorem, in foro obambulāntem incidens, dicat, fac discam litteras: an non illum statim liquidoque respsnsurum putat? Stulte ecquo modo discere eas poteris. qui nec præceptorem frequentas, nec stylū aut tabellas habes, nec laborare vis? Si enim ad tuam hanc discendi cupiditatem & labor tuus, & opera mea accesserit, tunc demum aliquid fiet. At si velle te quidem dicas, non facias autem ea quæ volentes addiscere facimus quomodo discere quid poteris Tales porrò sunt, qui virtutem quidem expetere se dicunt, viam verò quæ ad ipsam conducit, ingredi recusant.

Heroni Presbytero.

460

Seētanda ea quæ ad virtutem acquirendam adminiculo esse queunt.

C*Aue, quid alicuius pretij esse putes, quod ad virtutē non conducat, nec eos qui in illud studia impendūt meliores reddat. Ad virtutem porrò ducit, virtutis seētatores imitari, & cum temperantissimis modestissimisque hominibus, non verò dissolutis familiaritatem*

contra-

contrahere; cum pacificis, & quibuscum versari utile sit, non verò cum litigiosis & contumacibus. Sciendum namque imprimis, vitium què facilius addiscere & assumere, quàm virtutem. Si enim virtutem addiscere facilius esset, oporteret certè illam alijs cōmunicare valentes, cū pessimis hominibus conuersari. At cū id perdifficile sit, longè sanè melius est, tutò agere, et omnino improbos fugere. Si enim illi nullam è probi conuersatione & commercio utilitatem capiant, cur ipse damnum accipiat?

Hieraci Diacono.

461

Animum quàm corpus excolere præstat.

De bonorum societate.

N*atura necessitati & certis terminis restricta est; arbitrium verò & voluntas nostra, libertatem & liberam facultatē habet. Cur ergo corpus exornans, animam negligis? Vt enim sexcenta facias, corpus deforme nunquam pulchrum feceris, animā verò ad summam pulchritudinem adducere, si velis, facilissimum est. Et illud quidem, esto fieri etiam posset, inutile esset, & aliorum expositum inuidig; hoc verò & utile, & extra omnem inuidiā, & supra obloquentium liuorem est. Si autem difficile & arduum existimes ad ipsum virtutis apicem*

apicem pertingere ; noris tamen fuisse qui id egregiè præstiterunt, & ex imo malitiæ barathro ad summum virtutis culmen euaserunt . Si inquam hoc tibi arduum videatur , à vitio saltem abstinere , & viam ad virtutem conducentem ingredi . Etenim, te vel parū tui dissimilem fieri, noli ut parū & tenuē quid existimare. Id fiet, si nec ipse mala facere, nec ea facientibus familiaris esse volueris , sed bona simul & bonos frequentaris . Probos enim viros, ne quidem qui eos odit, fugere debet, improbos verò etiam is qui ipsorum amicus est .

Theodoro Augustali .

462

Comitatem potius quam superbiam , & fastum imperantibus conuenire .

Non iactabundum, arrogans, & superbū ingenium, ut ipse existimas, Principes et rectores decet, sed lenē ac facile, & nemini non se ex benignitate accommodare . Illud namque ferinum & serpētinum est, hoc regium, et subditis longè utilissimum . Neque enim Rectorū & Principum fastu, sed prudentia res subditorum in meliorem statum rediguntur . Ille enim tam ipsis , quam subditis periculosus est ; hæc utrisque tuta & secunda ; illis quidem, si imperium ad statum & mentem popularem verge-
re, eique se accommodare debere credāt ; his ve-
rò, si

*rò, si Principum bonitatem & facilitatem in
amorem, qui timore potior sit, commutent.*

Alypio.

463

Theatrale vitandum studium.

Q*ui Theatra perditè diligit, vir optime,
etiã infamis fit amator. Illa igitur fu-
ge, ne hinc amor in te quispiam oriatur.
Satiùs namq; est morbum radices non agere,
quàm iam radicatum euelli, quod alijs quidẽ
perdifficile, alijs verò impossibile videtur.*

Diogeni Diacono.

464

Amici non deferendi.

C*um germana, sincera amicitia fiduciam
quamdam & securitatem pariat, quor-
sum, quæso, eos qui ab amicis tuæ sunt fidei cõ-
crediti, in apertum discrimen coniecisti? sed fe-
cisti id forsàn, quòd ante synceram amicitiam
numquam colueris, aut perfectus amicus num-
quam fueris.*

Asclepio.

465

Cedant arma togæ.

*Cic. l.
off.*

Q*uòd ostendere forsàn velis, mundanæ sa-
pientiæ ipsam militarẽ fortitudinẽ præ-
stare hinc affers nobis oratorẽ, dicentẽ. Quantũ
quod*

Plutar-
chus in
Themis-
tacle.

Conf.
epist.
474.

quod manifestum est melius est eo quod clàm-
fit; & honorificētius est, aperto Marte vincere,
quàm supplantando & ex insidijs; tanto hone-
stius & praeclarius fuit muros à Conone, quàm
Themistocle, construi; ille enim clàm, hic verò
id fieri prohibentes debellans, ea cōstruxit. Ego
verò dico & respondeo, nec hanc, nec illam ma-
gni à nobis fieri, sed illam, nisi diuina scientia
cōhonestetur, nullius esse momenti arbitramur;
hanc verò prorsus damnamus. Christus namq;
iniurias ferre nos docuit, non inferre. Veram-
porro fortitudinem esse ducimus, res arduas ac
difficiles nihil morari sed despiciere, & generose
quacumque inciderint sustinere. Si verò & cō-
tra oratorem illum aliquid dicendum est, dico
equidem: sed qui, optime orator, sapientia vin-
cit & superat, certum est eum vicisse; si verò
contigerit eum & in bello superiorem fieri, etiā
amplius; qui autem fortitudine sola vicit, non
liquet, an & sapientia praeualeat si armis su-
peretur.

Zenoni.

466

Conf.
epist.
358,
448.

Hermogenis Episcopi laus, & modestiae hu-
militatisque commendatio.

Hermogenes Episcopus, bonus vir, si quis
alius, est. Etenim in lege Christi educa-
tus,

tus, Apostolicis exemplis institutus, Episcopali autem dignitate digna & sentiens, & faciens eam gloriam sibi & laudem comparauit, quæ unâ cum tempore accrescit. Nam inuidia, quæ alios ex virtute vitam instituentes rectè et irretortis oculis intueri nō veretur, hunc ob mansuetudinis & temperantiæ magnitudinē, respicere quidē ausa est, eius enim vigilātia quæ ad gloriosissima et clarissima opera nata ac nutrita est, & humili de seipso sensu exornata, etiā ipsam inuidiā optima quæque destruentem ac corrumpentē subegit. Itaque si tu illius insistere vestigijs statuisti, in illum, velut in archetypū quoddam exemplar intuendo, virtutem tuam modesta quadam & humili de teipso opinione confirma & sigilla: sic namque egregiam custodiam ac præsidium, & tutissimum signaculum, rectè factorum tuorum thesauro appones.

Helie Presbytero.

467

Non pudor est nihil scire, pudor nil discere
velle.

Conf.
epist.
387.

Qui docere quidem nihil potest, at discere vult non est omnino reijciendus; at qui cum nihil norit, etiā docere præsumit (in quo insignē et summam imperitiā suā prodit) nec discere quid poterit, opinione qua aliquid scire se putat, hoc impediens.

Sereno

Sereno Diacono.

468

Superbi & elati deprimendi.

QUòd ea super quibus disceptasti, & iudicio mecum contendisti, minimè obtinueris, sed apertè succumbendo, nūc gratia ut tibi fiat postulare videris, euidenter ostēdis, te sub gratiæ nomine, ea quæ iudicata sunt, irrita reddere conari: at si et iniuriam tibi ab eo qui rem iudicauit factam esse dicas (quòd enim iustè iudicio succubueris hic tacebo) hoc vnum dicam, eam sic iudicatam fuisse: neque enim sic iudicata fuisset (cū iudex syncerus & prorsus incorruptus sit) nisi iustitia ipsa id exegisset. Verumtamen, & iam post victoriam gratiam tibi facio, ut qui neque initio contendissem tecum iudicio, si te ipsum recognoscens, veniam à me postulasses. Etenim errantium, non tamen errare se putantium, factus deprimendus est, respicientibus verò & pœnitentibus venia danda.

Heroni Remp. gerenti.

469

Bonorum sodalitas grata.

NOli, postulantis, & armentum relinquētis tauri ritu, à sacris te conuentibus & congregationibus segregare & subducere, sed
maxi-

maximum quoddam ornamentum esse reputa-
cum sanctis hominibus agere & conuersari.
Hoc namque non ornamentum modò sed & se-
curitatem tibi ac præsidium conciliabit, ne in-
fernali belluæ præda fias.

Hermino Comiti.

470

De Eusebij Episc. Pélusij erratis.

Conf.

epist.

451.

lib. 1.

241.

lib. 2.

50 121

lib. 3.

97.

178.

367.

lib. 4.

45.

SI spissa ut scripsisti, & illunis quædã nox
sub Eusebio, rebus incubat: supplicia nam-
que statim post calumnias sequuntur, ita ut
nullæ ad veritatem indagandam dentur indu-
ciæ, & delictis adhuc penè incognitis, statim
contra iniquè & contumeliosè accusatos senten-
tia profertur; & falsò confictæ accusationes,
quæ nihil veræ reprehensionis in se continent,
insontes rapiunt, legibus ac decretis in dedecus
cõfusionemque nequiter ac petulanter cõuersis.
Qui enim assiduè apud eum agunt, illius mores
vitæque rationem attentè considerantes, et suã
ad eius normã componentes, à fontibus ac noxijs
ad innoxios & insontes calumnias transferre
non verentur; qui autem verè improbi sunt,
hos ob munera, quæ ab ipsis accipiunt, insontes
vice versa pronuntiant, qui verò, ius & facul-
tatem deferendi habentem pecunia data corrũ-
pere detrectant, hos inter turpissimos ac nequis-

L

simos

simos referunt. Quod enim calumniosè aliquē
 criminari ac deferre fas iam passim sit, hinc il-
 li quidem, quamuis grauissimorū sint criminū
 rei, auro castigationē & pœnam euadūt; hi au-
 tem cum non solūm puri ab omni crimine sint,
 sed & prerogatiuis multis abundant, ceu im-
 probi capiuntur; quod iniquos cōsiliarios & in-
 sidiatores auro vel non potuerint, vel notuerint
 sibi deuincire. Ad sacerdotiū porrò promouetur,
 non tam qui virtute sit plenus ac præditus quā
 qui opibus cūm abundet, dignitatem illam au-
 ro mercari decreuit, est alia summe nequam
 sit. Ergo si qui hæc, & his plura maioraq; fecit
 nondum pœnas hic dedit, Dei prouidentiam,
 noli insuriæ damnare; ac longanimitatem eius
 potius admirare, utpote qua lapsos ad pœnitē-
 tiam vocat; eorū verò qui nec resipiscunt, nec
 pœnitent, indolentiam, utpote quæ ipsos ad acer-
 bissima tormenta conducit, deplora.

Eudemoni Presbytero. 471

Ad virtutem fortitudinemque hortatur.

Quandoquidē tempus iā venit, quo quod-
 dam virtutis specimen dandum est; &
 quod simul ostendet quantum animi
 magnitudine et generositate vulgo præstes; hinc
 contra te malitiosè initum consilium ceu lucrū
 quoddam reputa, atque ut tale suscipe; ac tem-

pori

pori ad virtutem te vocati pareas nihil, quod turpe, infame, & muliebri sit, agendo vel præte ferendo, sed maior quam ut ab ullo tētationis incursu expugnari possis, videri satagēdo.

Posidoni Presbytero. 472

Deum offendere summa est improbitas.

DEum, qui illos honorauit, offendere, omni calamitate & supplicio grauius existimandum est: neque enim dolorem & cruciatū, qui ē supplicio sequitur, tam fore grauem opinor, quam grauis erit infamia ex eo, quod cum qui ipsos, usque adeo honorauit et glorificauit, offenderint proueniens: præterea eos hac ipsa arma; per quæ honorati sunt euidenter contra ea dantem cepisse, & honore aduersus honorantem apertè abusos esse, omnem insaniam longè transcendit. illud namque incredibilem spirat dementiam, hoc incurabilem insaniam. Decet itaque eos, qui sacris initiati sunt, uti & Reges, ab omni tyrannica & turpi passione seipsos liberos & immunes custodire.

Maroni. 473

Fugito peccata, & famam malam facile sedabis.

Opera et facta ut plurimum, fama sequitur: quæ si vera est, nō facile, fortè etiam nūquam extinguitur; at, si mendax, & ab

inimicis ex sola inuidia confecta, ad instar tela-
 aranearum, quamprimum dissoluitur. A pra-
 uis igitur operibus abstine; si nolis, cum fama
 quæ ubique de te sparsa est, ex postulare noli,
 neque enim possunt è radice rami nõ pullulare.

Isidoro Episcopo.

474

Hominem iniquum, & iniutiosum admo-
 neri suadet.

CRedo equidem fore, ut si is qui suæ potē-
 tiæ confidit, è tua sanctitate cognoscat,
 quod Deo laus, Ecclesia cœlesti auxilio firmi-
 ter corroborata sit, & leges confirmatae nullus
 præter fas & æquum, pauperem in contumeliã
 Ecclesiæ, quæ iniustè oppressis manum auxi-
 liariam porrigit, opprimere possit; imò verò à
 pauperis, aut potius suis ipsius (neque enim tã-
 tum qui iniuriam patitur detrimenti & iniu-
 riæ capit (ut hoc per transennam dicam) quan-
 tum qui illam infert) violatione abstineat.

Athanasio Presbytero.

475

Virtuti potius veræ quam fucatæ orationi
 studendum.

NVper ex alijs audiui, nunc verò re ipsa
 cognoui, optimũ te dicendi artificem esse,
 ut qui

ut qui de rebus adeò absurdis & malis decorũ
& elegantem orationem texere potueris, at nõ
tam is laude dignus, qui ipsam veritatem ver-
borum artificio tegit & expugnat, quàm qui
quod verum est, vnde & siue vlla arte depro-
mit. Quocirca hac elegancia & eloquentia,
omissa, veritatem sectare, & vitam tuam ad
illius præscriptum directionemque ordina. Vt si
enim homines circumuenire falsis dissertatio-
nibus potueris, & apud illos quàm maximè id
faciendo lateas, qui tamen paralogismis, fal-
sisque argumentationibus decipi nequit, ludi-
cem numquam decipies.

Martiniano, Zosimo, Maroni, Eustathio. 476

Ad frugem bonam eos inuitat.

Conf.
epist.

INcidi nuper in virum sanctum, cuius offi-
cium & partes sunt pro lapsis et delinquen-
tibus Deo identidem supplicare (nostis quem
dicam) simul ex eo intellexi, vitam vestram
perpetuarum ei esse lachrymarum occasionem.
Erubescēs namque ob ea, quæ passim ab omni-
bus de vobis iactantur, illum consolari volen-
tibus sic respondit. Sinite me amare flere, nec
me consolari velitis. Deinde, ubi se nonnihil
à deplorando collegisset, nescia quid medians

311.
445.

(neque enim incerta commemorare tutum est) velut numine quodam derepente afflatus, & oculis in cœlum conuersis, perinde ac si omnium rerum Dominum vidisset, exclamauit. Gloria tibi sit, ò Rex gloriæ Quanta longanimitatis apud te pelagus est! Quantus malorum tolerantia thesaurus! Qui enim obscuris & inglorijs natalibus orti, clari & illustres propter nomen tuum euaserunt, hi honore cōtra te qui eos honorauit, abusi sunt, non audēda audēt, & in sacrosancta inturi sunt, maiora patrātes, quā ut veniē consequantur. Quamobrem, si & ille qui pro alijs deprecatur ob enormia vestra scelera diuinam longanimitatem & patientiam velut consternatus obstupuerit, quis tandem pro vobis supplicabit, quis deprecabitur, quis patroni munere fungetur? Cognito igitur, quō malorum deuenēitis, ab horrendis illis flagitijs committēdis abstinete.

Olympio, & Isidoro.

477

Quis verē sapiens. Virtus cum doctrina coniungenda est: illa enim fructus, hæc foliorum instar est.

Sapientem illum statuo, non qui Poetarum rapsodias, Rethorum & oratorum elegantias, et Philosophorum subtilitates, uti ipse putas; assiduē in ore habet; sed qui mores debite

exto-

excoluerit, viramque prout oportet, composuerit. Huiusmodi namque virum minimè ab illis arbitror celebrari & dilaudari. Tibi namque improbitas ad dicendi artem & eloquentiam accesserit, multò maiora & grauiora, quam ipsa imperitia & inscitia, mala causari solet. Si verò quod dico, mirum fortè tibi videatur, testem dicti meliùs profero. Thucydidem, qui sic habet: Imperitia modesta vtilior longè est industria cum libertate coniuncta. Quamobrem se nequidem bonum ingenium, quod à natura accepimus naturalemue dexteritatè, ille probauit (etenim damno id est, ipsum non rectè excolentibus & vitibus) ob externam certè disciplinam & sciētiam, cum mores & viuendi ratio dissoluta fuerint quasi alicuius ea sit pretij, vix commendationem meremur. At siambo simul vni obtigerint, sapientia scilicet ac doctrina, id est mores et dicendi facultas, bene se habet, si autem alterutro carendū, praeligendum certè quod melius est. Hæc porrò ita se habere, testatur quoque, quem vel solum in ore assidue habendo, gloriaris, Plato. At enim. Animas bene natas & bono donatas ingenio, malā verò nactas institutionem, extremè improbas fieri censeo, magtraque flagitia, & insignem improbitatem è mala, non verò è iuuenili natura

lib. 2.
bell. Pe-
lopor.
in orat.
Cleo-
nis.

In La-
chete
& 6. Po-
litic.

quam educatio deprauarit, oriri; imbecillè ve-
rò tenuè & infirmā naturam, magna nec ma-
la, nec bona aliquādo producturam. Ergo, &
& historicarum principem, & philosophorum
coryphaū, mores sermone, & vitæ rationē mul-
tiplici scientia potiores duxisse videamus, quid
quæso, absurdi dico; cū fructum solys præeli-
gendum esse dico; fructum enim appello virtu-
tem, folia verò eloquentiam. Folia concussa &
agitata arbori quidem aliquod ornamentum
& decus conciliant, fructus tamen solus est qui
quæritur, propter quem etiam folia facta sunt.
quæ & hinc fortasse cūlla, quod fructum
cūllatæ, id est custodiant, appellantur.

Eidem.

478

Conf.
epist.
482.

De Zosimi, & sodalium vitijs.

QUæ nuper ad te scripsi, valdè tu quidem
es miratus; ea tamen videris refellere,
& contrà sentire, dum rescripsisti, quā
ob causam Zosimus, Eustachius, & Maron, qui
neque sermone, neque moribus compositi sunt,
sed utraque in re admodum inepti & imperiti
sunt, adhuc, omnium fabula & ludibrium fa-
cti sunt, sacerdotio fungi videantur. Ego ve-
rò simpliciter & clarè apologiam meā texam.

Nam

Nam siquidē ita de illis locutus essem, ut virtutem institutione & doctrina omni potio-
rem duxissem, iure optimo me ad apologiam scribē-
dam, meque defendendum compulisses: at cum
personarum nullam mentionem fecerim rem-
verò ipsam in se examinarim (adeò ut & ip-
se scriptorum venustatem simul & veritatem,
uti scribis admiratus, maiores a quo laudes in
me contuleris) quorsum, obsecro nunc homines
qualitercumque vitam suam instituentes in-
medium protulisti, quasi nuper à me scripta
sunt hoc pacto refutaturus? Neque enim, etsi
sexcentis illi sceleribus scateant, & (uti scrip-
sisti) iniquitatibus suis omnes superarint, ora-
tio nostra, à veritate ipsa cōfirmata propterea
falsa fuisse, deprehendetur, aut subvertetur. Sed
illi quidem iam tales sunt, atque ultra presen-
tem infamiam intolerabiles. postea pœnas da-
bunt; veritas autem hinc magis elucescet, quòd
hic à pauculis improbis sugilletur, imò per hoc
ipsum multò illustrior reddetur, quòd videli-
cet aduersarios & osiores suos infames esse,
declaret, amatores verò suos celeberrimos ef-
ficiat.

Eutonio Diacono. *lingua* 479
 Multi merentur nomen, idque non habent,
 & è contra.

Quotnam putas homines sine ullo prorsus nomine & obscuros & inglorios in hoc mundo iam esse, qui tamè reuera multo illustriores & præstantiores fuerint ijs, qui omnium ore & sermone iam celebrantur, quia scilicet hi Poetas & Scriptores hæc sunt, qui quidquid gesserunt, non ex vero, sed è mero dætaxas affectu & animi erga illos studio diu dicant, & egregiè facta in cæli laudibus effeferunt; illi, verò, ob inuidiam (quàm illustria facinora sequi semper solet), nullos præcones & celebratores habuerunt. Verumtamen, tametsi illi quidem, hoc in mûdo celebrati, hî verò obliuione præsti & sepultri fuisse visi sint; mundo tãdem confirmato, in altera vita eos, qui reuera illustres & gloriosi sunt, videbimus, cum ipsa diuina iustitia non iuxta hominum opinionem & sententiam, sed è propria, quæ & sincera, & pura est, nullique affectui obnoxia iudiciû ferret. Noli ergo animum contrahere, si cum cælis ciuis & inquilinus inuidentium tibi & maleuolorû linguas, mucrone recēs ex acuto acutiores, in te stringi sentias: imò verò, vel propter hoc ipsû illustriorè clariorèq; futurû te spera.

Eidem :

480

Virtutis studium præmijs spe alitur.

SCitos fieri nō posse, ut quis in laboribus pro virtute suscipiēdis iam inde à principio ad finem usque constanter perseueret, si aliqua præmiorū spes & expectatio huic sudori permixta nō sit, quæ sine ullo dolore, & leuiter, & quodāmodo cum gaudio, ad finem usque certaminū hominem sensim deducat. Si ergo aliquam videris virtutis labores (qui prudentibus voluptates quædam & deliciae sunt) fugientem, noris hunc bonam spem non habere.

Eidem.

481

De corruptis Cleri moribus.

HOrrendum & valdè horrendum quidem est, ad sacerdotium nūc. promouere. Horū quippe alterutrum cōtinget: ut vel ordinatus, si iuxta antiquos & Apostolicos Canones vitā instituat, alijs sit exosus, & ab ijs, qui noxiā & malam consuetudinē quæ nunc inualuit velut diuinā quamdam legem seruant, & rectē viuētes proscribūt, insidijs petatur: vel ut manus tandem vitio det, sui ipsius salutem negligat & alios plurimos vita sua scandalizet: ab quæ & grauissimas postea pœnas dabit. Felicitissimum igitur est, numquam ad sacerdotium affectu propendere: si verò sine ulla propensione & affe-

& affectione ordinatus quis fuerit, primum illum quem dixi scopum pro oculis habeat, & cū libertate quadam loquendi antiqua & Apostolica facta gesta que renouet, nullatenus ijs qui nunc sacerdotium nundinantur, omniaque sibi & dicere & facere licere arbitrantur, in peccatis cooperando. Satiū nāque est, aliorum indijs appeti, & sacerdotio indignum iudicari, quā id genus hominibus connumerari & aggregari.

Lampetio Episcopo.

482

Conf.
epist.

440.

lib. 2.

epist.

437.

440.

De improbitate Zosimi sociorumque. Pro
ijs orandum.

Non sugillare, sed deplorare, debes Eusebium, Charemonem, & Zosimum, sceleratorum omnium, uti scribis, sceleratissimos, atque in malitia nemini concedentes. Si verò Eustathius & Maro qui illorum quā proximè sectantur vestigia, cum illis minimè concurrere, & certare potuerint, sed & illis cedere hoc constet; ad Deum orandum me conuertam, ut & illis, & his pœnitendi resipiscendiq; facultatem velut è machina quadam de subito apparendo, dare dignetur. Forstā enim etsi per hoc euadere non possint, ut tam turpiter, & tam sœpè peccato non succumbant, aliqua saltem

em hinc ipsis in grauibz illis tormentis alleuiatio, & consolatio orietur.

Theodoro Scholastico.

483

Vt vires desint, voluntas laudanda.

Conf.

ep. 23.

A Maximis vinci laudationibus turpè non est eos, qui paria dignaque ijs afferre verba non queunt, vti nec par est illis qui dignitate & statu inferiores sunt, in ijs quæ facere ipsi pro viribus possunt, cōcedere. Qui enim laudare alium quidē intendit, at in eo deficiēs minimè potuit, eo saltem nomine laudem promeritus est, quòd id facere voluerit & intendērit. Quare si inepta rusticitatis infamiam eundere volumus, illos, quorū laus maior est, quàm ut verbis equari & exprimi valeat, laudare conemur: satius namq; est eos, qui quoad verba succumbunt & superantur, ob rectā tamen voluntatis huius intentionē et conatū dilaudari.

Eidem.

484

Belligerandi, & societatis bellicæ discrimen.

Conf.

epist.

285.

M Vltò tutius est, bello omnino non appeti, quàm ab alijs in eo iuuari: illud namq; quietem tumultus omnis expertem adfert, hoc verò, sapè cogit pugnare vnà cum ijs, qui aliàs nobis auxilio venerunt (tametsi hi iniustum bellum susciperent) & iniustam gratiam pro iusta rependere.

Ischy.

Iſchyrioni.

485

Spretis mundanis, & caducis cœlestibus
studendum.

TVM caliginosam imaginariarum rerum
vitæ huius obscuritatem, tum diuinæ
Philosophiæ lucem, mihi videris ignorare. Vnde
tibi eorum qui vtrumque re ipsa & per ex-
perientiam cognouerunt fide dignum testem,
vnum necesse est adducere: nobis enim forsitan
credere noles. Quemnam ergo fide dignum &
sufficientem putas? Vis; Salomonem in mediũ
adducamus? Hic enim quamdiu rerum sæculi
huius amore et affectu tenebatur, eas vt maxi-
mas, & omni admiratione maiores reputa-
bat, totamque ijs curam & sollicitudinem im-
pendebat; nam & magnificas construebat do-
mos, aurum plurimum coaceruabat, diuersos
symphonicorum choros sibi faciebat, varia fa-
mularum, mensalium & coquorum genera pos-
sidebat; adhuc luxum è vestibus, hortorum ac
pomariorum delicias, & quam pulchra corpo-
ra dant delectationem & voluptatem, laute sibi
abundeque comparabat, omnem denique, vt
ita dicam, ad oblectamenta ac recreationes vitam
sibi sternebat. At postquam se inde, velut ab insa-
nia quadam, paulisper abduxit, et quasi è caligi-
noso quodam labyrintho egressus clarissimum

super

*super cœlestis illius Philosophiæ lumen contue-
 ri potuit, tunc demum in sublimē illam ac cœlo
 dignā sententiā proripit: Vanitas vanita-
 tum, & omniā vanitas. Si igitur ille, qui in tē-
 poribus magnā philosophicæ vitæ perfectionē
 & accuratationem requirentibus, natus non est,
 rerum omnium fatuitatē intelligere, magnāq;
 earum vanitatem cognoscere potuit; quā nos
 digni venia erimus, qui quidem ad sublimiū
 philosophiæ ac modestiæ fastigium pertingere
 iussi sumus, hanc tamen emittere cum ipso vo-
 cem non possumus, sed ita nos umbris & som-
 nijs undiquaque inuoluimus & implicamus,
 ut & salutem negligamus?*

*Ecclef.
 1.2.*

Lamprepio, Strategio, & Casio. 486

*De quodam quem illi ad quos scribit, accu-
 sare instituerant.*

A Nne litteras, eò quòd in tempore suo non
 apparuerint, earum desiderio victi accu-
 sare decreuistis? credo equidem, non tamen ille
 accusationem, quæ per silentium contra se cor-
 roborata est, vacuam & nudam inueniet; sed
 ideo se & facilius & citius defendet, quòd cor-
 poris imbecillitas & inualetudo silentium il-
 lud causarit.

Nito.

Pro acceptis à parente beneficijs, liberis vicem referendam monet.

NOsti, aliquem tibi, cùm orphanus ipse & pusillus esses, patris loco fuisse. Cùm ergo is ex hac vita ià excesserit, huius verò filij aliquo qui manum ipsis porrigat, & orbitatem suam subleuet & soletur, opus habeant, rectè haud dubiè feceris, si & tu ipsis patris loco fueris, eam quam pater ipsorum in te, beneuolentiam in filios eius ostendendo.

Diuitiarum nulla satietas.

Conf.
epist.
142.
545.

ET si auri cupiditas omnem penitus pœnā parui faciat, & nihil non arduū & graue aggrediatur quò insatiabilem passionem suā exsatiet, tamen quòd neque dum ipsum possidet (esto omnium possessiones etiam acquireret) quietem aliquam consequatur, sed morbus hic semper adaugeatur, ac tandē prorsus incurabilis fiat; equū certè foret hanc cupiditatem tandem cessare, utpote quæ hoc solum sectatur ac quærit, quòd per multa etiam pericula ac pœnas inuenire non potuit. Nam postquā quis opes appetere desinit, tunc demum satietas sequitur:

quitur; sed quamdiu semper auidè eas conquirit, cupiditas ipsa semper increfcit & exulceratur cùm paucis contentus est, tum demum diues est; cùm plura concupiscit, pauper censendus est. Si porro contrarium diuitiarum amatori contingere soleat (quod enim is appetit & quærit, consequi non valet) hanc ipsam passionem quantocius fugiendo, & opum satietatem, & recreationem, simul et honorem consequeris.

Eidem.

489

Qui quæ vult dicit, quæ non vult audit.

Solent qui nihil boni de bonis loquuntur, nihil etiam boni ab alijs accipere; qui verò etiam detrectant & maledicunt, etiam mali quid audire.

Theodosio, Epimacho, Paulo Monachis. 490

Continentiæ, & virginitatis discrimen.

Quæ continens est, viri optimi, vicit postquam iam cladem passa est; quæ verò virgo, puram ab omni clade & subactione victoriam consequitur.

Zosimo Presbytero.

491

Mortui lingua non lædendi.

Vui solent calumnijs incesſi, cum iam defunctis etiam hoſtes conciliantur & fœdus ineunt. Cur igitur ipſe & natura, & inimicitiarum terminos tranſgredereſ, dum vita iam functum calumniariſ & laceſſiſſinam putas quidẽ te ſolũ aduerſus cinerẽ & puluerẽ linguam ſtringere; ſed heus primũ ipſum ſacroſanctum ſepultura ius violas, quod tamen nemo non ambit & habere ſtudet: deinde, habet is animam immortalem, cuius oculus ille peruigil & ſemper excubans vindex eſt.

Nilo.

492

Locus, & tempus peccatum aggrauant.

EAdem numero peccata, propter locum & tempus quo committuntur, grauiora in ſe fiunt. Verbi gratia, homicidium res horrenda eſt; at ſi in loco ſacro committatur, fit magis horrenda; ſi verò & tempore ſacro; maximè horrenda. Quare ſi homicidium in ſe res mala ſit, à loco verò & tempore malitiæ incrementũ accipiat, ſic certe id maius et horribilius efficitur.

Paulo Hypodiano.

493

Nemo niſi à ſeipſo, læditur.

NOli, vir bone, curare, ne quis tibi noceat; ſed quomodo, tamen ſi quis velit nocere
non

non possit. Hoc porro ex alia re non oritur, quàm ex eo quòd quis habeat quæ sibi satis sint, & plura habere non concupiscat.

Eliseo Monacho.

494

Commendat ob virtutem & doctrinam quã ex Theodosij conuictu imbiberat.

T*Ametsi familiaritatẽ & conuictum tuũ cum sancto viro Theodosio tẽpus perbreuem fecerit, suscepti tamen à te calores id quod ex eo commodum & fructum accepisti, egregiũ & magnum reddiderunt. Nam tam celeriter, & in moribus, & in sacrarum litterarum cognitione te efformando, profecisti, & optimus in pingendo imitator factus es, ut nullum alium ille discipulum te potiolem et ducat, et habeat; & tametsi ipse verbis non prodas quem magistrum habueris, id tamen ex ijs quæ agis satis superque liqueat.*

Strategio Monacho.

495

Rebus caducis animus neque extolli, neque deijci debet.

Q*uisquis Philosophicè rerum secularium naturam considerauerit, eas nempe præterfluentibus fluminibus, fumo in aera dissipato, & apparenti umbræ nihilò meliores, sed & deteriores esse; is nec secundis aliquando se efferet, nec aduersis & tristibus deij-*

cietur, sed in ipsa illarum mutatione, mentis et animi sui constantiam integram retinebit. Qui enim bonis presentibus affectu non adhaerescit, ille ijs absentibus non contristabitur, nec animo deicietur.

Zosimo Presbytero.

496

Gulæ atque ingluuiei accusat.

S*I, ut referunt nonnulli, cum extrema paupertate aliàs miserè es luctatus, cur ergo nunc delicatam & lautam vitam ducis? Cur mensam instruis non ijs quæ domi nascuntur, sed ferculis tuis & missibus etiam Siculas delicias adijcis? Horum unus, has tibi ut litteras exararem me impulit. Si enim multi, cùm delicatis ac splendidis natalibus nati essent, per philosophiam frugaliter vitam instituere didicerunt, è quo deinde maximum ei commodum, & gloriam retulere, quomodo tu qui à pueris assueuisti tenuiter viuere, et tenuiter es ac frugaliter educatus, sic in contrarium relapsus es? Redi ergo ad dilectam tuam, & cui assueuisti, frugalitatem, ne & tibi hominum obloquentiũ procellas (etenim deliciae contumeliam & probum pariunt) & sacrosanctæ religioni nostræ dedecus & infamiam concilies: qui enim egregiè*

giè in illam animati & affecti sunt, magnopere tibi succensent, quòd tuam ob ingluuiem illa malè audiat & sugillesur.

Theognosto Presbytero.

497

Qui verè sapientes appellandi.

QVicumque sapientiam, quæ omnia in se bona complectitur. (ut omnium Dominus huius nomine potius, quàm alio quolibet nominari gaudeat, utpote qui pluribus nominibus nominatur) prauum & vile, quid esse existimant, audaculi, meo iudicio, sunt censores: sed qui eam quidem habere desiderant, attamen labores quibus diuina sapientia comparatur adire recusant, ne è negligentia & ignauiâ quadam in postremis esse videantur, sapientibus inuidentes, illius nomèn sugillant. Sapientes autem intelligo eos, non qui Platonis sublimitatem, Tbucydidis grauitatem, & Demosthenis grandiloquentiam emulantur, sed qui de diuinis dogmatis accommodè differere ac de ijs dare rationem possunt, nec si fortè silentio superentur, id è propria ipsorum ignauiâ contingit. Auditores enim non tam dicentis imperitiâ, quàm ipsius doctrinæ supinitatem ac putiscentiam carpunt.

Alphio.

498

In eos qui publica Ecclesiæ bona in priuatos
loculos conuertunt.

Quod commodum proprium ac priuatum
publico præponere, nemo non ut bonum
& patius ducat, hinc Ecclesiæ res pes-
sumit: contra verò faciebant illi, qui in prima-
ua maiorum fide nati sunt. Illi quippe propria
in commune conferebant, nunc verò quidam
communia sibi vindicando, et in domum suam
auferendo, ex alienis incommodis & malis lu-
crum facere non erubescunt.

Nilo.

499

Non est idem à grauibz irrideri viris,
& perditis.

A viris grauibz & modestis irrideri,
grauē est, à dissolutis verò & lasciuis,
minimè molestum. Qui enim rectè de rebus iu-
dicare nequeunt. & in sententia ferenda er-
rant, ea quæ omnem admirationem superant,
rident.

Petro.

500

Quanta diuersitas sit animi coelestia medi-
tantis, & eius qui circa terrestria,
& mundana versatur.

Magna & generosa ille nequit concipere
aut cogitare, qui parua & praua ope-
ratur:

ratur : cogitationes namque operibus responde-
re & sequi solent. Nam qui corporalia & sæ-
cularia identidem tractat, cœleste vel angeli-
cum nihil cogitabit; qui verò cœlo dignam &
conuenientem vitam viuit, ille seculares & ad
vitam hanc spectantes res ceu nagas, inanias,
umbras & somnia reputabit. Vnde abiectus et
pusillanimis meritò est appellandus, qui paruis
ac tenuibus rebus gloriatur & insolescit; ma-
gnanimus verò, qui quæ verè magna sunt, ijs
quæ talia esse tantum apparent, potiora ducit.

Eutonio Diacono.

501

Seipsum decipere omnium facillimum est.

Cum multa facilia & obuia sint, nihil ta-
men adeò facile, quam à seipso quemque
decipi: suum enim unicuique consilium, magnū
esse videtur. Quòd enim homo res non conside-
ret ut in se sunt, sed suam ipsius opinionem &
sententiam totis viribus stabilire intendat,
hinc quod mente vult, idem & ratum habet;
est res ipse in se sæpè aliter fieri iubeant, &
reclament.

Vr senuphio.

502

Meticulosi timore fortes adulatione
superantur.

Fortes & masculos animos exsuperat adu-
latio, imbelles verò prosternt metus: in-

illis namque verba suaforia nihil videtur posse facere, & vi carere, his verò metus nimis quàm impotens dominus est. Et illi quidem, quòd aduersarijs se dedant superantur; hi verò eo ipso quòd se non dedant se dedunt. Noli ergo putare omnes eodem medicamento & modo iuandos: sed si singulis patientium passionibus & affectibus conuenientia remedia attuleris, tum demum illa te perfracturum & superaturum spera.

Palladio Diacono.

503

Perstringit quod rebus bonisq; terrenis ambitionis, & gloriæ causa in speciem se abdicarat.

Siquidem res temporales verè prout sunt in se, perspectas habeas, nihil tibi cum illis commercij esto. At si è vana quadà gloria illas oretenus quidem crimineris, eas tamen interim velut aternas complectaris, ne speres, te eos qui per has ipsas secùs & aliter à te edocti sunt, posse decipere.

Sereno Diacono.

504

Honorari vis? honorem fugito.

Si gloriam queras, gloriam sperne ac tunc illam reuera consequeris: contentiosum quippe hominum genus est, & quò præcellat et prima-

primatum teneat, perisula subire amat; circa id verò quod vile & abiectum est, etiam cum voluptate quadam se submittere solet. Vincere namque studet eum, qui victoriam ambit & vincere conatur, at cum voluptate quadam vinci & superari gaudet ab eo qui victoriam non desiderat.

Clero Pelusiaco.

505

Bontheia vnde Græcis dicta.

V Idemini ignorare quod sit τὸν Bontheias etymon: dictū verò id est ἀπὸ τοῦ Bontheias (id est cum voce & ad vocem accurrere) Atque ideo, quòd tardiùs accesseritis, & lentiùs iueritis, feram capere minimè potuistis. Qui auxilio & ope aliena indigebat, hic praeda & opus crudelitatis insidiantium factus est.

Alypio.

506

A teneris assuescere multum est.

*Conf.
ep. 9.*

A Pud filios, dum adhuc iuniores sunt, primum de Dei supereminetia & providetia, dein apud eos iam maiores de virtute, sermo faciendus est; ut is, cum illis ceu accrescens, & velut prouectior euadens, ipsos demum viros pios & Dei virtutisque amatores efficiat,
Zosimo

Conf.
epist.
453.

Vitia verecundè perstringenda.

Opera tua vehementiùs quidem & acerbìus traduci oportebat (fortassis sic saltem erubesceres) at cùm eos qui gravitatem profitentur, linguas suas sordibus tuis minime coinquinare oporteat, hinc non nisi quàm paucissima & decentissima dicam nempe voluptates subuëtrales magnorù malorum causas esse.

Theopempto Presbytero . 508

Ad illud : Dicunt, & non faciunt .

Matth.
23.3.
Conf.
epist.
213.
233.
265.

Is qui contraria docere & dicere audent, quàm faciunt, nulla venia nec excusatio relicta est : etenim eos, qui nec faciunt, nec etiam docere gestiunt, leuiores dare pœnas par est; at eos qui his quæ docent gloriantur, quæ tamen dicunt non faciunt, grauissimas, nec ullam omnino veniam promereri.

Eidem . 509

Bellum spirituale alacriter aggredi decet diuino fretum auxilio; neque enim in copiarù multitudine semper victoria.

Si etiam in bellis corporalibus, eos qui maioribus copijs sunt instructi, sibi non oportet victo.

victoriam quasi iam certam polliceri (multa namque in his sæpè præter opinionem. & spem euenerūt; & qui statim cessit seque dedit, bonam spem non habet; at obluſtari & resistere hosti satagentem bona spes sequitur) multò magis eos qui in spiritali lucta versantur, aduersariorum potentia & numero non oportet consternari, sed eorum, qui aliàs vicere, multitudinem in mentem reuocantes, diuina fretos ope, in arenam & certamen descendere.

Zōsimo Presbytero.

510 Conf.
ep. 79.

De Eleemosyna.

113.
181.
183.
210.

EO te crudelitatis et inhumanitatis venisse quidam referunt, ut & viam quæ diuinis oraculis planè contraria sit in eas: nam cum illa iubeant, ut in eleemosynis erogandis vana non quæatur gloria, te tamen asserunt, ne quidem è vana gloria, ad nulla pauperum postulata & preces moueri ac flecti. Cum ergo noris melius quidem esse eleemosynam facere in abscondito, omnino verò nullas dare inhumanum & barbarum esse, mediam saltem inter utrumque viam insistito. Præstat namque utcūque et aliquid dare, quàm omnino nihil: hoc enim tandem à Deo castigabitur & punietur,

tur, illud verò, saltem à spectantibus hominibus præconium & laudem habet.

Eidem.

511

P*Aucis contentum esse, & animæ prodest, et corpus sanum reddit: at nimia ciborum varietas et copia utrique noxia est, illius quidem ingenium, huius verò valetudinem destruens. Porro frugalitas etiam innatos appetitus comprimit, ciborum verò copia eos quoque qui præter naturā sunt, excitat. Delitiæ enim postquam ventrem implerunt, etiam subentrales voluptates excitant. Quamobrem illa & utendum est, hæc autem penitus proscribenda.*

Maroni.

512

Auari anima quibus fluctibus malisque exagitetur.

N*emo nescit, mille tempestatibus avari animum iactari solitum esse; & certum est, in his nullam eum quietem, satietatem ac libertatem, nec aliud quidpiam sentire, utpote quia ab hisce ventorum turbinibus raptatur, et in varia distrahitur. Quis ergo talem ambiat vitam,*

vitam, in qua nil nisi scopuli, fera bestia, procella, & fluctus occurrunt, mentis verò letitia & pax longissimè exulant?

Esaia.

513

Pauperes minimè contemnendi.

ESto tibi locuples videare, pauperes tamen, ceu expugnatu faciles & parum potentes noli contemnere ac despicere; idq; vel potissimum ob pœnam & castigationem, quæ iniquè agentes & in illos iniurios sequitur. Si verò hanc parum cures, ideo saltem ab illis opprimendis abstine, quòd scias, licet ipsi forsàn iniuriam inferre & referre tibi nequeant, fieri tamen posse: ut te simul secū in interitum pertrahant. Multi namque ad malè faciendum se conuerterunt, et non solum ipsas violatorum suorum ades funditus diruerunt & anima eos expoliare sunt conati.

Eidem.

514

Sponte non coactè bene de alijs merendum.

MAximis laudibus & coronis dignos esse censeo eos, qui sine ullis scriptis obligationibus,

tionibus, ea quæ officij & debiti sunt fecerint, et innatos sibi igniculos et occasiones ad bene agendum per se excoluerūt, ad hæc suo ad virtutem impetu & appetitu liberè sine vlla coactione sunt vsi. Si porrò hæc ita se habeant, quam ijs, qui post legem datam & gratiam acceptam labuntur, nec per eam incedere viam volunt, per quam maiores incesserunt misericordiam consequantur?

Anatolio.

515

Vitanda improborum commercia.

Quidam grauitè te insimulant, quòd cū illis, quos ne aspiciere quidem fas est, libentissimè colloquaris et quos turpissimum est alloqui, hos tibi familiares reddas; quos denique præsentes colere turpe & infame est, hos etiam absentes diligas. Si ergo hi vera narrent, tuum est resipiscere, sin falsa, id opere & re ipsa ostende, ut sic ijs, qui tuis calumnijs & criminationibus lætantur, os obturemus.

Nilo, Petro, Paulo.

516

De patientiæ bono.

Iniuriarum illatarum tolerantia animæ maximopere conducit; quam si ipsi vtilem quidem

quidem esse sciuissem, difficilem tamen; permolestè sanè tulissem, me, dum si quæ in eo est difficultas, & labor (quæ tamen & facilis, & optima est) fugio & declino, utilitatem rei amittere. Nam ultionem de iniurijs sumere, et perdifficile est, & operosum, animumque turbulentis motibus complet: modestè verò easdem ferre longè satius est.

Ophelio Grammatico.

517.

A spectaculis dehortatur.

Conf.

epist.

185.

186.

463.

SI spectaculorum amatores, in scena quidè dissolutè & molliùs æquo rideant, in Circusibus verò ludis plus quàm oporteat indignantur, in illa quidem à turpibus dramatibus et comædijs effeminata, hic autem ob mutuas aurigarū contentiones velut ira rabiètes (nam Centaurorum rixas & pralia parum abest quin imitentur) quando tandem animo prout oportet constituti erunt, vel ea quæ viros deceant patrabunt? hos ergo oportet partim persuasione, partim coactione ab huiusmodi indecentia & inhonestatè auertere.

Lampetio Diacono.

518

Constantia, & grauitas, sine austerâ morositate laudanda.

Cum quis, ò natiua sapientiæ imago, sine præcipitantia generositatem, sine iniuria rigorem; grauitatem quoque omni acerbitate carentem, ad hæc temperantiam minimè crudâ & inhumanam, sed inexplicabili quadam bilaritate mixtam in moribus præfert; tunc certè is, qui has ipsas, virtutes ab omni vitio quod ipsis vicinum est & velut cohaeret puras ostenderit illustris & gloriosus erit.

Strategio Monacho.

519

Improborum fraudes homini sapienti deprehendere facile est.

Et si non desint, qui & alios occultè decipere & cum iam detecti et deprehensi sunt, fallacibus se rationibus & paralogismis excusare calleant; qui tamen Deum verè amat, is omnibus his superior & maior esse inuenitur; utpote qui sapiens quidem est, ad fraudem intelligendam, sapientior verò ad eam, quæ in sermone & verbis latet vafritiem eludendam & refutandam.

Eidem.

Eidem.

520

Non lingua tantum sed & mens excolenda.

Non ea solùm addiscenda sunt, per quæ qui acutus & ingeniosus est, summus dicendi artifex euadat, qui verò tardus & obtusior, aliquo modo perfectior, sed & illa per quæ animæ meliores reddantur; ut non solùm, eò quòd linguam suam nitidam ac puram reddiderint, verùm etiam quòd mentem exornarent, celebrentur.

Alphio Presbytero.

521

Frustra persuaderi quibusdam.

Conf.
epist.
547.

Ineptum & impertinens est causam, cur aliqui bene monentibus non auscultarint in ipsos qui persuadere ijs non potuerunt, transferre: præsertim cùm constet, hos adhibuisse & adduxisse omnia, per quæ quis persuadeatur.

Eidem.

522

De gloriæ contemptu.

Conf.
epist.

Nihil gloriæ mancipio abiectius, nihil eā contemnente sublimius: qui enim nihil

B b

magnum

magnū domi habet, quo se iactet, per externam quamdam apparentiam magnum se & splendidum esse debere arbitrat; qui verò velut è proprio fonte pulchrescit, & donis proprijs se iactat, externo nullo eget is additamento & adminiculo. Vnde illo quidem nihil miserius, hoc verò illustrius nihil esse queat.

Alexandro Presbytero.

523

Virtus laudatur, & alget.

*Conf.
ep 44.
527.*

Q*uanto prestabilius est admirari quàm despicere, tantum mihi differre videntur ij, qui virtutem non esse virtutē arbitrantur, ab illis qui virtutem quidē virtutem esse dicunt, neutiquam tamen eam amplectuntur. Nam illi quidem iudicium deprauatum, & rationem non rectē valentem habere se euidenter ostendunt; hi verò, ipsam laudando, esto eam non faciant, optimè se de illa sentire indicant.*

Maroni.

524

Malè agens reprehendi non vult.

N*efas est, eos qui improbitatem suam hominum linguis vapulant, & traducuntur, ea proferre, quæ eos qui ob virtutem suam in inuidiam vocati sunt, hoc tamen æquo ani-*

mo

mo ferunt, proferre licet. Quare vel illa facere
cessa; vel si non cesses, ea ne dicas quæ probos so-
lùm dicere decet. Absurdum namque est eadẽ
dicere, cum non eadem sit ob quam utrique ad
dicendum mouentur, occasio & argumentum.

Palladio Lectori.

525

Fide, sed vide cui te doctõri committas.

NOli, carissimè passim, te credere omnibus
qui virtutem se docere iactitant, neque
enim omnes sunt, ut ijs indiscriminatim cre-
datur, aut eorum ratio habeatur; sed ijs solùm,
quos virtus operibus exterioribus patefacta,
re ipsa condecorat, nunc quippe docere te volo
non tam ut uni credas magistro, quàm ne
promiscuè credas omnibus, qui magistri esse
volunt.

Palladio, & Sereno Diaconis.

526

Dei longanimitate non abutendum.

SIC in hac vita nos geramus, non quasi di-
uina iustitia, si fortè ob longanimitatem
eius non emendemur, se semper retentura sit;
sed quasi omnino acerbius eos, qui ne quidem
ob hanc eius clementiam meliorem vitæ ra-
tionem inire voluerunt, castigatura.

Heroni Episcopo .

527

Conf.
epist.
523.

Virtus non tam prædicanda quàm
exercenda .

Verbis quidem virtutem extollentē, opere verò vitij depradicatorē agentem, & proinde in scena agentibus similem, simulq; docentem quæ non intelligit, nec operibus confirmantem quæ sermone iactat, equidem moneo, non tam ut à virtute dilaudanda cesset (neque enim fas id est) quam ut vitio abstinereat, & peccare desinat, ut utraque è re laudem reportet ac celebretur .

Domitio Comiti .

528

De modo seruando tam in cibo, & potu,
quam in corporis exercitijs .

Para-
met.
erat.

SI, quod de corporis exercitationibus, quibus valetudo conseruatur, Isocrates admonuit, has dicens, corporis exercitationes complectere, non quæ ad robur comparandū, sed valetudini tuendæ profint: hoc porro fiet, si cū laborare adhuc posses, à labore cesses; tu ad cibos, potum, & alia omnia sine quibus vitam omnino ducere non possumus, transu-
leris,

eris, insignem hinc fructum & utilitatem referes dicens. Vtere cibo ac potu, non roboris colligendi, sed valetudinis tuendæ causa; hoc autem consequeris, si cum adhuc edere & bibere amplius possis, ab edendo & bibendo abstineas. Si verò petas cur Iſocrates dicat, non viribus parandis? Dico, eum non ad athletam, sed Philologum, & litterarum amatorem verba facere & commonere. Deinde, etiam ex huius oratoris opinione robur dum cum prudentia coniunctum est, prodesse, sine hac verò, ipsum habentibus officere, denique illum ipsa exercitantium corpora quidē efformare videri, præcipuè tamen de anima curâda sollicitum fuisse.

Si verò oratorem hunc medicæ artis peritum fuisse, nec quid in hac re dicendum esset, accuratè nouisse, ac proinde aliena in arte non se legitimè conuenienterque iactare, dixeris; noris, & Hippocratem Cum cui nemo non libenter assentitur, docere, valetudinē per hoc, quòd corpus numquam cibo satietur, conseruari. Atque hac de causa, inedia & ieiunium non immeritò, mater dicitur sanitatis. Duo quoque viri sapientes dixere, hic quidem. Ne quid nimis; ille verò, modus omnibus in rebus optimus est. Vnde si & in cibis, & exercitationibus, quod modicum est modicum non

*Epid.
lib. 6.
4.*

est (nam ad sanitatem tuendam spectat.) ca-
ueamus, ne satietate & nimietate valetudi-
nem destruamus.

Hypatio.

529

Virtus in vtraque vtilis fortuna.

Etiam hoc in seculo, vir optime (cum in
futuris spem & fiduciam non habeas)
virtus, sui ipsius cultores & sectatores, siue pro-
speritate, siue aduersitate stipata incedat, illu-
striores reddit. Nam in prosperitate agentes,
clariiores & difficultate aliqua ingruente, in-
ignobilem aliquam animi tristitiam incidere
non patitur; facta illis in ornamentum, his ve-
ro in portum & securitatem.

Atbanasio Presbytero.

530

Ex te quisque de alijs iudicat, vt Zosi-
mus solet.

OMnes, vt ita dicam, ex ijs quæ in ipsis
sunt, de alijs quoque iudicium & censu-
ram ferunt. Etenim iustus plurimos credit esse
iustos, temperans temperantes, latro latrones,
& homicida homicidas. Noli igitur mirari, si
Zosimus, qui ceteros omnes iniquitatibus no-
biles & insignes superauit, ex ijs quæ in ipsa
sunt, omnes improbos & malos esse opinetur.

Zosimo.

Zosimo.

531

E Sto tibi incurabili insania laboranti, tem-
perantes ac modesti insanire, & bene con-
sulentes, desipere videantur, si tamen nonnihil
ad te redeas, palinodiam certe canes, & longè
aliter iudicabis.

Eidem.

532

De Eusebio Pelusij Episcopo qui Zosimum
ordinavit.

T Ametsi tam tu, quàm qui te sacerdotio
initiauit; tu quidem ex impetrandi stu-
dio, hic verò argenti cupiditate ebrius; tu qui-
dem nomen hoc (neque enim rem ipsam dicere
volo) mercatus sis, hic autem id vendiderit;
tu tamen interea sacrarum te scripturarum
lectioni applica, quæ verum sacerdotem te fa-
cient. Si enim illarum mandatis & decretis
parueris, hoc ipsum quod nō prout oportet acce-
pisti, debito modo tractabis, & administrabis.

Ammonio Lectori.

533

Præstat hic laborare, ut isthic coroneris, quā
deliciari nunc, & æternū perire.

N Escis, dolere & stomachari te ob illa ob-
quæ gaudere potius par esset. Quod enim

ignauia redolet & spirat, labores detestatur, & non solum coronas non adfert, sed castigationem insuper parit; at continuis in laboribus & sudoribus viuere, praconia & coronas conciliat. Inter quos ergo numerari et censerī malle, an inter illos qui hic deliciantur, postea verò pœnas pendent, an verò inter certantes quidem in hac vita, sed in futura coronandos? Inter hos, credo equidem. Vnde si & tu hos consecrēris & emulcris, laborem ne fugias, sed decus & gloriam specta.

Didymo Presbytero.

534

Conf.
ep. 513

De Zosimi opinor, desperata malitia.

NE carpas eos, qui implacabilem illam feram, quæ in misericordia præstanda sauiissima, in rebus turpissimis verò impudentissima est; hostium porro in numero habet eos qui nec ex professo & propria voluntate; nec ad imperium ipsius, in proximos iniuriæ sunt, quantocyus fugiunt.

Valenti.

535

De sacerdotio indignis.

Conf.
epist.
356.
357.

ILlos, qui præter dignitatē, & nullo suo merito sacerdotalem dignitatem adepti sunt, subesse

*subesse et obedire necessario oportet ijs, qui hanc
 ipsis indebitè contulerunt, tametsi ipsum mini-
 sterium & ordinatio in se ad Deum referatur.
 Vnde fit, ut dum inuicem iniusta hac ratione
 compensant, nō mediocrem ipsi, ad contra rectè
 viuentes insurgendum, & se armandos poten-
 tiam sibi comparent. Porro si quis aut illos, aut
 hos criminetur, sacros ordines etiam impuden-
 ter exponunt ludibrio et rident (quod longè est
 quàm sic ordinari, acerbius & dolentius) men-
 tiendo hac Deum ita fieri velle, eò quòd ea fie-
 ri permittat.*

Athanasio Presbytero.

536

De Zosimi amicitia.

Omnium certè odium, ob impietatem illā
 quam Zosimus amicus tuus patrare
 ausus est, incurristi. Qui enim iniquiores, te
 operis huius minimè expertem & participem
 esse dicunt, qui verò benigniores, expertem qui-
 dem esse, sed cū impedire potueris, noluisse:
 proinde, non immeritò omnium calumnijs te et
 maledictis proscindi, alij denique voluisse qui-
 dem impedire, at non potuisse. Verum ne hi qui-
 dem criminis te absoluunt, & inculpabilē pro-
 nuntiant; sed dicunt, esto hic fortè in facto
 non communicauerit, quia tamen viri talis
 amicus

*amicus extitit, haud dubiè se contaminauit.
Quare necessariò suggerendus tibi modus est,
quo hanc infamiam à te propellas & deleas.*

Eudamoni Philippi F.

537

*Conf.
epist.
108.*

*Rerum cœlestium cura potior, quam
terrestrium.*

C*um non aequaliter docentium omnium
vocem & doctrinam audiamus, sed ijs
qui ad carnalia & secularia nos cohortantur,
animum & mentem penitus applicemus, eorū
verò qui ad cœlestem nos Philosophiam vocāt,
ne vocem quidem audire sustineamus; hac de
causa, illa quidem ut parerga, hac verò ut
operi necessaria & intima ducamus.*

Heroni Presbytero.

538

Laconismus laudatur.

*Conf.
epist.
121.*

T*am in dicēdo, quàm scribendo modus est
adhibendus, nec mediocritatis termini
transiliendi; nisi fortè audientium ingenij tar-
ditas dicentem esto inuitum pluribus uti ver-
bis cogat.*

Zosimo, Maroni, & Chæremoni.

539

Peccatoribus verè pœnitētibus parcit Deus.

E*sto & grauior, et maiora quàm ut veniā
mereamini, commiseritis; ipse tamen lu-
dex*

*dex in gratiam vos admittet, & commissorum
veniam concedet, si sincerè illorum vos pœ-
niteat.*

Hieraci Presbytero.

540

De meticulosis, & infidis commilitonibus.

Q*ui ante pericula metu corripuntur, &
malum instans exspectare nequeunt, an-
te rem ipsam temporis vicissitudini se
accommodantes; quomodo non ubi iam in ma-
la ipsi inciderint, effeminatos se & meticulosos
ostendent? Quamobrem si hi presentes cum
essent, socijs suis nihil profuere, absentes certè
plurimum ijs boni attulerunt, & quem hi è
proditione illorum conceperant dolorem, absen-
tia sua dissiparunt.*

Atbanasio Presbytero.

541

Philosophari quid.

S*i philosophari non videri, uti ais, optimū
philosophiæ genus esse arbitratus es, bene
sentis: at, si te ignantiæ applicare & institutæ
vitæ genus mutare cogitans, hoc solū vanè
iactasti pessimè certè sensisti. Oportet namque
rectè sincerè, & non ad pompam & ostentatio-
nem, viuere. At si quis cum reuera in se negli-
gēs sit, hoc ipsum præ pudore apertè dicere ve-
ritus,*

ritus, primùm quidem philosophari minimè videatur, postea verò omnino non philosophetur; is ad oculum ostendit, hunc meliorem esse qui de foris & exterius ostendere conatus est, quòd philosophari elegerit.

Danieli Presbytero.

543

Gratia non corrumpenda alieno tempore referendo.

Non oportet, in rebus iniquis par pari alteri referēdo, Gratias violare: qui enim iustè ab aliquo adiutus est, at ipse eum vicissim in rebus iniustis iuuat, iustam gratiam iniustè corrūpit: mihi proinde videtur tali modo gratiam non rependens beneuolus potius, gratus et amicus esse. Qui enim iustam opem & auxilium ab alio quopiam accepit, parem quoque ex aequo ei talionem referre debet, ut sua gratia constet & seruetur appellatio. Quinimò, ne quidem, qui in rebus iustis benefecere, in iniustis & illicitis benefacti sui remunerationem & compensationem exigant, neque item eos ingratitudinis arguant, qui in rebus illicitis remunerari nolent.

Petro

Petro Rempub. gerenti.

543

Legationis falsò obitæ abstinere iubet.

Missus es, ut negotia conficias, nō ut mit-
tentibus te ea venum proponas; ut le-
gationem obeas, non ut legatione sinistrè fun-
garis; ut corrigas, non ut euertas & destruas:
ne ergo falsò obitæ legationis nomine accuseris,
veni quàm primùm, ut & obiecta refutes, &
infamiam à te amoliaris.

Opbelio Grammatico.

544

Quæ virtus Historiæ.

Maxima historiæ et speculationis, ò ami-
ce, virtus, & perfectio est causæ reddi-
tio, & nescientibus ipsa argumenta nudè pro-
ponere & declarare. Si enim isthac virtute
careat, etiam demonstratione carebit.

Maroni.

545

Diuitiæ non satiant.

Discito, non à me, sed ab ipsa rerum na-
tura, te esto sexcentos pecuniarū colligē-
darum modos excogites, nequaquam tamen sa-
tiandū. Nam satietas cū diuitijs ac pecunijs si-
mul nō stabulat; at cū ipsa sufficiētia rerumq;
modi-

Conf.
epist.
188.

modicarum indigentia societate quadam iungitur, simul incedit, & cohabitatur. Desine igitur illa cōsuetari, quæ omnino haberi nequeunt: nam satietas dum quaritur, nō inuenitur; non quæ sita verò, sponte & non vocata aduenit, ac non quietem solū, sed & gaudium & exultationem adfert.

Asclepio Sophista.

546

Conf.
epist.
533.

Labore honos, & vitæ paratur æterna.

Miror, quomodò & Homerus & Pindarus fortes esse censeant eos qui operibus & laborando ostendent se aliquādo in vita existisse. Thucydides verò aperte homines roget, ut labores omnino non fugiant, aut alioquin honores nō quærant. Sophocles denique asserat, Sine labore nihil rectè fieri; docentes auditores quique suos, ut sempiternam vitæ gloriam solis laboribus comparent: qui autem immarcescibilem consequi gloriam satagunt, et regnum cælorum ambiunt, nescio sanè quomodò ignauè & desidiosè agendo hominibus bona & utilia accidere solere existiment.

Eidem.

547

Conf.
epist.
442.
521.
568.

Orator non semper persuadet.

Cum ipse dicens, et si omnem aliquin eloquentiam et artem oratoriam adhibeat,

non

non tantum in persuadendo possit, quātum audiens, nefas profectò est, optima dicentem, non persuadentem tamen reprehendere; sed illum qui optimis persuaderi non voluerit.

Eidem.

548

Anima virtute prædita Deique auxilio freta arcis instar est inexpugnabilis.

S*icuti arx inexpugnabilibus muris cincta, obseßores suos explodit, sic & anima, si omnigenis se virtutibus circumcinxerit, & diuino adiutorio munita fuerit, facit ut omnes illam obsidentium machinæ tandem in infamiam & risum desinant.*

Esaie.

549

Dei longanimitas ad poenitentiam inuitat. *Conf. epist.*

C*Aue ne diuina te longanimitas ad malefaciendum prouocet, sed illa te ad virtutem potius excitet. Absurdissimū quippe est, bonum in malum conuertere: bonū porro est longanimitas, vtpote quæ misericordiam poenitentibus, iudiciū verò impoenitentibus parit.*

Palladio Diacono.

550

Summus morborū animi medicus Deus est.

A*vdio animæ tuæ morbum, à paruis vili-
libusque rebus enatum, temporis duellu
ita*

ita longè processisse; ut nulla medica arte curari posset. Quamobrem si hæc ita se habeant, committe te peritæ, scienti & diuinæ manui, cui nec morbi vis, nec tempus, nec natura ipsa repugnare possit: itaque quàm facillimo negotio sanitati restitueris.

Theofanio.

551

Animus à præsentium malorum sensu spe futuri boni abducendus.

P*ræsents & temporanei huius mali cogitationem quàm citissimè deponens, amice, spe futurorum totus nitere: cùm & ipsi nos, fama calamitatis huius allata, non parum deiecti & consternati, ad eam æquanimiter ferendam excitauerimus.*

Helix Diacono.

552

Ignoscendum vel non petenti.

E*tsi tuam ipse culpam non confitearis nec veniam postules meum tamen est veniã dare ei, qui per ea, per quæ se defendere & excusare erubescit, se deliquisse fatetur. Itaque ne animum tuum conturbet, & afficiat, quòd defensionem & refutationem tuam exspectare noluerim, sed hoc ipsum ad me amandum, te potius*

potiùs prouocet. Etenim vsque adeò in pacem & concordiam propendo, ut & defendere & excusare se erubescantibus libenter ignoscam.

Alypio.

553

Mens quàm lingua potius excolenda.

E Quidem amicos & familiares meos mentem priùs edoceri & ediscere malo, quàm linguam si verò utramque eos habere contingat (licet fortassis id nonnullos offendat, liberè tamen quod verum est dicam) eos velut statuas quasdam suspicio, atque apud omnes iactabundè me beatum prædico & glorior, quod huiusmodi amicos nactus sum.

Petro Scholastico.

554

Quis verè statuerit trophæa.

Q Vi rectè de rebus iudicant earumq; naturam perspectam optimè habent, ab ignauia semel subacti & superati, rursus forsan bellum redintegrabunt, & de ipsa trophæa quedam erigent. Qui verò ne hoc quidem norunt, quòd victi sint, et quando victoriam aliquam referent?

Conf.
epist.
167.

Petro Lectori .

555

Virtutis pulchritudo , peccati foeditas .

Cum anima pulchritudo potens et inuicta sit , tum cum virtutum propositio in ea enitescit; contrà verò eiusdem forma fœda sit & ferina, quando improbitatis turpitudine in ea visitur, demus operam ut illam quidem possideamus, hanc verò amoliamur .

Apollonio .

556

Citiùs alij , lentius alij curantur .

Scio, nōnullos quidem citiùs, alios verò tardius post acceptas iniurias cum iniuriantibus in gratiam redire , itaque præferre nihil se amplius eorum quæ dicta sunt recordari. Ut enim quique affecti, & intus dispositi sunt, ita fieri oportere existimant . Nam qui quidem generosi & fortes sunt , citò ignoscere & cedere virtutis quoddam signum & notam esse censent, non tam ad res ipsas attendentes, quàm id quod priùs intra se sensere & erga quod affectu propenderunt confirmantes . Si verò petieris, quid igitur factò opus est? Dico, cum omnimodo reconciliari oporteat, melius esse quàm citissimè;

*citissimè ; sin minus , saltem seriùs ac tardiùs
in gratiam redeundum . Neque enim homi-
nem spirat , perpetuam & immortalem ra-
biem ac furorem seruare .*

Isidoro Episcopo .

557

*Hortatur ad constantiam in bono, ne famam
bonam perdat .*

F *Ama egregia tua facinora diuulgās, quo-
cumque diffunditur & spargitur; quam
quotidianis benefactis et operibus bonis etiam
adaugeri par est; primum namque et postea ne-
gligenter agentium , decus & gloria disfluere
& deperire solet .*

Ophelio Grammatico .

558

Philosophia, vt definienda .

A *Lij quidem philosophi philosophiam artē
artium, & scientiam scientiarum, esse
dixerunt: Pythagoras verò sapientiæ amorem,
Plato omnium possessionem scientiarum: Chry-
sippus denique studium esse censuit rectæ ratio-
nis. Cùm igitur hi qui primarij esse videntur,
non eodem omnes modo eam definierint, nos
veram philosophiam esse dicimus eam, quæ
nihil eorum quæ ad pietatem & virtutem vl-
latenus conducunt, negligat & omittat .*

Inuidiæ cedendum . Inuidus bonis alienis
macrescit .

TAmetsi inuidia, quæ omnes propè bonos et
illustres perstrinxit, te quoque attige-
rit, inuidentibus tibi illis, qui aliorum virtutes
ceu propria damna reputant, aut potius bonis
alienis plus quàm suis ipsorum malis dolent,
noli propterea turbari: sed hoc ipsum prima-
rium quoddam virtutis signum & argumen-
tum ratus, eo ampliùs bonis operibus insta. Ita
namque fiet, ut ipse celebris euadas, illi verò
pœnas tales sibi arcessant, ut maiores ijs dare
non possint .

Petro .

560

Quæ certa amicitiae regula .

Illa meo iudicio, rectissima amicitiae regula
& norma est, omnibus sine ulla exceptione
fratribus consentire, ex adulatione amicitias
non contrahere, nec clam ulla odia aut inimi-
citas fouere: sed in omnibus animum aper-
tum, candidam mentem simplicem quoque lin-
guam, potius verò simpliciorem vitam mo-
resque præferre .

Nilam-

Meticulosi sibi que malè conscij.

Quemadmodum meticulosi vel ad solum malorum auditum percelluntur, & ne solij quidem motum perferunt, metu ipso in rerum euentibus magnas causante suspiciones: pari modo peccatores assidue & undique reprobantur ac corripuntur, conscientia tam propter laudantes, quàm propter vituperantes, tam ex conscijs, quàm non conscijs, ipsos lancinante & impetente.

Zosimo Presbytero. 562

Ad frugem bonam inuitat.

Cuius mente prudentiaque prædito liquet, nihil lasciuum nobis aut iuuenile, committendum esse, sed temperatâ & castigatam quamdam in omni vita moderationē & temperamentum adhibendam. Cur igitur probrosam hanc famam, de te sparsam undique & decantatam minimè curas, sapientibus viris dicentibus te, nec cùm iuuenis esses, in cupiditatibus moderatum fuisse, idque ob paupertatem qua tunc premebaris; ac ne nunc quidem cùm factus es senior, ob ætatem esse? Quid igitur

vsque adeò insanis? Quorsum concupiscentiarum fines excedis? Ergo, aut ab his abstine, aut ab altari & templo.

Sereno Tribuno.

563

Gloria mūdana fugax, & fluxa est, virtus autem æterna, quare huic potius, quam illi studendum.

Mundi huius gloriolam hemerocallim, id est florē qui uno serē dumtaxat die floret, esse, at virtutis decus, immarcescibile & sine fine, nemo nō qui mente & prudentia præditus erit, affirmarit. Multos autem illam expetere, hanc verò negligere, minimè mirum est; cū & agroti salubres cibos reijciant, insalubres verò & noxios sectentur; ac libidinosi & adulteri meretriculā modestæ præponant uxari. Oportet autē cordatos homines, non ab ægrotis, sed rectē valentibus exemplum sumere.

Eidem.

564

Conf.
epist.
470.

Episcopis alijsque in dignitate constitutis, vbi male agunt blandiri atque assentari impium.

Et impium & parum virile esse existimari, male vitæ homines, at potentes & ad im-

ad imperium euectos, coli & obseruari, virtutibus verò præditos, si priuatam vitam agant, nec in dignitate sint constituti, nullo in pretio haberi: illos laudibus ornari, hos probris, & conuitijs onerari. Noli ergo mirari, si iustum utili, decorum lucro, virtutem potentie præferam. Nisi id enim facerē, viderer profecto ideo Eutonium aspernari, quòd aliorum maleuolorum insidijs impetatur. Eusebium verò vice versa idcirco colere & obseruare quòd tyrannicè agat: Eutonio namque vniuersus Clerus aduersatur, illi quidem sponte & volenter, alij verò potentioris & præualentis cuiusdam iussu. Huius verò dissensionis & auersionis quæ causa & culpa sit, non satis scio. Dicunt verò, audisse se è quibusdam egregium illum virtutis cultorem esse. Hunc verò, qui belli & dissensionis huius tesseram ac signum dedit, Eusebiū, tametsi multi eum odientes & insimulantes, ei adulentur, ego ceu iuratum virtutis aduersarium, & diaboli aduersus hominum animas zizania serentis, cooperatorem ne videre quidem possum, tametsi sexcentas mihi mortes interminetur.

Ioanni Scholastico.

565

Virtutis ac vitij παραλλήλως elegans
comparatio.

Cum improbitas per ea, quæ in præsens
delectabilia esse videntur, incedat, adhuc
voluptatem sibi sociam & comitem habeat, cō-
trā virtus varios labores & certamina inclu-
dat; hinc illa quidem plurimos, hæc paucissimos
in sui amorem pertraxit. Porro oportet eos, qui
considerant, improbitatis voluptatem celerri-
mè pertransire, virtutis verò gaudium perpe-
tuum & immortale esse; adhuc, illam dedecus,
ignominiam, infamiam, hanc verò laudes &
gloriam parcre; illam quoque in supplicium,
hanc autem in honorem desinere; illam item,
diabolum, hanc verò Deum rerum optimarum
constitutorem, & auctorem, in patronum ha-
bere; illam item, vitam nostram subvertere,
hanc verò contrā componere; præterea illam, à
præsentibus sæpenuerò reprehendi, at hanc
etiam non colentibus ipsam, admirationi esse;
illi denique ignem, huic autem regnum cælo-
rum præparatum esse: oportet, inquam hæc cō-
siderantes, illam quidem; ut ferinam & ser-
pentinam, repudiare, hanc verò, ut diuinam
& su-

*& supercœlestem amplecti. Qui secūs faciunt,
meretricem modesta coniuge potio-
rem ducunt,
& illam præ hac eligunt.*

Petro.

566

Hortatur ut constanti animo ferat amissionem bonorum temporalium.

Veritas res est cum primis potens, & sæpè occultari potest, quamquam arcana sua abscondere volentes ipsa contracti vultus tristitia, & suspiria etiam præter voluntatem & inuitis prorumpentia produnt, sed non latent interim viros sapientes, qui me cum æquum arbitrarer te confirmare & consolari ad scribendum impulerunt. Quamobrem, amice, rerū temporalium quanta sit imbecillitas tecum perpendendo, noli si eas amittas contristari, aut cum ijs qui in illis inuoluti & prorsus immer- si sunt, & semper passionum & affectionum suarum aliquid in colloquijs & conuersationibus intermiscant, sed cum illis qui virtute nulli suorum cedunt, familiaritatem contrahere, & assidue versari!

Maroni.

Conf.
ep. 24.

Qui bis in eadem re peccat veniam non
meretur .

Primam tuam prauaricationem & peccatum speciosus aliquis prætexus excusabilem ac venia dignam facere videbatur, quòd patrum tuum iniuria affectum & malè habitum putares: huius verò ac præsentis delicti committendi, nullā talem causam & prætextū habuisti . Etenim ex auaritia & cupiditate, quadam ad hoc admittendum impulsus fuisse visus es; & prioris illius immanitatis culpam aperuisti, dum prauam intentionem tuam nudè iam ostendisti .

Dorotheo viro clarissimo .

568

Conf.
ep. 20.

Optima suadens non semper persuadet, quod
similitudine ab Oratore, & iudicibus sumpta declarat .

219.

250.

442.

521.

547.

SI qui consulit, in manu sua habeat, ipsum exhortari; cui verò consulitur, ipsum persuaderi; & ille quidem, quod in se fuit, præstiterit; hic autem sententiā illius opere illam exequendo, non comprobarit; quid hæc ad adhortationem & consulentem spectant? Perinde enim fit, ac si quis in tribunali iudices perorare, ora-

torem

torem verò iudicare & sententiam ferre cogeret, quod autem hic dicere volo, hoc est. Tribunal & iudices admittit, & simul oratorem; illos, ut sententiam ferant; hunc ut causam agat. Hic itaque dicendi magister & dominus est; illi iudicij. Iudices porro sententiam pro opinione sua & iuxta id quod sibi videtur ferunt; nullus verò orator aut patronus causarum, pro se umquam iudicauit. Si ergo orator tribunal ingressus nihil dicat, sed taceat, peccat; at si, & iuste, & per omnia consentaneè dicendo, minimè persuadeat penes iudices peccatum est. Quamobrem sicuti absurdum est, à iudicibus orationem exigere, sic & à patrono sententiam, at si iudices, oratore eloquenter & iuste dicente malè sententiam tulerint, suam oratorem quidè victoria, an non virtute priuauerint. Tale quid & de commonente ac suadente, non persuadente tamen, intelligatur.

Zosimo Presbytero.

569

Detestandi Zosimi carpit diserte vitia, ut
hactenus semper; & sacerdotio indignum à sacris arcendum censet.

Multi magnæ auctoritatis et in dignitate constituti viri, egregiè erga diuinissimam religionem affecti, identidem nos compellant

pellant vitæ tuæ rationem nobis commemorando, et aduersus eum, qui te sacris ordinibus initiavit debacchante impollutaque altaria per te pollui & coinquinari, sacerdotium vilipendi, illos denique qui pollutis manibus tuis baptizati sunt, in salutaria mysteria iniurios esse, asserendo. Hos autem, ego non nudè ac simpliciter, sed & sufficientissima ac debita quadam præparatione (uti quidem ipse existimo) instructus respondendo refutaui, non quòd vitam tuam (nam verè quod res est dicere oportet) propugnare vellem & tueri (sic enim ipse sugillarer & reprehenderer) sed tantum ostendere, laicos nihil à sacerdote, aut præsule, non rectè viuente damni accipere. Sed cum ne sic quidem ijs os obturare, aperte dixerunt. Nobis quidem satis sufficienterque persuasisti, sed alijs omnibus, cum doctis, tum indoctis & popularibus, quotidie & identidem hæc sugillantibus, & usque adeò ea quæ silenda potius essent, euomentibus, ut quæ is fecit, iam tandem & scenæ fiant fabula, quis persuaserit? Vt verò, his omissis, inquiunt ad ipsam malorum radicem perueniamus; cur ipsum malorum architectum non inducis, ut ex huiusmodi ebrietate tandem emergat? Nam cogitare debemus, & cogimur, vel nolle te hunc inducere & com-

monere.

monere cū optimè possis; vel minimè posse,
cū maximè velis. Verum enim verò, cū
primum de te credere nefas sit, nimirum, quòd,
cū in manu tua sit improbitatem impedire
& auertere, id nolis; reliquum ergo est, ut te,
cū insufficientem & imparem ad hoc te ar-
bitreris, quietem sectari velle cogitemus. Ego
verò, esto hac ita se habeant, hoc tamen præ ru-
bore quodam fateri nolui. Sed respondi vos
quidem hac splendide dicitis, at nescitis for-
tassis, nefas esse quempiā cogere ut bonus fiat:
ego verò rursus faciam id quod potero & in-
me est. His dictis, illos dimisi; & atramento
lachrymis propemodum diluto hanc tibi episto-
lam exarare visum fuit. Quòd enim sæpius ti-
bi scripserim ea, quæ & inanimam inflectere
naturam potuissent, temetipsum testem appello,
utpote qui à libidine tua detrectas abstinere,
quò & teipsum & nos à crimine ac culpa libe-
res, & te calumniantibus os obstruas. Quòd
verò ne modò quidem tibi parcam, sed & pro-
stratum te denuo aggrediar, ac passionem tuā,
quæ incurabilis prorsus videtur curare & me-
deri cupiam, hæ litteræ amarulentiore, & acer-
biores ijs quas antehac tibi scripsi testes erunt
Quòd enim benigniorem dulciorēque agendi
modū parui penderis, hinc iam valentiorē acer-
bioremq;

bioremq; necesse est adhibere. Quid igitur vsq;
adeo in teipsum (cogor enim quæ nollē, dicere)
seuiendo insanis? Quid ita pertinaciter vitiū
sectaris? Quorsum virtutem quantū in te est.
violas & iniuria afficis? Cur sacrū altare pol-
luis? Cur sacra mysteria & ritus profanādo, nō
metuis aut exhorrescis? Cur ita tegeris, vt dū
homines tuam vitam intuentur sacris myste-
rijs iniuriam putent per illam fieri? Cur item
in Gentiles illos, qui ad Christi Ecclesiam libē-
ter accederent, iniurius es, ostium illis occludē-
do? Cur scenæ & theatris noua tragediarum
argumenta suppeditasti? Cur nouas in vitam
hominum actiones infers? Cur veteres tragæ-
dias nouis inobscurasti? Si fortasse Deum, quod
hactenus longanimis erga te fuit, non formi-
das, saltem homines reuerere: si iudicium il-
lius non timuisti, bonæ saltem reputationis &
nominis rationem habe: si nihil post hac è vi-
ta excessum superesse vltcrius putes (hoc nam-
que enormia scelera tua aperte clamant) ho-
minum saltem ludibria & sugillationem reue-
retor: si neque hæc moreris, saltem time ne ex
Ecclesia eijciare. Aequum quippe est, ex ea te
eijci. Esto enim cū huiusmodi res facias in-
presens minimè eijciaris (videtur enim qui te
ordinauit, improbitate & vitio delectari) qui
tamen

tamen post illum sequetur forsitan id faciet, ac Deum, altare sacrum, incontaminata mysteria & homines hac ratione defendet ac vindicabit. Multi quidem (ab! miser Zosime: cogor enim & in planctus & lamenta prorumpere) ante te impij & peccatores fuere, qui nec Deum timuerunt, nec de honesta vita agenda solliciti ullatenus fuerunt: tu verò hos omnes superasti, omnium illorum factus es coryphaeus; & tale peccantibus factus es exemplum, ut aut nemo credat tale dari posse, assequi imitando valeat. Illi namque aliquas saltem habuere virtutes, tu verò quadam cum vitio & voluptatibus velut societate inita ipsa cum virtute bellum non præsignificatum nec prius indictum suscepisti: itaque omnium factus es fabula, ludibrium & scandalum. Viso namque te impuris & pollutis manibus tuis sacra mysteria tractare, abscedunt, & malunt sine communione, sacra percepta abire, quàm ex impuris sacrilegisque manibus impolluta & pura illa munera suscipere. Et licet multi sæpè ex me audiant, nihil obesse; horum tamen nonnulli id minimè credunt, alij verò ne auscultare quidem dicenti volunt, rati me hic nugari. Et cum illis Balaam, & Caipham, in exemplum adduxissem, qui esto homines & impijssimi &

Num.
23.
Ioan.
11. 50.

iniquis-

3. Reg.
17. 4.

iniquissimi fuerint, ille tamen benedictiones prolocutus est, hic verò prophetauit: adhuc exemplum corui, quæ cum auis impura sit & pullos oderit, ab eo tamē Elias alitus est, protulisset; ipsi licet alia omnia admitterent, assentirentur, & religiosè venerarentur, cum tamen ad te descenderem, nolebant credere. Nam ob multitudinem scelerum, tam quæ prius commisisti, quàm adhuc quotidie committis, in cōtrarium de te iudicium & sententiam ferunt, non tam ad ea quæ ipse dico; quàm quæ tu facis, attendentes, & à me, ut aliter sentiant admoneri nolentes. Sed heus; quo te compellans nomine, à veritate non defleam? Quod verò dicendo, faciam ut ab amentia tua recedas? Quid scribendo, efficiam ut à libidine & lasciuiā abstineas? Itaque vel hac facere desine, vel à sacra te mensa sequestra: ut deinceps Ecclesiæ alumni tutò, & sine ullo metu ad diuina mysteria, sine quibus saluari non possumus, accedant.

FINIS EPISTOLARVM.

1.
 2.
 3.
 4.
 5.
 6.
 7.
 8.
 9.
 10.
 11.
 12.
 13.
 14.
 15.
 16.
 17.
 18.
 19.
 20.
 21.
 22.
 23.
 24.
 25.
 26.
 27.
 28.
 29.
 30.
 31.
 32.
 33.
 34.
 35.
 36.
 37.
 38.
 39.
 40.
 41.
 42.
 43.
 44.
 45.
 46.
 47.
 48.
 49.
 50.
 51.
 52.
 53.
 54.
 55.
 56.
 57.
 58.
 59.
 60.
 61.
 62.
 63.
 64.
 65.
 66.
 67.
 68.
 69.
 70.
 71.
 72.
 73.
 74.
 75.
 76.
 77.
 78.
 79.
 80.
 81.
 82.
 83.
 84.
 85.
 86.
 87.
 88.
 89.
 90.
 91.
 92.
 93.
 94.
 95.
 96.
 97.
 98.
 99.
 100.





